

## مقدمه

حمد و سپاس و شکر بقیاس اولسون هامی دنیالری و آدملری یرادن الله که انسان جنسنی اوز ابدی کلامی وساطتی اینن بادیه ضالالتدن و گناهن قرانلقندن حقیقت یولنه دلالت ایلیوب اوزی نن مرحمتنی و جلالنی آشکار بیوردی و انسانلری اوز یگانه محبوبی نن یعنی خلاصکارمز عیسی مسیحن وساطتیه بحر بی پایان گناه و عصیانندن خلاص ایلیوب سلامتہ یتوردی. اما معلوم اولسونکه بو کتاب مستطابی جمع ایلین یوحنا بنیان آدلو بر انگلیزدر که میلاد عیسی نن مین آلتیوز ایکر می ایلنده دارالسلطنه لندنن اون آلتی میل مسافه اوزاق بر کندده دوغولوب ایدی باوجود اینکه اونون آتاسی فقیر ایدی گنه اوز اوغلنی مکتبه گوندروب سعی و غیرت ایلردی تا اینکه اوغلی علم و کتابت تحصیل ایلیه.

لیکن یوحنا بنیان اوز جوانلقنده بدمسلک جوانلره رفاقت ایلیوب هرزه کولقه دوچار اولمشدی و بیله واقع اولدیکه بر گون چونکه بر حیاسیز آروات یوحنا بنیانن آغزندن چیقان فحش سوزلرینی اشتدی او نه دیدی سن مندن چوخ آرتق یمان اولوبسن سنن سوزلرن منم اوستمه وحشت گتیرر سنه رفاقت ایلین جوانلری خراب ایلیه بیلرسن. وقتیکه یوحنا بنیان بو ملامت سوزلری اشتدی

اللہن عنایتی همان بو واسطه ایله اونه یتشوب اونی خواب غفلتدن اویاندردی  
و او مقدس کتابی اوخوماقه شروع ایلیوب اللہن کلامی وساطتیله اونن جان  
گوزی آچیلدی و گوردی که اوزی نه طور ورطه هلاک و تهلهکه خطرناکه  
وارد. و ایگرمی بش یاشنده اوزینی خلاصکار عیسی مسیحه تاپشوروب  
حقیقت یولنده سالک اولماقه قدم قویدی اما اوز همجنسی انسانلر که اوزی  
کمین خطرلی یولده ایدیلر اولره مرحمت ایلیوب حقیقی توبه یه دعوت و  
دوغری یولا دلالت ایلماقی ایندی اوزینه واجب بیلدی پس اولره چوخ غیرت  
و محبت اینن موعظه و نصیحت ویرمکه مشغول اولدی ولی نیجه که حقیقت  
اهلی دنیا آدملری طرفندن هر زمانده و مسکانده قولایش گوررلر هابیله یوحنا  
بنیان اوز عصرنده کی آدملری حقارتنه و ستمنه هدف اولدی. اونه دیدیلر اگر  
او اوزگه آدملری اوزینن طریقنه راغب ایلماقی ترک ایلمیه فی الفور اونی  
دوتوب دوستاخانه یه سالاجاقلردر اما او چونکه اوز خداوندی نن بو سوزینه کی  
«اولردن قورخمایون که جسدی اولدوررلر و لیکن جانی اولدورماقه قدرتلری  
یوخدر فقط اوندن قورخون که هم جانی و هم جسدی جهنمده هلاک ایلماقه  
قادردر» قلمندن اینانیردی هیچ کسدن قورخمایوب نجاتن یولنی گناهکارلره  
تبلیغ و تبشیر ایلرایدی آخری اونی دوتوب بطفورددلو شهرده زندانه سالدیلر  
و تمام اون ایکی ایل زندانده یاتدی تا او وقته کمین که هامی انگلیز ممالکنده  
حریت دین اعلان اولوب یوحنا بنیان و اوزکه دوستاخلرکنه زنداندن  
قورتیلدیلر بوندن صوره یوحنا بنیان اون آلتی ایل کنه عمر سوروب انجیلن

حقیقتنه شهادت و نجاتن مژده سنی تبشیر ایلماقده دوام ایلیوب قافلۀ عمرینی  
بو بیابان فانیدن گیچیروب دارالبقای سعادت سماویه یه انتقال ایلدی.

نیجه که بو کتابن باشنده «وقتیکه بو دنیانن بیابانندن گیچیر ایدم بر مغاره یه  
یتشدم» عباره سی اینن او زندانی که اونده اون یکی ایل یاتوب ایدی اشاره  
ایلیر، زندانده کی وقتنی گنه تصنیفات شافیه و تألیفات روحانیه اینن گیچیروب  
نچه فائده لی کتابلر اوزندن یادگار قویوبدر که اولردن بری بو «سیاحتنامه  
مسیحی بو دنیادن گلن دنیایه» کتابدر که ایندی آذربایجان ترکی دیلنه ترجمه  
اولدی.

کتاب مقدسدن سوای هیچ بر کتاب بو کتاب کمین چوخ لسانلره ترجمه  
اولمایوبدر و امیدوارز که حقیقتی آختارانلر بو کتابدن خیلی فائده مند  
اولا جاقلردر.

## هلكت شهري

او وقت که من بو دنيانن چولنده دولانوردم اتفاقاً بر يره کی اونده بر مغاره وار ایدی يتشدم و او يرده يوخودن اوتری اوزانوب ياتدم و يوخوده بر کهنه لباس گيمش آدم گوردم بر يرده که اونن يوزی اوز ايوندن اکری ایدی دورويدر و بر کتاب النده و بر آغر يوک چيکننده وار ایدی. باخوب گوردم کتابی آچوب اوخور آغلار و تتر ایدی و چونکه اوزنی آرتق ساخليايلمز ایدی اوجا سس اينن چغروب دیدی من نه ايليم؟ (رسوللرن عمللری باب ۲ آیه ۳۷ گنه باب ۱۶ آیه ۳۰ و ۳۱)

پس بو حالت اينن ايونه گدوب نه قدر که ممکن ایدی اوزنی ساخلا دی تا او که اونن عورت و اوشاقلری اونن غصه سنی آنناماسونلر. اما آرتق ساکت قالاييلمدی اوندن اوتری که اونن غصه سی آرتق اولور ایدی آخر اوز باطنی اوز عورت و اوشاقلرينه آشکار ایلدی و اولر اينن بو طور اينن صحبت ایلدی ای منم عزيز عورتم و ای جگرمن گوشه سی اولادلرم من که سزین عزيز دوستوزام بويوکون سببه که اونن گوتورماقی منه چوخ چتین در حالدن دوشدم و بوندن آرتق بر صحيح خبره گوره يقينم وار که بو بزم شهرمز بر اودا که گوکدن کله جاق يانا جقدر و بو قورخولو حادثه ده اوزم و سن ای عورتم و سزای منم شیرين اطفالم بزم هاممز پيسلق اينن هلاک اولاجاق مگر او که بر خلاص يولی تاپلسون که اونن واسطه سی اينن نجات تاپاق (و من اينديه کمين اونی

گورمرم). اونن قوملری بو سوزلره چوخ متعجب اولدیلر نه اینکه ایناندیلر که او هر نه که اولره دیر دوغری در اّما فکر ایلدیلر که دلیلق ناخوشلقی اونن دماغنه عارض اولوبدر و چونکه گیجه یاخین ایدی و امیدلری ده وار ایدی که یوخو اونن دماغنی ساکت ایلر چوخ تزلق اینن اونی رختخابه آپاردیلر اّما او گیجه ده اوز گوندزی کمین زحمتده ایدی اوز گیجه سنی یوخلامق عوضنده آه چکممق اینن و گوز یاشی توکمق اینن صرف ایلدی. چونکه سحر اولدی استدیله که اونن حالندن خبردار اولسونلر او اولره دیدی بدتر بدتر و گنه اولره نصیحت ایلمغه باشلادی. اما اولرک قلبلری برک اولوب خیال ایلدیلر که اونن دلیلقینی پیس رفتار و کج خلقلق ایلیمق اینن اوزاق ایلسونلر و بعض وقت اونی استهزا و بعض وقت اونی ملامت ایلر ایدیلر بعض وقت هم اونی تماماً ترک ایلوب اوز حالنه قویار ایدیلر. بوندن اوتری اوزنی بر خلوت ایوده گزلتدی تا اولر ایچون دعا ایلسون و متأسف اولسون و اوز شقاوتندن اوتری عزا صاقلاسون و گنه چولده یالقوزلق اینن دولانر ایدی و بعض وقت اوخور و بعض وقت دعا ایلر ایدی. بونوع اینن نچه گون گچیردی. وقتیکه او چوللرده دولانر ایدی گوردم که او کتابنده اوخور ایدی (نچه که اونن عادتی ایدی) و چوخ یورکی دارخیر ایدی اوخویان وقتده گنه اولکی کمین فریاد ایلر ایدی و دیر ایدی نه گرک ایلیمق که نجات تاپام ( رسوللرن عملی باب ۱۶ آیه ۳۰ و

و گنه گوردم که بو طرفه و او طرفه باخوب گویا استر ایدی یوکورسون اما ساکت دوردی بوندن اوتری (بیله که آنلادم) که او بیلمز ایدی هانسی یولدن گتسون. پس باخدم بر کشی (آدی مژده ویرن) گوردم که اونن طرفنه گیدر ایدی و سورشدی نیه آغلارسن)

او جواب ویردی که ای اغا بو کتابدن که المده وار در آنلارم حکماً گرک اولم اوندن صوره جزایه یتشم و اوزومده ملاحظه ایلرم که اولنجی راضی دکل ام و ایکنجی قادر دکل ام که یرینه گتورم (عبرانیلر باب ۹ آیه ۲۷ و گنه ایوب باب ۱۶ آیه ۲۱ و ۲۲ گنه حزقیل باب ۲۲ آیه ۱۴)

پس مژده ویرن دیدی نیه راضی دگل سن که اوله سن و حال اینکه دنیانن دیریلقی چوخ عذابلاره باغلی در. او آدم جواب ویردی زیراکه قورخورم بویوک که منم چکینمده در منی قبردن اشاقه آپارا وتوفته دوشم وای اغا اگر لایق دکل ام که زندانه گیدم لایق دکل ام گنه که محاکمیه گیدم و اویردن هلاکته یتشم و بوزادلرن فکری منم فریاد ایلقممه سبیدر.

پس مژده ویرن دیدی اگر سنن حالن بیله در نیه ساکت دوررسن.

او جواب ویردی بوندن اوتری که بیلمرم هارایه گیدم پس او اونه بر دریدن طومار ویردی که اونده یازلمش ایدی گلن غضبدن قاچون (انجیل متی باب ۳ آیه ۷)

پس او کشی او خودی و مژده ویرینه خیره خیره دقت اینن باخا باخا  
دیدى هارایه قاچام پس مژده ویرن بارماقی اینن او طرفده بر بیوک چول  
گوستردى و دیدى او دار قاپو که او یرده وار گوررسن (انجیل متى باب ۷ آیه  
۱۳ و ۱۴)

او کشى دیدى خیر. او گنه دیدى بر اشیقی نور که او یرده در آیا اونى  
گوررسن (مزمور ۱۱۹ آیه ۱۰۵ گنه ایکنجى پطرس باب ۱ آیه ۱۹) او دیدى  
منم گمانم او در که گوررم. پس مژده ویرن دیدى او اشیقی گوزنده ساخلا و  
دوز او یره گیت بو طور اینن او قاپونى گوره جاق سن چونکه اونى دو کدون او  
یرده سنه خبردارلق ویره جاقلر که نه گرک ایلپه سن. پس یوخومده گوردم که او  
آدم قاچماقه باشلادی اوز ایوینن قاپوسندن او قدر چوخ اوزاق اولمامش ایدی  
که عورت و اوشاقلاری خیردار اولدیله و اونن دالسونجه فریاد ایلدیله که  
قایتسون اما او آدم اوز بارماقلرنى اوز قولاقلرینه قویوب یوکورور ایدی و فریاد  
ایلر ایدی حیات ابدى حیات اما اوز دالسنه باخمیوب چولن آراسنه  
قاچدی.

## خودرای و سسترای

و گنه همسایه‌لر اشیکه گلدیلر که اونن قاچماقنه تماشا ایلیه‌لر. چونکه او یوکورور ایدی بعض اونی ریشخند و بعض اونه قورخومتق ایلر ایدیلر و بعض اونن دالسونجه فریاد ایلدیلر که قایتسون و او آدم‌لرن آراسنده که بیله ایلر ایدیلر ایکی نفر وار ایدی که خیال ایلدیلر که اونی زور اینن دالو قایتارسونلر. بریسنن آدی خودرای و او برینن آدی سسترای ایدی. بو وقته او کشی بر آز یولی اولردن گچوب بونلر بیله قصد ایلدیلر که اونن دالسونجه گیتسونلر. بیله ایلدیلر و بر آز مدته اونن یتشدیلر. پس او آدم دیدی ای همسایه‌لر نه ایچون گلدوز. اولر دیدیلر تا سنی مایل ایلایق که بزم اینن بیله بازگشت ایلیه‌سن. او دیدی هیچ وجه اینن بو ممکن دگلکز هلاکت شهرنده ساکن سز یعنی بر یرده که من اونده دوغولدم. ایندی گوررم که بیله در. اگر او یرده اوله‌سز قبردن درین راق بر یره که اود و گوگرد اینن یانار تز و یا گج گیده‌جاق سز. ای یخشی همسایه‌لر کفایت ایلون و منم اینن بیله گلون.

خودرای دیدی ❀ یعنی چه اوز دوستلرمزی و راحتلق مزی ترک ایلوب سنن ایله گلاخ. ❀

مسیحی (چونکه اونن آدی بیله ایدی) دیدی ❀ بلی اوندن اوتری که او زادلردن که من استرم و اونن لذتینی آختاررام هامی او شیلریکه سز ترک ایلیه‌سز اولرن

بر کوچک قدرینه برابر اولماقه لایق دگل و اگر منم اینن گله‌سز و اوزوزی بو  
نه باغلیاسز اوزاد که منه یتشر اونه شریک اولاجقسز زیرا او یره که گیدرم  
اوراده کفایت مقداری وار و هم اوندن آرتق در که برزاده محتاج اولاق. بو  
مکانی ترک ایلیون گلون و منم سوزلرمی تجربه ایلیون ❀ (ایکنجی  
قورنطوسلولره باب ۴ آیه ۱۸ لوقا باب ۱۵ آیه ۱۷)

خودرای دیدی ❀ او شیلری که آختاررسن و اولری تاپماقدن اوتری هامی  
شیلری ترک ایلیورسن نه درلر. ❀

مسیحی دیدی ❀ بر فسادسز و بولاشمامش و زوالسز میراث آختاررم که  
گوکده قویولوبدر و او یرده ساخلانوبدر و او آدملر که اونی دقت اینن  
آختارلر معین وقتده اولره باغشلاناجا قدر اگر استرسز بیلسز اوخویون منم ❀  
کتابمده (اولنجی پطرس باب ۱ آیه ۴)

خودرای دیدی ❀ آه اوزاق ایله اوز کتابوی آیا بزم اینن قایدرسن یا خیر. ❀  
او بریسی دیدی ❀ گلرم اوندن اوتری که اوز المی خیشه قویمشام ❀ (انجیل  
لوقا باب ۹ آیه ۶۲)

خودرای دیدی ❀ پس ای سسترای همسایه منم اینن گل قایداق و اونسز  
ایوه گیداخ متکبر و ناخوش دماغلردن بر طائفه واردر که اوز خیالترینی نظره  
توتوب اوزلرینی یدی نفر عاقل آدمدن عقللی بیلرلر. ❀

پس سست‌رای دیدی ﴿﴾ یمان دیمه اگر او شی که بو یخشی مسیحی دیر  
دوغری در البته او شیلری که او استر یخشی در او شیلرن که بز اونی آختارخ.  
قلبم اوز همسایه‌م اینن برابر گیتماقه مایل در. ﴿﴾

خودرای دیدی ﴿﴾ یعنی نه عقلسز لر چوخ اولوبلر منه اطاعت ایله و قایت کیم  
بیلر بو دماغی ناخوش آدم سنی هارایه آپارر. قایت قایت عاقل اول. ﴿﴾

مسیحی دیدی ﴿﴾ منم اینن گل ای همسایه سست‌رای او شیلر که اولرن  
خصوصنده دانشدم موجود درلر و اولری اله گتورمق ممکن در چوخ جلال  
بولردن غیرگی گنه وار درلر. اگر منم سوزلر مه اینانمرسن بو کتابده اوخی اگر بو  
کتابین دوغریلقنی استرسن بیله‌سن که هر نه که اونده یازلوبدر دوغری در بودر  
که او کس که بو کتابی گوندردی اوز قانی‌نن توسطی اینن اونی ثابت ایلدی. ﴿﴾

سست‌رای دیدی ﴿﴾ یخشی ای خودرای همسایه ایندی مقصوده یتشماقه  
باشلیرم و خیال ایلدم که بو یخشی آدم اینن گیده‌م و اوز قرعه‌می اونه سالام.  
اما ای منم یخشی مصاحبم آیا بو یخشی یرن یولینی بیلرسن. ﴿﴾

مسیحی دیدی ﴿﴾ بر کشی‌دن که آدی مژده و یرن در مأمور اولمیشم بر دار قاپویه  
که بزم قاباغیمزده در گیداخ و او یرده یولدن اوتری تعلیم لر تاپاجاقق. ﴿﴾  
سست‌رای دیدی پس گل ای یخشی همسایه گیداخ و بیله برابر گتدیلر.

اما خودرای دیدی من اوز یرمه قایدرم و بیله احمقلمن مصاحبی اولمنم.

پس یوخومده گوردم وقتیکه خودرای قایتدی مسیحی و سسترای صحبت  
ایلیه ایلیه چولده گیتدیلر و اولرن صحبتی نن اولی بیله ایدی.

مسیحی دیدی ﴿گل ای قونشم سسترای. سنن احوالن نجه در. شادام که سن  
منم اینن گلمقه راضی اولدون- هرگاه خودرای او قدر انایه ایدی او ایندی  
گورنمیان زادن قدرتلرینی و قورقولرینی نجه که من آنارم هر آینه بو آسانلق  
اینن بزی قویوپ دالی قایتمز ایدی.﴾

سسترای دیدی ﴿ای مسیحی منم قونشم چونکه بو یرده ایکی نفر واروق و  
بس بوندن صوره قاباقده کی شیلری خبر ویر او یر که اونه گیدرق اونه نه وار و  
اونن لذتی نه جوردر.﴾

مسیحی دیدی ﴿قلبم او شیلری یخشی بیلر. خیال ایلرم بوندن که دیل اینن  
دیرم اما چونکه سن بیلمق لوقه مایل سن اولرن خصوصنده اوز کتابمده  
اوخویه جاقام.﴾

سسترای دیدی ﴿آیا فکر ایلرسن که سنن کتابن حقیقتده دوغری در.﴾

مسیحی دیدی ﴿بلی یقیناً چونکه او کس که بو کتابی گوندردی یالان  
دیه بیلمز﴾ (تیتوس نامه سنده باب ۱ آیه ۲)

سست‌رای دیدی ❁ یخشی دیدن او شیلر نه درلر؟ ❁

مسیحی دیدی ❁ او یرده بر ابدی پادشاه‌لق واردر ساکن اولماق ایچون و همیشه‌لق واردر که بزه ویرله‌جاقدر تا او که ملکوتده همیشه ساکن اولاق ❁  
(یوحنا باب ۱۰ آیه ۲۷)

سست‌رای دیدی یخشی دیدن و بوندن سوای نه واردر؟

مسیحی دیدی او یرده جلاللی تاجلر واردر که بزه ویرله‌جاقدر لباسلر وار که بزی گون کمین گوکن گنبدنده پارولدادر (تموطیوس ایکنجی نامه باب ۴ آیه ۸ مکاشفات باب ۲۲ آیه ۵)

سست‌رای دیدی بو چوخ یخشی در و بوندن سوای نه‌در؟

مسیحی دیدی او یرده برده هیچ آغلامق و غصه اولمیا‌جاقدر. بو جهته که او شخص که بو مکانه صاحب‌در هر یاش که بزم گوزلرمزدن گلور سیله‌جاقدر  
(مکاشفات باب ۷ آیه ۱۷)

سست‌رای دیدی او یرده بزه مصاحب کیم اولاجاقدر؟

مسیحی دیدی او یرده سرافین و کروبین و بعض مخلوقات اینن که بزم گوزلرمزی نظر ایلمقدن خیره ایلرلر اولاجاقق و او یرده مین مین آدملره که بزدن ایره‌لو او یره گیتدیلر یتشه‌جاقق و اولرن هیچ بریسی ضرر یترن دکلر

بلکه محبتلی و مقدس درلر و هر بریسی اللهن حضورنده یورورلر و اونن حضورنده همیشهلق قبول اولوب درلر. مختصراً او یرده قوجالر قزل تاجلر اینن و مقدس باکرهلر قزل بربطلر اینن گوره جاقق و او شخصلره که محبتدن اوتری که او یرن صاحبنی قبول ایلمشدیلر و دنیا اهلنون الندن پارچه پارچه اولوب و اودلرده یانوب و حیوانلرن خوراکلی اولوب و دریاده غرق اولوبدلرلر او یرده ملاقات ایلیه جاقق و اولرن هامیسی سلامت همیشهلق حیاته یتشمش درلر (مکاشفات باب ۴ آیه ۴ و گنه باب ۱۴ آیه ۱ و ۵)

سست رای دیدی بوزادلرن اشتماقی اوقدر شادلقه باعث در که یاخین در انسانون قلبی بی حال اولا ولی بو نعمتله بز نجه یتشه بیلرخ؟

مسیحی دیدی او دولتن حکمرانی خداوند بو کتابده اوننی یازوبدور. اونن خواهشی بودر که هرکاه حقیقتاً اونن دارالقنه راضی اولاق مجاناً بزه ویرجاقدر (اشعیایا باب ۵۵ آیه ۱ یوحنا باب ۶ آیه ۳۷ مکاشفات باب ۲۱ آیه ۷/۶)

سست رای دیدی خوب ای منم یخشی رفیقم. شادام بو شیلرن خصوصنده ایشدم. گل بر قدر تیزراق بوندن گیداق.

مسیحی دیدی بو یو کدن اوتری که منم چیکنمده در او تیزلق اینن که استرم گیده بیلرم.

## باتلاق

پس یوخومده گوردم همان ساعت که بو سوزلری آخره یتوردیلر بر پالچوق اینن دولی اولان باتلاقن یاخیننده که بیابانن آراسنده ایدی یتشدیلر. ناکاه غفلتاً هر ایکسی باتلاقه دوشدیلر. او باتلاقن آدی نامیدلق ایدی. بوندن بیله بر مدت پالچوقده حرکت ایلر ایدیلر. چوخ پالچوقه بولاشمش اولدیلر. مسیحی او یوکدن اوتری که چیکنده وارایدی پالچوقه باتماقه باشلادی.

پس سسترای دیدی ﴿آه مسیحی همسایه ایندی هاراده وارسن؟﴾

مسیحی دیدی ﴿حقیقتاً بیلمرم.﴾

سسترای بو سوزلردن آجخلانمغه باشلادی و غضب اینن اوز رفیقنه دیدی آیا بودر او سعادت که اونن باره سنده بو مدتده دانشدن؟ اگر اول حرکتده بزه بیله بدبختلق اوز ویره ایندیدن تا سفرن آخرینه کمین نیه منتظر اولاق کاش بو باتلاقدن جان اشیکه آپارم. سن من سز او خوش یره مالک اول. چونکه بونی دیدی او بر ایکی جدّ و جهد شدید ایلدی و اوزنی باتلاقون او طرفنه که اوز ایونن سمتی ایدی پالچوقدن اشیکه چکدی. پس اوز یولنی قباقرنه توتوب گیتدی و مسیحی برده اوننی گورمدی.

پس مسیحی نامیدلن باتلاقنده یالقوز قالدی و سعی و ارایدی که باتلاقون او طرفنه که اوز او یونن طرفندن غیری دار قاپویه یاخین ایدی یتشه بیله. سعی ایلدی اما او یو کدن اوتری که چیکننده وار ایدی ایلیه بیلمدی اشیکه گله. اما یوخومده گوردم بر آدم که آدی یاردم ایدی اونن طرفنه گلدی و اوندن سؤال ایلدی بو یرده نه ایلرسن؟

مسیحی دیدی ﴿ای اغا بر کشیدن که آدی مژده ویرن ایدی مأمور اولدوم که بو یولا گلم و او منی گنه بر قاپویه که او یرده در نشان ویردی تا اینکه گلن غضبدن قورتولام. چونکه بو طرفه گلور ایدم بو یره دوشدوم.﴾

یاردم دیدی ﴿نه ایچون سن پیله یه قدموی قویمادون؟﴾

مسیحی ددی ﴿او قدر قورخی منه غالب اولدی که یاخین یولا قاچدم و باتلاقا دوشدوم.﴾

پس یاردم دیدی ﴿النی منه ویر. پس الینی ویردی. او آدم اوننی باتلاقدن اشیکه چکدی و بر محکم یره قویدی و اونه حکم ایلدی که اوز یولنه گیده.﴾

پس او شخص طرفنه که مسیحینی باتلاقدن چیخارتمشدی گیدم و دیدم آی اغا چونکه هلاکت شهرندن بو یول او دار قاپویه بو یردن گیدر پس نجه در که بو پالچوق یر آباد اولمیو بدر تا اینکه فقیر سفر جیلر آرتق خاطر جمع لق اینن او طرفه گیده لر؟ او منه دیدی بو باتلاق پالچوق اینن دولی بر یردر که اوننی آباد

ایلمک ممکن دگل در بر چقور در که گناهن کفی و ناپاک لقی قارشوب  
پیدرپی اونن ایچینه آخار. بو جهتدن در که نامیدلق باتلاقی دیلوبدر چونکه  
هرگاه گناهکار اوزی نن ایتمش حالتنده اویانور لابد اونن قلبنده قورخولر و  
شکلر و قارشق فکرلر عارض اولور. بولرن هامی سی جمع اولوب بو  
چوخورده باتار و بو سببدر بو یرن پیسلقنه.

پادشاه راضی دگلکه بو یر بیله پیس قالا. اونن عمله لری پادشاه معمارلری نون  
مباشرلقی اینن مین آلتی یوز ایل دن آرتق بو قطعه یرده مشغول اولوبدرلر  
تاینکه آباد اولا. بلی خبردارام که بو یر آزدن ایکرمی مین بارکش بلکه  
میلیونلر یخشی تعلیمات که هامی فصل لرده پادشاهن یرلری نون کلشی اولوب  
تاینکه آباد اولا. اولار که عالم درلر دیرلر که یخشی تعلیم لر بو یری محکم  
ایلمق دن اوتری یخشی مصلحت در اما گنه نامیدلقن باتلاقی قالبدر و هر نه  
قدر که ایشله ده لر گنه بیله قالا جاقدر.

دوغری شریعت و یرن فرمایشی اینن بعضی محکم کورپیلر بو باتلاقن آراسنده  
قرار و یرلوبدر اما او وقتده که بو یر اوز آرتقلرینی چوخ قی ایلر ایله که هوانن  
قارشماقنده بو کورپیلر آشکار گورسنمز و هرگاه هم گورنمش اولسه اوزباشینه  
شخصلر که اونده گیده لر باشلاری دولانوب یولدن کج اولورلر و اوندن صوره  
چاموره باتمش اولورلر. اما بوندن صوره ایله که قپودن داخل اولدیلر اویان  
طرفی یخشی یردر.

پس یوخومده گوردم که او وقت سست‌رای اوز ایوینه یتشوب و اونن  
همسایه‌لری اوننی گورماقه گلدیلر. بعضی اوننی قایتمقندن اوتری عاقل کشی  
چاغردیلر و بعضی اوزنی مسیحی اینن خطرہ سالماقندن اوتری دلی چاغردیلر.  
بعضی علاحدّه اونن ناامیدلقندن اوتری اونن ریشخند ایلدیلر. هیچ کس او قدر  
آلچاق اولماز که نچه مشکل لره یتیشمقندن اوتری یولدن چیخا بونن اینن بیله  
سست‌رای اولرن آره‌سندہ خجالت اینن اوتورمش ایدی. آخرده بر قدر  
خاطر جمع‌لق تاپوب اولرن هامیسی اوز سوزلرینی عوض ایلوب فقیر  
مسیحی‌نن دالسونجه ریشخند ایلماقه باشلادیلر. سست‌رای باره‌سندہ بو قدر در  
که ذکر اولدی.

## مستر عاقل آدم دنیوی

چونکه مسیحی یالقوز گدردی اوزاقدن بر آدم گوردی که عبوراً اکندن اونن طرفنه گلور. اتفاقاً اولر یتشن وقتده که یول بر برندن کسولور ایدی اونن ملاقات ایلدی. بو آدمک آدی مستر عاقل آدم دنیوی ایدی و اونن یری بر شهرده ایدی که اونن بصیرت جسمانی دیردیلر. بر چوخ بویک شهر ایدی او یره یاخین که مسیحی اونندن اشیکه گلمشدی. پس مسیحی بو کشی یه ملاقات ایلدی. بو آدم مسیحی نن باره سنده بر قدر خبردار ایدی بو جهته که مسیحی هلاکت شهرنده چوخ مشهور ایدی نه او شهرده و بس بلکه بعضی مکانلرده گنه اونن حرکتون باره سنده هم گفتگو وار ایدی.

چونکه مستر عاقل آدم دنیوی اونن رفتارینی و چتن یورمسنی و آه و ناله سنی ایشندی خیال ایلدی که مسیحی در. بر قدر صحبت اونن اینن باشلادی. مستر عاقل آدم دنیوی دیدی ایندی ای یخشی مصاحب نه قسم در سنن احوالون بو طور یوکون آلتنده هارایه گدرسن؟

مسیحی دیدی ﴿البته بر طور اینن یوکون آلتنده ام که خیال ایلم هیچ فقیر مخلوق پریشان راق بو یوکدن که منم وار هرگز گتورمیوبدر. چونکه مندن سورشدون که هارایه گدرسن سزه دیرم ای اغا بر دار قاپویه که بزم قباقمزده در

گدرم. بو جهته که خبردار اولدم که منه او یرده بر قسم اینن یول گوستره جاقلر  
که او یرده آغر یو کدن خلاص تاپام. ❀

مستر عاقل آدم دنیوی دیدی ❀ آیا عورت و اوشاقلرن وار؟ ❀

مسیحی دیدی ❀ بلی وار اما او قدر یوکون آلتنده ام که او شادلق که اولردن  
قباق وارم ایدی ایندی تاپا بیلمه م. یعنی بر آدمن مثلی اولوبام که عورت و  
اوشاغی اولمامش اوله ❀ (اولنجی قورنتوسلیلر باب ۷ آیه ۲۹)

مستر عاقل آدم دنیوی دیدی ❀ هرگاه سنن ایچون مصلحت اینن بر سوز دیبیم  
مندن اشدرسن؟ ❀

مسیحی دیدی ❀ اگر یخشی در اشدرم بو جهته که یخشی مصلحته محتاجم. ❀

مستر عاقل آدم دنیوی دیدی ❀ پس استرسن نصیحت ویرم که چوخ تز اوزوی  
اوز یوکندن خلاص ایلیه سن. بو جهته بر وقتی که اوز یوکندن خلاص  
اولمیاسن قلبن آرام اولمیاجاق و گنه برکت لو یخشی لقر که الله سنه ویروبدر  
ایلیه بیلیمسن اولردن لذت تاپاسن و گذران ایلیه سن. ❀

مسیحی دیدی ❀ اوشی که آختاررم بودر یعنی خلاص اولمق اوز آغر  
یوکمدن اما اوزم اونی ایلیه بیلرم گتورم و گنه بزم دولتمزده بر آدم یوخدر که

یوکی منم چکینمدن گتوره بیله. بو جهته بو یوله گدرم ایله که سزه خیردارلق  
ویردم تا او که یو کمدن خلاص لق تاپام. ❀

مستر عاقل آدم دنیوی دیدی ❀ او آدم که سنه حکم ایلدی که اوز یو کندن  
قورتولمقدن اوتری بو یوله گده سن کیم ایدی؟ ❀

مسیحی دیدی ❀ بر کشی ایدی منم نظرمده چوخ بویک و حرمتلو. اونن آدی  
که خاطرمده در مژده ویرن ایدی. ❀

مستر عاقل آدم دنیوی دیدی ❀ بو نصیحتدن اوتری اوننه لعنت اولسون. او  
یولدن که او سنه نشان و یرو بدر خطرناک و زحمت لی یول دنیاده یوخدر.  
هرگاه اونن مصلحتنه اطاعت ایلیه سن تاپاجاق سن که بیله در بیله که آننارم  
ایندی بر آز اوندن سنه یتیشوبدر بو جهته گوررم ناامیدلق باتلاقی نن چرکی  
سنده آشکاردر. اما او باتلاق غملرون اولی در که بو یولی گدنلره یتشر. من  
سندن قوجام مندن اشت بو یولی که گدرسن بلکه قورخولق و درد و آجلق و  
خطرلر و چلپاقلق و قلچ و شیرلر و آزدهالر و قرانلق. خلاصه اولومه جه گنه  
آیری شیرلی گوررسن. بو شیرلر چوخ شاهدلقلر اینن محکم اولوبدر و یقیناً  
صیحیح در. آیا لایق در بر آدم اوزنی غفلتاً بر تانمامش کشینن سبینه هلاکته  
صالاً؟ ❀

مسیحی دیدی ای اغا بو یوک که چیکنمده وار بو شیلرن هامیسندن که ذکر اولدی منی آرتق قورخودن در. بر صورتده که خلاص لق یوکمدن تاپام او زاده که یولده یتیشم حساببه صایمه م. ❀

مستر عاقل آدم دنیوی دیدی ❀ اولده نه قسم بو یوک سنه یتشدی؟ ❀

مسیحی دیدی ❀ بو کتابی اوخومقدن که منم المده در. ❀

مستر عاقل آدم دنیوی دیدی ❀ بیله خیال ایلدم که سنه واقع اولوبدر او حکایتی که آری ضعیف کشی لره وارد اولوبدر. چونکه اولر او زادلره که اوز قوتلرندن یوخاری در ال ویروب ناگاه اضطرابلر اینن سنن کمین دوشرلر که او اضطرابلر آدم لری نه نامرد ایلر و بس نیجه که آثارم سنن تز حرکت ایلمقون سنی نامرد ایلیوبدر بلکه اولری او شیئی اله گتورمقدن اوتری که بیلمز لر ناامیدلقن خطرلرینه صالار لر. ❀

مسیحی دیدی ❀ او شی که استرم اله گتورم بیلرم که او آغر یوکمدن راحت اولمقدر. ❀

مستر عاقل آدم دنیوی دیدی ❀ ییخشی اما نیه راحت لقی بو یولده که یقیناً خطرلره باغلودر آختار رسن مخصوصاً من (هرگاه طاقتون اشدمه مندن اولسه ایدی) ایلیه بیلردم یول نشان ویرم سنی او شیئی اله گتورمه که استرسن

اذیت‌سز اوئه یتشه‌سن بلی چاره‌ده‌لر بونن بیله دیرم که او خطرلرن عوضنده  
سلامتلق و دوستلق و چوخ خاطر جمع‌لق تاپاجاق‌سن. ❁

مسیحی دیدی ❁ ای اغا یالوارم مندن اوتری بو یولن باشنی منه آشکار  
بیورون. ❁

مستر عاقل آدم دنیوی دیدی ❁ بر کند که او یرده‌در (که اوئه اخلاق کندی  
دیرلر) اورده بر نجیب آدم واردر که آدی متشرّع در. چوخ عاقل آدم در. چوخ  
یخشی آدی واردر. اونن سلیقه‌سی وار که یاردم ایلیه او آدم‌لره که بیله یوکی که  
سنن چیککنده وار اولرن چیککندن گتورسن. بلی خبردارام چوخ احسانلر بو‌طور  
اینن ایلوبدر بوندن. آرتق اونن سلیقه‌سی وار که اولره که یوکندن اوتری  
دماغ‌لرینه بر دلی‌لق عارض اولوبدر شفا ویره اونن طرفنه بیله که دیدم ایلیه  
بیلرسن گده‌سن او ساعتده یاردم تاپارسن. اونن ایونن یولی بو یردن بر میل‌دن  
بر آز اسککدر. هرگاه اوزی اولمیه اولیه اوغلی وار. جوانمرد خوشگل که اونن  
آدی متواضع در. او اوغلانن گنه او ایشه قابلیتیی او نجیب آتاسی کمین واردر.  
دیرم او یرده ایلیه‌بیلرسن اوز یوکندن خلاص اولاسن و هرگاه اوز اولکی یروه  
قایتماقه مایل اولمیاسن (ایله که اونن دوزنی سندن اوتری استمرم)  
ایلیه‌بیلرسن گوندره‌سن عورت و اوشاقلرن بو کنده سنن یانوه گله‌لر و ایندی  
او یرده بوش ایولر وار. اولردن برینی مناسب اجاره‌یه ایلیه‌بیلرسن توتاسن و  
گذران مایه‌سی او یرده اوجوز و یخشی‌در و اوزاد سنن دیری‌لقون ایچون آرتق

خوش اولور. سنن خاطر جمع لقن بودر که همسایه لرن آراسنده امین قاعده و اعتبار اینن دیرلق ایلیه جاق سن. ❀

مسیحی بو وقتده بر آز دوردی. اما چوخ چکمدی که اوز مصلحتتی بونده قرار ویردی که هرگاه او شیی که بو نجیب آدم دیوبدر صحیح اولا محکم راخ یول بودر که اونن نصیحتتی قبول ایلیم و برده آیری دفعه اونن اینن بو قسم صحبت ایلدی.

مسیحی دیدی ❀ ای اغا بو امین کشی نن ایونن یولی هاراده در؟ ❀

مستر عاقل آدم دنیوی دیدی ❀ آیا اوجا تپه که او یرده در گوررسن؟ ❀

مسیحی دیدی ❀ یخشی گوررم. ❀

مستر عاقل آدم دنیوی دیدی ❀ گرک او تپه دن رد اولاسن و اولنجی ایو که اوننه یتشه سن اونن در. ❀

پس مسیحی اوز یولندن دوندی تا یاردم تا پمقدن اوتری متشرع ایوینه گده. اما نقدر که تپه یاخین اولدی اونن نظرنه او قدر اوجا کلدی و گنه تپه نن او طرفی که یولون طرفی در او قدر آسلانوب و یولون اوستنده ایدی که مسیحی اوز یرندن قباقه گیتمه خطر دن قورخدی که مبادا تپه باشینه یخلا. بو جهته اوراده دوردی و بیلمدی نه ایلیه و گنه اونن نظرنه یتشدی که بو وقتده اونن یوکی

اولدن آغراق و گنه اودلی الدرملر تپه دن اشیکه گلور ایدی اونه باعث اولور ایدی که مسیحی یانمقدن قورخان اولا (خروج باب ۲۱ آیه ۱۸ گنه عبرانیلر باب ۱۲ آیه ۲۰ و ۲۱) بو جهته بو یرده ترلیوب قورخودن تتر ایدی. بو وقتده مستر عاقل آدم دنیوی نن مصلحتنی قبول ایلمقدن پشیمان اولماقه باشلادی.

او ساعتده مژده ویره نی گوردی اونن پشوازینه گلور. چونکه اوننی گوردی خجالدن رنگی باشلادی قرمزی اولمقه. پس مژده ویرن آز آز اونه یاخین اولدی اونن طرفنه یتشدی. هیبتلو و برک یوز اینن اونه باخدی. بو طور دعوالی دانشمق مسیحی اینن ایلدی. مژده ویرن دیدی ای مسیحی بو یرده نه ایلرسن؟ مسیحی بو سوزه بیلمدی جواب ویره بو جهته اونن یوزنن قباقدنه خاموش دوردی.

پس مژده ویرن برده دیدی ﴿آیا او آدم که اوننی فریاد ایلیه ایلیه هلاکت شهرنن دیوارلرنن اشیکنده تاپدم سن دگل سن؟﴾

مسیحی دیدی ﴿ای عزیزا ایا او آدم من ام.﴾

مژده ویرن دیدی ﴿آیا سنه او دار قاپویی نشان ویرمدم؟﴾

مسیحی دیدی ﴿بلی ای عزیزا ایا.﴾

مژده ویرن دیدی ﴿نه قسم تزلو اینن او یولدن کج اولدون که ایندی یولدن  
اشیکه اولمش سن.﴾

مسیحی دیدی ﴿هماندم که ناامیدلق باتلاقوندن گچدم بر نجیب آدمه ملاقات  
ایلدم که منی مایل ایلدی بونه که بر کنده که بزم قباقمزده در بر آدمی که منم  
یوکمی گتورمقه قادردر تاپام.﴾

مژده ویرن دیدی ﴿او آدم کیم ایدی؟﴾

مسیحی دیدی ﴿ظاهری بر نجیب کشی ایدی. منم اینن او چوخ دانشدی.  
اشن آخرنده منی اوزینه تابع ایلدی. پس بویره گلدم. اما چونکه بو تپه نی  
گوردم قورخدوم که منم باشمه دوشه.﴾

مژده ویرن دیدی ﴿او نجیب آدم سنه نه دیدی؟﴾

مسیحی دیدی ﴿مندن سورشدی هارایه گدرسن و من اونه خبر ویردم.﴾

مژده ویرن دیدی ﴿اوندن صوره نه دیدی؟﴾

مسیحی دیدی ﴿مندن سورشدی آیا عورت و اوشاقن وار. اونه خبر ویردم اما  
اونه دیدم بو یوکدن اوتری که چیکنمده واردر اوقدر آغردر که اولردن اولقی  
شادلقی ایلیه بیلرم تاپام.﴾

مژده ویرن دیدی ﴿اوندن صوره نه دیدی؟﴾

مسیحی دیدی ﴿منه امر ایلدی که تزلق اینن یوکمدن قورتولام. من اوننه خبر ویردم که او شیی که آختاررم همان اودر و بو جهتدن او قاپونن طرفنه که اویردهدر گدرم تا او که خلاص ویرن یولا آپاران قاپونی تاپام و اوراده بلدلق تاپاجاقم که نه قسم او خلاص یرینه یتشرم. پس او دیدی سنه یاخین و یخشی یول نشان ویررم. بو یول بیله چتنلقه که منی ای اغا او یولا قویدوز باغلو اولمیه و گنه دیدی منه که بو یول سنی بر نجیب کشی نن ایوبینه یتره جاقدر که اونن بیله یوکلری گتورموقله سلیقه سی واردر. بو جهتته اوندن قبول ایلدم او یولدن کج اولدوم بو یوله داخل اولدوم بلکه یوکمدن خلاص اولام. اما چونکه بو مکانه یتشدم بعض شیلر ایله که وار گوردم قورخو و خطرندن ایله که دیدیم دوردم ایندی بیلرم که نه ایلیم.﴾

مژده ویرن دیدی ﴿بر قدر ساکت دور تا اینکه اللهم کلامنی سنه نشان ویرم. پس او تترهیه تترهیه دوروب. اوندن صوره مژده ویرن دیدی احتیاط ایلون که بو دانشانی رد ایلمیه سز چونکه اگر اولر یر یوزونده دانشانی رد ایلیوب قورتلمادیلر پس نه قدر آرتق بز قورتلمیه جاقیق. اگر گوکلردن دانشاندن غافل اولساق و علاوه بونه دیدی و عادل کیسه ایمان اینن دیری اولاجا قدر و دالی چکلندن جانم راضی اولمیه جاقدر﴾ (عبرانیلر باب ۱۲ آیه ۲۵ گنه باب ۱۰ آیه

بو سوزلری اونن نصیحتیندن اوتری دیدی. سن او آدم سن که بیس لقن طرفنه  
یوکوردون. سن باشلادن قایدماقه الله تعالی ن مصلحتندن و باشلادن آیاغون  
چکماقه سلامت یولندن دالیه بر حدّه که یاخیندر اوز هلاکتن خطرینه  
دوشه سن.

پس مسیحی اوّلی کمین اونن آیاغنه دوشدی و فریاد ایلدی دیدی ﴿وای منه  
که هلاک اولدوم بو واقعه نی گورمقدن.﴾

مژده ویرن اوننی ساق الی اینن توتدی و دیدی ﴿هر قسم گناه لر و کفر انسانه  
باغشلا نجا قدر ایمانسز اولما بلکه صاحب ایمان اول. پس مسیحی بر قدر  
حاله گلوب اوّلکی کمین تترهین مژده ویره ن یوزنن قباقدنه دوردی.﴾

پس مژده ویرن گنه دیدی ﴿او شیلر که سنه خیر ویرم تمام دقت اینن یرینه  
گتور. ایندی سنه نشان ویرم او که سنه فریب و یروب کیم در. گنه او شخص  
که بو آدم سنی اونن طرفنه گونده روب کیم در. بلی او کس که سنه یتشدی  
مستر عاقل آدم دنیوی در. حقیقتاً بو آد اونه مناسبر. سببی بودر که اونن  
فکری بو دنیانن تعلیم لرندن در و بس (بو جهته همیشه بر کلیسایه که اخلاق  
شهرنده در گدر) او بر جهتی بودر که دنیا تعلیم لرینی چوخ دوست توتار بو  
جهته اونه صلیب دن آرتق خلاصه نسبت ویرر چونکه جسمانی خیره سی وار  
(کلتیه لی لر باب ۶ آیه ۱۲) بو جهته اونن آختارمقنده در که منم یولاریمی بونن

بيله که دوزدر کج ايليه. بو کشي نن مصلحتنده اوچ شي واردر که گرک اولری  
ناخوش توتاسن:

(۱) او که سنی یولدن کج ایلدی.

(۲) او که سعی ایلدی که صلیبی سنه مبعوض ایلیه.

(۳) او که سنن آیاقلروی بر یولا قویوبدر که اولمی سنه مسلط ایلر.

اولا گرک بونی ناخوش توتاسن که سنی یولدن کج الدی. بلی بونی گرک گنه  
ناخوش توتاسن که اونه راضی اولدن بو جهته که سنن رفتارن اودر که بر آدم  
مستر عاقل دنیوی نن مصلحتندن اوتری اللهن مصلحتنی ترک ایلیه. الله تعالی  
بیورر که سعی ایلون دار قاپودن داخل اولون یعنی او قاپویه که سنی گوندررم  
بو جهته که داردر او قاپو که دیرلقه یتیرر و اونی تاپانلر آزدرلر (انجیل متی باب  
۷ آیه ۱۴) و او شیریر شخص سنی او دار و کچک قاپودن و بر یولدن که اونه  
یتشور بر حد کج ایلوب. یاخین در هلاکته یتشه سن بو جهته بونی دشمن توت  
که سنی یولدن کج ایلوبدر و اوزنی اونن سوزنی اشمقندن اوتری ناخوش  
توت.

ایکنجی گرک بونی ناخوش توتاسن که سعی ایلوبدر که صلیبی سنه دشمن  
ایلیه بو جهته گرک که اونی مصرن خزینه لرنندن آرتق صایه سن (عبرانیلر باب  
۱۱ آیه ۲۵ و ۲۶). علاوه بونه جلالن پادشاه هی سنه خبر ویروبدر هر کس

استیه اوز نفسنه نجات ویره اونی هلاک ایلیه جاقدر و او کس که استر اونن دالسنجه گتمق آتا و آنا عورت و اوشاق و قرداشلر باجی لر بلکه اوز جاننی دشمن توتیمیه اونن شاگردی اوله بیلمز (انجیل مرقس باب ۸ آیه ۳۵ و گنه انجیل لوقا باب ۱۴ و ۲۶) بونه گوره دیرم اگر بر آدم سعی ایلیه که منی راغب ایلیه بر زاده که سنن اولموه باعث اولا و حال او که او کس که حقدر بیوروب همان شی اولمامش همیشه لق حیاتی تاپمایه جق سن بيله تعلیمی گرک ناخوش توتاسن.

اوچنجی گرک اونی دشمن توتاسن که سنن آیاقلاروی بر یولا قویوبدر که اولمی سنه مسلط ایلر. بو خصوصده گرک فکر ایلیه سن او کس که بو سنن شخصوی اونن طرفنه گوندردی کیمدر و گنه او کس نقدر قدرتسزدر اونه که سنه یوکندن خلاص لق ویره. او کس که آزادلقن اوتری اونن طرفنه گوندرلمش اولمیشدون آدی متشرع در. بر کنیزن اوغلی در که ایندی اوز اوغلانلری اینن قوللوقدادر (کلیتله لی لر باب ۴ آیه ۲۱-۲۶) او کنیزن سری بو سینا داغی در که قورخدون که سنن باشوه دوشه پس ایندی اگر او و اونن اوشاقلری بنده لق یرنده واردلر نه قسم ایلیه بیلرسن اونن انتظارنی چکه سن که اولردن آزاد اولاسن. بوندن اوتری بو متشرع آدلی کشی قادر دگلکه سنی اوز یوکندن آزاد ایلیه. هیچ وقت بر آدم اونن توسطی اینن یوکندن خلاص اولمیوبدر و بلکه بعضی وقت بر آدم اونن توسطی اینن یوکندن خلاص اولا. شرعی عمللر اینن عدالتی تاپاییلمز.

بوندن اوتری که شرعی عمللرن سینه هیچ آدم اوز یوکندن خلاص ایلیه بیلیمز. بو جهته مستر عاقل آدم دنیوی بر شخص غریب در و مستر متشرع کول اوراندر نسبت متواضع آدلو اوغلنه. بونن هرچند یوزی گولر ولی ریاکار در ایلیه بیلیمز سنه یاردم ویره. مندن قبول ایله هامی سوزلری که بو سفیه خلقدن اشدوب سن اوزگه بر شی دکل در. مگر اولرون توسطی اینن سنی کج ایلیه لر او یولدن که سنی اونه قویمشدم و نجات دن سنی محروم قویالر. پس مژده ویرن او شیی ثابت ایلماقدن اوتری گوکن طرفنه فریاد ایلدی و همان ساعت او داغدن که اونن آلتنده فقیر مسیحی دورمش ایدی سسلر و اودلر چیخوب اونه باعث اولدی که مسیحی نن بدنی نن توکلری دوز دوردی لر و داغدن بو قسم سوزلر اینن دانشان اولدی او آدملر که شرعی عمللره باغلودر لر لعنته داخل اولولر اویردن که یازلوبدر ملعون اولسون هر کس که ثابت اولمیه هامی شریعتن یازلرینه بیله که هامی سنی یرینه گتوره (کلته لی لر رساله سی باب ۳ آیه ۱۰) پس بو وقتده مسیحی اولمدن غیری هیچ زاده منتظر دکل ایدی و باشلادی آجی سس اینن فریاد ایلماقه و بر حد اینن لعنت ایلر ایدی او زمانه که اونده مستر عاقل آدم دنیوی به ملاقات ایلوبدی و اوزنی گنه اونن مصلحتنی اشتماقدن اوتری مین دفعه سفیه اوخودی. گنه چوخ خجالت اولدی او فکر دن که او نجیب کشی نن دلیل لری جسمدن ظاهر اولمشدی و برده او قدر اونه غلبه ایلیه که باعث اولا اوزی نن دوز یولی ترک ایلماقنه اوندن صوره مژده ویرنه بو قرار اینن که یازیله جاقدر عرض ایلدی. ﴿

مسیحی دیدی ﴿ای اغانه فکر ایلرسز آیا بر قدر امیدوار و آیا ایندی ایلیه بیلرم قایدیم دار قاپونن طرفنه گدم بو ایشن سبینه که ایلدم؟ آیا منی قایترمیه جاقلر و منی خجالت اینن او یردن قاومیه جاقلر لر؟ پشیمان ام که بو آدمن مصلحتی اشدیم. آیا ممکن در که منم گناهم باغشلائنمش اولا؟﴾

پس مژده ویرن دیدی ﴿که سنن گناهن چوخ بویک در بوندن اوتری که بو گناهده ایکی پیس لق ایلمش سن. بر یولی که یخشی ایدی ترک ایلدن قدغن اولمش یول لره گتدن اما او آدم که دار قاپونن دمنده در سنی قبول ایلیه جاقلر بو جهته که او خلقن یخشی لقنی استر و صوره دیدی گرک مخصوصاً احتیاط ایلیه سن که آیری دفعه یولدن کج اولمیاسن مبادا یولی اتره سن. چونکه یاخیندر که اونن غضبی قزمش اولا﴾ (مزمور ۲ آیه ۱۲)

او وقت مسیحی اوزنی قایتقمه جمع ایلیوب اوندن صوره که مژده ویرن اوننی اوپدی و گولماق اینن دیدی الله سنه یولداش اولوسن. پس مسیحی تز گتدی و هیچ کسه یولده سوز دیمدی و اگر بریسی اوندن سورشر ایدی اولره جواب ویرمز ایدی. بر آدم کمین که همیشه وقتلر قدغن اولدیقی یرده آیاق اورر گذر ایدی و هیچ وجه اینن اوزنی سلامت سایاییلمز ایدی تا اینکه دوباره او یولا که اوننی مستر عاقل آدم دنیوی ن مصلحتی اینن ترک ایلمشدی یتشدی.

## دار قاپی

او مدتدن بر زمان صوره مسیحی قاپویه یتشدی. او قاپونن اوستنده یازلمش ایدی که دوکون و سزه آچله جقدر (متی نن انجیلی باب ۷ آیه ۷) بو جهته مسیحی بر دفعه دن آرتق دوکدی و دیدی.

❖ ممکن در بو قاپو آچلسون

منم ایچون چونکه من یول ایتردم

اگر آچلر استرم بوگون

و همیشه اللهه حمد و یرم. ❖

ایشن آخرنده بر آغر آدم که آدی (یخشی لق استیان) ایدی گوردم که قاپونن قباقنه گلوب سورشدی کیم در بوراده؟ هارادن گلورسن و نه استرسن؟

مسیحی دیدی بوراده در بر شخص فقیر گناه کار یو کلو که هلاکت شهرندن گلوب صهیون داغینه قدر تا او که گلن غضبدن خلاص اولسون بنا بونه ای اغا چونکه منه خبردارلق و یردیلر که یول او یره بو قاپودن گچر راضی سز بو قاپودن گچم یانه.

یخشی لق استیان دیدی قلبم اینن راضیم و همان ساعت قاپونی آچدی.

همان ساعت که مسیحی قاپویه قدم قویدی بر آیری آدم اونی تز ایچریه چکدی. پس مسیحی دیدی بونن سببی نه در. او آیری آدم اونه خبر ویردی که بر مصافت قدری آز بو قاپودن بر محکم عمارت قایرلوبدر که بعلزبوب اونن رئیسدر. او و او آدم لر که اونن اینن واردلر بو قاپونن طرفنه گلن لره او یردن اوخ آتارلر تا که بو قاپویه یتشمقندن قباق اوله لر. پس مسیحی دیدی شادام و تتررم. پس وقتی که داخل اولدی او آدم که قاپونن دمنده ایدی اونن سورشدی او که سنی بو یره نشان ویردی کیم ایدی؟

مسیحی دیدی مژده ویرن منه امر ایلدی که بو یره گلم و قاپونی دوکم. ایلکه ایلدم و دیدی ای اغا سز او شی که گرک ایلقم منه خبر ویره جاق سز. یخشی لق استیان دیدی آچوخ قاپوسنن یوزن قباقنده قویولوبدر و هیچ کس اونن باغلامقه قدرتی یوخدر. مسیحی دیدی ایندی اوز خطالرمون حاصلینی بیچماقه باشلرم.

یخشی لق استیان دیدی نجه در که یالقوز گلدن؟ مسیحی دیدی بو جهته که منم همسایه لرمدن هیچ بری اوز خطالرینی بو طور اینن که من گوردم گورمدیلر.

یخشی لق استیان دیدی آیا بر آدم سنن گلمقندن خبردار اولدی؟

مسیحی دیدی بلی اوّلده منم عورت و اوشاقلرم منی گوردیلر و منم دالومجه فریاد ایلدیلر که قایت و گنه بعضی همسایه لرمدن دوروب آغلیه آغلیه منم دالومجه فریاد ایلر ایلدیلر که قایت. اما اوز بارماقلمی قولاق لریمه قویدم و بيله اوز یولمه گدن اولدم.

یخشی لق استیان دیدی آیا اولردن هیچ کس سنه پی روی لق ایلدی که قایتمغه راغب ایلیه؟

مسیحی دیدی بلی هم خودرای و هم سست رای. اما چونکه گوردیلر که منه غالب اولمادیلر خودرای طعنه او ره او ره قایتدی اما سست رای بر قدری یول منم اینن گلدی.

یخشی لق استیان دیدی نه ایچون تا بورایه کمین یولدش اولمدی؟

مسیحی دیدی حقیقتاً بربرمز اینن گلدوق تا ناامیدلق باتلاقنه کمین یتشدوق بردن اونه دوشدوق او ساعت منم قونشم سست رای گوپلسز اولوب تتره دی و اوندن آرتوق اوزنی خطرّه سالمقه راضی اولمادی بو جهته او طرفدن که اوز ایوینن طرفی ایدی اشیکه چیخوب منه دیدی او یخشی دولتی سن تصرف ايله پس او اوز یولنه گتدی و من اوز یولمه گلدم. او خودراین دالسونجه و من بو قابویه.

پس یخشی لُق استیان دیدی آه ای فقیر کشی آیا گوکن جلالی او قدر کوچک  
سایار و بيله بیلر که اونن تصرفی بو قدر چتین خطرہ تحمل ایلمقه لایق  
دکل در.

پس مسیحی دیدی سست رایین باره سنده او که دوغری در دمیشم و اگر اوز  
باره مده گنه اوننی که دوغری در دیم معلوم اولور که اونن و منم آرامدا یخشی لُق  
و او جالق یو خدر. دوغری در که او اوزی ایوینه قایتدی اما گنه من یولدن کج  
اولدوم و اولمون یولینه گتدم. بر شخص دنیوی آدمن جسمانی دلیل لرین  
توسطی اینن او طرفه راغب اولدوم.

یخشی لُق استیان دیدی تعجب آیا او سنه یتشدی و او استدی که سن آراملقی  
مستر متشرعن الندن تاپاسن. اولر هر ایکیسی ده حيله کاردرلر و بس. آیا اونن  
مصلحتنی قبول ایلدون؟

مسیحی دیدی بلی قبول ایلدم بر حدّه که جرئت ایلدم مستر متشرعی تاپموقدن  
اوتری گتدم بر وقته کمین که فکر ایلدم او داغ که اونن ایوینن یاننده در منم  
باشمه دوشر. بو جهتدن ناچار او یرده دوردوم. یخشی لُق استیان دیدی او داغ  
چوخ شخصلر اولدوربدر و گنه آیری آدم لرن اولمنه باعث اولاجا قدر. یخشی در  
که سن او داغدن خلاص اولدون. مسیحی دیدی هرگاه مژده ویرن اوزگه دفعه  
منی تاپمسه ایدی بر وقتده که اوز غصه لریم دن اوتری فکر ایلردم حقیقتاً بیلرم  
او یرده منه نه یتشور ایدی. بو بر خوش بختی ایدی که ملاقات ایلدیم. بلی

اللهن رحمتدن ایدی که آیری دفعه او منه ملاقات ایلدی. اگر او اولماسه ایدی هیچ بر وقت بویره یتشمز ایدم. حقیقتاً آرتق لایقام او داغون توسطی اینن اولمی تاپام بوندن که دانشه دانشه بو طور اینن خداوندن حضورنده دورام. اما بیله شخص که وارام ایندی گلمشم عجب بو نه توفیق در که منم حالمه شامل اولوب که اونن توسطی اینن بویره داخل اولدوم.

یخشی لق استیان دیدی بوندن بیله هیچ کسه بحث ایلمرم. او هامی زadden که بویره گلمقدن ایرهلو اولمش در بورایه گلن هیچ وجه اینن اشیکه سالنمیاجا قدر (انجیل یوحنا باب ۶ آیه ۳۷). بو جهتدن ای مسیحی منم یخشی یولداشم بر قدر گل سنه تعلیم ویرم او یولدن اوتری که گرک گده سن قباقوه باخ آیا بو دار یولی گوررسن؟ اودر او یول که آبا الاجدادن و پیغمبرلرن و مسیحن و اونن حواریلرینن واسطه لقی اینن قایریلوبدر. او قدر دوز یول در که گویا مسطر اینن دوزلمش اولوبدر. بودر او یول که گرک اونن اینن گده سن.

مسیحی دیدی آیا هیچ اکریلر و دولاشوقلر که غریب آدم اولرن توسطی اینن یولی اتره یوخدر؟ یخشی لق استیان دیدی بلی چوخ یول لر وار که یوخاردن بو یولا یتشرلر که اولر کج گدرلر اما دوز یولی غلط یوللردن بو طور اینن تمیز ویره سن که دوز یول محکم و دارد.

پس یوخومدا گوردم که مسیحی آیری دفعه اوندن سورشدی که آیا بو یوکی گوتورمقدن اوتری که منم چکینمده در ایلیه بیلمزسز یاردم ویره سز چونکه بو

وقته کمین او یوکدن خلاصلق تاپمادم و گنه هیچ وجه اینن یاردمسز اونى  
ایلیه بیلرم گوتورم.

اونه دیدی نسبت یوکوه اونن گوتورمقندن راضی اول تا خلاص اولمق مکانه  
یتشه سن. بو جهته اوراده اوز اوزنه سنن چکینندن دوشه جاقدر.

## مفسر ائوي

پس مسیحي اوزنی حاضرلاماقه و سفردن اوتری کمرینی باغلامقه شروع ایلدی. اوندن صوره آیری شخص اونه خبر ویردی که وقتی که سن بر قدر یول قاپودن گچرسن بر مفسر آدلو آدمن ایوینه یتشه جاقسن. اونن ایوینن قاپوسنی دوک که او سنه تمیز شیلر نشان ویره جاقدر. پس مسیحي دوستنه وداع ایلدی و دوستی اونه الله سنه رفیق اولسون دیدی.

پس مسیحي گتدی چونکه مفسرن ایوینه یتشدی او یرده قاپونی نچه دفعه دوکدی. آخرده بر آدم قاپونن دالسونه گلوب سورشدی کیمدر؟

مسیحي دیدی ای اغا بر سفرچی ام و بر آدم که بو ایون صاحبنه یخشی آشنادر منه امر ایلدی اوز خیرمدن اوتری بو یره گلم بو جهته استرم ایو صاحبی اینن دانشام.

پس او آدم ایو صاحبنه خبر ایلوب بر آز مدتدن صوره ایو صاحبی مسیحي نن یاننه گلوب سورشدی که نه استرسن؟

مسیحي دیدی ای اغا بر شخص ام که هلاکت شهرندن گلمشم صهیون داغنه گدرم. او آدم که بو یولن باشنده اوتوراندر منه خبر ویردی که اگر بو یره گلم

سز منه یخشی شیلر یعنی بیله شیلری که مندن اوتری سفرده لازم در نشان  
ویره جاق سز.

پس مفسر دیدی داخل اول او شی که سنه فایده لی در نشان ویرم. پس نوکرینه  
دیدی که شمعی یاندور و مسیحیه دیدی اونن دالسنجه گت. اوندن صوره  
مسیحی نی بر یخشی اوطاقه آپاردی نوکرینه دیدی که قاپونی آچوخ قوی.  
چونکه آچدی مسیحی بر چوخ وقارلو کشینن صورتنی گوردی که دیواره  
اصلمش در. او صورتن هیئت بیله ایدی که اونن گوزلری گوکن طرفنه  
اوجالوب و کتابلرن یخشی سی النده و حقیقی شریعت دوداقلرینه یازلوب  
ایدی. دنیانی دالینه قویوب دوروب گویا خلقدن خواهش ایلر و بر قزل تاج  
باشینه اصلمش ایدی. پس مسیحی دیدی بوندن مراد نه در؟

مفسر دیدی ﴿بو کشی که صورتی بودر مین دن بری در او پولوس رسول کیمن  
دیه بیلر﴾ (زیرا اگر مسیح ده مین معلمنز اولسون اما گنه چوخ آتالرنز یوخ در  
زیرا که سزی انجیلن و ساطتی اینن مسیح عیسی ده من دوغمشم) (برنجی  
قورنطوسلو لر رساله سی باب ۴ آیه ۱۵ گنه کلتیه لی لر رساله سی باب ۴ آیه ۱)

و چونکه که اولاد دوغدی اولره سوت ویرر چونکه گوردن که گوزلرینی  
گوکن طرفنه اوجاتوتار و کتابلرن کتابی اونن النده و حقیقی شریعت اونن  
دوداقلرنده یازلوبدر. اونن مقصودی بودر که سنه نشان ویره که اونن ایشی  
مخفی شیلری کشف ایلماق و روشن ایلماقدر. ایلکه گوررسن دوروب گویا

خلقدن استر و چونکه گوررسن که دنیا اونن دالنده قالب و بر تاج باشنه  
أصلوب در. مقصودی اودر سنه نشان ویره که او آقاسنن خدمتنی ایله دوست  
توتار که اوندن اوتری بوشیلری که ایندی حاضر درلر حسابا گنورمز و حقیر  
سایار. یقین در که گلن دنیاده اونن نزدنده جلالی اولاجا قدر.

مفسر دیدی بو صورتی اولده سنه نشان ویردم. جهتی بودر او کشی که اونن  
صورتنی گوردن بر آدم در که او یرن صاحبی که اونن طرفنه گذرسن اونه مکرر  
بیرو بدر که هامی چتین یرلرده که سن یولده اولره ملاقات ایلسن سنه بلدلق  
ایلیه بو جهته او شیی که نشان ویرمیشم یخشی احتیاط ایله و او شیی که  
گوروبسن قلبنده ساخلا مبادا سنن سفرنده بعضیلر که سنه دوز یول گوسترمق  
ادعا ایلرلر و حال آنکه اولرن یولی اولومه یتشور ملاقات ایلیه لر و سن گنه  
اولره اینانه سن. پس الینی دوتوب اوننی چوخ بویک بر مهمانخانه یه آپاردی و او  
توز اینن دولو ایدی. بوندن اوتری که هیچ وقت سپورلممش ایدی. اوندن  
صوره که مسیحی آز مدت اوننی ملاحظه ایلدی مفسر بر آدم چاغردی که  
مهمانخانه نی سپورسون. چونکه او سپورمه باشلادی او قدر توز قالخدی که  
آز قالا مسیحی خفه اولو ایدی. پس مفسر بر باکره یه که یاخین دورمش ایدی  
بیوردی که بورایه سو گتور و اوطاقه سپ. وقتی که باکره اوننی یرینه گتوردی  
اوطاقتی سپورمق و پاک ایلمق آسان اولدی.

پس مسیحی دیدی بوندن مراد نه در؟

مفسر جواب ویروب دیدی بو توز اینن دولی مهمانخانه آدمن قلبی در که هیچ وقت انجیلن شیرین توفیقن واسطه لقی اینن پاک اولمیو بدر. او توز اصلی گناه و اونن گزلین فساد لریدر که تمام آدمی نجس ایلوبدر و او شخص که اولده سپورماقه باشلادی شریعت در و او که سو گتوردی و سپدی انجیلن مژده سی در. ایلکه گوردن او ساعت که شخص اول سپورماقه باشلادی ایله توز قالخدی اونه یاخین که سن خفه اولاسن. مقصود اودر که سنی خبردار ایلله که شریعت اوز باشینه شخصی اوز قلبنن گناهدن پاک ایلمز بلکه گناهی دیری ایلر و قوت ویرر چونکه گناهی آشکار ایلر و اوننی منع ایلر اما شریعت شخصی گناهه غالب لق قوتی ویرمز (رومالولر رساله سی باب ۷ آیه ۹ و گنه باب ۵ آیه ۲۰ و گنه برنجی قورنطوسلولر رساله سی باب ۱۵ آیه ۵۶)

برده ایلکه گوردن که باکره اوطاقه سو اینن سپدی و اوندن صوره پاک ایللق آسان اولدی. مقصود اودر که سنی خبردار ایلله که وقتیکه انجیلن مژده سی اوزنن شیرین و قیمتلی تأثیرلرینه داخل بر آدمن قلبنده اولا گناه او وقتده سنوق و مغلوب اولور که روح او مژده یه ایمان اینن پاک اولور و بو جهتدن او جلال پادشاهنه مسکن اولماقه لایق اولور. نجه که ملاحظه ایلدون که باکره سویی سپمق اینن اوطاقین توزی یاتدی (یوحنا انجیل باب ۱۵ آیه ۳ گنه آیه ۱۳ افسس لولره باب ۵ آیه ۲۶)

پس یوخومده گوردم که مفسر اونن الینی توتوب بر کوچک اوطاقه آپاردی که او یرده ایکی کوچک اوشاق هر بری اوز صندالنده اوتورب. بویکن آدی غضب و او بری نن آدی صبر ایدی. نظره بیله یتشور ایدی که غضب چوخ بی قناعت اوشاق ایدی ولی صبر چوخ ساکت ایدی. پس مسیحی سورشدی غضبون قناعتسزلقنه سبب نه در؟ مفسر جواب ویردی اولرن ولی سی استر که اولر گلن ایلون اولنه کمین صبر ایلسونلر تا که اوز زادلرنن یخشی سندن اولره ویره. اما غضب استر هامی سنی ایندی الا و صبر تحمل اینن راضی در. پس گوردم بر آدم غضبه یاخین گلدی و بر کیسه قیمتملی زادلردن گتوردی اونن آیاقلرینه توکدی و غضب اولری الینه آلوب اولردن خوشحال اولدی و صبره ریشخند ایلوب گولرایدی. اما بر آز مدت ملاحظه ایلدم که او هامی سنی باده و یروب کهنه لردن سوای اونده هیچ شی قالمادی. پس مسیحی مفسره دیدی بو حکایتی بوندن قباق مندن اوتری بیان ایلیه.

پس او دیدی بو ایکی اوشاق ایکی مثال درلر. غضب بو دنیانن اهلنون مثالی در و صبر گلن دنیانن اهلنون مثالی. بو جهته ایلکه بو یرده گوررسن که غضب هامینی ایندی بو ایل یعنی بو دنیاده استر المش اولا هابیله بو دنیانن خلقی درلر که استرلر اوز یخشی شیرینی ایندی المش اولالر اوز یخشی قسمت لردن اوتری تا گلن ایله کمین یعنی تا گلن دنیایه کمین صبر ایله مزلر. مشهور مثل در که بر قوش چیکنده یخشی در ایکی قوشدن که بوته ده در. بو مثلن معناسی اولرن یاننده اللهن گلن دنیانن یخشی لقی باره سنده کی هامی شهادت لردن آرتق در. اما ایلکه گوردون تزلق اینن هامی سنی باده و یردی. اوزندن اوتری بر آز مدتده کهنه لردن سوای هیچ شی قالمادی. بیله آدم لره بو دنیانن آخرنده واقع اولاجا قدر.

پس مسیحی دیدی ایندی گوررم که نجه سبیدن صبر عقللی در. اؤلنجی اودر که شیلرن یخشی سندن اوتری فکر ایلیر. ایکنجی اودر که جلال تاپاجاقدن بر وقتده که او بری ن کهنه لردن سوای بر شی قالمیودر.

مفسر دیدی بلی ایلیه بیلرسن بر آیری سبب گنه دیه سن یعنی آخرتن جلالی هرگز کهنه اولماز. بو دنیان شیلری بردن تمام اولور بو جهتدن نجه که صبرن غضبه گولماقه حقی وار ایدی غضبن صبره گولماقه بیله حقی یوخ ایدی. چونکه شیلرن یخشی سی آخرده صبره یتشه جاقدن نه آخری اولن یرینه گرک دورا. بو جهت که آخرنجی گرک گله اولن یرینه دورا اما آخرنجی هیچ زاده یر ویرمز. بو جهت که اوندن صوره بری گلمز. بنا بونا او که اوز قسمتی اول آلور گرک بر زمان صوره اونی مصرف ایلیه اما او که اوز قسمتی آخر آلور او همیشه اوزن کی اولور. نیجه که دولت صاحبی باره سنده بیله دیلوبدر. اوز حیاتن گوننده یخشی شیلری اوزوه مصرف ایلدن و لیکن لعازر بلالری چکدی. پس او ایندی تسلیتده در و سن عذابده ( لوقا أنجیل باب ۱۶ آیه ۲۵ )

مسیحی دیدی آنادم که گلن زادلردن اوتری صبر ایلحق یخشی در. او زادلره طمع ایلماقدن که ایندی موجوددرلر.

مفسر دیدی دوغری دیرسن چونکه گورسه نلر زمانی در و گورسنمینلر همیشه لوق ( ایکنجی قورنطوسلولره باب ۴ آیه ۱۸ ) بونن اینن بیله گنه حاضر شیلر بزم بدنمن آرزولرینه او قدر یاخین همسایه درلر و گلن شیلر بدنن میل لرینه او قدر ضددرلر که اولنجی اینن تیز دوستلق دوشر. اما ایکنجی نن آراسنده اوزاقلق قالور ( رومالوره باب ۷ آیه ۱۵ - ۲۵ )

پس یوخومده گوردم که مفسر مسیحینن الدن توتوب اونی بر مکانه آپاردی که او یرده بر اود بر دیوارن یاننده یانار ایدی و بر آدم یاخین دوروب همیشه او

اوده چوخ سو سپر ایدی که اونی خاموش ایلیه. اما اود اوجا و شعله‌لی اولور ایدی.

پس مسیحی دیدی بوندن مقصود نه‌در؟

مفسر جواب ویروب دیدی بو اود توفیقن ایشی در که قلبه ایشلیری. او که اونه سو سپر که اونی خاموش و یوخ ایلیه ابلیس در. اما چونکه گوردن که باوجود این او اود اوجا و شعله‌لی اولور. اونن سببیله جاقسن. پس اونی او دیوارن دالسنه آپاردی. او یرده بر آدم گوردی بر یاغ قابی النده وار و اوندن پیدرپی (اما گزلین) اوده توکر ایدی.

پس مسیحی دیدی بوندن مقصود نه‌در؟

مفسر دیدی بو مسیح در که پیدرپی اوز توفیق یاغی اینن بر عملی که مؤمنن قلبنده باشلانوب در قائم ساخلار. بو عملن توسطی اینن اوز اهللرن جانلرنی توفیق ایلری آپارر. هر نه قدر ابلیس او عملون ضدنه چوخ سعی ایلسه گنه بر شی ایلیه بیلمز. چونکه گوردن بر آدم دیوارن دالسنده دوروب که اودی یخشی ساخلاسون. بودر که سنه تعلیم ویره که چتین در بر شخص دن اوتری اگرچه امتحان اولنمش اولسه گوره که نه قسم بو توفیق ایشی جانده حاضر اولور و ساخلانور.

و گنه گوردم که مفسر آیری دفعه اونن الینی توتوب بر خوش یره آپاردی که او یرده بر اوجا عمارت بنا اولوب ایدی که صورتاً قشنگ ایدی. اونی گورنده مسیحی چوخ شاد اولدی. اونن دامونده بعض آدم لر که اولرن لباسی تماماً قزل دن ایدی ملاحظه ایلدم. پس مسیحی دیدی آیا ایلیه بیلروق او یره گیداق؟ پس مفسر اونه او عمارتن قاپوسنن طرفنه یول نشان ویردی. قاپونن قباقتنده چوخ جماعت دورمش ایدیلر که گویا خاهش و آرزولری وارایدی که داخل اولالر اما جرئت ایلمرایدیلر و گنه بر آز مسافت اینن او قاپودن بر آدم بر میزن

یابنده اوتوروب قباقنده بر کتاب و قلمدان وارایدی تا او که داخل اولانلرن اسم لربینی یازا و گنه مسیحی گوردی که قاپونن آراسنده چوخ آدملر مسلح اولوب دورمشدیلر تا او که قاپونی حفظ ایلیه لر و اولرن خیالی بو ایدی که بعض آدملره که استرلر داخل اولالر ممکن قدری زحمت و ضرر یتوره لر. بو وقتده مسیحی بر قدر حیران اولدی چونکه او گروهن هامی کشی لری او سلاح لی آدملرن قورخوسندن دالیه گذردیلر. آخرده مسیحی چوخ قوی یوزلی بر آدم گوردی که او آدمن طرفنه که اسامینی یازمقدن اوتری او یرده اوتوروب ایدی گلدی و دیدی ای اغا منم آدمی یاز. چونکه اونن آدینی یازدی مسیحی گوردی که او آدم قلجنی چکوب و طاس کلنه باشنه قویوب. او قاپونن طرفنه سلاحلی آدملرن قباقنه یوکوردی و اولر چوخ قوت اینن اونه حمله ایلدیلر. اما او آدم هیچ وجه اینن قورخمایوب شروع ایلدی چوخ شدت اینن کسمقه و پارچالامقه. بر ساعتدن صوره که چوخ یا را اوردی اولره که سعی ایلرایدیلر اونن اشیکده ساخلیه لر اولرن هامی سنن آراسندن اورماق و کسماق و سیله سی اینن اوز یولینی آچوب عمارتن طرفنه زور اینن یوکوردی. همان ساعت اولردن که عمارتن ایچنده یعنی بر پارا آدملر که دامده گزر ایدیلر بر خوش سس اشتدلر که دیر ایدی:

## ایچاری گل ایچاری گل

سنن اولسون همی جلال

پس داخل اولوب او لباسه که اولرن واری ایدی ملبس اولدی. مسیحی گولدی و دیدی گمانیم اودر که بوندن مقصود نه در بیلرم.

مسیحی دیدی ایندی قوی که بویردن گدم. مفسر دیدی خیر صبر ایله تا سنه بر آز بوندن آرتق شی نشان ویرم اوندن صوره اوز یولوه گده سن. پس اونن الینی توتوب چوخ قرانلق بر اوطاقه آپاردی که او یرده بر آدم بر دمیر قفسن آراسنده

اوتورمش ایدی. او آدم نظره چوخ غمگین گلور ایدی. الی باغلو و گوزلری یره نگران اوتورب آه چکر. گویا یاخین ایدی یوره کی کسلمش اولا. پس مسیحی دیدی بوندن مقصود نه در؟ او ساعت مفسر مسیحیه امر ایلدی که او آدم اینن دانش سون.

پس مسیحی اونه دیدی سن نه آدم سن؟ او جواب ویردی دیدی او شی که اوّل یوخ ایدم ایندی و ارام. مسیحی دیدی اوّل نه وار ایدون؟

او آدم دیدی گاه یوزده مؤمن ایدم که اوز گوزومه و اوزگه گوزونه خوش و رعنا گلوردم. اوز گماننده گاهی منم امیدم گوکن یخشی شهرینه ایدی و منتظر ایدم که او یره یتشه جاقام و شاد اولور ایدم (لوقا انجیل باب ۸ آیه ۱۳)

مسیحی دیدی یخشی ایندی نه وارسن؟

او آدم دیدی ایندی بر غصه لی شخص ام و غصه ده بو دمیر قفسون ایچنده حبس اولانکیمی اولمشم. اشیکه گده بیلرم. وای ایندی اشیکه گده بیلرم.

مسیحی دیدی نه قسم بو حاله دوشدن؟

او آدم دیدی او یاق و هوشیار اولمقی ترک ایلوب جلوی شهوتن بوینونه سالمدم. اللهن کلامنه و احساننه خلاف گناه ایدم. روح القدسی انجتم و گدویدر شیطانانی قالخوزدم و منم یانمه گلویدر. خداوندی غصبه گتوردم و منی دالی قویویدر و قلبمی او قدر برک ایلدم که توبه ایلیه بیلرم.

پس مسیحی مفسره دیدی آیا بیله شخص دن اوتری هیچ بر امید یوخدر و مفسر دیدی اوندن سورش. پس مسیحی دیدی آیا هیچ بر امید سندن اوتری یوخدر و آیا گرک سن بو دمیر قفس ده ساخانمش قالاسن؟

او آدم دیدی خیر هیچ بر امید یوخدر.

مسیحی دیدی نیه عیسی چوخ رحیم در.

او آدم دیدی اونوی اوز گناهلر مین سبینه گنه خاچده آسلمش ایلشم و اونو شخصیت و عدالتنی حقیر سایمیشم و اونو قانینی نامقدس خیال ایلدم. بو جهت اوزمی هامی وعده لردن کنار توتمشم. ایندی مندن اوتری قورخی دن سوای هیچ شی قالمایوبدر. یعنی هولناک قورخو و یقن قورخو یقن دیوانن باره سنده و اودلو غیرت که منی دشمن کیمی هلاک ایده جا قدر (عبرانیله نامه باب ۶ آیه ۶ گنه باب ۱۰ آیه ۲۶)

مسیحی دیدی نهن اوتری اوزوی بو حاله سالمش سن؟

او آدم دیدی بو دنیانن لذتلی و شهوتلی و منفعت لرندن اوتری ایدی که اولرن گذراننده اوزمه چوخ خوشحال لق گمان ایلردم. اما ایندی او زاد لردن هر بری سی اود کمین منی توتار و بی یر.

مسیحی دیدی آیا ایندی ایلیه بیلمزسن قایته سن و توبه ایلیه سن؟

او آدم دیدی الله توبه ایلمقی مندن منع ایلوبدر و اونو کلامی منه هیچ جرئت ویرمز که ایمان گتورم. بلی او اوزی منی بو دمیر قفسده حبس ایلوبدر. هامی آدم لر که بو دنیاده درلر ایلیه بیلمز لر منی خلاص ایلیه لر. ای ابد ای ابد بر غصه که گرک اونوی ابدده ملاقات ایلیم اونو اینن نیجه گورش توته بیلیم.

پس مفسر دیدی بو آدم من مصیبتی سنن یادنده اولسون. قوی سن دن اوتری عبرت ابدی اولا.

مسیحی دیدی بلی بو هولناک در. الله منه یاردم بیوره که او یاق و هوشیار اولام  
و دعا ایلیم که بو آدمن مصیبتی نون سببندن پرهیز ایلیم. ای اغا ایندی وقت  
گلمیوب در که اوز یولومه گدم؟

مفسر دیدی صبر ایله تا بر اوزگه شی سنه نشان ویرم. اوندن صوره اوز یولوه  
روان اولاجاقسن. پس گنه مسیحی نن الینی توتوب یاتمق اوطاقته آپاردی که او  
یرده بر آدم رختخوابدن دوررایدی لباسلرینی گین وقتده تکان یر ایدی و تتر  
ایدی. پس مسیحی دیدی بو آدم نیه بو طور تتر؟ مفسر او آمده امر ایلدی که  
تتر مقنن سببنی مسیحیه بیان ایلیه. پس او آدم شروع ایلیوب دیدی بو گیجه بر  
یوخی گوردم که بودر گوک لر گده گده چوخ قرانلق اولدی و گنه رعد و برق  
چوخ هولناک طور اینن اورارایدی که منی بر بیوک غصه یه سالدی. پس  
یوخومدا یوخارویه باخدم که بلو طلر اوز قاعده سندن چوخ سرعت اینن  
حرکت ایلر ایدیلر. همان ساعت اوجا بر صور سسی ایشتم و گنه گوردم بر  
کشی اوتوروب دور. گوکن اهلندن اونه تابع اولان مین مین کشی اطرافنده  
ایدیلر. گوک لر گنه یانار گوگورد ایدیلر. پس برسس ایشتم که دیدی ای  
اولی لر دورون دیوانه گلون. او ساعتده داشلر پارچالانوب و قبرلر آچیلدیلر.  
اولی لر که او یرده وار ایدیلر اشیکه گلدیلر. بعض اولردن چوخ شاد  
اوجایه باخار ایدیلر و بعض سعی ایلر ایدیلر که اوزلرینی داغلرن آلتنده  
گزیله لر. پس گوردم او کشی که تخته اوتورمش ایدی بر کتاب آچوب امر  
ایلدی که دنیا خلقی یخین گله. اما بر برک شعله نون سببنه که قباقتدن اشیکه  
گلور ایدی اونن و اولرن آراسنده بر مسافت قالدی. نیجه که قاضی اینن  
دوستاق آراسنده دیوانخانه ده وارد و گنه گوردم او آدمن تابعلری نه که برابر  
اوتورمشدیلر امر اولدی که دلپه نی و سمانی جمع ایلیوب یانان دریاده  
ساللر. همان ساعت بر دبسز چوقور او یرن یاخیننده که دورمش ایدم آچیلدی  
که او چوقورن آغزندن توتسی و اود پارچالری و پیس سسلر اشیکه گلور ایدی  
و همان آدملره گنه دیلدی که منم بوغدامی انبارده جمع ایلیون و همان ساعت

گوردم که چوخ آدملر آلوب بلوطلرن آراسنه آپاردیلر. اما من اولردن دالو قالدیم. و گنه اونو آختارور ایدم که اوزمی گزلیم. اما ایلیه بیلدم گزلین اولام بو جهته که او کشی که تخته اوتوروب ایدی اوز گوزلرینی منه تکمشدی و گناه لرم خیالمه گلور ایدی و روحانی عقلم منی هر طرفدن مزمت ایلدی. بو وقتده یوخودن او یاندم (اؤلنجی قورنطوسلورله باب ۱۵ آیه ۵۲ یوحنا باب ۵ آیه ۲۸ و ۲۹ ایکنجی تسالونیکلورله باب ۱ آیه ۷ و ۸ مکاشفات باب ۲۰ آیه ۱۱ و ۱۴ مزامیر ۵۰ آیه ۱ و ۳ ملاکیا باب ۳ آیه ۲ و ۳ دانیال باب ۷ آیه ۱۰ متی باب ۳ آیه ۱۲ گنه باب ۱۳ آیه ۳۰ گنه باب ۲۵ آیه ۳۰ ملاکیا ۴ آیه ۱ لوقا باب ۳ آیه ۱۷ اؤلنجی تسالونیکلورله باب ۴ آیه ۱۶ و ۱۷ رومالورله باب ۲ آیه ۱۴ و ۱۵)

مسیحی دیدی بو یوخونی ده سنی قورخودان شی نه ایدی؟

او آدم دیدی گمان ایلر ایدم که دیوان گونی یتشبدلر. اوندن اوتری حاضر دگلایدیم. اما او که منه چوخ قورخوویردی بو ایدی که نچه لرنی فرشته جمع ایلیوب یوخارویه آپاردیلر و منی قویدیلر و گنه جهنمن چوقوری همان یرده که دورمشدم اوز آغزونی آچمشدی. منم روحانی عقلم گنه منه اذیت ایلر ایدی. فکر ایلر ایدم قاضی همیشه گوزینی منه تکوبدر و غضب اونن یوزنده آشکار ایدی.

پس مفسر مسیحی به دیدی آیا بو شیلرن هامی سنن باره سنده فکر ایلدون؟

مسیحی دیدی بلی بولر منی امید و قورخوده قویدیلر. مفسر دیدی یخشی بو شیلرن هامی سینی قلبنده ساخلا تا او که بر تیکان کمی اولالر که سنن یانلاروا باته و سنی بر یولا که گرک اونه گده سن هی ایلیه لرم.

پس مسیحی کمربینی باغلامقه اوزینی سفره حاضر ایلمقه شروع ایلدی. پس  
مفسر دیدی ای یخشی مسیحی تسلی ویرن همیشه سنن اینن اولسون تا اینکه  
سنی هدایت بیوره.

پس مسیحی اوز یولینه روان اولوب دیرایدی:

ای عزیز ذات چوخ مفید شیلر منه قیلدون عیان

دولت عرفان اینن اولدم غنی و شادمان

دشت عمرمدن گذر ممکن دکلمش بی خطر

گوزلرم آچدون بنی بیدار قیلدون سن بو آن

مشکلم حل ایلیوب اول معنیدار سوزلر اینن

خاطریم خوش ایلدن دفع اولدی اندوه و فغان

ای مفسر بو گوزل نافذ نصیحتلر ایچون

هامی عمرمه اولورم منتدارون بی گمان

## THE CROSS

پس یوخومده گوردم او یول که مسیحی گرک اوندن گده اونن ایکی طرفنده بر دیوار که اونن آدی نجات ایدی چکلمش ایدی (اشعیا باب ۲۶ آیه ۱) پس بو یولون اوستنه مسیحی یکورر ایدی اما او یوکدن اوتری که دالسنده وارایدی یکورمقی مشکل ایدی. بو طور اینن که یکورر ایدی تا بریره یتشدی که بر قدر باش یوخاری ایدی و او یرده بر خاچ محکم اولمش ایدی و بر قدر اوندن آشاقه‌راخ درده بر مقبره وار ایدی. پس یوخومده گوردم همان ساعت که مسیحی او خاچه یتشدی یوک دالسوندن آچلوب دوشدی و باشلادی دگرلنمقه. همان طور دگرلنه دگرلنه او مقبرهنن آغزینه یتشدی و اوراده دوشدی و او یوکی برده گورمدی.

پس مسیحی خشنود و شاد اولدی و خوش قلب اینن دیدی که الله راحت لقی اونن غمی نن توسطی اینن و هم دیری لقی اونن اولمونن توسطی اینن منه ویروبدر. منه باغشلیوبدر پس باخمقدن اوتری و تعجب ایلمقدن اوتری آز مدت ساکت دوردی بو جهته که چوخ تعجب ایدی که صلیبینه نظرایلمق اینن اوز یوکندن خلاص اولدی. لهذا او دوباره باخدی بر وقته کمین که اشکلر گوزلرندن یوزینه آخار ایدی او زمانده که آغلار و باخار ایدی اوچ فرشته اونن یاننه گلدیلر و اونه سلام ایلدیلر و دیدیلر سلام سنه اولسون. اولنجی اونه دیدی که سنن گناهلرن باغشلاندی. ایکنجی کهنه لباسینی گوتوروب اونن آیری لباس اینن گیندردی. اوچنجی اونن آنونده بر نشان قوبیدی و اونه بر مهرداد طومارنی ویردی و اونه امر ایلدی که یولده طوماره باخا و گوکن دروازه سنه یتشده اونن اوریه ویره و اوندن صوره اولر اوز یولینه گتدیلر (مرقوس انجیل باب ۲ آیه ۵ زکریا باب ۳ آیه ۴ افسس لولره باب ۱ آیه ۱۳). پس مسیحی اوز شادلقندن اوتری اوچ دفعه آتیلدی و اوز یولینه گدوب دیر ایدی:

گناهن یوکی آلتنده من بورایه گلدن

غصه م آرتوق ایدی تسلی تاپمزدن

آختاردن بو وقته کمین و ایندی چوخ تعجب

بو یرده منم ایچون خوشحال لق باشلیوب

یوک چکینمدن دوشدی

و اپلری کسلدی

بو جلالی خاچدن و قبردن و آرتوق ممنون ایم

او کشی دن که خاچ اوستنده اولدی منم ایچون

## SIMPLE, SLOTH AND PRESUMPTION

پس یوخومده گوردم که بو طور اینن گدوب درهنن دبنه یتشدی که او یرده قدری یولدن کناره اوچ آدم گوردی که آغر یوخویه دوشمشدیلر و زنجیرلر اولرن آیاقلرینه باغلانوب ایدی. برینن آدی ساده اوبری تنبل و اوچنجی گستاخ ایدی.

پس مسیحی اولری یوخی حالتنده گوردی. اولرن طرفنه گتدی بلکه اولری اویدا و فریاد ایلدی که سز اولر کمین سز که گمی نن ستونینن باشنده یاتارلر. بو جهتته که سزن آلتیزده اولومن دریاسی واردر که دبسز دریادر. زیرا او یاق اولون و بو یردن چیقون و گنه راضی اولون که زنجیرلری گوتورمق باره سنده سزه یاردم ایلیم و گنه اولره خبر ویردی که اگر او که شیر غران کمی گردش ایلر سزن طرفوزه گله البته دوشنن شکاری اولاجاق سز (امثال سلیمان باب ۲۳ آیه ۳۴) (اولنجی پطرس باب ۵ آیه ۸) همان ساعت اونو باخدیلر بو قسم جواب ایلدیلر. ساده دیدی هیچ خطر گورمرم. تنبل دیدی بر قدر یوخی. گستاخ دیدی هر قویون گرک اوز آیاقندن آسلسون و صوره گنه اولر یوخودن اوتری اوزاندیلر و مسیحی اوز یولینه روان اولدی.

مسیحی فکر ایلدی که بو نه قسم آدملر درلر که بیله خطرده بر آدمن احسانینی که مجانا یاردم اولره تکلیف ایلدی یعنی اولری او یاق ایلدی و مصلحت ویردی و اولرن زنجیرلرینی گوتورمقدن اوتری برکمک اولره تکلیف ایلدی او قدر حقیر سایالر.

## FORMALIST AND HYPOCRISY

بو فکر کردن پریشان اولدی او وقته که او پریشان ایدی ایکی آدمی گوردی دگره دگره دیوارن یوخارسندن دار یولن سول طرفندن گلور ایدیلر. بولر تز مسیحی نن طرفنه یتشدیلر. بریسنن آدی متزهده ظاهری و او بریسنن ریا ایدی. ایلکه دیدم اولر مسیحی نن طرفنه یاخین گلدیلر. او اولر اینن صحبتته مشغول اولدی.

مسیحی دیدی ای نجیب یولداشلر هارادن گلورسزو هارایه گذرسز؟

متزهده ظاهری و ریا دیدیلر باطل جلالن یرنده دوغلدق. دعادن اوتری صهیون داغتن طرفنه گدریک.

مسیحی دیدی نیه او قاپودن که دوز یولن اولی در داخل اولمادز؟ آیا بیلمرسز که یازلوبدر هر کس که قاپودن گلمز بلکه اوزگه طرفدن یوخارو گدر اوغری و حرامی در (یوحنا انجیل باب ۱۰ آیه ۱)

اولر دیدیلر بزم اهل وطنیمزن هامی سی که گتدیلر او قاپونی یوله داخل اولمقدن اوتری بویک مسافت ساییدیلر. لهذا اولرن قاعده سی بودر که او یولی قسا ایلر دیوارن اوستندن گله لر بو طور اینن که بز گلمیشق.

مسیحی دیدی آیا او شهرن صاحبی که بزم قصدمز اونن طرفنه در بیله ضد رفتاری خطا و حددن گچمق سایمیاجا قدر؟ اولر دیدیلر بو خصوصده اوزوزه دردسر ویرمیون بو جهتته که اوز عادت مزه گوره حرکت ایلدوق. بر عادت که مین ایل مدتدن ایندی به کمین واریمزد. هرگاه لازم اولا اونی اثباتدن اوتری مجاهدلق گتوره بیلریک.

مسیحی دیدی آیا سزن عملز قاضی ن یاننده ثابت اولور؟ اولر دیدیلر چونکه بو قاعده مین ایل دن آرتق در که برپا اولوبدر شبهه سز قاضی ن حضورنده که طرف گیرلق ایلمیه بزم عملمز شرعی عمل کمین قبول اولاجاقدر. علاوه بونا دیدیلر اگر یوله داخل اولدوق یا بوطور اینن یا اوطور اینن داخل اولمقین نه تفاوتی وار اگر یولده واروق واروق سن که یولده وارسن نجه که بر آثاروق قاپودن داخل اولوب سن و بز گنه یولده واروق که دیوارن اوستندن دگرلنمق اینن گلدوق. ایندی سنن حالتون نه زادهه یخشی در؟

مسیحی دیدی من اوز آقامن قانونی اینن رفتار ایلمرم. سز اوز خام خیالز اینن رفتار ایلیرسز. ایندی خداوندن یاننده یول اوغرولردن سایلمش سز. بو جهته اینانمرم که یولون آخرنده درست آدملردن اولاسز. اوز اوزوزه اونن امرینه باخمیوب یوله داخل اولوب سز. اوز اوزوزه اونن مرحمتنی تاپمادن یولدن خارج اولاجاق سز.

بو سوزه اولر قسه جواب ویروب دیدیلر که سن اوزوه باخ. پس گوردم هر بریسی اولردن اوز یولینه گندیلر. بوندن سوای بو ایکی آدم مسیحی به دیدیلر که نسبت شریعت لره و طریقه لره شکمز یوخ در که اوز روحانی عقلمز اینن اولری عمله گتوریرخ ایلکه سن اولری عمله گتوررسن. بو جهتن بزم اینن سنن آرانده بر تفاوت گورمروق بر جبه دن غیری که چکیننده وار و اونن ایله گمان ایلروق که چلپاقلقنی اورتمقدن اوتری همسایه لردن بری سنه ویروبدر. مسیحی دیدی سز شریعت لر و طریقه لر توسطی اینن نجات تاپمایه جاقسز (غلاطیه لولره باب ۲ آیه ۱۶) بو جهته که قاپودن داخل اولمادز. بو جبه ن باره سنده که چکیننده وار او یرن صاحبی که اونه گدرم منه باغشلیوبدر و ایلکه دیدز اونن باغشلا دی تاکه اوز چلپاقلقمی اونن اینن اورتم و اونن اوزمه محبت علامتی سایام. بو جهته که اوندن اول کهنه لردن سوای بر شی یوخوم ایدی و علاوه بونا نقدری که یوله گدرم اونن اینن اوزمه تسلی ویرم و فکر ایلمرم. البته بر وقتی که شهرن دروازه سنه یتشم اونن صاحبی منی اوز

احسانی‌ن جھتنه تانیه‌جا قدر. بو جهته که اونن جبه‌سی اوز ایکنمه‌در. بو جبه‌نی او گونده که کهنه‌لریمی گوتوردی منه مجانا باغشلا دی و علاوه بونه بر نشان هم آنومه وارمدر. گویا سز اونن ملاحظه ایلمدز که نه وقتی که یوک چکینمدن دوشدی آقامن خاص دوستلردن بری منم آنومه قویدی و علاوه بونا سزه دیرم او وقتده بر مهرلی طومار منه باغشلانندی که یولده همیشه اوخیوب تسلی تاپام و گنه مأمور اولدم که بونی گوکن دروازه‌سنه ردّ ایلیم و بو بر علامت‌در که یقیناً اوندن صوره که ویردم داخل اولورم و شک ایلمرم که سزن بو زادلردن هیچ بری یوخوزدر بو جهتن که قاپودن داخل اولمادز.

اولر بو سوزلره جواب ویرمدیلر. اما بربرینه باخوب گولر ایدی‌لر. پس گوردم که اولرن هامی‌سی روان اولدی‌لر اما مسیحی قباقدن گذرایدی. بعضی وقت آه چکر ایدی. بعضی وقتده تسلیده ایدی و گنه او طوماری که پارولدایان شخصلردن بری او نه ویرمشدی اوخور ایدی و اونن توسطی اینن آرام تاپار ایدی.

## THE HILL DIFFICULTY

پس گوردم اولرن هامی سی روان اولوب بر داغون دامنه سینه که آدی اشکال  
ایدی یتشدیلر. اونن اتکینده بر بولاق وار ایدی. همان یره گلن یولدن سوای  
گنه ایکی اوزگه یول وار ایدی. بریسی سول طرفه و بریسی ساق طرفه آیریلو  
رایدی. اما دار یول دوز داغون اوستنه گذر ایدی. بو یوقوش جهتمدن داغن  
آدی اشکال داغی ایدی. او وقتده مسیحی بولاقن باشنه گدوب رفع زحمتدن  
اوتری او بولاق دن ایچدی. صوره باشلادی یوقوشه یوخاری گتمقه و دیدی:

داغ اوجادر اما من گدرم

و زحمتلر ایچون قورخمرم

چونکه حیاتن یولی بوراده واردر

و نه که اولسه قلبیم قبول ایلر

گناهن یولی بوندن آساندر اما آخرنده

هلاکتدر او سبیدن گدرم حیاتن یولی نه

او ایکی اوزگه آدم گنه داغون اتکنه یتشدیلر. اما چونکه گوردیلر که داغ باش  
یوخاری و اوجادر و گتمقدن اوتری علاحدّه گنه ایکی یول وار گمان ایلدیلر  
که شاید بو ایکی یول داغون دالسونده او یولا که مسیحی اونه گتدی  
یتشه جاقدر. لهذا اوز خیال لری اینن اونه قرار ویردیلر که او ایکی یولدن گده لر.  
او یول لردن برینن آدی خطر و برینن آدی هلاکت ایدی. پس او ایکی آدم لردن  
بریسی خطر یولینی قباقرنه توتدی که او یول اونن بر بیوک جنگله آپاردی.

اوبری هلاکت یولینی دوز توتوب گتدی که او اونی قرانلق داغلا اینن دولو بر بیوک چله آپاردی که او یرده سورشوب دوشدی و برده قالخمادی.

پس مسیحین دالسنجه باخدم که داغه یوخاری گتماقینی مشاهده ایلیم. آنادم که او یکورمقدن یواش گتماقه دوشدی و صوره دیزلر و اللراین گذرایدی بو جهته که او مکان چوخ باش یوخاری ایدی. داغن باشنه کمین یولن نصفنه یاخین بر خوش داربست واقع اولمش ایدی که او داغن صاحبی اونی یورولمش سفرچیلرن خستهلقندن اوتری برپا ایلمش ایدی. پس مسیحی اویره یتشوب اوز راحتلقندن اوتری او یرده اوتوروب اوز طومارینی قوینوندن اشیکه چکوب اوز تسلیسندن اوتری اوخورایدی و گنه او جبهنی که صلین یاننده اونه باغشلانمش ایدی مجدداً ملاحظه ایلدی. بو طور اینن بر مدت اوزنی خوش توتدی. آخر الامر بر یونگول یوخویه دوشدی.

صوره یوخوسی آغر اولدی که او یوخی اونی تا گیجه یاخین او مکاندا ساخلادی و یوخوده طومار الندن دوشدی. او وقتده که یوخلامش ایدی بر شخص اونن یانینه گلوب اونی او یاق ایلدی و دیدی ای کاهل قاروشقانن طرفنه گت اونن یول لرینی گوروب عاقل اول (امثال سلیمان باب ۶ آیه ۶) همان ساعت مسیحی قالخوب تزلق اینن اوز یولینه یوکردی. داغن باشینه کمین سرعت اینن گتدی. او وقتده که

## TIMOROUS AND MISTRUST

مسیحی داغن باشینه یتشدی ایکی آدم گوردی که عجله اینن یوکورردیلر بریسنن آدی ترسنده و اوبری نن غلط اعتماد ایدی. مسیحی اولره دیدی ای اقالر سز غلطون طرفنه یوکوررسز. ترسنده جواب ویردی که بز صهیون شهرینه گدردوق بو مشکل مکانن اوستنه یتشدوق و گنه دیدی هر نه قدری که قباقه گتدوق چوخ خطرہ ملاقات ایلدوق. بو جهتنن قایدوب مراجعت ایلدوق.

غلط اعتماد دیدی بلی بو جهته که قدری قباق بزم قباق مزده بر جفت شیر اوزانوبدرلر یولن آراسنده. آیا یاتوب و یا اوایق اولالر بیلمروق. اما اوزگه فکر ایلیه بیلمدوق اوندن سوای که هرگاه اولرن دسترس یرینه یتشاق بزى فوراً پارچا پارچا ایلیه جاقلر.

پس مسیحی دیدی سز منی قورخودرسز. هارایه قاچام که سلامت قالم اگر اوز وطنمه قایدیم او گوگرد اینن یانمقه حاضردر. یقیناً او یرده هلاک اولاجاقام اگر ایلیه بیلیم سماوی شهره یتشم یقینم وار او یرده سالم قالاجاقام. گرک خطرہ گتماقی قبول ایلیم. چونکه گرو قایتماقده اولومدن سوای هیچ شی یوخدر. قباقه گتماقده اولوم قورخوسی و اوندن صوره ابدی حیات واردر. هر صورتده قباقه گده جاquam. پس غلط اعتماد و ترسنده داغن اتکنه یتشدیلر و مسیحی اوز یولینه روان اولدی و گنه او زادن باره سنده که بو ایکی کشیدن اشمش ایدی فکر ایلوب او طوماردن اوتری که قویننده ایدی ال آپاردی تاکه اشیکه گتوروب اوخویه و تسلی تاپا. اما اوننی تاپمادی. پس مسیحی بیوک غصه ده ایدی و بیلمرایدی که نه ایلیه. بو جهته که او زاده که ایره لوجه اوننی آسوده ایلر ایدی و گرک سماوی شهرده او مذاکره اولو و اونن توسطی اینن داخل اولو محتاج ایدی. لهذا بو یرده چوخ مضطرب اولدی و بیلمدی که نه ایلیه. آخر الامر خاطرینه یتشدی او داربست که داغن نصفنده واقع اولوب او

برده یاتوبدر. پس دیزی اوستنه دوشوب اللهدن دیله‌دی که او ابلهانه ایشی که ایلمش ایدی باغشلیه و اوندن صوره طوماری آختارماقه قایتدی. ولی کیمن قدرتی واردر که او یولن هامی سنده مسیحینن قلبنن غم و غصه‌سنی کفایت طوری اینن بیان ایلیه. بعضی وقتلر آه چکر ایدی. بعضی وقت آغلر ایدی و چوخ وقت اوزنی مذمت ایلر ایدی. اوندن اوتری که او قدر خواب آلوده اولدی بر یرده که اونن زحمتتون رفعدنن اوتری برپا اولمش ایدی. بو طور اینن قایدوب بو طرفه او طرفه دقت اینن یولون هامی سنه که گذر ایدی باخار ایدی بلکه اوز طومارینی که سفرنده مکرراً اونن تسلیسنه باعث او لوب ایدی تاپا. بو طور اینن گذر ایدی تا آیری دفعه داربستی گوردی که اونده اوتوروب یاتمش ایدی. ولی اونه باخماق اینن دوباره اوز گناهی خاطرینه گلوب اونن غمینی تازه ایلدی (مکاشفات باب ۲ آیه ۵) بنابونا بو وقتده که گذر ایدی یوخودن اوتری که گناه ایدی زارلق ایلیوب دیر ایدی آه من پریشان آدم که گوندوز آشکالن آراسنده یاتدم او قدر اوز بدنمین دالوسنده اولام که راحت یرینی که داغن صاحبی اونن محض حاجیلرن ارواحنون آسوده‌لقی ایچون برپا ایلیوبدر اوز بدنن آسوده‌لقندن اوتری ایشله‌دهم و نه قدر بی‌فایده قدملر اوردم. بو طور اسرائیله واقع اولدی زیرا اونن گناه‌لرینون جهتته آیری دفعه اولر دریای احمر یولیندن دالویه گوندرلمش اولدیلر. هرگاه بو یوخی که گناه ایدی اولمیه ایدی او قدملر که ممکن ایدی منم ایچون اولری شادلق اینن اورام ایندی همان قدملری غم اینن اورمازدم. اگر یوخویه گیتیمیه ایدم بو وقتده اوز یولومه نه قدر ترقی ایلرایدم. و قدملری که لازم ایدی بر دفعه اورام ایندی گرک اوچ دفعه اورام. بلی ایندی احتمال گذر که گیجه‌نن قرانلقی منی توتا. زیرا که یاخین گوندز تمام اولوبدر. ای کاش که یاتمامش اولای ایدم.

بو وقتده گنه او داربست یرینه یتشدی. او یرده بر مدت اوتوردی و آغلادی آخرالامر (ایلکه الله استه‌مشدی) بو حالت اینن اوتوردوقی تختن آلتنه باخوب اوز طومارینی او یرده تاپدی و اونن تز و تتره‌ماق اینن توتوب قوینونه قویدی.

اما کیمین قدرتی وارد که مسیحین شادلیقینی که بو وقتده اولدی تعریف ایلیه. بو جهته که بو طومار اونن حیاتیون خاطر جمع لقی و اونن بندرده قبول اولمقی ایچون سفارش نامه ایدی. پس اونی قویونونه قویوب اللهن شکرینی ایلوب بوندن اوتری که اونن گوزینی طوماری دوشن یره سالدی. پرشادلق اینن و شوق اینن گوز یاشلری دوکماق اینن اوز یولینه روان اولدی و یولون قالاننی چوخ آسانلق اینن طی ایلدی. اما اوندن قباق که مسیحی اویره یتشه گون غروب ایلدی و بو گونن غروب ایلمقی اونه باعث اولدی که اوزگه دفعه اوز پس یوخوسنی یادا گتوره. گنه بوطور اینن اوز تعزیتنه شروع ایلدی. ای یوخو سن که گناه ایدن سندن اوتری احتمال گدر که قرانلق منی توتا. گرک گون سز قدم اورام. گرک ایندی یولون قرانلقى منم قدملرمی پرده لو ایلیه. گرک یوخودن اوتری غصه لو مخلوقاتن سسنی اشدیم. بو وقت گنه بو حکایتی که غلط اعتماد و ترسنده اونه اولرن ترسناک اولمقونن و نجه لقی نن باره سنده شیرلردن دیمشدیلر یادا گتوردی.

پس مسیحی گنه اوزینه دیدی بو حیوانلر گجه ده شکاردن اوتری دولانورلر و اگر مننه قرانلقده یتشه لر نه قسم اولردن قاچام و نجه اولرن یرتماقندن و پاره پاره ایلماقندن خلاص اولام. پس مسیحی اوز یولینه گدرایدی و همیشه اوز بدبختلقدن اوتری زارلق ایلر ایدی که بردن گوزلرینی اوجا ایلدی بر چوخ اوجا عمارت که اونن آدی وجیهه ایدی همان یولون یاننده اوز قباقدنه گوردی.

## THE PALACE BEAUTIFUL

پس یوخومده گوردم که مسیحی سرعت ایلیوب قباقه گتدی تاکه هرگاه ممکن اولا اوراده منزل ایلیه ولی چوخ ایره لو یول طی ایلمیوب ایدی که اورادن دربانن اوطاقنه بر پرتاب اوخ منزل مسافت وار ایدی. بر چوخ دار یوله داخل اولدی. وقتی که گذر ایدی تمام دقت اینن باخار ایدی. ایکی شیرینی یولده گوردی. فکر ایلدی که ایندی بو خطرلری که غلط اعتماد و ترسنده نی دالویه قویمشدی گوروم (شیرلر زنجیره باغلانمش ایدی اما مسیحی اولرن زنجیرینی گورمدی) پس قورخوب فکر ایلدی که اوزی گنه او ایکی شخصن دالسونجه گده. بو جهته که فکر ایلدی اونن قباقنده اولومدن سوای هیچ شی یوخدر. اما ایون قاپوسنن قاپوچیسی که اونن آدی پاسبان ایدی چونکه آنادی که مسیحی دوروبدر و گویا استر قایده. ت اونه فریاد ایلیوب دیدی آیا سنن قدرتن بوقدر آذر که شیرلرن قورخار؟ زیرا که اولر زنجیره باغلودرلر. ایمان لولرن امتحانندن اوتری و ایمانسزلرن کشف اولماقندن اوتری او یرده قویولوبدرلر. یولون آراسنده اوزوی ساخلا هیچ بر ضرر سنه یتشمیاجا قدر.

پس گوردم مسیحی شیرلرن قورخوسندن تتر و گذر ایدی. اما قاپوچینن هدایتی اینن یخشی احتیاط ایلر ایدی و شیرلرن سسنی اشدرایدی. اما اولر اونه بر ضرر یتورمدیلر. پس اولر اوروب گتدی تا یتشدی بر قاپویه که دربان اونده ایدی. پس مسیحی دربانه دیدی ای اغا بونه ایودر؟ آیا اولور بو یرده منزل ایلیم؟ دربان جواب ویروب دیدی که بو ایو داغ صاحبندن بنا اولوبدر و اونو حاجیلرن راحت و سلامت لقندن اوتری بنا ایلیوبدر. دربان ده اوندن سورشدی که هارادن گلرسن و هارایه گذرسن؟

مسیحی دیدی هلاکت شهرندن گلورم و صهیون داغنه گذرم و چونکه ایندی گون غروب ایلیوبدر خیال ایلرم هرگاه ممکن اولا بو گیجه بو یرده منزل ایلیم.

دربان دیدی سنن آدن نه در؟

مسیحی دیدی ایندی منم آدیم مسیحی در اما ابتداده بی توفیق ایدی. یافتون نسلندن ام که الله اولری راغب ایلر که سامن چادرلرنده ساکن اولالر (تکوین باب ۹ آیه ۲۷).

دربان دیدی نه واقع اولدی که سن بویره بو قدر گج یتشدن؟ ایندی گون غروب ایلیوبدر.

مسیحی دیدی بو یره تز یتشوردم اما آه مرد مستمندم داربسته داغن آراسنده یاتدم. بلی باوجود این هرگاه اوز تذکره می اترمش اولایدم بو یره تز یتشوردم و تذکره سز تا داغن باشینه گلدم. او وقتده آختاروب اونی تاپمادم. مجبورایدم که غم و غصه اینن او یره که یاتمشدم قایتم چونکه اونی او یرده تاپدم بو یره یتشدیم.

دربان دیدی یخشی بویرن باکره لرنندن برینی چاقرام. هرگاه ایو قانونلری اینن سنن دانشماقون قبول ایلیه بو ایوین سنی قالان کفلتن یاننه آپاراجا قدر.

پس دربان که پاسبان ایدی زنگ اوردی و ایوین قاپوسندن تمکین اینن بر قشنگ باکره قز که اونن آدی ممیزه ایدی اشیکه گلوب سورشدی منی چاقرمقون سببی نه در؟

دربان جواب ویروب دیدی بو آدم هلاکت شهرندن گلوب صهیون داغنه سفر ایلر. چونکه یورولوبدر و گیجه نن قرانلقی اونی توتوبدر مندن سورشدی که آیا اولور بو یرده منزل ایلیم. لهدا اونه دیدم که سنی چاقرام ایوین قاعده سی اینن صحبتدن صوره هر طور سنن نظرنده خوش در اونن رفتار ایلیه سن. اوندن صوره مرقومه مسیحیدن سورشدی که هارادن گلورسن و هارایه گذرسن؟ مسیحی اونه خبر ویردی و گنه اوندن سورشدی که نجه یوله وارد اولوبسن؟

مسیحی اونه خبر ویردی. پس اوندن سورشدی که یولده نه گوروبسن و نه زاده  
یتشدون؟ اونه خبر ویردی. آخرالامر آدین سورشدی. او دیدی آدیم مسیحی در.  
چونکه آنادم که بو ایو حاجیلرن استراحت و سلامت لقتندن اوتری داغ  
صاحبی نن طرفندن بنا اولوبدر بو جهته چوخ آرزوم واردر که بو گیجه بو یرده  
منزل ایلیم. ممیزه تبسم ایلیوب اما گوزینن یاشی حلقه سنده آشکار اولدی. بر  
آز زماندن صوره دیدی ایکی اوچ نفر ایو اهلندن اشیکه چاقراجاقام. پس قاپو  
طرفنه یوکوروب مدبره متقیه و محبتی اشیکه چاقردی و اولر اونن اینن علاحده  
بر قدر صحبت ایلیوب اونى قالان کفلتن یاننه گتوردیلر. اولردن چوخى ایون  
آستانه سنده ملاقات ایلیوب دیدیلر. داخل اول ای خداوندن مبارکی. بو ایو داغ  
صاحبنن طرفندن مخصوصاً بیله حاجیلرن قوناقلقنه بنا اولوبدر. پس مسیحی  
اوز باشنی آشاقه سالوب اولرن دالوسنجه ایون ایچنه گذرایدی. چونکه داخل  
اولدی و اتوردی اونه اچملو شی ویردیله و اولرن آراسنده قرار بیله اولدی که  
تا شام حاضرلانه کمین اولردن بعضی سی وقتی غنیمت سایوب مسیحی اینن  
مخصوص محبت ایلیه لر و قرار ویردیله که مدبره متقیه و محبت اونن اینن بو  
صحبتی ایلیه لر و بو طور اینن باشلادیله.

متقیه دیدی ای یخشی مسیحی چونکه او قدر سزی دوست توتدوق که بو  
گیجه سزی اوز ایومزه قبول ایلدوق. گل هامی شیلرن باره سنده که اوز  
سیاحتزده باشوزدن گچوبدر صحبت ایلیاق. بلکه بو دانشماقن سبینه اوزمز  
ایچون یخشی اولور.

مسیحی دیدی من چوخ شادام که بو شیلر خصوصنده منم اینن صحبت  
ایلماقه راضی سز.

متقیه دیدی او که سزی اولده حجه گتماقه متحرک ایلدی نه ایدی؟

مسیحی دیدی بر هولناک سس جهتنه که منم قولاقلریمه یتشدی اوز وطنمدن اشیکه قاوولمش اولدم و بو سس دن بیله آنادم که هرگاه او یرده که وار ایدم قالام بر هلاکته دوچار اولاجاقام که اونن چارهسی ممکن دکل در.

متقیه دیدی نیجه اولدی که اوز وطنزدن بو یولا گلدوز؟

مسیحی دیدی اللهن استه دیقی بیله ایدی و او جهتنن که هلاکت قورخولرینن آلتنده وار ایدم بیلدم هارایه گدم. اتفاقاً بر آدم که آدی مژده ویرن ایدی بر وقتده که من تتریر و آغلیر ایدم منم یانیمه گلدی و منه او دار قاپونن طرفنه یول نشان ویردی. اگر او نشان ویرممش اوله ایدی هرگز من اوننی تاپماز ایدم. و منی بو یولده قویدی که منی دوز بو ایوه یتروبدر.

متقیه دیدی آیا مفسرن ایوندن گلمدوز؟

مسیحی دیدی بلی گلدم. او یرده بر پاره شیلری گورمشم که نه قدر دیری ام اولر خاطرمده قالا جاقدر. مخصوصاً اوچ شی یعنی نه قسم مسیح خیر عملی شخصن قلبنده شیطانن ضدنه حاضر ساخلار و نه قسم او آدم که اوز گناهلرینن سببنه اوزینی اللهن رحمت و امیدارلرندن خارج ایلمش ایدی و گنه او آدمن یوخوسی که یوخوده گورمشدی که قیامت گونی یتشوبدر.

متقیه دیدی عجب! آیا سز اونن یوخوسنی اوزندن اشدوز؟

مسیحی دیدی بلی اشدتم. نظرمده بر هولناک یوخو ایدی. بر وقتده که اوننی بیان ایلر ایدی منم قلبمی انجیدر ایدی. بونن این بیله شادام که اوننی اشدتم.

متقیه دیدی آیا او شیلرن هامی سنی که مفسرن ایونده گوردوز بو ایدی؟

مسیحی دیدی خیر او منی بر یره که اوراده بر اوجا عمارت و ارایدی آپاردی و نشان ویردی که نه قسم او یرن اهلی قزل لباس لر گینوبدیلر و نه قسم بر پهلوان

آدم گلدی سلاحلی آدم لرن آراسندن که قاپوده دورمش ایدیلر و استردیلر اونن داخل اولمقدن منع ایلیه در اوز یولینی کسوب و نه قسم ایو اهلی اونه امر ایدیلر که داخل اولسون و همیشه لق جلالی تاپسون. منم نظرمه بو شیر قلبمی بیحال ایلر ایدی. او یخشی آدمن ایونده استردم بر ایل تمام قلام اما بیلدم که گرک قباقه گدم.

متقیه دیدی یولده بولردن سوای نه شی گوردون؟ مسیحی دیدی آیا اونن باره سنده که گورمشم سورشورسز. بر آز یول که گتدم چونکه گوردم بر آدمی صلیب دن آسانمش اولوب و قان اونن بدننه ن آخر ایدی. همان اونه باخماق سبب اولدی که یوک دالومدن دوشدی و نظرمده بر چوخ تعجیلی شی ایدی که بر بیله شی بوندن قباق هرگز گورممشدم. بلی بر وقت که او یرده دوروب یوخاری یه باخیر ایدم (بو جهته که او وقتده باخماقدن گچه بیلدم) اوچ نورانی آدم منم طرفیمه گلدیلر. بری اولردن شهادت و یردی که گناهن باغشلاندی و اوبری که نه لرمی گوتوروب بو حاشیه لی جبهنی منه باغشلادی و اوچنجی بر نشان که منم آنومده گوررسز قویدی و بو مهرلی طوماری منه و یردی (همان ساعت اونن قوینندن اشیکه چکدی)

متقیه دیدی آیا بوندن آرتق بر شی گورمدوز؟

مسیحی دیدی بر پاره شیر که اولری ذکر ایلدم شیرن یخشی سی ایدیلر. اما بعضی آیری شیر گنه گوردم. یعنی اوچ آدم که اولرن آدی ساده و تنبل و گستاخ ایدی. من گلن وقتده بو اوچنه ملاقات ایلدم که بر قدر یولدن کج اولوب زنجیر اولرن آیا قلرنده اوزانوب یاتمشدیلر. ولی گمان ایلیرسز که من اولری اویاق ایلیه بیلدم و گنه متزهذ ظاهری و ریانی گوردم که دگرلنمق اینن دیوارن یوخاروسندن گلدیلر و ادعا ایلر ایدیلر که صهیونه گدروق. اما اولر تز یوخ اولدیلر. بر طور اینن که من اولره خبر و یردم اما منم سوزمی قبول ایله مدیلر. اما بو داغن اوستنه گلماقی بو شیرن هامی سندن چتن ایش تاپدم و

یقین دیر ایدم که شیرلرن آغزندن گچم و حقیقتاً هرگاه دربان او یخشی آدم که قاپو قباقدنه دوروب در اولمیه ایدی بیلرم بلکه بولرن هامی سندن صوره مراجعت ایلیه جاق ایدم. اما شکر اللهه که بو یرده وارام و سزدن راضی ام که منی قبول ایلدوز.

پس مدبرهنن قلبنه خوش گلدی که اوندن نچه سؤال لر ایلیه و اوندن جواب استدی.

مدبره دیدی آیا او وطنون باره سنده که اورادن اشیکه گلدوز بعضی وقت فکر ایلمرسز؟

مسیحی دیدی بلی فکر ایلیرم. اما خجالت اینن و چوخ اکراه اینن. حقیقتاً هرگاه منم خیالم او وطن اولا ایدی که اوندن اشیکه گلدم او یره قایتماقه قدرتم واردر اما ایندی اوندن یخشی مملکتنه یعنی گوکن وطننه گدرم (عبرانیله باب ۱۱ آیه ۱۵ - ۱۶)

مدبره دیدی آیا بر پاره زادلردن که او وقتده مشغول ایدز اوز یانزده گتورمدوز؟

مسیحی دیدی بلی گتوردم اما چوخ عکسنه خواهش لری واردر. مخصوصاً منم جسمانی و ایچری خیال لرم که هامی وطنم اهل لری و گنه اوزم اولری دوست توتار ایدم و ایندی او شیرلن هامی سی منم غممه باعث اولوبدولر. هرگاه اوز ایشرلمده مختار اولسه ایدم هرگز قبول ایلمزدم که آیری دفعه اولردن اوتری فکر ایلیم. اما چونکه استرم که او که یخشی در عمله گتورم پیس راق منم یاننده حاضردر (رومالولره باب ۷ آیه ۱۵ - ۲۱)

مدبره دیدی آیا اوزادلر که بعضی وقتلرده سزن اضطرابزه باعث اولوردیلر اوزگه وقتلرده سزن نظرزه گلمز لر که سزه مغلوب اولمش اولالر؟

مسیحی دیدی بلی بر آز وقت و او ساعت که اونده بو شیلر منه مغلوب درلر اونی قزل کمین عزیز سایارم.

مدبره دیدی بر سبب که اونن توسطی اینن سزن اضطراب لرز بعضی وقتلرده مغلوب اولمش اولورلر آیا نظره گتوره بیلرسز؟

مسیحی دیدی بلی ایلیه بیلیرم. بو طور اینن که چوخ فکر ایلیم او زادن باره سنده که صلییون یاننده گوردم. او شیلرین مغلوب اولماقنه باعث اولور و گنه وقتی که اوز حاشیه لو جبهه مه باخارم او شیلری مغلوب ایلماقنه باعث اولور و وقتی که بو طوماره که قوینمده وارم در نظر ایلرم او گنه مغلوب ایلماقنه باعث اولور و وقتی که او یرن باره سنده که گدرم فکرم اسئی اولور گنه او شیلرن مغلوب اولماقنه باعث اولور.

مدیره دیدی او شی که سزی او قدر صهیون داغنه گتماقه مایل ایلیوبدر نه در؟

مسیحی دیدی بودر که امیدوارم او یرده هامی زادلردن که بو گونه کمین منم زحمتمه باعث اولوبدورلر خلاص اولام. دیرلر که او یرده اولوم یوخدر (مکاشفات باب ۲۱ آیه ۴) و او یرده یخشی مصاحبلر اینن ساکن اولاجاقام. دوغری سزه دیرم که عیسی مسیحی دوست توتارم بو جهته که اونن توسطی اینن یوکمدن خلاص اولدم. اوز ایچری ناخوشلقیمدن خسته ام. کاشکی او یرده که اوزگه دفعه اولمزم بو مصاحبلر اینن که همیشه قدوس قدوس قدوس دیرلر اولایدم.

پس محبت دیدی آیا اوشاق لرون و آرواتون واردر؟

مسیحی دیدی آرواتم و دورد کوچک اوشاقم واردر.

محبت دیدی نه ایچون اولری اوزوزاینن گتورمدوز؟

پس مسیحی آغلیوب دیدی نه قدر راضی ایدم که اولری اوزم اینن گتورم. اّما اولرن هامی سی تماماً منم حجه گتماقمون ضدّنده ایدیلر.

محبت دیدی اّما گرک سز اولر اینن صحبت ایلیه ایدوز و سعی ایلیه ایدوز که دالو قالماقون خطرینی بیله لر.

مسیحی دیدی بیله ایلدم. اوزادی که الله بزم شهرمزن هلاکتی باره سنده منه آشکار ایللیوب ایدی اولره خبر ویردم. اّما اولرن نظرنده پوچ دین آدم کمین ایدم و مندن قبول ایلمدیلر (تکوین باب ۱۹ آیه ۱۴).

محبت دیدی اللهدن خواهش ایلیه ایدوز که سزن نصیحتیز اولره تأثیر ایلیه ایدی.

مسیحی دیدی بلی چوخ شوق اینن اونی اللهدن استه دم. بو جهته گرک فکر ایلیه سز که آروات و اوشاقلرم منه چوخ عزیز ایدیلر.

محبت دیدی آیا اولره اوز هلاکتدن اوتری غصه و قورخوندن خبر ویردوز بو جهته که گمان ایلیرم هلاکت سزن یانیزده چوخ آشکار اولوب ایدی.

مسیحی دیدی بلی دیدم مکرراً مکرراً مکرراً و گنه منم قورخولرم یوزمدن و گوز یاشلرم و تترماقومدن گورسه نیر ایدی. بر تترماقدن که بزم باشلرمز اوستنده اسیلو اولان دیوان باره سنده منه عارض اولدی گوره بیلیرلر ایدی. اّما بولرن هامی سی بس دگلایدی که اولری منم اینن گلماقه مایل ایلیه.

محبت دیدی اولر گلماقدن اوتری نه سبب گتوردیلر؟

مسیحی دیدی آرواتم قورخار ایدی که بو دنیا اوز الدنن گتسون و اوشاقلرم اوز جوانلقنن باطل لذتته مشغول اولدیلر. لهذا بو سبیدن یا آیری سبیدن منی قویدیلر که بو قسم یالقوز آواره اولام.

محبت دیدی آیا او شیلرن هامی سنی که قولاً اظهار ایلدوز تا او که اولری راغب ایلیه ایدوز که سزن یانزجه گله لر اوز باطل رفتارون توسطی این بی ثمر ایلمدون.

مسیحی دیدی اوز رفتارمی تعریف ایلیه بیلرم. بو جهت که اوزمی تانورم که چوخ تقصیرلم وارایدی و گنه بیلرم که بر آدم اوشی که زحمت چکر دلیلرون توسطی این غیر کسک اوز یخشی لقندن اوتری اونه اندورا ممکن در اونی تزلق این اوز رفتارنن توسطی این خراب ایلیه. اما بونی دیرم که چوخ هوشیار ایدم که اوز پیس عملن توسطی این اولرن حجه گتماقنه مانع اولمیا. بلی بو جهت من دیرایدیلر که چوخ دقت ایلرسن. گنه دیرایدیلر که اوزینی بزم خاطر مزه بعضی زادلردن که ایلردن بر ضرر گورمروق محروم ایلیر. بلی فکر ایلرم که اگر منده بر شی گوروبدرلر که اولره مزاحم اوله همان چوخ احتیاط ایلماقم در که من الله گناه ایلهمیم و یا همسایه مه ضرر یترمیم.

محبت دیدی البته قائن اوز قرداشنه بغض ایلدی چونکه اوزایشلری پیس ایدی و قرداشنن ایشلری یخشی ایدی. هرگاه سزن آروات و اوشاقلرز بو جهتن انجیدیلر نسبت یخشی زادلره اوز کم میلی لرنی بو طور این آشکار ایلدیلر. سز اولرن قانندن آزاد اولدوز (نامه اول یوحنا باب ۳ آیه ۱۲ و حزقیل باب ۳ آیه ۱۹)

ایندی یوخومده گوردم بو طور محبت ایلیه ایلیه بری بری این اوتوردیلر تا شام حاضر اولانه کمین. وقتی که شام حاضر اولدی یماقه اوتوردیلر. سفره پروریلردن و چوخ صاف شرابدن بزه نوب ایدی. او سفره ده صحبتلری هامی داغ صاحبی نن باره سنده ایدی. یعنی او زادن باره سنده که عمله گتوروب و نیه اونی عمله گتوروب و نه جهتن او ایوی قایر مشدی. اولرن صحبتندن بیلدم که او آدم چوخ بیوک بر محارب ایدی که اولومون قوتنه صاحب اولانی اولدروب

ایدی. اما اوزنه چوخ خطر یتمدن ایله میوب ایدی و بو سبب دن اونی چوخ  
آرتق سورلر ایدی (نامه عبرانیله باب ۲ آیه ۱۴ و ۱۵)

صوره مسیحی دیدی ایلکه دیرلر و گنه من آنارم اودر که او اوز قانی نی  
توکمشدر اونن جلالی نی و توفیقی نی هامی اعمالنده ظاهر ایلیان بودر که  
هامی سنی اوز وطنه خالص مهربانلقدن اوتری ایلیوبدر و علاوه بونه او ایون  
اهلندن بعضی لر وارایدیلر که دیرایدیلر او صلیبده اولندن صوره اونن اینن  
اولمشوق و صحبت ایله مشوق و اولر شهادت ویروبدرلر که اونن دوداقرنهدن  
اشدوبلر که او فقیر حاجیلری بیله دوست توتار که اونن مثلی مشرقدن تا  
مغربه تاپیلماز.

و علاوه بونه اوزادی که دیدیلو اونی اثبات ایتمک ایچون بو مثالی گتوردیلر  
که جلالی اوزندن آتمش ایدی تا اینکه بو ایشی فقیرلردن اوتری ایلیه و اوندن  
اشدوب ایدیلر که دیوبدر صهیون داغنده یالقوز ساکن اولمیاجاقام و علاوه  
بونه دیدیلر که او چوخ حاجیلری امیر ایلیوبدر و حال اینکه فقیر دوغلمشدیلر  
و اولرن اصلی یری مزبله ده اولوبدر (کتاب اول شمویل باب ۲ آیه ۸ و مزامیر  
۱۱۳ آیه ۷)

هابیله بربراین صحبت ایلدیلر تا گیجه دن چوخی گچدی اوندن صوره که  
اوزلرینی اللهن محافظه سنه تاپشردیلر یاتماقه گتدیلر و مسیحی نی بر یاتاق  
اوطاقدنه که بیوک بالاخانه ایدی و پنجره نن یوزی گون چیخانه باخار ایدی  
قویدیلر و او اوطاقن آدی سلام ایدی و مسیحی او یرده صبحن آچلماقنه کمین  
یاتدی او وقتده او یاق اولدی و او خودی:

ایندی من هاراده ام ای بیوک محبت

که بوراده فقیر حاجیلر ایچون راحت

و گناه‌لرن باغشلانمقی گنه وار

یا عیسی بو یر گوکن قاپی سینه یاخین در

پس صبحده اولرن هامی سی دوردیله و بر آزدن صوره علاحده اونه دیدیلر که او مکاندن اشکه گتمسون تا او یرن غریبه‌لرینی اونه نشان ویره‌لر. اول اونی کتابخانه‌یه آپاردیلر که او یرده چوخ قدیم تاریخلری اونه نشان ویردیله. ایلکه اوز یوخومی یادمه گتوررم او تاریخلرده او داغون صاحبین نسب نامه‌سنی اونه نشان ویردیله که او قدیم گون‌لرن صاحبین اوغلی ایدی. اونن دوغلماقی ازلدن اولوبدر. او یرده گنه بعضی عمللری که او یرینه گتوروب ایدی وارایدی و نچه یوزایل لرن آدم‌لرنن آدی که اونلری خدمتکارلقه قبول ایلوبدر یازلوب ایدی و گنه او یرده یازلوبدر که نه‌قسم اولری بعضی مسکنله که نه ایامن طولندن و نه طبیعتن فسادندن خراب اولولر قویوبدر.

پس بر قدر یخشی عمللردن که اونن نوکرلندن بعضی لری عمله گتورمشدیله اوندن اوتری اوخودیله که نه‌قسم اولر شهرلر غلبه ایلوب و یخشی ایشله مشغول اولوب وعده‌لری توتان اولدیله و شیرلرن آغزنی باغلا دیله و اودون شدتی ساکت ایلدیله و قلیج‌لرن دمندن قورتولدیله و ضعفدن قوته یتشدیلر و دعواده پهلوان اولدیله و اوز‌گه‌لرن قشونی‌نی داغندیله (عبرانیله باب ۱۱ آیه ۳۳ و ۳۴)

پس آیری تاریخلردن برنده که او ایوده وارایدی اوخودیله که نه‌قسم اولرن اللهی نیجه راضی در هر آدمی اگرچه گچن زمانده نسبت اونن شخصنه و عمل‌لرینه چوخ بیحرمت‌لق گنه ایلوبدر اوز توفیقی اینن قبول ایلیه و او یرده گنه نچه آیری تاریخ چوخ مشهور شیلرن باره‌سنده وار ایدی که مسیحی اولرن هامی سنی ملاحظه ایلدی. یعنی قدیم و تازه شیلری و پیغمبرلرن سوزلرینی واقع اولماقدن قباق خبرلری بر پاره شیلری که قورخوماقدن اوتری و

دشمنلرن تعجبندن اوتری در و گنه تسلیدن و حاجیلرن آراملقندن اوتری که یقیناً تکمیل اولاجاقلر ایدی مسیحی بولری ملاحظه ایلدی.

آیری گون اونی جبهه خانیه آپاردیلر که او یرده هر قسم اسباب مثل قلج و قالخان و طاس کلاه و چهار آینه و هامی دعالر و باشماقلر که هرگز پاره پاره اولمیاجقدر که خداوند اولری حاجیلردن اوتری حاضر ایلمشدی اونه نشان ویردیلر. بو اسباب چوخ شخصلری سلاحللی ایلماقدن اوتری بس ایدی. اگرچه اولر گوکن ایلدوزلرینن سایی قدریجه اولا اولرن خداونده قوللق ایلماقندن اوتری و گنه بعضی اسبابی که نیجه اللهن نوکرلری او اسبابن واسطه سی اینن غربیه عمل لری یرینه گتورمش ایدیلر اونه نشان ویردیلر. مثلاً عصای موسی و طوقماق و میخ که اولر اینن یاعیل سیسره یی اولدردی و دستیلری و کرنایلری و چراغلری که اولر اینن گدعونی مدیانبن قوشونلرینی قیردی. اوندن صوره کاورانیی که اونن اینن شمکیر آلتی یوز نفر اولدردی و گنه چانه نی که اونن اینن شمشون بیوک اعمال یرینه گتوردی اونه نشان ویردیلر و علاوه بونه ساپان و داش که اونن توسطی اینن داود گلیات کتی نی اولدردی نشان ویردیلر و گنه بر قلج که اونن اینن خداوند او گونده که شکاردن اوتری قالخار گناه آدمنی اولدره جاقدر اونه نشان ویردیلر. علاوه بونلره چوخ و یخشی شیلری اونه نشان ویردیلر که مسیحی اولردن چوخ شاد اولدی. گنه اوزگه دفعه استراحته گتدیلر. پس یوخومده گوردم او گونن صباحی مسیحی دوردی که اوز سفرینه گده اما اولر اوندن ایستدیلر که تا آیری گونه کمین قالا و دیدیلر هرگاه او گونده هوا صاف اولا شادلق گتورن داغلاری سزه نشان ویره جاقق و گنه دیدیلر که بو سزن تسلیزی آرتوراجاقدر. بوجهته که بو داغلار بو یردن که ایندی اونده وارسیز ده یاخین در. پس او قبول ایلوب او یرده قالدی. پس سحر اونی ایون دامینه آپاردیلر و امر ایلدیلر که جنوب طرفنه باخه و او باخدی و بودر چوخ خوشنما داغلر که سولر و هر قسم میوه جات و گنه گللر و چشمه لر و فواره لر اینن بزمنش ایدی که اولری

گورمق چوخ تفرج اولور ملاحظه ایلدی. پس مسیحی او یرن آدینی سورشوب  
اولر دیدیلر که عمانویل یری در که او یر گنه بو داغ کمین که اونده واروق  
هامی حاجیلردن اوتری آچیق در و چونکه اورایه یتشورسز گوکن شهری نن  
دروازه سنی گنه گوره بیلرسز و چوبانلر که او یرده ساکندرلر سزه آشکار  
ایلیه جاقلر (اشعیا باب ۳۳ آیه ۱۶ و ۱۷)

بو وقتده مسیحی اوزنه قباکه گتماق فکر ایلدی و اولر هم راضی اولدیلر که  
گده. اما دیدیلر که اولا بر دفعه جبه‌خانه‌یه گداخ. پس گتدیلر و چونکه او یره  
یتشدیلر اولر اونی باشندن آیاقه یخشی سلاحلار اینن گیندردیلر که مبادا  
دشمنلر یولده اونه حمله ایلیه‌لر.

مسیحی زردهان روحانیلرنن همنشین اولدی

دفع اولدی غصه و اندوه قلبی مطمئن اولدی

مسلح قیلدیلر اونی ویروب پولاد زره‌لرهم

امید باغی آچوب گلر ریاحین یاسمین اولدی

پس بیله سلاحلار اوز دوستلری اینن دروازه‌یه گتدی و او یرن قاپوچیسندن  
سورشدی که آیا بر حاجی گوردوز که گچدی؟ دربان جواب ویروب دیدی  
بلی گوردم.

مسیحی دیدی خواهش ایلرم که منه خبر ویرین که آیا سیز اونی تاندوز؟

دربان دیدی اونن آدینی سورشدم و او منه دیدی آدیم وفادارد.

مسیحی دیدی عجب! اونی تانرم. او منم همشهرم و یاخین همسایه‌م‌در. او  
یردن که اونده دوغلدم اورادن گلور. سزن گمانزه نه قدر یول قاباقده طی  
ایلیوبدر؟

دربان دیدی ایندی داغون آیاقنه یتشوبدر.

مسیحی دیدی ای یخشی دربان. الله سزن اینن اولسون و هامی برکت‌لر سزن  
احسانزدن اوتری که منه باغشلادوز.

پس او قباقه گتماقه شروع ایلیوب ممیزه و متقیه و محبت و مدبره خواهش  
ایلدیلر که اونن یاننجه تا داغون آیاقنه گده‌لر. لهذا بربری اینن گتدی‌لر. گنه اوز  
اؤلکی صحبت‌لرینی تازه ایلدیلر تا داغون آیاقنه گدن محلنه یتشدیلر. پس  
مسیحی دیدی ایلکه داغون اوستنه چیقماق نظره مشکل یتشر هم بیله اشاقه  
گتماق خطرلودر. مدبره دیدی بلی بیله‌در بو جهته که اشاقه گتماق شخصی  
آلچاقلق دره‌سنه گتماق‌در. بو طور اینن که سز ایندی گدرسز و سورشمه‌دن  
اورایه گتماق چتین امردر و سوره دیدیلر که بوندن اوتری تا بز سزن اینن  
داغون آیاقنه کمین گلدوق. پس مسیحی چوخ احتیاط اینن اشاقه گتماقه  
باشلادی. باوجود احتیاط بر یا یکی دفعه سورشدی.

پس یوخومده گوردم بر وقت که مسیحی داغون آیاقنه یتشدی بو یخشی  
رفیقلر بر گرده چورک و بر بطری شراب و بر سالخوم کشمش اونه ویردی‌لر.  
پس او اوز یولینه روان اولدی.

## BATTLE WITH APOLLYON

اما ایندی بو الچاقلتی دره‌سنده فقیر مسیحی چوخ برک لقه دوشدی. بو جهته که آز زمان یول طی ایلیوب بر دیو خبیث گوردی که بر مزرعدن اونه یتشماقدن اوتری گچر. اونن آدی اپلیون ایدی. پس مسیحی قورخماقه باشلادی. اوزینه فکر ایلدی که آیا قایده و یا اوز یرنده دورا. اما اونن فکری بو اولدی که دالسونده اسلحه یوخر. بوندن اوتری هرگاه دالی نی دشمنه ایلیه دشمنه فرصت ویرر که اوخی اونه ایشلیه. لهذا اوزینه قرار ویردی که خطری قبول ایلیوب اوز مقامنده دورا و فکر ایلدی که هرگاه خیالم اوز دیری لقمن حفظنده اولا. پس ایشن یخشی سی اودر که دورام. پس مسیحی قباقه گندی و اپلیون اونه ملاقات ایلدی. بو دیون هیئتتی چونکه پیس ایدی. بالغن دالسنن پولکلری کمین گینمش اولوب او پولکلر اونن کبرینه باعث ایدی. قانادلری آردها کمین و آیقلری آبی کمین ایدی و قارنوندن اود و توتسی اشیکه گلورایدی و اونن آغزی شیر آغزی کمین ایدی. او مسیحی یه یتشدی. حقارت نظر اینن اونه باخدی و اوندن بو قسم اینن سورشماقه باشلادی.

اپلیون دیدی هارادن گلورسن و سنن خیالن هارایه‌در؟

مسیحی دیدی هلاکت شهرندن که هامی شرارتن یری در گلورم و صهیون شهرینه گدرم.

اپلیون دیدی بوندن آثارم که سن منم رعیتلرمدن بری سن. زیراکه او دولت منم مالمدر. من اونن صاحبی و آقاسی‌ام. نجه‌در که اوز پادشاهندن قاچرسن. هرگاه امید ایله‌می‌ایدم که سن بوندن آرتوق قولتی ایلیه‌جاق‌سن هر آئینه ایندی سنی بر ضربت اینن یره اورارایدیم.

مسیحی دیدی حقیقتاً سنن شهرنده دوغلدم. اما سنن قوللقن برکدر و سنن مزدن ایله در که آدم ایلیه بیلمز اوندن دیرلیق ایلیه. بو جهتته که گناهن مزدی اولومدر (رومالولره باب ۶ آیه ۲۳). لهذا چونکه ایل لره یتشدم آیری عاقل آدملرن مثلی نه باخدم. استدم که بلکه اوز حالتی آباد ایلیم.

اپلیون دیدی هیچ بر اغا یوخدر که بو آسانلق اینن اوز رعیتلرینی اکسک ایلیه و ایندی گنه من سنی اکسک ایلمرم چونکه سن نسبت قوللوکه و مزده گله مندسن. قایتماقه راضی اول و اوزاد که بزم دولتمزده تاپیلور بو یرده وعده ایلمرم که اونی سنه ویرم.

مسیحی دیدی اما من اوزمی اوزگه سنه یعنی آقارن پادشاهنه اجر ایلدم. نه عدالتدرکه سنن اینن قایدیم.

اپلیون دیدی او مشهور مثلن موافقلقی اینن رفتار ایلمش سن که پیس شیرلی اوندن پیس شی اینن عوض ایلمش سن. اما هامی آدملرن قاعده سی که اونن نوکرلقینه اقرار ایله دیلر بودر که بر مدتدن صوره اوندن اوزاق اولالر و منه قایدهلر. سن گنه بیله ایله و یخشی اولاجا قدر.

مسیحی دیدی اونن اینن عهد باغلامشم و اوز رعیتلقدی می اونه قویمشم. پس نه قسم بوندن گچم و خائن کمین دارا آسلانمش اولمیم.

اپلیون دیدی سن او عهدی منه باغلامشدن و ایندی خلاف ایلدن. اما اگر ایندی قایدهلر راضی ام که هامی سندن گچم.

مسیحی دیدی او که من سنه وعده ایلمشم طفل لقمده ایدی و علاوه اونه بیله بیلیم که او امیر که اونن بیداقینون آلتنده ام قدرتی واردر که منی سنن قوللقندن آزاد ایلیه. بلی گنه منه او شیرلی که بر زمانده که سنن قوللقنده ایدم عمله گتورمشم باغشلار و حقیقتی دیرم. ای هلاک ایلیان اپلیون علاوه بونه

اونن قوللقنی و نوکرلرینی و مزدینی و حکومتنی و دولتنی و رفاقتنی سنن دولتندن یخشی بکنورم. لهذا بوندن آرتوق منی سنن طرفنه مایل ایلماقدن ال چک. من اونن نوکریم و اونه اطاعت ایلیه جاquam.

اپلیون دیدی نه وقت که سنن قانن قاینماقی گچر او وقتده گنه فکر ایله بو یولا که گذرسن نه زادلره ملاقات ایلیه جاقسن. سن بیلرسن که چوخ وقت آخر اونن نوکرلی پیس لقه یتشرلر. بوندن اوتری که منم خلافیمه و منم یولرمن خلافنده حرکت ایلیوبلر و نه قدر اولردن خجالت اینن اولدورولمش درلر و علاوه بونه سن اونن نوکرلقنی منه قوللق ایلماقدن یخشی سایارسن و حال اینکه او نجات ویرمقدن اوتری دشمنلرن النندن بعضی آدملره که اونه قوللق ایلیه لر اوز یرندن هرگز اشیکه گلمیوبدر. اما من چوخ وقتلر ایلیکه هامی دنیا اهلی یخشی بیلرلر او آدملر که منه وفا ایلیوب درلر. باوجودی که اونه گرفتار ایدیلر یا زور اینن یا حیله اینن اونن النندن و اونن اهالنن النندن نجات ویرمشم و هابیله سنه ده نجات ویره جاquam.

مسیحی دیدی اونن بعضی دفعه اولرن نجاتندن اوتری صبر ایلماقی بو جهتدن در که او اولرن محبتنی امتحان ایلر که آیا آخره کمین اونن اینن اولاجا قدر اولرن چوخ پیس زحمتلرینی که دیرسن اولره یتشرلر او اولردن اوتری چوخ جلالدر بو جهته که اولر ایندی نن نجاتنه دکل بلکه اوز جلال لریندن اوتری فکر ایلرلر بر وقتده که اولرن آقاسی اوز جلالی اینن و فرشته لرن جلالی اینن گلور او وقت اوز جلال لرینه یتشه جاqlر.

اپلیون دیدی گچن وقتده سن اوز نوکرلقنده اونه بیوفالق ایلدون پس نه قسم خیال ایلسن که اوندن مواجب آلاجاق سن؟

مسیحی دیدی ای اپلیون نه زاده بیوفالق ایلدم؟

اپلیون دیدی اوّل حرکتده قورخدون بر وقتده که نامیدلق دریاسنده بوغولماقه یاخین ایدونه اگری یولرده سعی ایلدن که اوز یوکندن خلاص اولاسن و حال آنکه گرک صبر ایلیه ایدونه تا آقان اونی سن دن گوتوره و سن بر یوخی که گناه ایدی ایلدن اوز قیمتلی زادلروی ایتردون و گنه شیرلری گورنده اونه یاخین اولدن که دالی قایده سن و هرگاه سفرن باره سنده او شیئی که اشدوب و گورمش سن دیرسن و ایلیرسن ایچریدن باطل جلال استرسن.

مسیحی دیدی دوغری در و اولرن که ذکرینی ایلمدن چوخ آروتق در. اما او امیر که اونن قوللقینی ایلرم و اونه حرمت ایلرم رحیم در و گناهی باغشلاماقه حاضر در. علاوه بونه بو ضعف لر سنن دولتنده منه گلدیلر چونکه او یرده اولری داتدم و اولرن آلتنده آه چکدم و اولردن اوتری غمگین اولمیشم و اوز اقامدن باغشلانمقی آلمیشام.

پس اپلیون برک آجیق اینن فریاد ایلدی و دیدی سنن امیروین دشمنی ام. اونن اوزینه و شریعتنه و اونن آدملرینه عداوت ایلرم. مخصوصاً سنن اینن دعوا ایلماقدن اوتری اشیکه گلدم.

مسیحی دیدی ای اپلیون هوشیار اول که نه ایلرسن. بو جهت که من پادشاهن یولنده مقدسلق یولنده یم. لهذا اوزندن احتیاط ایله.

پس اپلیون آیاقلری اینن یولن هامی سنی توتوب دیدی بو ایشده قورخوم یوخدر غیره اوزوی اولومه حاضر ایله. بو جهت که جهنم مغاره مه آند ایچرمکه قویمیه جاقام بوندن قباقه گده سن. بو یرده سنن جانوی آلا جاقام و او ساعتده آلاولی اوخی اونن سینه سنه آتدی. اما مسیحی قالخانن توسطی اینن که النده وارایدی او اوخی ردّ ایلیوب بو طور اینن اوندن قورتلدی.

پس مسیحی اوز قلجنی چکدی. زیرا که او آنادی که وقت در گرک دعوایه مشغول اولسون.

اپلیون تزلق اینن اونه حمله ایلدی و چوخ اوخلار دولو کمین اونه آتار ایدی. بوندن بیله که مسیحی هامی اوز قدرتنی ایشلدیردی تا اوزنی سلامت ساخلیه. ولی اپلیون اونن باش و ال و آیاقنی یارالادی. بو جهتدن مسیحی بر قدر دالو اوتوردی. بنابونه اپلیون تمام قوت اینن دعوایه مشغول اولدی و مسیحی گنه دکلوب قوتی قدرنجه مردانه لُق اینن دایاندی. بو برک دعوا یاری گوندن آرتوق طول چکدی و یاخین اولدی که مسیحین قوتی تمام اولا. بو جهته که مسیحی اوز یاره لرین سبینه گده گده سست اولورایدی.

پس اپلیون فرصت تاپوب مسیحین طرفنه یاخین گلوب اونن اینن دعوا ایلوب چوخ برک اوننی یره اوردی. همان ساعت مسیحین قلعجی لندن گتدی. پس اپلیون دیدی ایندی سنن بارهنده خاطر جمع ام و اوننی یره چالدی و یاخین ایدی که او اوله بر حدّه که او اوز دیرلقتنن باره سنده مایوس اولدی. اما بر وقتده که اپلیون النی اوجا ایلدی که آخرنجی ضربتی اونه اوره تائینکه او یخشی کشی نن ایشی نی آخره یتره اللهن استه دیقی بیله ایدی که مسیحی تزلق اینن اوز النی قلعجندن اوتوری اوزادوب اوننی توتدی و دیدی ای منم دشمنم مندن شاد اولما چونکه اگر دوشرم دوراجاقام (میکا باب ۷ آیه ۸). او ساعتده او اپلیونه بر مهلک یاره ویردی و او باعث اولدی که اپلیون دالی اوتوردی. بر آدم کمین که برک یاره لنمش اولا مسیحی اوننی آئیوب بر دفعه گنه اونه اوروب دیدی ایلکه او آدمین سببی اینن که بزی دوست توتدی او شیرلن هامی سنه غالب اولورخ. او ساعت اپلیون اوز آژدها کمین اولان قاندلرینی آچوب قاچدی و گنه مسیحی اوننی گورمدی (رومالولوه باب ۸ آیه ۳۷ و یعقوب باب ۴ آیه ۷).

هیچ بر آدم یوخدر که بیله بونی خیال ایلیه. مگر که او منم کمین گورمش و اشدمش اولا که بو دعواده نه قسم اپلیون هامی او دعوا زماننده فریاد ایلر ایدی هییت اینن گوملدر ایدی و آژدها کمین همهمه ایلر ایدی. اوبری طرفده گنه مسیحی نه آه و ناله لر اوز قلبندن چکر ایدی. هامی دعواده من بر خوش نظر

اوندن گورمدم. بر وقته کمین که او اوز قلجی اینن اپلیونی یاره‌لو ایلمش  
ایدی. البته او وقته گولدی و گوکه باخدی اما بیله قورخولی واقعه‌نن هر گز  
مثلی‌نی گورمدم.

مانند و مثلی اولمامش بر جنگ ایدی بو پرخطر

بیله بر دیو پلیده نیلسون بو بر نفر

چکدی شمشیر توتدی قالخان چونکه مسیحی مردوار

عون حق‌نن او موخش آژدره تاپدی ظفر

چونکه دعوا تمام اولدی مسیحی دیدی بویرده او آدم که منی شیرلرن آغزندن  
خلاص ایلیوبدر و منه اپلیون قباقتده یاردم ایلیوبدر شکر ایلیه‌جاquam و مسیحی  
بیله دیدی.

بعلزبول رئیس لشکر شیطان مغرور

منی اعدامه گوندردی عجایب دیو پر زور

مسلح قارشومه چیقدی جهنم حدتی‌نن

منم‌نن وحشیانه ایلدی جنگ اولمدم مقذور

خدانن امری‌نن امداده میکائیل یتشدی

هماندم ضرب شمشیر ایله ایتدم من آنی دور

قیلارم حمد و شکر الله کیم قورتاردی اوندن

## منی بیلہ عظیم جنگدہ قیلوب اول دیوہ منصور

پس غیبدن بر ال کہ دیر یلق آغاجنن یپراقلرنندن دوتوب ایدی مسیحی یه  
یتشدی و او اولری دوتوب اوز یاره لرینه که دعواده تاپمش ایدی قویدی. همان  
ساعت اونن یاره لری یخشی اولدی و گنه او یرده اوتوردی تا چورک بیه و او  
بتریدن که بوندن قباق اونه باغشلامشدیلر ایچه. پس بو طور اینن اوز  
یورلماقی نی رفع ایلیوب سفره حاضر اولدی و قلج چکوب النده توتدی.  
زیرا که دیدی بیلرم بلکه آیری دشمن گنه اولا. ولی اپلیوندن او درهنن قالاننده  
بر آیری حمله گورمدی.

# THE VALLEY OF THE SHADOW OF DEATH

اما بو دره‌نن آخړینده بر آیری دره وارایدی. آدی سایه مرگ دره‌سی ایدی. چونکه سماوی شهرینه یول اونن آراسندن گچرایدی لازم ایدی که مسیحی او دره‌دن گچه و بو دره چوخ خرابه یردر که یرمیاہ پیغمبر اونی بو‌طور اینن بیان ایلوبدر. یعنی بر چول و بر چوقورلر اینن دولی و بر قوری یردر. سایه مرگ یردر که (مسیحی‌نن اوزندن غیری) اوندن بر انسان گچمیوبدر و بر آدم او یرده ساکن اولمایوب (یرمیاہ باب ۲ آیه ۶) پس بو یرده مسیحی اپلیون اینن دعوا ایلین وقتدن برک‌راق زحمتہ دوشدی. بونی اشاقه‌ده‌کی تفصیلدن بیله‌جاق‌سز.

پس یوخومده گوردم بر وقت که مسیحی سایه مرگن اتکنه یتشدی ایکی آدم (او آدم‌لرن اوشاقلری که یخشی یرن باره‌سندہ پیس خبر ویرمشدیلر) یتشدی که تزلق اینن قایدرا ایدیلر.

مسیحی اولره بو‌طور اینن صحبت ایلدی. هارایه گدرسز؟ اولر دیدیلر دالویه دالویه. هرگاه سلامت‌لقوی و دیریلقوی قیمتلی و عزیز توتارسن استروق که سن گنه بزم کمین دالویه قایدہ‌سن.

مسیحی دیدی نیه و نه سبیدن؟

اولر دیدیلر او سبب اینن که بو یولا که سن گدرسن بز گده‌جاق‌دق. هر قدر که جرثتمز وارایدی گندوق. بر حده که یاخین ایدی که ناممکن اولاییدی. بزم ایچون قایتمق بو جهته که هرگاه بر قدر ایره‌لو گده‌ایدوق هر آینه بو یره یشتمز ایدوق که بو خبری سزه ویراق.

مسیحی دیدی نه زاده ملاقات ایلدوز؟

او ایکی نفر دیدیلر سایه مرگ دره سنه یاخین یتشدوق. اما بر خوش بختلق اینن قباقمزه باخوب بر خطری اوندن قباق که اونه یتشدوق گوردوق.

مسیحی دیدی نه شی گوردوز؟

او ایکی نفر دیدیلر بیلرسز نه شی گورمشق. بر دره نی گورمشق که قیر کمین قره ایدی و او یرلرده جنی لر و غولی لر و آزدها گوردوق. او دره ده سس و ناله پیدرپی اشدوق. بر پاره آدملرن سسلری کمین که چوخ غمگین و مصیبتیه توتولمش دمیرلر اینن باغلی اولمش اولالر او یرده اوتورمشدیله و او دره نن اوستنده قارش مش بلوطلر که آدمی جرئت سز ایله آسلمش ایدیلر و اولوم گنه او دره نن اوستنده اوز قانادلرینی همیشه آچوب اونی اورتوبدر. مختصر او دره تماماً ترتیب سز و هامیسی هولناک در (ایوب باب ۳ آیه ۵)

پس مسیحی دیدی بر مطلب که ثابت ایله که منم یولم همین یول اولمیه سزن صحبتوزدن آناماد (یرمیه باب ۲ آیه ۶)

او ایکی نفر دیدیلر بو یول سنن اولسون. بز بونی قبول ایلمروق که بزم اوله.

پس بربرندن آیریلوب مسیحی اوز یولینه روان اولدی. قورخوسندن که مبادا بر آدم اونه حمله ایلیه اوز قلجی چکمش ایدی.

پس یوخومده گوردم بو دره نن هامی طولنده اونن دوز طرفنده بر چوخ درین خندق لر وار ایدی. بو همان خندق در که هامی زمان کورلر کورلره یول نشان ویروبدرلر و او یرده هر ایکسی پیس لق اینن هلاک اولوبدرلر و گنه اونن سول طرفنده بر خطرلی باتلاق واردر که هرگاه یخشی آدم گنه اونه دوشه اوز آیاقنی قویماقدن اوتری بر دیب تاپلمز. او باتلاقه داود پادشاه بر دفعه دوشدی. هرگاه او کس که مقتدردر اونی اشیکه چکمیله ایدی بلاشبه خفه اولور ایدی (مزمو ۶۹) و یول آیاق قویماقدن اوتری چوخ چوخ دار ایدی. بنا بونه یخشی مسیحی

چوخ زحمته دوشدی. بوجهته که قرانلوقده سعی ایلرایدی که بو طرفه خندقدن اوزاق اوله یاخین اولورایدی که باتلاقون ایچینه دوشه چونکه اونو آختاری ایدی که باتلاقدن خلاص اولا. هرگاه احتیاط ایلمیه ایدی یاخین ایدی که خندقه دوشه. بو طور اینن گدرایدی. اوندن اشدتم که بو یرده آه چکیر ایدی و علاوه بو خطرلر که ذکر اولدی یول بو یرده اوقدر قرانلوق ایدی که چوخ وقت که او اوز آیاقنی اوجا ایلرایدی که قباقه گده بیلمزایدی که هارایه قویه و نیه قویه.

اما من آنادم که جهنمن آغزی بو درهنن آراسینه یاخین ایدی. بو وقتده مسیحی فکر ایلدی که نه ایلمیم. گاه شعله و توتسی گنه قورلر اینن و هیستلو سسلر چوخ طور اینن اشیکه گلور ایدیلر (یعنی شیلر که مسیحینن قلجندن قورخماز ایدیلر ایلکه اپلیون اول قورخدی) لابداً مسیحی اوز قلجنی برینه قویوب اوزندن اوتری بر آیری اسلحه که اونن آدی هامی دعالر ایدی چکدی. پس منم قولاقمه اونن فریادی یتشدی که دیر ایدی ای الله خواهش ایلم که جانمه خلاص لوق ویرهسن (مزمور ۱۱۶ آیه ۴)

بر مدت بو طور اینن او گدرایدی. اما شعله لر اونن طرفنه اوزانیر ایدیلر.

ای بیچاره، گوندوز اولمش گیجه آه! هاردهسن

قورخمه چونکه اولماز امیدن ضایع طوغری یولدهسن

بیل سما یولی قیلار باب جهنمدن عبور

طاقت ایله کیم گچرسن گرچه ایندی بوردهسن

و گنه او هولناک سسلر و قشه قش بو طرفدن او طرفدن اشدرایدی. بر طور اینن که بعض وقت فکر ایلرایدی پارچه پارچه پالچوق کمین کوچه لرده

پایمال اولاجاقدرد. ایندی نچه میل پیدرپی بو قورخولی یرلری گوروب و بو هیبتلی سسلری اشدوب تا بریره یتشدی که او یرده گمان ایلدی که بر دسته جنیلردن اونن پیشوازینه گلرلر. او یرده دوروب فکر ایلدی که نه ایلماق گرک. بعضی وقت او فکر ایلر ایلدی که قایده بر وقت فکر ایلر ایلدی که بلکه دره دن یاری یولی طی ایلیوبدر و گنه یاده گتوردی که ایندییه کمین چوخ خطرلره غالب گلوبدر بلکه قایتمق خطری قباقه گتماقدن چوخ اوله. پس اوزنه قرار ویردی که قباقه گده. اما نظرینه بیله یتشردی که جنیلر اونه یاخین اولورلر. وقتی که اولر اونه چوخ یاخین اولدیلر مسیحی بر برک سس اینن فریاد ایلدی که اللهم قوتی اینن قدم اوره جاquam. پس اولر دالو اوتوردیلر و قباقه گلمدیلر. بر شی گنه استمرم اونودام. بو وقتده باخدم که فقیر مسیحی او قدر مضطرب اولوب ایلدی که او اوز سسنی تانیماز ایدی. بیله آنادم که او ساعت که یانان چوقورن آغزینه یتشوب ایدی شریر روحلردن بری یواش یواش اونن دالسونه یتشوب چوخ کفرلر اینن قولاقنه وسوسه ایلدی. مسیحی گمان ایلدی که حقیقتاً اولر اونن قلبندن گلور ایدی و بو مسیحی نی او شیلرن هامی سندن که او قباقجه ملاقات ایلمشدی قورخویه سالدی. یعنی قلبندن گچرتماقدن بر آدمی که اول دوست توتوب ایندی اونه کفر قبول ایلر و هرگاه اونن اوز النده اولر ایدی هر آینه بو فکرلری ایلمز ایدی. ولی او قدر کمالی یوخ ایدی که اوز قولالقرنی دولاندره و یا آتایه که او کفرلر هارادن گلور.

وقتی که مسیحی بو حالتده غمگین اوز سفرینه گذر ایلدی خیال ایلدی که بر آدمن سسنی که اونن قباقنجه گذر ایلدی اشدی که دیر ایلدی اگر چه سایه مرگ دره سندن گچم بلادن قورخمیه جاquam وقتی که سن منم اینن سن (مزمور ۲۳ آیه ۴)

پس مسیحی شاد اولدی و او شادلق بوسبیلردن در. اول او که او سسندن او آنادی بعض اللهمدن قورخان آدملر اوزی کمین بو دره ده وارد.

ایکنجی او آنادی باوجودی که اولر چوخ بدبختلقده و قرانلقده درلر الله اولر ایندر و فکر ایلدی اگر اولر ایندر منم اینر نیه اولمیا. اگرچه مانعلر سبینه که بو یرده واردر اونی آنایه بیلیمرم (ایوب باب ۹ آیه ۱۱)

او چنجی اودر که امید وارایدی که (هرگاه اولره یتشه) بر زماندن صوره اولرن صحبتلرینه داخل اولور. بو طور اینر او گدوب اونه که قباقلنده گدرایدی فریاد ایلدی اما او آدم بیلمدی نه جواب ویره. بو جهته که او گنه فکر ایلرایدی که یالقوزدر. بر زماندن صوره صبح آچلوب پس او وقت مسیحی دیدی سایه مرگ دره سنی سحرگاهه عوض ایلوبدر (عاموس باب ۵ آیه ۸)

وقتیکه صبح طلوع ایلدی مسیحی دالسونه باخدی. نه بو جهتن که قایتماق خیالی وارایدی بلکه گوندوزن اشیق لقندن اوتری او خطرلری که قرانلقده اولرن آراسندن گچمش ایدی ملاحظه ایلیه. پس بر خندق که بو طرفی بر باتلاق که یولون او طرفی ایدی آشکار ملاحظه ایلدی و گنه بو یول که اولرن آراسندن گچرایدی بیلدی نه قدر داردر و گنه غولر و اژدهالر و جنلر که اولرن یرلری چوقورلرده ایدی گوردی. اما اوزاقدن زیرا که صبحدن صوره یاخین گلمدیلر. اما مسیحی به آشکار اولدی او زادن برابرنده که یازلوبدر او قرانلقون درین لقی آشکار ایلر و سایه مرگی اشیقه یترر (ایوب باب ۱۲ آیه ۲۲)

پس مسیحی یولن هامی خطرلرندن خلاص اولماقدن اوتری چوخ تأثیر تاپدی خطرلر که قباقلجه اولردن قورخارایدی و ایندی اونه آشکار اولدی. بو وقته یاخین گون چخوب و بو طلوع مسیحیه آیری مرحمت ایدی. بو جهته بیله سز که گرک سایه مرگ دره سنن اولنجی قسمی باوجودی که خطرناک ایدی ولی او قسمی که مسیحی گرک اوندن گچه ایدی ممکن مرتبه اوندن چوخ آرتوق قورخولی ایدی بر مکاندن که مسیحی اونده دورمش ایدی تا درهنن آخرینه یولن هامی اوزون لقی بر طرفی تورلردن و زنجیرلردن و شبکه لردن دولی ایدی.

اوبری طرفی گنه چوقورلر و قویبی لر و درین باجالر و باش آشاقه‌یرلر ایدی که اگر ایندی دره‌نن بو قسمی اول کی قسمی کمین قرانلق اولاییدی اوندن گچن و قتده هرگاه مسیحی‌نن مین جانی اولاییدی اقلأ اولردن برینی خلاص ایلیه مزایدی. اما ایلکه دیدم او وقتده آفتاب طلوع ایلدی. پس مسیحی دیدی اوز اشیقی منم باشیمه دوشر من اونن اشیقی اینن قرانلقده دولاندم (ایوب باب ۲۹ آیه ۳) پس بو نور اینن دره‌نن آخرنده قان و سمک‌لر و کل و آدم‌لرن بدنلری پاره پاره اولوب. یعنی حاجیلرن بدنلری که بو یولا اول گتمشدیلر توکولمش ایدی. نه قدر که اوزوم اینن فکر ایلدم که آیا بولرن سببی نه‌در بر آز قباقدنه بر مغاره گوردم که ایام قدیمده ایکی اوجابوی که اولرن بریسنن آدی پاپ و اوبری بت‌پرست ایدی اونده وارایدی. او سمک و قان و کل که او یرده توکولمش ایدی او شخصلرن ایدی که رحم‌سزلق اینن بو ایکی نفرن ظلمندن اولدرلوبدلر. اما مسیحی بو یردن چوخ خطر گورمیوب گچدی و بوندن اوتری بر قدر تعجب ایلدم. اما اوندن صوره آنادم که بت‌پرستن اولماقندن چوخ گچوبدر و نسبت اوزگه‌سنه یعنی پایه باوجودی که ایندی دیری در سنینون چوخ‌لقینون سببندن و جوائلق گونینن دعواسنن سببندن او قدر دالی و اویناقلری برک اولمشدی که ایلیه بیلمزدی اولره یتشه و ایندی مغاره‌سنن آغزنده اوتورماقندن و دیشنی قجرتماقندن سوای حاجیلره که او یولدن گچرلر و درناقلرینی قاشومتق‌دن آیری ایش ایلیه بیلمزدی.

پس گوردم که مسیحی اوز یولینه گتدی. اما بو قوجانن گورماقندن که مغاره‌نن آغزنده اوتورمشدی بیلمدی نه فکر ایلیه. باوجودی که قوجا کشی اونن دالسونجه گله بیلمزدی ولی اونن اینن صحبت ایلوب دیدی هرگاه سزدن آیری آدم‌لر یانمش اولمیلر ابدأ توبه‌یه گلمیه‌جاق‌سز. اما مسیحی ساکت اولوب اوننه یخشی یوزاینن باخوب بو طور اینن او یردن گچدی و بر ضرر اوننه یتشم‌دی.

پس مسیحی سرود اوخودی:

معجزه در معجزه! اوزگه بر شی دگلبو  
کیم بیلیردی که بیله دفع اوله حق بو قایغو  
دوشمش ایدم گردابه آخری یوق سیلابه  
ظلمت و موت باسدیلر گلدی منه بو قورخو  
کیم اولورم من هلاک وادی ظلمتده خاک  
حبس ایدر ابلیس منی باغلا اوستمه قاپو  
ای ید قدرت سنه حمد ایلرم که منه  
رحم ایدوب قیلدن خلاص قالمدی بو آرزو  
ایندیکه اولدم خلاص ای مسیحم لطف خاص  
ایلدون بیچاره یه منم ایشم دگلبو

## CHRISTIAN MEETS WITH FAITHFUL

بر وقتده که مسیحی اوز یولینه گذر ایدی بر یره که بر قدر باش یوخاری ایدی  
یتشدی که اویری اوندن اوتری اوجا قایریش ایدیلر که حاجیلر اوز قباقرنه  
باخوب گوره لر. بو جهته مسیحی بو اوجا یره چیقوب اوز قباقرنه باخدی و  
قباقرنده وفاداری گوردی که سفره گذر. پس مسیحی فریاد ایلدی های های  
های دور سنه یولداش اولاجاقام وفادار. بو سسی اشدوب اوز دالسنه باخوب  
مسیحی گنه اونه فریاد ایلوب دیدی دور دور تا سنه یتشم. اما وفادار جواب  
ویروب دیدی خیر دور میاجاقام اوز دیرلقمندن اوتری گذرم چونکه اولوم منم  
دالمده در.

بو دانشمق مسیحی یه بر قدر اثر ایلوب هامی قوتنی ایشلدوب تز وفاداره  
یتشدی و گنه اوندن قباقره گچدی که آخر اولدی. بو وقتده مسیحی اوز  
باطل کبرندن گولدی. بو جهته که اوز قرداشندن قباقره دوشمش ایدی. اما  
چونکه اوز آیاقرینه یخشی احتیاط ایلمدی بردن سورشوب دوشدی بر وقته  
کمین که وفادار اونه یتشدی قالخه بیلمدی.

پس یوخومده گوردم که اولر بربری اینن مهربانلق طوری اینن گذردیلر و  
زادلردن اوتری که حجده اولره یتشوب ایدی شیرین صحبتته هامی مشغول  
اولدیلر و مسیحی بو قسم اینن باشلادی.

مسیحی دیدی ای وفادار منم چوخ حرمتلی و سوگلی قرداشم شادام که سنه  
یتشدم الله بزم روحلمزی بیله خمیر ایلوبدر که مصاحبلر کمین بو یولده  
خوش گداخ.

وفادار دیدی ای عزیز دوست سنه یولداشلق خیالینی اوز شهرمدن گتوردم. اما چونکه سن مندن قباق حرکت ایلمشدون بو جهته بو قدر یولی لابداً یالقوز گلدم.

مسیحی دیدی هلاکت شهرنده اوندن قباق که سن حرکت ایلدون که مندن صوره حجه گله سن نه قدر قالدون؟

وفادار دیدی بر وقته کمین که برده اوندن آرتوق قاله بیلمدم. بو جهته که سنن حرکتندن صوره بیوک حکایت اولدی که بزم شهرمز آز مدته گوکدن اود اینن یاناجا قدر.

مسیحی دیدی تعجب آیا سنن همسایه لرن بیله دانشق ایلدیلر؟

و فادار دیدی بلی بر مدت بو دانشق هامی آدم لرن آغزینده وارایدی.

مسیحی دیدی آیا سندن سوای اولردن هیچ کس خطر دن قورتورما قدن اوتری اشیکه گلمدی؟

وفادار دیدی بوندن بیله چوخ بیوک دانشق وارایدی. بیله که دیدم اما فکر ایلمرم که یقین طور اینن اونه اینانمش اولالر. بو جهته که بو دانشقی اولرن بعضی سندن چوخ اشدتم سنن ناامیدلق سفرن باره سنده (زیرا که سنن حجه گیتماقون بیله دیر ایدی لر) ریشخند اینن دانشیر ایدی لر. اما من ایناندم و گنه اینانیرم که بزم شهرمز یوخاری دن گلن اوددن و گوگردن آخره یتشوب یوخ اولاجا قدر. بوندن اوتری من او یردن خلاص اولدم.

مسیحی دیدی آیا سست رای همسایه نن باره سنده هیچ اشدمدون؟

وفادار دیدی بلی ای مسیحی اشدتم که او سنه تابع اولوب تا ناامیدلق باتلاقینه یتشوبدی و بلکه بعضی دیدیلر اونه دوشوب ایدی. اما او استمر ایدی که آشکار

اولا که بيله الميش اوندن باش اورمش اولايدي. اما يقينم واردر که بو قسم  
چرکدن پالچوقه بولاشمش ايدي.

مسيحي ديدي همسايه لر اوننه نه ديديلر؟

و فادار ديدي او قايدانندن صوره هر قسم آدم اونى ريشخند ايليري. بعضى اوننه  
ریشخند ايلوب حقير سايارلر و مشکل در که اوننه بر ايش تاپشهرلر و ايندى او  
وقتدن که شهردن حرکت ايله مامش ايدي يدي مرتبه پيس راقدر.

مسيحي ديدي چونکه اولر گنه او يولى که او ترک ايلوبدر اکسک سايارلر  
پس نه ايچون او قدر اونن خلافنه اولديلر.

وفادار ديدي اولر دير که اونى دارا آس حيله ايليان آدمدر. اوز اقرارينه امين  
اولميوبدر. من فکر ايلرم الله اونن دشمنلرينى قالخوزبدر که اوننه سس اورالر و  
اونى ضرب مثل ايليه لر. بو جهته که يولى ترک ايلوبدر (يرمياہ باب ۲۹ آيه  
۱۸ و ۱۹)

مسيحي ديدي آيا سن اشیکه گلماقندن قباق اونن اينن صحبت ايلدون؟

وفادار ديدي بر دفعه اونى کوچه ده گوردم. اما مندن بر آدم کمين که اوز  
عملندن خجالت اولا اوزاق اولوب کوچه دن آيرى طرفه گتدى. بوندن اوترى  
اونن اينن سوز دانشمدم.

مسيحي ديدي اوز حرکت من اولنده او آدمن باره سنده اميدم ورايدي اما ايندى  
قورخارم که شهرن خرابلقنده هلاک اولا. بو جهته که اوننه يتشوبدر حق مثل  
که ايت اوز قوسدوغنه قايدوبدر و دونقوز که يووولوبدر پالچوقه باتوب  
(ايکنجى پطرس باب ۲ آيه ۲۲)

وفادار دیدی منم قورخوم گنه اونن باره‌سنده بودر. اّما او که گله‌جاقدر کیم  
قادردر اونی منع ایلیه؟

مسیحی دیدی ای یخشی وفادار همسایه گل اونی ترک ایلیوب او شیرلن  
باره‌سنده که اوزمزه چوخ نسبتی وار صحبت ایلیاق. او شیرلن که گلنده  
سفرنده ملاقات ایلدون. ایندی منه دی چونکه بیلرم که سن بعضی زادلره  
یتشدون و گوردن که گرک اولری غریبه شیرلن سایاسن.

وفادار دیدی او باتلاقدن که آنادم سن اوننه دوشدون- من خلاص اولدم و  
خطرلسز اوندن دروازه‌یه یتشدم. اما بر آدمه یتشدم که اونن آدی بیحیا ایدی  
یاخین ایدی که او منه ضرر یتوره.

مسیحی دیدی یخشی در که اونن تورندن خلاص اولدون. حضرت یوسف  
اوندن چوخ زحمت چکدی. اّما سنن کمین خلاص اولدی. اّما یاخین ایدی  
قورتورماقدن اوز جانندن گچه یعنی اولمش اولا اّما سنه نه ایلدی (تکوین باب  
۳۹ آیه ۱۱ و ۱۳)

وفادار دیدی هرگاه من بر قدر اوندن بیلیمه‌سن (اونی خیال ایلیه بیلیمزسن) که  
اونن نه یالوارماق دیلی وارایدی او منه برک حمله ایلدی که اونن یاننجه گدم  
و منه هر قسم خوشحاللق وعده‌سی ویررایدی.

مسیحی دیدی خیر سنه خوشحاللق وعده‌سی که روحانی عقلدن حاصل  
اولور ویرمیوبدر.

وفادار دیدی سن بیلرسن که منم دانشماقم هر نوع جسمانی شادلق و کیف  
باره‌سنده‌در.

مسیحی دیدی اللهه حمد و شکر ویر که سن اوندن خلاص اولدون. اللهه  
قوولمشی او آرواتن تورینه دوشر (امثال سلیمان باب ۲۲ آیه ۱۴)

وفادار دیدی خیر بیلرم که آیا تماماً اوندن خلاص اولدم یا خیر.

مسیحی دیدی نیه اعتقادم اودر که سن اونن خواهشترینه راضی اولمادون.

وفادار دیدی راضی اولمادم چونکه یادا گتوردم که من بر دفعه بر قدیم یازی نی  
گوردم که اوتده دیلوبدر. اونن آیقلری اولومه یتیر. قدملری دوزخه یاپشور  
(امثال سلیمان باب ۵ آیه ۵) بنابونه اوز گوزیمی اوندن اورتدم چونکه استمدم  
که اونن نظرلرنن افسوننی اولام. پس او منه پیس دیدی و من اوز یولیمه گتدم  
(ایوب باب ۳۱ آیه ۱)

مسیحی دیدی آیا گلن وقتده بولردن غیری که ذکر اولدی حمله لره ملاقات  
ایلمدون؟

وفادار دیدی بر داغون آیاقنه که آشکال دیردیلمر یتشدم. بر چوخ قوجا آدمه  
ملاقات ایلدم. او مندن سورشدی سن کیم سن و هارایه گذرسن. من اونه  
دیدم که حاجی ام و سماوی شهرینه گدرم. پس قوجا آدم دیدی که سنن  
هیئتون امین آدم کمین در. آیا بر مواجب سنه ویرم منم اینن قالماقه راضی  
اولاجاق سن. پس من اونن آدینی و یرینی سورشدم. او دیدی منم آدیم نخستین  
آدم در و یرم فریب شهری در (افسس لولره باب ۴ آیه ۲۲)

پس اوندن سورشدم سنن ایشن نه در و مزد که منه ویره سن نه قدردر. او منه  
دیدی منم ایشم چوخ لذتلردر و مزدم بودر که آخرده منم وارثم اولاسن و گنه  
اوندن سورشدم که نه طور ایون واردر و نه قسم نوکرلر سنه لازم در. پس او منه  
دیدی ایوم بو دنیانن هامی لذتلو خوراکلری اینن بزه بندر و نوکرلیم اوز  
نسلمدن اولولر. پس اوندن سورشدم که نچه نفر اوشاقن وار. او منه دیدی اوچ

نفر قز وارم در. یعنی جسمن خواهش لری و گوز خواهش لری و دیرلقن غروری (اول یوحنا باب ۲ آیه ۱۶) و اگر راضی سن اولری اوزوه کابن ایلیوب عقدوه گتوره بیلرسن. پس سورشدم که نچه وقت استرسن که سنن اینن ساکن اولام. او منه دیدی نه قدر که اوزم دیریلق ایلرم.

مسیحی دیدی یخشی آخرده قوجا آدمن مصلحتی سنه نه اولدی؟

وفادار دیدی اولده اوزمی بر قدر او آدمن یاننجه گتماقه راغب گوردم. چونکه فکر ایلرایدم که اونن دانش ماقی چوخ خوش گلیر. اما وقتی که اونن اینن صحبت ایلرایدم من اونن آنونه باخدم و گوردم که اونده یازلوبدر که کهنه انسانن عمل لرینی اوزندن چقارت.

مسیحی دیدی اوندن صوره نجه اولدی؟

وفادار دیدی اوندن صوره بر آلولی و اسسی فکر قلبمه یتشدی. بیلدم که او هر نه دیر و هر قسم که یالوارر ایله که منی ایوه آپاردی قول کمین منی صاتا جاقدر. پس اوننه امر ایلدم که دانشماقدن ال چک. زیرا سنن ایووه یاخین گلمیه جاقام. پس منه پیس دیوب دیدی که سنن دالنجه بر آدم گوندررم که یولی سنن جانوه آجی ایلر. پس من اوندن دولاندم که گچم او ساعت که اوندن دولاندم که گچم آنادم که او منم بدنمی بر دفعه توتدی. ایله اولدرن قوت اینن منی دالینه چکدی که گمان ایلدم (دیه سن) منم بر قسمی اوز طرفنه چکدی و بو اوننه باعث اولدی که فریاد ایلدم و دیدم وای مستمند آدم ام (رومالوره باب ۷ آیه ۲۴) پس داغون اوستنه گتدم. بر وقت که یولون یاریسنه یاخین داغی طی ایلدم و دالیه باخدم بر آدم گوردم که برک یل کمین منم دالمجه گلور. بر یره که اونده اوتورماق تختی وار ایدی منه یتشدی.

مسیحی دیدی همان یرده که من راحت اولماقه اوتوردم. اما یوخی باسدی و من بو طوماری قوینمدن اتردم.

وفادار دیدی ای یخشی قرداش منم حکایتی آخره کمین اشد. همان ساعت که او آدم منه یتشدی بر سوز و بر یاره منه ویردی. پس بو جهته که منی یره سالدی بر اولی آدم کمین منی یاتوردی. وقتی که بر قدر هوشه گلدن اوندن سورشدم که نیه بو طور منم اینن رفتار ایلدون. او دیدی چونکه گزنده اوّل کی آدمه مایل سن. همان ساعت بر آیری اولدرن یاره سینمه ویردی و منی دالوم اوستنه یره سالدی. بر طور اینن که من اوّل کی کمین اونن آیقینه دوشدم. پس گنه هوشه گلدن. رحمدن اوتری اونه فریاد ایلدم. اما او دیدی بیلرم نجه رحم ایلیم. همان ساعت گنه منی یره اوردی و هرگاه بر آدم یولدن گچمز ایدی که اونه امر ایلدی که ال چک شکسز او منی هلاک ایلریدی.

مسیحی دیدی او آدم که اوننی ال چکماقه امر ایلدی کیم ایدی؟

وفادار دیدی اوّلده اوننی تانیمادم. اما او وقت که او گچدی اللرنده و یاننده یاره لرینی گوردن. او وقت آنادم که او بزم خداوندمزدن. پس داغون اوستنه روان اولدم.

مسیحی دیدی او آدم که سنه یتشدی موسی ایدی. او بر آدمه مروت و آدملر که اونن شریعتندن چیخار اولره رحم ایلمز. بلکه نسبت اولره بیلمز رحم نه در.

وفادار دیدی اوننی یخشی بیلرم. بو منم اونن اینن اوّلنجی ملاقاتم دگلایدی. بر وقت که ایومده خاطر جمع اوتورمشدم او منم یانیمه گلدی و دیدی هرگاه سن بو یرده قالاسن ایوی سنن باشن اوستنه یاندره جاقام.

مسیحی دیدی بر ایو که همان داغون باشنده دوشویدر که موسی او داغون آراسنده سنه ملاقات ایلدی آیا گورمدون؟

وفادار دیدی بلی گوردم و گنه شیرلری که من ایوه یتشمدن قباق گوردم. اما نسبت شیرله فکرایلم که یاتمشدیلر و بو جهته که گون اورتایه یاخین ایدی و چونکه گوندن او قدر قالورایدی من درباندن گچدم و داغون آیاغنه گلدم.

مسیحی دیدی بلی دربان منه دیدی که او سنی گوروبدر که اورادن گچدن. ای کاش که او ایوه داخل اولاییدن. زیراکه او قدر غریبه شیرلر سینه نشان ویراییدیلر که چتین تا اولنه کمین اولری یاددن چیخارده ایدن. اما خواهش ایلم منه خبر ویر آیا هیچ بر آدمه سایه مرگ درهسنده ملاقات ایلمدون؟

وفادار دیدی بلی بر بی قناعت آدلویه ملاقات ایلدم که اونن میلی وارییدی که منی قایتماقه و اونن یاننجه گتماقه راغب ایلیه. بر سبب که او قایتماقدن اوتری دیر ایدی که بو درهده ابداً عزت یوخلدر و علاوه بونه منه دیدی که او درهده گتماق بر یولدر که سنن هامی دوستلرن یعنی کبر و غرور و اوزنی بکنماق و دنیا جلالی و بولردن غیرینی انجدر و گنه بیلرم او دیدی که هرگاه اوزوی بیله سفیه ایلیه سن که بو درهنن سوینن و پالچقنن آراسنه گدهسن اولره هیچ خوش گلمیه جاقدنر.

مسیحی دیدی اونه نه جواب ویردون؟

و فادار دیدی اونه دیدم اگرچه ممکن در بو آدملر که اولرن ذکرنی ایلدون منی اوز قوملرندن بیله لر و او دوزدر (بو جهته که اولر حقیقتاً بدن یولندن منم قوملرم درلر) اما بر وقتده که حاجی اولدم منی قبول ایلمدیلر و من گنه اولری رد ایلدم. لهذا ایندی منه اولر کمین واردلر که منم قوملرمدن دکل لر. علاوه بونه اونه دیدم نسبت بو درهیه دوز بلدلقن یوخلدر. بو جهته که آلقاق اولمق عزیز اولماقدن قباقچه گدر و تکبرلق شکسته لقن قباقنجه گدر و بنا بونه دیدم بو دره دن گچماقی تا اینکه خیره یتشم که عقللی لر اوننی عزت خیال ایلرلر.

چوخ بکنورم اوندن که قبول ایلم بر شیی که سن اونی چوخ آرتوق بزه دوست بیلرسن.

مسیحی دیدی آیا بر آیری زاده بو درده ملاقات ایلمدون؟

وفادار دیدی بلی بر خجالت آدلو آدمه ملاقات ایلدم. ولی فکر ایلم که هامی آدمیری که اوز حجیمده ملاقات ایلدم اوز آدرینه که آدلانمش ایدیلم موافق ایدیلم. ولی بو آدمین ناموافق آدی وارایدی. او آدمیر بر قدر دانشماقدن و دلیلردن صوره حجاب ایلم دیلم. اما بو خجالت آدلو بی حیا آدم ابداً حجاب ایلمز ایدی.

مسیحی دیدی او سنه نه دیدی؟

وفادار دیدی او محض دینه قارشی سوز دیدی و دیرایدی که نامردلقدن در که بر آدم روحانی عقلی اینن پیس و یخشی به تمیز ویرر و اگر بر آدم اوز سوزلرینی و عمللرنی بیله حفظ ایلیه که اوزنی او تکبرلقن آزادلقندن که زمانه پهلوائلرینن روحلرنن عادتتی در منع ایلیه. بو جهتدن اوزنی زمانه نن ریشخندنه نشانه ایلیه جاقدر و گنه او آیری ایراد ایلمر که دولت لولردن و عقلولردن چوخ آز آدم سنن اعتقادنده وارد. اما هرگاه اولر گنه سفیه اولمقه راغب اولمیا ایدیلمر معلوم اولمیان زادن اوتری اوز هامی شیلری خطره سالماغه راغب اولماز ایدیلمر. هر آینه بو سنن اعتقادنده اولماز دیلمر (انجیل یوحنا باب ۷ آیه ۴۸) (اؤل قورنطوسولوره باب ۱ آیه ۲۶ و باب ۳ آیه ۱۷) (فیلیپولوره باب ۳ آیه ۷-۹) و علاوه بونه ایراد ایلمر ایدی که چوخ آدملرن احوالی که اوز زمانلرنده حجه گدردیلمر آلچاق و اکسک ایدی و گنه اولر هامی طبیعی علملردن آنامیان ایدیلمر. بلی بو طور اینن چوخ شیلر که اولرن ذکرینی بو یرده هامی نشان ویره بیللمر دیر ایدی. مثلاً بر آدم وقتی که موعظه اشدر آغلیه و ناله ایلیه باعث خجالت در و او که آه چکن و ناله ایلیان اوز ایونه قایده بو گنه

باعث خجالت در و اینکه بر آدم همسایه‌سندن اوز کوچک گناهلری‌نن باغشلا‌نماقینی استیه و یا بر آدمدن بر شی آلوب اونن عوضینی ویره. بو گنه خجالته باعث در و گنه دیدی که دین اونه باعث در که بر آدم بیوک‌لردن اوزاق اولار. بر آز گناهدن اوتری که اولرن واری در (که او بو خطالری دلیل ده ینگول دیر ایدی) و گنه دین اونه باعث که بر کس قبول ایلیه و عزیز توتا کوچک آدم‌لری. بو جهتن که اونن دین قرداشلری اولورلر و او دیدی آیا بو گنه باعث خجالت دک‌لدر؟

مسیحی دیدی سن اونه نه دیدن؟

وفادار دیدی اونه نه دیدم. اولده بیلدم اونه نه دیم. بلی منی او قدر قورخویه سالدی که اوزم خجالندن قرمزی اولدم. یعنی بو خجالت آدلو آدم اونه باعث اولدی و یاخین ایدی منی تماماً یولدن کج ایلیه. اما آخرده اونن فکرینه دوشدم که او شی که خلقن یاننده یخشی در الله یاننده پیس در (لوقا باب ۱۶ آیه ۱۵) و گنه فکر ایلدم که بو خجالت نام انسانن ذاتن باره‌سنده منه خبر ویرر. اما او خصوصده که الله کیم‌در و اونن کلامی نه‌در خبر ویرمز و علاوه بونه فکر ایلدم که قیامت گوننده اولمه و یا دیرلقه او روحه گوره که بو دنیایه مغرور اولوبدر حکم اولمیا‌جاقق. بلکه الله تعالی‌نن شریعت و حکمتنه گوره محکوم اولاجاقق. لهذا فکر ایلدم که او شی که الله بیورر شیلرن یخشی‌سی‌در. اگرچه هامی دنیا اهلی بو فرمایشن ضدنه اولالر. حقیقتاً بو شیلرن یخشی‌سی‌در چونکه الله دینی آرتوق توتار وقتی که الله روحانی عقلی که دقت اینن پیس و یخشی‌یه تمیز ویروبدر و چونکه اولر که گوکن ملکوتندن اوتری اوزلرینی سفیه ایلرلر حقیقتاً خلقن عقللی‌لری درلر. وقتی که بر فقیر آدم که مسیحی دوست توتار دولت‌لی‌در بودنیانن آدم‌لرنن بیوک‌لردنن که مسیحه دشمن اولالر. پس ای خجالت نام گت منم نجاتمن دشمنی‌سن سن. نجه سنی اوز پادشاهم رأینه خلاف قبول ایلیم و اگر سنی قبول ایلیم او گلن وقتده نجه اونن یوزینه باخام هرگاه ایندی اونن یول‌لریدن و اونن نوکرلریدن اوتری خجالت

اولام. پس اونن برکتنه نیجه انتظار چکم (مرقوس باب ۸ آیه ۳۸) حقیقتاً بو خجالت آدلو آدم شریر و جرئتلو ایدی. مشکل ایدی که اونی اوز رفیقلقمدن اوزاقه اتام. بلی منی تعاقب ایلر ایدی و همیشه یومشاقلق طور اینن منم قولاقمه دین بارهسنده بعضی ضعیف زادلردن اوتری سوز دیرایدی. اما آخرده اوننه دیدم که بو خصوصنده سعین باطلدر. بو جهته که او شیرلی که سن اکسک سایرسن من جلالن چوخونی اولرده گوردم. بو طور اینن آخر بو بیحیا آدمدن گچدم. وقتی که اونی اوزاقه سالدم سرود اوخومقه شروع ایلدم:

هر کیمن که دعوتی وار عالم لاهوتدن

تجربه و تهلهکهسی چوق آن ناسوتدن

نفس ناسوتی چکر انسانی سوی اسفله

سعی ایلیر که اونی دور ایلسون لاهوتدن

سالکا! هوشیار اول مردانه گت کیم بو جهاد

بولماز انجام کوچمه مش سن عالم ناسوتدن

مسیحی دیدی ای قرداشم شادام که بو طور جرئت اینن او شریر آدمه ضد دوردن. زیرا که بیله که دیرسن فکر ایلرم او آدمن آیری آدملره گوره بی مناسب آدی واردر. بو جهته که او قدر جرئتلی در که کوچهلرده دالمزجه گلوب سعی ایلر که بزی هامی خلقن یاننده خجالت ایلیه. یعنی بزی اوندن که یخشی در خجالت ایلیه. ولی هرگاه اوزی جرئتلو اولماسه ایدی هر آینه بو طور اینن سعی ایلمزدی. اما اونی رد ایلرم زیرا بو هامی ادعا اینن او احمق آدمدن سوای هیچ کسی باشی اوجا سایماز. حضرت سلیمان دیدی حکیملر جلاله وارث

اوله جاق درلر و احمق لرن باشی اوجا اولمقی خجالت اوله جاقدر (امثال  
سلیمان باب ۳ آیه ۳۵)

وفادار دیدی فکر ایلم که خجالته مقاومت ایلماقدن اوتری یاردم دیلیاق  
اوندن که استر بزی یرن اوزرنده حقیقتدن اوتری جرئتلو ایلسون.

مسیحی دیدی بلی دوغری دیرسن. آیا او درده بر آیری آدمه یتشمدون؟

وفادار دیدی خیر یتشدم. زیرا که او درهنن قالان یولی و گنه تمام سایه مرگ  
درهسی نی گونن اشیقی اینن گچدم.

مسیحی دیدی یقیناً سندن اوتری یخشی اولوب در. منه آیری طور واقع اولدی.  
همان ساعت که من درهیه یتشدم چوخ مدت اپلیون آدلی بر مردار دیو اینن  
قورخولی دعوایه دوتلدم. بلی بر وقت او منی یره سالدی و سخدی تا آنکه منی  
یر اینن بر ایلسون. او وقتده خیال ایلدم که منی اولدره جاقدر. وقتی که او منی  
یره ووردی قلیج المدن دوشدی و گنه او منه دیدی سندن خاطر جمع ام. اما  
اللهه فریاد ایلدم و منی اشتدی و هامی زحمتلردن خلاص ایلدی. پس سایه  
مرگ درهسینه داخل اولدم. او درهنن یولی یارسنه یاخین هیچ اشیق یوخ ایدی  
و نچه دفعه فکر ایلدم که مبادا او یرده هلاک اولام. ولی آخرده صبح آچلوب  
آسانلق و راحتلق اینن نسبت اولکنه یولن قالانن گتدم.

## TALKATIVE

پس یوخومده گوردم بر وقت که گذر ایدیلر اتفاقاً وفادار بر طرفه باخوب بر آدم که اونن آدی زیادگو ایدی گوردی که بر آز مسافت اولرن قباقدنه گذرایدی. زیراکه بو یرده دوز یول او قدر گن ایدی که اولرن هامی سی ایلیه بیلر ایدیلر اونده گدهلر و او اوجابوی آدم ایدی. اوزاقدن یخشی گورسنورایدی. لیکن یاخیندن ایله دگلایدی. وفادار بو آدم اینن بو طور صحبت ایلدی.

وفادار دیدی ای دوست هارایه گذرسن آیا سماوی دولته گذرسن؟

زیادگو دیدی همان یره گدرم.

وفادار دیدی یخشی امیدوارم که سنن اینن یخشی مصاحبت قبول ایلیاق.

زیادگو دیدی چوخ شادلق اینن سزه رفیق اولاجاقام.

وفادار دیدی پس گل بربرمز اینن گداخ و اوز وقتیمزی او شیلرن باره سنده که فایده لی درلر صحبت ایلماق اینن مصرف ایلیاق.

زیادگو دیدی او شیلرن باره سنده که یخشی درلر یا سزن اینن دانشماقی یا غیره اینن چوخ بکنیرم و چوخ شادام بیله آدملره که بیله یخشی ایشلره راغب درلر ملاقات ایلمشم. دوغری دیرم سزه اولر که اوز وقتلرینی سفرلرده بو طور اینن مصرف ایلیه لر آز درلر. اما بر چوخ خلق مصرفسز شیلرن باره سنده دانشماقی سچرلر. بو منم زحمتیمه باعث اولوبدر.

وفادار دیدی البته بو قلبن انجماقنه باعث در. بو جهته که انسانن آغزینی و دینلی ایشه آپارماقدن اوتری یرن یوزنده نه شی او قدر لایق در او شیلر کمین که اللهه منسوبدرلر.

زیادگو دیدی سزی چوخ بکنرم. بو جهته که سزن دانشقز اثرلی در. علاوه اونه دیرم که نه شی او قدر خوش و فایده‌لی در که اللهه منسوب شیلرن باره‌سنده دانشماقن مثلی اولا. یعنی نه شی او قدر خوش در بو صورتده که آدم او غریبه زادلردن شاد اولا. مثلا اگر بر آدم دوست توتا که تاریخ‌لردن یا شیلرن سرندن و یا معجزه‌لر و یا عجایبلر و یا علامت‌لر باره‌سنده صحبت ایلیه. بولری او قدر خوش و شیرین که مقدس کتابده یازلوبدر هاراده تاپار؟

وفادار دیدی بو دوزدر. اما بزم خیالمز گرک بيله اولا که بزم دانشماقمزده بو زادلردن فایده حاصل اولا.

زیادگو دیدی اودر که دیدم. بو جهته که بو شیلرن باره‌سنده دانشماق چونکه فایده‌لی در. زیراکه بو طور این آدم ایلیه بیلر چوخ شیلری بیلماق. مثلا دنیوی شیلرن زحمتی‌نی بيله و علوی شیلری اله‌گتوره و بو عام‌در. اما مخصوصاً بو دانشقن توسطی این شخص تولد تازه‌نی و اوز عمللرینون بی‌وجه‌لقینجی و مسیحن صداقته احتیاجنی و اوز‌گه شیلری اوکره‌نور و علاوه بونه بو طور این ممکن‌در که آدم تعلیم آلا که توبه ایلماق و ایمان گتورماق و دعا ایلماق و صبر ایلماق نه‌در و بولرن مثلی شیلر نه‌درلر و گنه آدم اوز آراملقندن اوتری تعلیم آلور که انجیلین بیوک تسلی‌لری و وعده‌لری نه‌درلر و علاوه بونه بو طور این ممکن‌در تعلیم آلا که نه قسم غلط خیال‌لری رد ایلیه و نجه حقیقتی ثابت ایلیه و گنه نجه نادانلره تعلیم ویره.

وفادار دیدی بو هامی دوزدر. شادام بو شیلری سندن اشدم.

زیادگو دیدی آه که بو لازم و فایده‌لی زادلردن آز دانشماقندن اوتری‌در که آز آدم تاپیلور آتیه که ابدی دیری‌لقی اله گتورمقدن اوتری ایمان و توفیقن ایشی آدم‌ن جاننده لازم‌در. اما بر چوخ خلق شرعی عمل‌لرده اولورلر که او عمللر این آدم هیچ طور این ایلیه بیلمز گوکن ملکوتی اله‌گتوره.

وفادار دیدی بو شیلرن باره‌سندنه عرض ایلرم که گوکن بیلماقی الله‌هدن بخشش در. هیچ آدم اوز چالشماقی نن توسطی اینن و یا دانشماقی نن توسطی اینن اولرن بیلماقینه یتشمز.

زیادگو دیدی بولرن هامی سنی چوخ یخشی بیلرم. زیراکه آدم ایلیه بیلمز بر شی قبول ایلیه اوندن غیریکه گوکدن اونه باغیشلاننه. هامی توفیق در. هیچ عملر سببی یوخ در. بو مطلبی ثابت ایلماقدن اوتری یوز شهادت مقدس کتابدن سزه گتوره بیلرم.

پس وفادار دیدی یخشی او شی که بو وقتده صحبتہ قرار ویراق نه در؟

زیادگو دیدی هر نه سز استرسز. من روحانی و و دنیوی و اخلاقی شیلرن باره‌سندنه و یا انجیلی و مقدس شیلر و یا غیری مقدس شیلرن باره‌سندنه و گچن و گلن شیلرن و خارجه و داخله شیلرن و چوخ لازم و اتفاقی شیلرن باره‌سندنه بر صورتده که هامیسی بزه فایدا ویرن اوله صحبت ایلرم.

بو وقت وفادار باشلادی تعجب ایلماقه و مسیحین طرفینه گدوب (بو جهتہ که او وقت مسیحی یالقوز گذر ایدی) یومشاق طور اینن دیدی نه جرئتلو رفیق اله گتوردوق. یقیناً بو آدم چوخ یخشی حاجی اولاجاق.

بو دانشماقه مسیحی بر قدر تبسم ایلیوب دیدی بو آدم که سن اونو بو قدر بکنورسن دیلی نن توسطی اینن ایکرمی نفر آدم که اونو تانمزلر یولدن چیخارده جاقدر.

وفادار دیدی آیا اونو تانورسن؟

مسیحی دیدی اونو تانورم بلی اوندن یخشی که او اوزنی تانور.

وفادار دیدی خواهش ایلرم منه دی او کیم در.

مسیحی دیدی آدی زیادگودر. بزم شهرمزده ایوی واردر. تعجب ایلمر که اونی  
تانیمازسن. اما خاطر مه یتشدی که بزم شهرمز بیوکدر.

وفادار دیدی او کیمن اوغلی در و یری هارادهدر؟

مسیحی دیدی او خوش کلام آدلو بر آدمن اوغلی در. بر یاوه گو آدلو کوچهده  
هامی آشنالری نن یاننده اوزی یاوه گو کوچه سنده. زیادگو آدی اینن مشهوردر.  
دیلی هرچند یخشی در اما آچاق آدمدر.

وفادار دیدی یخشی نظره یتشر که چوخ خوش صورت بر آدمدر.

مسیحی دیدی اولردن اوتری که اونی یخشی تانمزلر. بیله در زیرا که خارجه  
یخشی نظره گلور. اما اوز وطننده کفایت قدرنجه پیس در. بو که سن دیدن  
خوش صورت آدمدر قلبمه گلور او شی که نقاش ایشنده گوردم که اولرن  
نقشلی اوزاقدن نظره خوش گلور اما یاخیندن او قدر خوش نمه دکل در.

وفادار دیدی نظرمه گلور که ظرافت ایلسن زیرا که گلدون.

مسیحی دیدی باوجودی که گلدم حاشا که بو ایشده ظرافت ایلمش اولام و یا  
بر آدم خلافنه یالان شکایت گتورم. اونی سنه چوخ آچوق ایلیم. بر آدمدر که  
هر رفیقه و هر دانشماقه راضی در. ایلکه ایندی دانش هر وقت که میخانه  
تختنده اوتورر دانشه جاقدر. وقتی که باشی چوخ گرم اولور بو سوزلر اونن  
آغزنده چوخ اولور دینون اوز قلبنده و ایونده و یا رفتارنده بر یری یوخدر. اونن  
دینی اودر که دیلنده سس ایلر.

وفادار دیدی بیله که دیرسن پس بو آدمن باره سنده چوخ توولانمشام.

مسیحی دیدی یقیناً توولانمش سن. دوز مشهور مثلی یاداگتور که دیرلر و  
ایلمزلر ولی اللهم ملکوتی سوزده دگلبلکه قدرتدهدر (متی باب ۲۳ آیه ۳ اول

قورنتوس باب ۴ آیه ۲۰) او دعا و توبه و ایمان و تازه دوغولمق باره‌سنده صحبت ایلر. اّما اولرن باره‌سنده دانشماقدن غیری هیچ شی بیلمز. اونی اهل عیالنون آراسنده گورمشم و اونی گنه وطنده و خارجده ملاحظه ایلمشم و بیلرم او شیی که اونن باره‌سنده دیرم دوغرودر. بر طوری که یومورتانن آقی داد ویرمز و همان طور اونن ایوی دیندن بوشدنر. هیچ دعا و گناه‌دن اوتری توبه نشانی اونن ایونده یوخ‌در. بلی حیوان اوزینه گوره الهی بو آدمدن چوخ یخشی تانور و عبادات ایلر و آدملرن هامی‌سی‌نن نظرنده که اونی تانیرلر او دینون مزمتنه و حقارتنه باعث‌در. اونن وجودنن سبینه مشکل‌در شهرن او طرفنده که او ساکن‌در دین باره‌سنده بر یخشی سوز دیلمش اولا و عواملر که اونی تانرلر دیرلر که خارجده پاک آدم و وطنده دیودر. اونن فقیر عیالی اونی بیله تاپوبدر و ایله آدم‌در و اوز نوکرلرینه ایله پیس‌در و جاهلر کمین سوز دیر که اولر بیلمزلر اونه نه ایلیه‌لر و یا اونه نه دیه‌لر. آدملر که اونن ایشنده‌درلر دیرلر که بر بت‌پرست اینن ایش ایلماق اونن اینن ایش ایلماقدن یخشی‌در. زیراکه بت‌پرستلرن ایشنده اوندن زیاده انصاف تاپلر. زیراکه بو زیادگو آدم هرگاه ممکن اولا آشنالق چوخ ایلر و گول اورار و توولر و مغبون ایلر و علاوه بونه اوز اوغلانلرینی ایله تربیت ویرر که پیس آدملر اینن یوله گده‌لر و اگر اولردن بریسنده جاهللق قورخوسن تاپا (زیراکه او روحانی عقلن اوّل آشکار اولماقنی جاهللق قورخوسی بیلر) اولری سفیه و نادان دیر و هیچ وجه اولره بیوک ایش امر ایلمز و آدملرن یاننده اولری تعریف ایلمز. منم اعتقادم بودر که او اوز شیریر رفتارنن توسطی اینن چوخلرن سورشماقنه و دوشماقنه باعث اولوبدر و هرگاه الله اولری ساخلامیه ایدی چوخ اوز‌گه‌لرن هلاکتته باعث اولاجاق ایدی.

وفادار دیدی ای قرداشم من گرک سنن سوزلرن قبول ایلمیم بو سببه که دیرسن من اونی تانورم و گنه او جهتدن که سن مسیحی آدم کمین خبر ویررسن.

زیرا که ایلیه بیلرم فکر ایلیم که سن بو شیلری دشمنلق یولندن دیرسن بلکه همان طور در که دیرسن دوغری در.

مسیحی دیدی هرگاه اونی سندن قباق تانمزدم اوزاق دگلایدی که اولده اونی ایله که سن فکر ایلدن من گنه فکر ایلردم. بلی هرگاه بو خبری بر آمدن که اونن دشمنی در اشدایدم البته اونی بهتان سایاردم. چونکه بهتان بر قرعه در که چوخ وقت پیس آدن آغزندن بر یخشی آدلو آدن اعتقادنه دوشر. اما منم بیلماقمدن هامی بو شیلر و بولر کمین چوخ آیری شیلر که او ایلیر اونه باعث اولورلر که اونی عیبیدار ایلیم. علاوه بونه یخشی آدملر اونن خجالت درلر. اونی نه قرداش و نه دوست دیه بیلرلر. محض اونن آدی نن ذکری او آدملرن آراسنده بر صورتده که اونی تانیه لر اولرن اوزنن قرمزی اولماقه باعث در.

وفادار دیدی یخشی گوردم که دیماق و عمله گتورماق ایکی زاددرلر و بوندن صوره هوشیارلق اینن اولرن آراسنده تفاوت قویارم.

مسیحی دیدی البته اولر ایکی شی درلر و فرق اولرن آراسنده روح و بدن کمین در. ایلکه روح اولمیه سنن بدنن اولی جسدی کمین در. هابیله یالقوز دیماق گنه اولی جسدی کمین در. پس دینون روحی عمل در. پاک و عیب سز دین آتا والله یاننده بودر که یتیم لری و دول آرواتلری معطل لق وقتنده آختاراسن و اوزوی دنیا به قارشماقدن پاک ساخلیاسن (نامه یعقوب باب ۱ آیه ۲۲ - ۲۷) زیادگون بوندن خبری یوخ در. او فکر ایلر که اشتماق و دانشماق آدمی یخشی مسیحی ایلر و بو طور اینن جاننی توولر اشتماق تخمن سپماقی در و صحبت ایلماق کفایت ایلمز بونه که ثابت ایلیه که دوز میوه آدن قلبنده و دیرلقنده واردر. اوزمزی خاطر جمع ایلیاق که دیوان گونده حکم انسانه اولرن شمره لری نه گوره اولاجا قدر. اولره دیلمیا جقدر که آیا قبول ایلدوز یانه؟ بلکه دییلاجقدر که آیا عمله گتورنلر ایدز یا یالقوز دانشانلر ایدز؟ بو طور اینن اولره حکم اولاجا قدر. بو دنیانن آخری بزم خرمنمزه مثل ویرلوبدر و سن بیلرسن که

خرمن وقتنده آدملر ثمردن غیرى بر شي استمزلر. بونی دیماق استمرم بر شي که ایماندن اولمیه قبول اولنه جاقدر. اما بونی دیرم تا اینکه سنه نشان ویرم او دیوان گونده زیادگونن اقراری عبث اولاجاقدر.

وفادار دیدی بو خیالمه گتورر موسی نن سوزینی (لاویلی لر باب ۱۱ آیه ۱ - ۹) که اونده پاک حیواناتی بیان ایلر و بیورر پاک حیوان اودر که دیرناقى ایکی پارچه و نوشخوار ایلیان اولا نه اینکه دیرناقى چاک و بس و یا نوشخوار ایلیان و بس پاک اولا. دووشان نوشخوار ایلیان در اما اونن اینن بیله پاک دکل در زیرا که دیرناقى چاک دکل در و بو مثل زیادگو حقنده در که او نوشخوار ایلیان در آناماقى آختارر و سوزی آغزنده چاینر ولی دیرناقى چاک دکل در و گناه ایلیانلردن اوزاق اولماز. اونن آیاقى دووشان و ایت آیاقى و یا آیى آیاقى کمین در. بو جهته پاک دکل در.

مسیحی دیدی منم عقلمه سن بو آیه نی انجیلین دوز معنی سنه گوره ذکر ایلدن و بر آیری شي گنه من اوننه آرتوراجاقام. پولوس حواری بعض آدملری، بلی اولری که چوخ صحبت ایلیه لر سسلنن کرناى کمین و یا فغان ایلیان شیش کمین دیر و اوزگه یرده اولری جانسز شي کمین که سس ایلر دیر(اؤل قورنطوسلولر باب ۱۳ آیه ۱ - ۳) جانسز شیر ایمانسز و انجیلین توفیقندن محروم اولانلر در. بو جهتنن بیله آدملر باوجودی که اولرن سسی اوز دانشماقلرنده فرشته دپلی کمین اولا گنه هرگز گوکن ملکوتنده دیرلق ایلیانلرن آراسنده قویولمیا جاقدر لر.

وفادار دیدی یخشی اولده اونن اینن مصاحبتنن او قدر شاد دکل ایدم و ایندی که اونن اینن مصاحبتنن ناخوش ام. پس نه ایلیاق که اوندن رد اولاق؟

مسیحی دیدی منم مصلحتمی قبول ایله. او شی که سنه امر ایلرم عمله گتور  
تاپه جاق سن که اگر الله اونن قلبنی پاک ایلمیه او گنه سنن مصاحببتدن تز  
ناخوش اولاجاق در.

وفادار دیدی نه استرسن که عمله گتورم؟

مسیحی دیدی بو دفعه که اونن طرفنه گدرسن دین باره سنده اونن اینن برک  
دانشاسن. وقتی که او اوننی بکنندی (زیرا که اوننی بکنه جاقدر) اوندن آشکار  
سورش که آیا بو قوه اوز قلبنده و یا ایونده و یا رفتارنده یر تاپوبدر یا خیر؟

پس وفادار قباغه گدوب زیادگویه دیدی گل نیجه سن حالن نه طور اولدی؟

زیادگو دیدی سزن محبتزدن خوش ام. من فکر ایلردم که بو وقته کمین چوخ  
دانشاجاق ایدوک.

وفادار دیدی یخشی اگر استرسن ایندی اوننه مشغول اولاق. چونکه منه  
براقدون که مسئله تعیین ایلمیم که محل صحبت اولا. مسئله بو اولا که الله  
توفیقی وقتی که آدمن قلبنده تاپله نجه اوزینی آشکار ایلر؟ زیادگو دیدی پس  
آنارم که بزم دانشماقمز شیلرن قوه سی خصوصنده اولاجاق. یخشی خوش  
مسئله در. راضی ام که سزن جوابزی ویرم. مختصر جوابم بودر اولا هر وقتی که  
اللهن توفیقی آدمن قلبنده اولور اوننه باعث اولور که گناهن خلافنه بیوک بر  
فریاد ایلر. ایکنجی -

وفادار دیدی نه صبر ایله. بربر اولری فکر ایلیاق. من فکر ایلرم یخشی اودر که  
دیه سن الله توفیقی اوزینی بو طور اینن آشکار ایلر که جانی اوز گناهی مکروه  
توتماقه مایل ایلر.

زیادگو دیدی گناهن خلافنه فریاد ایلماقن و گناهی مکروه توتماقن آراسنده نه  
فرق وار؟

وفادار دیدی چوخ تفاوت وار. آدم ایلیه بیلر اوز مصلحتندن اوتری گناهن  
خلافنه فریاد ایلیه اما ایلیه بیلمز گناهی پیس توتا مگر بیله که اللهن اراده‌سنه  
ضددر. چوخ آدملردن اشدتم که منبرده گناهن ضدنده فریاد ایلرلر اما  
راضی درلر که قلبده و ایوده و رفتارده گناهه متحمل اولالر. حضرت یوسفن  
خانمی اوجا سس اینن فریاد ایلر ایدی که گویا چوخ مقدس ایدی. اما باوجود  
این راضی ایدی که اونن اینن ناپاکلقه مشغول اولا (تکوین باب ۳۹ آیه ۱۲)  
بعض آدملر گناهن خلافنه فریاد ایلرلر بر طور اینن که آنا اوشاقنه که دیزی  
اوستنه اوتوروبدر فریاد ایلر چونکه اونی ادببسز و پیس دیر. اوندن صوره اونی  
قوجاقنه چکوب اوپماقه مشغول اولور.

زیادگو دیدی آنارم که سز استرسز ایراد توتاسز.

وفادار دیدی خیر اما استرم که حقیقت آشکار اولا. لیکن ایکنجی شی که اونن  
توسطی اینن ثابت ایلماق استدن که توفیق ایشی آدمن قلبنده آشکار اولور او  
نه‌در؟

زیادگو دیدی انجیلن اسراری‌نن باره‌سنده چوخ بیلماق‌در.

وفادار دیدی بو علامت گرک اوّلنجی مرتبه‌ده اولا ایدی. ولی نه اوّل نه آخر بو  
گنه دوز دکل در. زیرا ممکن در که بر آدم چوخ بیله بلکه بیوک بیلماقی اوله و  
گنه انجیلن اسراری باره‌سنده چوخ معلومات تحصیل ایلیه و اونن اینن بیله  
توفیق ایشی هیچ اونن جاننده اولمیا (اول قورنطوسولوره باب ۱۳ آیه ۲) بلی  
ممکن در که بو آدم هامی علمی بیله و گنه او هیچ اولا و بو جهتدن اللهن  
اوغلی اولابیلیمیه. بر وقت که مسیح دیدی آیا بو شیرن هامی سنی بیلرسز  
شاگردلر جواب ویردیلر بلی او اوز سوزینه آرتوردی که مبارک اولون اگر

اولری عمله گتوره‌سز. او برکتی اولرن بیلماقنه ویرمدی بلکه برکتی اولرن عملنه ویردی. زیراکه ممکن در که علم اولا ولی عمل اونن یاننجه اولمیه. یعنی بر آدم کمین که اوز آقاسنن خواهشنی بیله و اونه عمل ایلیمیه ممکن در که بر آدمن فرشته قدر علمی اولا و بونن اینن بیله مسیحی اولمیه. لهذا سنن علامتین دوغری دکل در. حقیقتاً علم بر زادر که زیادگولر و فخر ایلینلر اوندن خوشلنیرلر اما الله عملدن خوشلنیر. نه بو که قلب علم‌سز یخشی اولا زیراکه علم‌سز قلب هیچ شی دکل در. لهذا بیلماق ایکی قسم در. یعنی بر بیلماق که شیرن خیالندن اله گلوبدر و بر بیلماق که توفیق ایمان و محبت اونن اینن بیله در که آدمی قالدخوزر که اللهم اراده‌سنی قلبدن یرینه یترسون.

بو اول قسمی زیادگولر بکنورلر. اما دوز مسیحی ایکنجی قسم اولمامش قانع اولمیاجاقدرد. ایله که بیورر منی آئیان ایله تا سنن شریعتوی نظرمده توتوب تمام قلب اینن گوزله‌یم (مزمور ۱۱۹ آیه ۳۴)

زیادگو دیدی گنه استرسز ایراد توتماق بو قسم صحبت تعلیمدن اوتری فایده ویرمز.

وفادار دیدی یخشی استرسن بر آیری نشان ویر توفیقن ایشی خصوصنده که نجه او ایش آشکار اولور.

زیادگو دیدی خیر دیمرم زیراکه آنارم که بربرمز اینن رفیق اولمیاجاق.

وفادار دیدی یخشی اگر سن دیمرسن آیا منه اذن ویررسن که من اوننی بیان ایلیم؟

زیادگو دیدی اختیارز وار.

وفادار دیدی توفیق ایشی جانده یا او آدمن اوزنده که واری در و یا آیرسینه اوزینی آشکار ایلر. او آدملرده که او واردر بو طور اینن اوزنی آشکار ایلر. یعنی اونی گناهدن اوتری ملزم ایلر. مخصوصاً اونن ذاتی نن ناپاکلقی نن و ایمانسزلق گناهی نن باره سنده. زیرا که هرگاه عیسی مسیحه ایمان ایلماق توسطی اینن اللهن مرحمتی تاپیمه یقین هلاکته حکم اولاجا قدر. بو شیرلی گورماق احساس ایلماق اونی گناهدن اوتری غمگین و خجل ایلر و علاوه بونه او اوزنده تاپار که دنیانن نجات ویرنی اوزینی اونه آشکار ایلیوبدر و البته لازمدر که حیاتی ایچون اونن اینن عهد باغلیه و بو وقتده آجلقلر و سوسزلقلر اونده آشکار اولور و بو آجلقلره و سوسزلقلره غیری وعدهلر ویرلوبدر. ایندی هرگاه ایمانی نجات ویرنه قوتلی اولا اونن راحتلقی و شادلقی گنه قوتلی در و اگر ضعیف اولا ضعیفدر و اونن دوستلقی نسبت قدسیته و اونن

خواهش لری اوزینه نجات ویره نی یخشی تانماقدن و بو دنیاده اونه قوللق ایلماقدن اوتری همان قسم ایمان نن برابر اولور. دیرم که هرچند که توفیق اوز ایشنی آدمه بو قسم اینن آشکار ایلر اما چوخ آز زمان ممکن در کشی خبر آپارا که بو حقیقتاً توفیق ایشی در. زیرا که ایندی طبیعتی نن فسادلری و دوز اولمیان عقلی اونه باعث اولور که اونن قلبی بو امرده اشتباه ایلیه. لهذا او آدمده که بو توفیق ایشی واردر لازمدر که چوخ دوز عقلی اولا تا اینکه خاطر جمعلق اینن خبر آپارا که بو حقیقتاً توفیق ایشی در (مرقس باب ۱۶ آیه ۱۶ یوحنا باب ۱۶ آیه ۸ رومالوره باب ۷ آیه ۲۴ مزمور ۳۸ آیه ۱۸ متی باب ۵ آیه ۶ رسوللرنن عمللری باب ۴ آیه ۱۲ مکاشفات باب ۲۱ آیه ۶)

آیری لره بو طور اینن توفیق ایشی اوزینی آشکار ایلر. اولا اونن آشکاره اقراری توسطی اینن که مسیحه ایمان ایلیوبدر. ثانیاً اقرارینه موافق رفتاری توسطی اینن. یعنی دیرلقینی و قلبنی و عیالینی پاک ایلماق توسطی اینن (اگر عیالی واردن) و دنیاده رفتارینی پاک ایلماق توسطی اینن توفیق ایشی آشکار اولور. مختصراً اونه تربیت ایلیه که باطناً اوز گناهنی و گنه اوز گناهدن اوتری اوزینی

مکروه توتا و گناهی عیالندن اوزاق ایلیه. دنیاہ ترقی و مقدسلقن هامی دنیاہ یایلماقندن اوتری غیرت ایلیه. نه اینکه ریاکار و یا زیادگو کمین یالقوز دانشماق اینن بلکه ایمان و محبت توسطی اینن و اللهن کلامی نن قدرتنه عمل و اطاعت توسطی اینن (مزمور ۵۰ آیه ۲۳ متی باب ۵ آیه ۸ یوحنا باب ۱۴ آیه ۱۵ فیلیپی باب ۳ آیه ۱۷ ایوب باب ۴۲ آیه ۵)

و ایندی ای اغا توفیق ایشی نن آشکار اولماقی بارهسنده نسبت بو مختصر بیانہ هرگاه بر ایرادز واردر اونی بیورن و اگر نه پس منه اذن ویرن که ایکنجی مسئلهنی بیان ایلیم.

زیادگو دیدی خیر ایندی منم و قتیم یوخدر که ایراد توتام بلکه وقت اودر که اشدم. لهدا اوز ایکنجی مسئلهزی منه بیان ایلون.

وفادار دیدی مسئله بودر که آیا توفیقن ایشنی که قسم اولده بیان اولدی اوزنده تاپورسن یا خیر؟ و یا سنن رفتارن و دیرلقون اونہ شهادت ویرر یا خیر و یا سنن دینن دیلده و سوزدهدر عملده و حقیقته واقع دکل؟ استدعا اودر که هرگاه بو خصوصده جواب ویرماقه میلن اولا او شیی که بیلرسن که الله یوخاردن تصدیق ایلر دیون آرتوق دیمیون و گنه اوندن آرتوق که روحانی عقل اونده سنی تصدیق ایلر دیمیون. زیرا نه اینکه او که اوزنی بکنر بلکه او آدمی که الله بکنر قبولدر. علاوه بونا اگر دیم که من بیلہایم وقتی که رفتارم و هامی همسایه لرم منی یالانجی ایلہلر او وقت ایشم شرارتدر. پس زیادگو اولده قزارماقه باشلادی ولی اوزنی ساخلیوب بو طور جواب ویردی که ایندی سزن مطلبز یتشوبدر بر بیلماقه که تجربهدن حاصل اولمش اولا و روحانی عقل اینن الله و اونن داده یتشماقی او شی تصدیقنده که دیلمش اولا بو قسم صحبته نگران اولمامشم و بو قسم سوزلره جواب ویرماقه مایل دکلم. زیراکه اوزمه لازم بیلرم اوندن گیری که سز اوزوزی دین عالمی بیلہسز بو صورته گنه

ایلیه بیلرم سزی اوزمه قاضی لقدن رد ایلیم. تمنی اودر که منه خبر ویرن که نه سبیدن در که بو طور سؤالری مندن ایلرسز؟

وفادار دیدی زیراکه سنی گوردم که سوزدن اوتری حاضر ایدون. زیراکه بیلدم که سنن خیالندن گیری بر زادن اولمامش اولا و علاوه بونا تا او که حقیقتی سنه خبر ویرم دیم سنن باره‌نده اشمشم که بیله آدم‌در. سن که سنن دینن دیدله واقع‌در و سنن رفتارن سنن دیلوین اقرارینی یالان ایلر. دیرلر که سنن مسیحیلرن آراسنده عیبلی سن و سنن پیس رفتارن اینن بر ضرر حاصل اولور که آدملر سلوک لردنن یخلوبدرلر و چوخی گنه بو جهندن هلاکت خطرنده واردلر. سنن یاننده دین و میخانه و طمع و ناپاکلق و آند ایچماق و یالان دیماق و باطل رفاقت و غیره بربری اینن مطابق‌در. مشهور مثل که فاحشه آروات باره‌سند دیرلر که هامی آرواتلرن خجالتنه باعث‌در سنن باره‌نده دوغری‌در که دیلمش اولا که سن هامی دینه اقرار ایلیانلرن خجالتنه باعث‌درسن.

زیادگو دیدی چونکه سز او قدر راضی سز که اوزگه لرن سوزلرینی قبول ایلیه‌سز و شاهدسز حکم ویره‌سز نیجه که ویررسز من ایلیه بیلرم بوندن سوای نتیجه ویرم که سز بر ایراد توتان و مالخولیلی آدم‌سز که دانشماقه لایق دکل‌سز. بو جهته خداحافظ. بو وقتده مسیحی قرداشنه یتشوب دیدی سنه خبر ویردم که نه‌قسم اولاجاقدر که سنن سوزلرن اونن خواهشلی بربری اینن برابر اولمیاجاقدر. او سنن صحبتن ترکینی اوز دیریلقدنن چوخ بکنر و ایلکه دیدم او گده‌جاقدر. ایندی گدوبدر قوی گیتسون. اونن گتماقندن اوزندن غیره بر کسه ضرر یوخ‌در و بزى اوزندن آیرلماق زحمتندن قورتاروبدر. زیراکه اگر بر طور اینن که ایندی وار بیله قالا (و گمانم واردر که او طور قالا‌جاقدر) او بزم دانشماقمزه‌ده لکه اولاجاق ایدی و بس.

علاوه بونه حواری دیر بو قسم آدمدن اوزاق اول.

وفادار دیدی شادام که بو آز دانشماقی اونن اینین ایلمشم بلکه او بر دفعه گنه اونن باره سنده فکر ایلیه. اما هر صورتده اوننه آشکار نصیحت ایلمشم هرگاه هلاک اولا اونن قانندن کنارام.

مسیحی دیدی سن یخشی ایلدن که اونن اینن بیله آشکار دانشدن. بو گونلرده وفالو نصیحتلر خلقن آراسنده آز تاپولر و بو جهندن دین چوخ آدملرن دماغنده پیس ایی ایلر بر طور اینن که متعفن اولوبدر. زیرا بو زیادگو سفیه آدملر که اولرن دینی دیلده در و اوز رفتارنده فاسق و باطل درلر چونکه اللهدن قورخانلرن رفاقتته قبول اولورلر دنیانی اضطرابه سالورلر و مسیحی دیننی عیبیلو ایلرلر و قلبی پاک آدملری انجدرلر. استرم نسبت بو آدملره بو رفتار که سن ایلمش سن هامی آدملر بو رفتاری ایلیه لر. بو صورتده اولر یا دینه آرتوق رفیق اولاجاقلر و یا مقدسلرن صحبتی اولردن اوتری داغ اولاجاقدرد.

پس وفادار دیدی

اول زیادگو بیله دانشدی

که اوندن عاقل آدم یوخ ایدی

اما او وقت وفادار اوندن سورشدی

قلبن ایشی خصوصنده او خموش قالدی

چونکه انجاق الله قلبی یخشی تانر

و هامی گیزلین شیلری تمام بیلر

پس بو طور اینن او زادن باره‌سنده که یولده گورمشدیلر دانشه دانشه گذردیلر و یول گتماق اولره آسان اولورایدی هرگاه بیله ایلمیه ایدیلر شک‌سز یورولوردیلر. زیرا بو وقتده او محل که اولر گذردیلر چول ایدی.

## VANITY FAIR

پس بر وقتی که یاخین ایدی بو چولدن اشیکه گله‌لر اتفاقاً وفادار اوز دالسونه نظر ایلیوب بر آدم گوردی که اولرن طرفته گلور و او اونی تاندی. پس وفادار قرداشنه دیدی تعجب کیم‌در که او یردن گلور؟ مسیحی دیدی منم یخشی دوستم مژده ویرن‌در. وفادار دیدی بلی منم‌ده یخشی دوستم‌در زیرا که منی بر یولا که قاپویه یتورر قویان او ایدی. بو وقت مژده ویرن اولره یتشوب بو طور اینن اولره سلام ویردی.

مژده ویرن دیدی ای سوگلی عزیزلرم سلام سزه و سزن دوستلروزه اولسون.

مسیحی دیدی ای منم یخشی مژده ویره‌نیم خوش گلدر، خوش گلدر سزن یوزیزی گورماقدن سزن قدیم احسانز و سعیلرز که منم ابدی یخشی لقمدمن اوتری ایلدر و خسته اولمادز یادمه گلیر.

و یخشی وفادار دیدی مین مرتبه خوش گلدر ای عزیز مژده ویرن. سزن یولداشلقوز بز فقیر حاجیلره نه قدر مطلوب‌در.

پس مژده ویرن دیدی ای منم دوستلرم او وقتدن که بربرمزدن آیریلدوق سزن گونلرز نیجه گچوبدر؟ نه زادلره ملاقات ایلدر و سزن رفتارز نجه اولوبدر؟

پس مسیحی و وفادار هامی شیلرن باره‌سنده که اولره یولده واقع اولوب که نجه و نه چتینلق اینن او یره یتشدیلر اونه خبر ویردیلر.

مژده ویرن دیدی یخشی شادام. نه اوندن که سز امتحانلره یتشدز اما بوندن که غالب اولدز چوخ ضعفلر اینن بیله بو گونه کمین یولده دوام ایلسز دیرم منم خاطر مه و سزن خاطرزه بو جهندن چوخ شادام. من اکشم سز بیچمش سز. بر گون گلور که هم تخم اکن و هم بیچنلر بربری اینن شاد اولاجاقلر. یعنی بر صورته که اگر ثابت قدم اولاسز. زیرا که اگر مایوس اولمیا سز مخصوص وقتده بیچه جاق سز. سزن قباقرده بر تاج وار او فسادسزدر و همان طور گدون تا اونی اله گتوره سز. بعضی واردرلر که بو تاجدن اوتری حرکت ایلیوبلر و اوندن صوره که اونی اله گتورماقدن اوتری او اوزاق یولی تمام ایلدیلر آیریسی داخل اولوب اونی اولردن آلبدر. لهذا محکم توتون او که وارزدر. مبادا بر آدم سزن تاجوزی آلا. ایندی او قدر اوزاق اولماش سز که شیطانن اوقی سزه یتشمیه و سز گناه اینن دعواده قان توکماقه کمین قارشو دورمادز. همیشه گوکن ملکوتی سزن قباقرده اولسون. سزن ایمانز گورونمیان شیلرن باره سنده محکم اولسون. قویمایون او شیلر که بو دنیادن درلر سزه داخل اولالر. مخصوصاً اوز قباقرده و اوز خواهشلرزه. یخشی احتیاط یرینه گتورن. زیرا که اولر هامی زادلردن آرتوق توولیان و گنه شریدرلر. اوز یوزلریزی قره داش کمین ایلیون. هامی قدرت گوکده و دنیاده سزن طرفزده در (یوحنا باب ۴ آیه ۳۶ کلتیه لولره باب ۶ آیه ۹ اول قورنطوسلولره باب ۹ آیه ۲۴ - ۲۷ مکاشفات باب ۳ آیه ۱۱)

پس مسیحی اونه شکر ویردی و اونه دیدی یولون باره سنده و قالاننده یاردمدن اوتری استروق که بزه چوخ گفتگو ایلیه سز و بونی گنه چوخ استروق بو جهندن که یخشی بیلروق که سز پیغمبر سز و ایلیه بیلرسز او شیلرن باره سنده که بزه واقع اولاجا قدر و گنه بز نجه ایلیه بیلروق که اولره دایاناق و غلبه ایلیاق خبر ویرن. بو خواهشه وفادار گنه شریک ایدی. پس مژده ویرن بو طور اینن باشلادی.

مژده ویرن دیدی ای اوغلانلرم سز دوزلقده انجیلن سوزلرینی اشمش سز که  
گرک چوخ زحمتلر اینن گوکن ملکوتنه داخل اولاسز و گنه بندلر و زحمتلر  
شهر بشهر سزندن اوتری حاضردر. لهدا بونه منتظر اولمیه سز که اوز حجین  
یولینی اولرسز بو قسم یا اوزگه قسم اینن گده جاق سز. بر قدری بو شهادتن  
دوغریلقندن ایندی اوزوزده تاپمیش سز و گنه تزلق اینن تاپارسز که ایندی ایله  
که گوروسز یاخین در که بو چولدن اشیکه گله سز. لهدا بر آز مدتدن صوره اوز  
قباقزده گورینن شهره داخل اولاجاق سز که او شهرده دشمنلر سزه برک حمله  
ایلیه جاقلر و سعی ایلیه جاقلر که سزی قتل ایلیه لر و بریز و یا هر ایکیز اوز  
شهادتوزی اوز قانز اینن مهرلیه جاق سز. اما اولومه کمین وفادار اولون که  
پادشاه دیرلیق تاجنی سزه باغشلیه جاقدر. او آدم که اوراده جان فدا ایلر اگرچه  
اونن اولیمی قاعده سزدر و اونن دردلری بلکه بیوک اولاجاقدر. باوجود این او  
اوز رفیقندن یخشی قسمت آلا جاقدر نه یالقوز بو جهتدن که سماوی شهره  
تزرارق یتشه جاقدر بلکه بو جهتدن که گنه چوخ زحمتدن خلاص اولاجاق که  
اونن رفیقی اولره قالان سفرنده ملاقات ایلیه جاقدر. ولی وقتی که او شهره  
یتشدوز او شی که بیان ایلمشم هامی سی اولاجاقدر. او وقتده اوز دوستری  
خیاله گتورن و زیرک اولون و اوز نفسلریزی یخشی ایش گورماقه اللهه که  
امین خالقدر تاپشورن.

پس یوخومده گوردیم بر وقت که چولدن اشیکه گلدیلر بر آز زماندن صوره بر  
شهری که اونن آدی باطلیت ایدی گوردیلر و او شهرده بر بازار واردر که او  
بازارن آدی باطلیت در که تمام ایلین مدتی آچق در و بو بازاره باطلیت دیماقن  
سببی اودر که او شهر که بو بازار اونده دوشوبدر چوخ باطل در و گنه اوندن  
اوتری هر شی که اوراده ساترلر و یا او یره یتشور اوده باطل در. ایلیکه حکیم  
دیوبدر هر نه که گلور باطللقدر (واعظ سلیمان باب ۱ آیه ۲ - ۱۴) بو بازار  
تازه بنا اولمیوبدر بلکه قدیمدن اولوبدر. اونن اولینی سزه نشان ویرم.

بش مین ایله یاخین بوندن قباق بو حاجیلردن وار ایدیلر که سماوی شهره گدردیله. بر طور اینن که ایندی بو ایکی امین آدم گدرلر و بعزبوب و اپلیون و لیون و اولرن مصاحبرلی حاجیلرن قدمن ایزلرندن آنادیلر که حاجیلرن یولی او شهره بو باطللق شهرندن گچر و مصلحت گوروب بر بازار او یرده بنا ایلدیله. یعنی بر بازار که اونده گرک هامی قسم باطللق فروشه گده که گرک تمام ایل آچق اولا. لهذا بو بازارده هر قسم تجارت مالی مثل ایولر و یرلر، کسبلر، مکانلر، عزتلر، باش اوجالیقلر، لقبیلر، دولتلر، مملکتلر، شهوتلر و شادلقلر و هر قسم لذتلر مثل فاحشه‌لر و قورمساقلار و عورتلر و ارلر و اوشاقلار و آقار و نوکرلر و دیریلقلر و قان و بدنلر و جسدلر و جانلر و گمش و قزل و مروارید و قیمتلی داشلر وغیره وغیره ساترلر.

و علاوه بونا بو بازارده هر نوع جادیلر و توولاماقلر و اویونلر و شوخلقلر و سفاهتلر و یمشله و مکرلر و گول وورائلر همیشه گورونور اولور و گنه اوغرلقلر و قتللر و زنالر و یالان و آند ایچنلر بو یرده مجانا گورگرلر.

و ایلکه اوزگه بازارلرده که بوندن کوچک راق درلر بعض کوچهلرن و خیابانلرن مخصوص آدی واردر که او یرده بیله و ایله متاعلر ساترلر هابیله بو بازارده مکانلر و کوچهلر و خیابانلر (یعنی دولتلر و مملکتلر) تاپولر که او یرده بو بازارن متاعلری تزراق تاپولر. بو بازارده انگلیس کوچه‌سی و فرانسز کوچه‌سی و ایطالیه کوچه‌سی و اسپانیا کوچه‌سی و نمسه کوچه‌سی آدنده کوچهلر و ارایدی که اولرده باطل لقدن مختلف شیلر فروشه گدر ایدی. لیکن نیجه که آیری بازارلرده بر متاع مخصوص آرتوق ساتولر هابیله بو بازارده متاع روما چوخ ترقی ایله ایدی ولی بر نیجه دولت و بزم انگلیس دولتی بو متاعه مایل دگلایدی. ایلکه ذکر ایلدم بو یول سماوی شهره بو شهرن آراسندن همان بازاردن که چوخ دولتی در گچر و او آدم که استر سماوی شهره گده اگر بو شهردن گچمیه گرک بو دنیانن خارجه گده. پادشاهلارن پادشاهی بر وقت که بو دنیاده ایدی بو شهرن آراسندن اوز وطننه گندی و او گچن گون بازارن

قزغین گونی ایدی. بلی ایله گمان ایلم که بعلزوب که بو بازارن اصل صاحبی ایدی اونی چاقوردی که اوز باطل زادلرندن آلا. بلی بر وقت که او بو شهردن گچر ایدی هرگاه بعلزوبه تعظیم ایله ماقه راضی اولای ایدی البته اونی بو بازارن صاحبی ایله جاق ایدی. بلی چونکه او امیرالامرا حرمتلو آدم ایدی بعلزوب اونی کوچهدن کوچیه آپاردی و هامی دنیانن شهرلرینی آز مدتده اونن نشان ویردی که هرگاه ممکن اولای او مبارک آدمی یولدن چنخارده که اونن باطل شیلرینه قیمت قویوب اولردن بعضی سنی آلا. اما او بو متاعلره مایل دکل ایدی. لهذا بو باطل زادلره بر پول خرج ایلمه دن بو شهردن گچدی. بنابونه بو بازار قدیم در و چوخ مدتدر که بریا اولوبدر و دوغری دن بیوک بر بازاردر. ایله که دیدم گرک حاجیلر بو بازارن آراسندن گچرلر و بیله ایلدیلر. او ساعت که اولر بازاره داخل اولدیلر هامی بازارن اهلی بربرینه قارشیدی. دیه سن شهر هممه ده ایدی و بو نچه سبیدن ایدی.

اول او سبیدن که حاجیلر بیله لباسلر گینمش ایدیلر که بو بازارن تاجرلرینن لباسلری اینن تفاوتی وارایدی. لهذا بازارن اهلی چوخ دقت اینن باخدیلر. بعضی دیر ایدیلر که اولر سفیه لر درلر و بعضی دیر ایدیلر که دلی درلر و بعضی دیر ایدیلر که اولر رسمدن خارج آدم درلر (اول قورنطوسلورله باب ۲ آیه ۷ و

(۸

ایکنجی ایله که اولرن لباسلرندن تعجب ایلمر ایدیلر. گنه اولرن دیلرندن اوتری تعجب ایلمر ایدیلر که آز آدملر وار ایدیلر که ایله بیلمر ایدیلر که اولرن دیل لرینی آتایه لر. زیرا اولر اصل کنعان دیلنی دانشر ایدی لر. اما بو آدملر که بو بازار اولرن النده ایدی بو دنیانن اهلی ایدیلر. بو جهت بازار باشه باش بربرینه خارجی کمین نظره یتشدیلر.

اوجنجی او شی که بو تجارن ریشخند ایلماقنه سبب او ایدی که بو حاجیلر هامی بو متاعی حقیر سایاردیلر و استمدیلر که نظر گنه اولره سالالر و هرگاه

چاقورا ایدیلر که اولردن آلالر بارماقلرینی قولاقلرینه قویوب فریاد ایلر ایدیلر که گوزلریمی باطله باخماقدن قایتار اوجایه باخار ایدیلر تا او که نشان ویره لر که اولرن تجارتلری گو کده در (مزمور ۱۱۹ آیه ۳۷ فیلیپیلوره باب ۳ آیه ۲۰)

اتفاقاً بر آدم حاجیلرن رفتارنی ملاحظه ایلیوب ریشخند اینن اولره دیدی نه استرسز آلاسز؟ اما اولر آغر نظر اینن اونه جواب ویردیله و دیدیلو بز حقیقت آلاچاقق (کتاب امثال باب ۲۳ آیه ۲۳) و بو اونه باعث اولدی که حاجیلری چوخ حقیر سایالر. بعضی اولردن ریشخند ایلر ایدیلر و بعضی طعنه اورار ایدیلر و بعضی اولری مذمت ایلر ایدیلر و بعض آیری لری چاقورر ایدیلر که اولری اورالر. ایشن آخرنده بازارده همهمه و بر حده بیوک شلوخلق اولدی که هامی نظم قارشمش اولدی. بو وقتده بازار بیوکینه تز خبر یتردیله که اوده تز اشاقه گلوب بعض اوز دوستلری نن امین لردن اوز طرفنده ثابت ایلدی که او آدملر که یاخین ایدی او بازار اولردن اوتری خراب اولا آختاروب حاضر ایلیله لر. پس او آدملری حاضر ایلدیلر او یره که یتشماقدن اوتری اوتورمشدیله و اولردن سورشدیلر که هارادن گلرسز و هارایه گدرسز و بو علاحده لباس اینن بو یرده نه ایلسز؟ اولر خبر ویردیله که حاجیلر و بو دنیانن سفرچیلری واروق اوز دولتمزه که گوکن اورشلمی در گدروق (عبرانیله باب ۱۱ آیه ۱۳ - ۱۶) و اهل شهره و اونن تاجرلرینه هیچ بر شی ایلمه مشق که بو طور اینن بزه بدرفتارلق ایلیله لر و سفرده بزه زحمت ویره لر. مگر بو که بر آدم بزدن سورشدی نه استرسز آلاسز دیدوق حقیقتی آلاچاقق اما اولری که سورشماقدن اوتری قویمش ایدیلر قبول ایلمدیله. اوندن سوای که دیدیلر اولر مجنون و یادلی درلر و یا بازاری قارشدرماقه گلوبدرلر بو جهته اولری توتدیله اوردیله و چیرکین پالچوقه باتیروب قفسده دوستاق ایلدیلر تا اینکه بازار اهلی تماشا ایلیله لر. اولر بر مدت اونده قالب آدملرن ریشخندینه و عداوته نشانه اولدیله و بازارن بیوکی گنه هر او زاده که اولره یتشور ایدی گولر ایدی. اما حاجیلر صبر ایلیوب یمان عوضنه یمان دیمدیله. بلکه خیر دعا ایلر ایدیلر. پیس سوزلرن

عوضنده یخشی دیر ایدیلر و ضررن عوضنده احسان ایلر ایدیلر. بازار آدملرندن بعضی که چوخ ملاحظه ایلر ایدیلر و اولرن تعصبی اویری لردن آز ایدی بو حاجیلره همیشه زحمت ویرن آچاق آدملری آزارلماقه شروع ایلدیلر. پس اولر اولره آجیق اینن برک سوز دیدیلر و اولری قفسده اولان آدملر کمین پیس سایاردیلر. اولره دیدیلر که نظره بیله یتشور که سز اولرن دوستلرندن سز گرک اولرن بدبختلقدن قسمت آپاراسز. اولر جواب ویردیلر هر نه که ملاحظه ایلر و اولر بر ساکت و ادبلی آدملر درلر و هیچ کسه ضرر خیالری یوخدر. بو بازارن تاجرلرندن چوخی نسبت بو آدملره که اولره بد رفتارلق ایلیوبدیلر اوندن چوخه لایق درلر که قفسده دوستاق و باغلانمش اوله لر. پس اوندن صوره نچه سوزلر که ایکی طرفدن دیدلی (و بو مدتن هامی سنده او آدملر اولرن یاننده عقللو و وقارلو حرکت ایلر ایدیلر) بربری اینن اوروشدیلر و بربرینه ضرر یتردیلر. پس گنه بو ایکی آدمی اوز حاکملرینن یاننه گتوردیلر. اولرن ضنده شکایت ایلیوب دیدیلر بر شلوخلقه که بازارده بر آز بوندن قباق اولمش ایدی باعث بولدرلر. بو جهته اولری رحم سز اوردیلر دمیر اینن باغلا دیلر و اولری زنجیر اینن آیریلرن عبرت و قورخماقندن اوتری بازار آراسنده دولاندردیلر که مباده بر آدم اولرن خاطرینه سوز دیه و یا اوزینی اولره یولداش ایلیه. اما مسیحی و وفادار او گونده آرتوق عقللی رفتار ایلر ایدیلر. بر وقت که بیحرمتلق و خجالتلق اولره یتشدی اولر او قدر حلم و صبری اوز قباقلرینه قویدیلر که بعضی بازار اهلندن (هرچند او برلره نسبت چوخ آز) اولرن طرفنه مایل اولدیلر. بو واقعه بازار اهلینی بیوک غضبه سالدی بر حده که بو ایکی آدمن قتل اولماقنه قرار ویردیلر. لهذا اولری قورخدوب که قفس و زنجیر اولره کفایت ایلمز بلکه بدرفتارلقدن اوتری و بازار اهلنی شورشه گتورماقندن اوتری گرک اولری اولدره لر.

بو بازارده بو حاجیلر ستم چکدی

آخر زنجیر و بندلرین الم چکدی

محبسدن اوزگه هم داشلانديلر اوردده

نه زحمتلر ديگر حاجيلر هم چكدي

خداوند اوزي هم بوردن گچن وقتي

اولوب بر دار صليبيه چوخ الم چكدي

پس حکم اولدی که گنه قفسه گده لر بر وقته کمین که آیری حکم اولره اولا. لهذا اولری حبس ایلوب اولرن آیاقلارینی کنده ده محکم ایلدیلر. بو یرده گنه او شیئی که اوز امین دوستلری مژده ویرندن اشته شدیلر خاطره گتور دیلر. بو طور زحمتلره متحمل اولماقده آرتوق ثابت قدم اولدیلر و گنه بو وقته بربرینه تسلی ویرردیلر که او آدم که قسمتی قتل اولماق در یخشی خصه سی وار. لهذا اولردن هر بری باطناً اونی استرایدی که او باش اوجالق اوزینن اولا. اما اوزلرینی هامنی اداره ایلینن هامیدن حکمتلی اداره سنه تاپشوروب و چوخ غنیلق اینن بو حالتده که اونده ایدیلر قالدیلر بر وقته کمین که اولرن باره سنده آیری اراده جاری اولا.

پس بر وقت که فرصت وارلری ایدی قرار ایلوب حاجیلری محاکمه دن اوتری اشیکه گتوردیلر. تاکه اولری عذابه حکم ایلیه لر. چونکه وقت یتشدی اولری دشمن لرن یاننه گتوردیلر و شکایتین جوابندن اوتری حاضر ایلدیلر. قاضینن آدی اغا مبغض عدالت ایدی. اولرن شکایت کاغذلری هامی بر مضموندا ایدی. بونن بیله که بعضی الفاظده تفاوت وارایدی و مضمون یازلان قرار اینن در.

اولر دشمنلر و تجارتی قارشدرورایدیلر و شهرده دعوالر و شلوخ لقلر ایلدیلر و اولر امیرن شریعتتی حقیر سایدیلر و بر طایفه نی اوز چوخ خطرلو خیال لری نن طرفنه مایل ایلوبدیلر.

ای وفادار ویر شهادت قورخمه هرگز اول جسور

زخم و جرح و قصد شیطانندن سنه یوخدر فتور

سویله بی خوف و خشیت چول حقیقتدر سوزن

جان ویروب جاوید حیاته داخل اول ای اهل نور

پس وفادار باشلیوب جواب ویردی که من دشمنلق ایلمدم بر آدمه و بس. او آدم دشمنلق ایلیوبدر بر شخصه که علیین دن او جارقادر. نسبت شلوخلقه دیدی من هیچ ایلمدم زیراکه من صلح آختاران آدمام. او آدملر که بزم طرفمزه مایل اولدیلر بزم گناه سزلقیمزدن و حقیقتی گورماقدن اوتری ایدی که مایل اولدیلر و اولر پیسلقدن یخشی لقه دوندیلر و نسبت پادشاهه که اونن باره سنده سز دیرسز چونکه او بعلزبوب بزم خداوندمن دشمنی در اونی و اونن هامی نوکرلرینی حقیر سایارام.

پس اعلان ایلدیلر هر کس که اولرن خداوندی پادشاهدن اوتری دیوانخانه نن دوستاقلری نن ضدنه بر شی وارد دیه او ساعته حاضر اولوب شهادت ویره. پس اوچ شاهد یعنی حسد و باطل اعتقاد و جویان شکر گلدیلر و اولردن سورشدیلر که آیا دیوانخانه نن دوستاقلی تانرسز اوز خداوند پادشاهزن باره سنده نه وارزدر دیون.

پس حسد دوردی بو قرار اینن دیدی ای منم آقام بر مدت در که بو آدمی تاندم و بو محترم مجلسده بر قسم شهادت ویررم که او آدم....

قاضی دیدی صبر ایله! او نه آند ویرون.

پس او نه آند ویردیلر. اوندن صوره حسد دیدی ای آقام بو آدم بونن بیله که آدی یخشی در ولی اوزی بزم دولتمنزه اکسک راقیدر او نه امیر و نه خلق و نه

شریعت ونه قاعده‌نی حسابہ گتورر بلکہ قدرنجه سعی ایلرہامی آدملری مبتلا ایلہ. بعضی گمان‌لرہ کہ پادشاهن رضاسنن خلافی در کہ او او گمان‌لری مختصراً اصول ایمان و قدوسیت دیر و تفصیلاً اوزم اوندن اشدتم کہ او دیر ایدی کہ مسیحی دینی بزم باطلیت شهرمزن قاعده‌لری مطلقاً بربرنن ضدندہ‌درلر و ممکن دگلبربراینن دوز اولالر. ای آقام او بو دانشقون توسطی اینن نہ یالقوز بزم کوچک عملرمزن هامی سنی پیسلقه حکم ایلیری بلکہ بزہ گنہ اولرہ مرتکب اولماقہ حکم ایلیر.

پس قاضی اونا دیدی آیا اوزگہ زادن وارن‌در؟

حسد دیدی ای اگا ایرہ‌لوجه چوخ دیہ بیلردم اما استمرم کہ دیوان مجلسنن یورلماقنہ باعث اولام. اما وقتی کہ آیری نجیب آدملر اوز شهادت‌لرینی آدا ایلدیلر اوندن صورہ بر صورتندہ کہ لازم اولا بوندن اوتری کہ مبادا بر شی اونن ہلاکتدن اوتری اکسک قالہ اوز شهادت‌لرمن دایرہ‌سنہ وسعت ویررم. پس اونہ امر ایلدیلر کہ کنارندہ دور.

پس باطل اعتقادی چاقوروب اونہ امر ایلدیلر کہ دوستاق آدمہ باخ. اوندن صورہ سورشدیلر اولرن پادشاهی خداونددن اوتری بو آدمن ضدندہ نہ‌وارزدر کہ دیہ‌سز پس اونہ آند ویردیلر و او باشلیوب بو طور دیدی.

باطل اعتقاد دیدی ای آقام بو آدمن بارہ‌سندہ چوخ معلومات یوخومدر و گنہ میلیم یوخدر کہ اونی بوندن چوخ تانیام. اما نچہ گون قباق بر قدر صحبت کہ اونن اینن بو شہردہ وارم ایدی بیلدم کہ چوخ مفسد بر آدم‌در. زیرا کہ او وقتندہ کہ اونن اینن صحبتیم وارایدی اوندن اشدتم کہ منہ دیر ایدی سزن دینز هیچ بر شی دگلو ایلہ دیدی کہ بر آدم اونن توسطی اینن هیچ وجہ اینن اللہی راضی ایلہ بیلمز و ای آقایم اگا چوخ یخشی بیلرم کہ اونن بو گفتگوسندن نہ معنی حاصل اولور. یعنی کہ بز تا بو وقتہ کمین عبث عبادت ایلمش‌دوق و تا ایندیہ

کمین اوز گناهمزده قالمشوق و آخرده عذابہ حکم اولاجاقق و بودر او شهادت که اونن باره‌سنده وارم‌در.

پس جویان شکره آند ویروب امر ایلدیلر اوز خداوند و پادشاهیدن اوتری محبوس آدمن خلافنه که محکمه‌ده دورر هر نه واری در دیه.

جویان شکر دیدی ای آقام و ای سز هامی نجیبیلر. بر مدتدر و بو آچاق آدمی تاندوم و بو شیرلر که گرکمز ذکر ایلمق اوندن اشتدم. زیرا که بعلزبوب بزم امیر شریفیمزه طعنه اورار و گنه اونی حرمتلو دوستلرنن باره‌سنده حقارت اینن سوز دیرایدی و او دوستلرن آدی بو تفصیل اینن در اغا سر مرد اغا لذت جسمانی و اغا عیاش و اغا خواهشمند جلال باطل و پیر آقایم شهوت‌پرست و اغا طامع بزم سایر عزیزلرمز اینن بیله علاوه بونه دیر ایدی هرگاه هامی آدملر منم اینن بر خیالده اولا ایدیلر ممکن در که بو اشرافدن بریسی بوندن صوره بو شهرده تاپولماز ایدی و گنه قورخماز ایدی. ای منم آقام که سزه طعنه اورا که ایندی سز اونی حکمدن اوتری مقرر اولدز و سزی بر شریر شقی دیر و چوخ بو آدلرن مثلی پیس آدلر اینن چوخ نجیب آدملرمزی پالچوقه باتمش ایلر ایدی.

بر وقت که جویان شکر اوز شهادتنی آخره یتردی قاضی اوزینی دارقضانن دوستاقنه ایلیوب دیدی ای گمراه مردود خاین آیا او شیی که بو امین نجیبیلر سنن باره‌نده شهادت ویردیلر اشدون؟

وفادار دیدی آیا اذن واردر که اوز باره‌نده نچه سوز دیه‌م؟

قاضی دیدی ای فقیر حقیر سن اوننه لایق دکل سن که بوندن چوخ دیری قالاسن و اوننه لایق سن که بو مکانده تزلق اینن اولمش اولاسن. اما تا هامی آدملر نسبت سنه بزم ملایتمیزی ملاحظه ایلیه‌لر. ای گمراه رذیل او که دیماقدن اوتری وارندردی اشداق.

وفادار دیدی پس اونن جوابنده که اغا حسد دیوبدر بونی دیرم که هرگز بر شی بوندن غیری دیمدم که هامی حکمدر و شریعت و قاعده و یا بر خلق که تماماً اللهم کلامنه ضد اولالر مطلقاً مسیحی دیننن خلافنده واردلر. اگر بو گفتگوده خلاف ایلدم منی اوز خطامه ملزم ایلون و حاضران که بو یرده سزن حضورزده اوز گناهمه اقرار ایلیم. نسبت ایکنجی شاهده یعنی اغا باطل اعتقاد و اونن شکایتی خلافنه من جواب ویررم که بونی دیدیم و بس که اللهمین عبادتنده اللهم ایمانی لازمدر و اللهم ایمانی و اللهم الهامی اولماش اللهم ارادهسینه موافق اولمیه جاقدر. لهذا هر آئین که اللهم عبادتته داخل ایلیر که اللهم الهامنه متفق اولمیه مگر بر انسانن ایمانی توسطی اینن اولا او عمل یا ایمان حیانتدن اوتری فایده ویرن اولمیه جاقدر.

نسبت اوننه که جوین شکر دیوبدر دیرم (تقیه قالسون او آدلردن و اولرن مثل لرنندن کنار اولوم) که بو شهرن امیری هامی عوام خلق و اونن اطاعت ایلینلری که بو نجیب آدم ذکر ایلوبدر اولرن جهنمده اولماقی چوخ لایقدر که بو دولتده و شهرده اولالر. الله منه رحم ایلسون.

پس قاضی بعض آدملر که مجلسده یتشماقدن اوتری اوتورمشدیلر یوزینی اولره دوندرب دیدی (که اولر هامی مدت اشتماق و ملاحظه ایلماقدن اوتری مجلسده حاضر ایدیلر) ای نجیب صاحب لر که یتشماقدن اوتری مجلسده حاضر سز بو آدم که بیله بیوک شلوخلق بو شهرده اونن خاطرندن اوتری واقع اولوب گوررسز و گنه او شیی که بو نجیب و معتبر صاحب لر اونن ضدنه شهادت ویردیلر اشتدز و گنه جواب و اقرار اوندن اشتدز. ایندی اختیار سزن الیزده در که اوننی دارا آسه سز و یا اونن جاننی خلاص ایلیر سز و لیکن مناسب گوررم که سزه نسبت اوز شریعتمه تعلیم ویرم.

پس بزم امیرن نوکری فرعون کبیر ایامنده بر حکم صادر اولوب که مبادا اونن دینندن خارج آدملر چوخ اولالر و اوندن قوتلو اولالر. اولرن کشیلرینی چایه

سالار و گنه نبوکدنصر ایامنده که گنه بر آیری نوکر ایدی حکم صادر اولدی که هر کس دوشمیه و سجده ایله میه زرین صورتن و اونن حضورنده اودلو تنوره سالنمش اولاجا قدر و گنه داریوس ایامنده یعنی داریوسدن حکم صادر اولدی که هر کس بر مدته اونن اوزندن غیرى اللهدن بر شی استیه شیرلر مغاره سینه سالار (خروج باب ۱ آیه ۲۲ دانیال باب ۳ آیه ۶ گنه باب ۶ آیه ۷) و ایندی بو دشمن نه یالقوز بو شریعتلری فکرنده و بس (که اونه صبر لایق دکل) بلکه دانشوقده و رفتارده گنه تجاوز ایلیوبدر. البته بولره صبر گرک ایلمه ماق.

بو جهته که فرعونن شریعتی و او حکمن بناسی کمانه اولوبدر نسبت سزن ایکنجی و اوچنجی حکمه. گوررسز که بو آدم بزم دینمزن خلافنه مباحثه ایلر بر خیانت سببندن که ایندی اقرار ایلیوبدر لایق در که اولمش اولا.

پس او آدملر که یتشماقدن اوتری اوتورمشدیلر اشیکه گندیلر و اولرن آدلری ذکر اولمش بو قراردر: اغا مر د کور، اغا هیچ خوب، اغا بدخواه، اغا محب شهوت، اغا حیات بی شریعت، اغا سرکش، اغا بلند پرواز، اغا کینه، اغا یالانچی، اغا بی رحم، اغا مبغض النور، اغا بی اصلاح. بولرن هامی سی اوز یخشی خیال لرینی وفادارن خلافنه اوز آرالرنده قرار ویردیلر. اوندن صوره بر عدل اولوب مصلحت ایله گوردیلر که اوز خیال لرینی قاضی نن حضورنده بیله دیه لر که او گناه کاردر. اول اوز آرالرنده اغا مر د کور اولرن رئیسی دیدی آشکار گوردم که بو آدم بر بدعت قویان آدمدر و اوندن صوره اغا هیچ خوب دیدی بیله آلچاق آدمی یرن یوزندن گوتورون. اغا بدخواه دیدی بلی گتور زیرا که اونن صورتتی دوست توتمارم. اغا محب شهوت دیدی هرگز اونه متحمل اولمازدم. اغا حیات بی شریعت دیدی من گنه اونه متحمل اولمادم که او همیشه منم رفتارمن خلافنه حکم ایلر ایدی. اغا سرکش دیدی اوننی دارا آسون دارا آسون. اغا بلند پرواز دیدی آلچاق آدمدر. اغا کینه دیدی قلبم اونن ضدنه آتولر. اغا دروغگو دیدی او حيله کاردر. اغا بی رحم دیدی اونه لایق

عذاب دارا آسماقدن او جارقادر. اغا مبغض النور دیدی اونی آرادن گتوراق.  
اوندن صوره اغا بی اصلاح دیدی هرگاه تمام عالمی منه ویره لر هرگز اونن  
اینن صلح ایله میه جاquam لهذا بیله دیرم که او گناه کار اولماقه لایق در.

و اولر بیله ایلدیلر بو جهته همان ساعت حکم اولدی که بو یردن که وارسن او  
یره که اورادن سنی گتوروبلر آپارالر و اوراده رحم سزلق اینن که اونن یوخارسی  
وجوده گلومه مش اولا اولمش اولاسن. لهذا اونی اشیکه گتوردیلر تا اوز  
شریعتلری نن قاعده سی اینن رفتار ایلیه لر. اول اونه تازیانه اوردیلر. اوندن  
صوره اونی سنگسار ایلدیلر و گنه قلج اوجی اونه باترردیلر و آخرده اونی دارا  
باغلیوب یاندردیلر تا کول اولدی. بو قسم وفادارن ایشی آخره یتشدی.

ای بهادرلقده قول و فعلن اعلا و متین

سرفراز اولدن وفاده ای وفادار آفرین

ایلدی تهدید قاضی و شهود و محکمه

یوخدی پروان ای قوچاق دوردن حقیقتده امین

چونکه حقیقت اوغرینه ترک ایلدن جان و سری

ملک باقیده دیری سن سن ابدالابدین

پس گوردم بر عراده ایکی آته باغلی او خلقن دالسونجه وفاداردن اوتری حاضر  
ایدی. همان ساعت که دشمنلری وفادارن ایشنی آخره یتردیلر وفاداری عراده  
قبول ایلیوب همان ساعت بولوطلرن آراسنده شیپور اینن یاخین یولدن سماوی  
دروازه نن طرفنه یوخاری آپاردیلر. اما مسیحی ایچون بر قدر مهلت ویریلوب  
امر اولدی که گنه زندانه آپاردیلر و اوراده بر مدت قالدی. اما او که هامی  
شیلرن حاکمی در بوندن که اولرن آجیقی نن قوه سی اونن النده در بیله مقدر

ایلدی که او وقتده مسیحی اولرن لندن خلاص اولوب اوز یولینی قباقه  
توتدی. گدن وقتده بیله اوخورایدی:

ای وفادار حقی اقرار ایلیوب اولدن شهید

وفاده گورسه دوب صدق وفا اولدن یگانه

خوش تغنی قیل همیشه حق سنی ایلر سعید

جحیمده آغلاشان وقت بی وفا اهل زمانه

شاد و مسرور اول دیریلسون نیک نامن ای فرید

سنی قتل ایلدیلر لیک دیری سن جاویدانه

ایندی یوخومده گوردم که مسیحی یالقوز اشیکه گتمدی. زیرا که بر امیدوار آدم  
وار ایدی (مسیحین رفتارینن و گفتارینن ملاحظه سندن و وفادارن  
ملاحظه سندن اولرن زحمتی و قتنده بازارده امیدوار اولمشدی) که اوزنی  
مسیحی یه ملحق ایلیوب قرداشلق عهدنه داخل اولوب اونه دیدی سزه رفیق  
اولا جا قام. پس بر آدم حق شهادتدن اوتری اولدی. اما او بری گلندن قالدی  
تا که مسیحین رفیقی اولا. حجنده بو امیدوار مسیحی یه دیدی که بازارده  
چوخ آدم لر وار که فرصت تاپوب بزم دالمزجه گله جا قلمر.

## MR. BY-ENDS

بیله گوردم که بازاردن چیخوب چوخ چکمدی که اکری نیت آدلو بر آدمه که اولرن قباقنده گذرایدی بتشدیلر. پس اونه دیدیلر ای اغا هانسی دولتدن وارسز و بو یولدن هارایه گذرسز؟ او اولره دیدی خوش حرف شهرندن گلورم و سماوی شهرینه گدرم. اما اوز آدینی اولره دیمدی.

مسیحی دیدی خوش حرف شهرندن وارسز آیا بر یخشی شی اوراده واردر؟  
اکری نیت دیدی بلی امیدوارم که واردر.

مسیحی دیدی ای اغا استدعا او که سزی نه آد اینن چاقورم؟

اکری نیت دیدی من سزن یانزده غریبام و گنه سز منم یاننده غریب سز. اگر بو یولدن گده سز یولداشلقزردن شاد اولورم و اگر نه بونه گرک کفایت ایلیم.

مسیحی دیدی خوش حرف شهرنن باره سنده اشدتم. ایله که یاده گتوررم دیرلر که بر دولتلی یر در.

اکری نیت دیدی بلی سزه یقین اوله که او یرده چوخ چوخ دولتلی قوملرم وار.

مسیحی دیدی جسارت ایلرم و سورشرم که سزن قوملرز کیم لدرلر؟

اکری نیت دیدی یاخین هامی شهر مخصوصاً آقام روگردان و آقام خادم زمان و آقام خوش حرف که او شهر اونن بابالردنن آؤلده آد تاپوبدر و گنه اغا ملایم مرد و اغا دوروی و اغا هرزاد و واعظ محله آخوند دوزبان که او آنامن طرفندن بابا قرداشی در.

و دوغری سزه دیرم که من هم بر نجیب آدم و رتبه‌ده یخشی و آرام. اما بابام گمیچی ایدی که بر طرفه باخار ایدی و گمینی آیری طرفه آپارر ایدی و چوخ اوز ملکندن بو ایشن واسطه‌سی اینن اله گتورمشدی.

مسیحی دیدی آروادز وار؟

اکری نیت دیدی بلی منم آروادم بر چوخ حیالی و بر حیالی آروادن قزی در که او گنه مزوره نام بر خانمن قزی ایدی. لهذا چوخ حرمتلو طایفدن در و بیله ادب و مرتبه‌یه یتشوبدر که امیر اینن و اکنجی اینن بیلر نجه گرک رفتار ایلیه. دوغری در که بزم او آدملر اینن که دینده دقتلودرلر بر قدر تفاوت واردر. ولی بر ایکی کوچک مطلبده در. اول هرگز برخلاف باد و دریا حرکت ایلمروق. ایکنجی بر وقتده که دین گموش باشماق اینن یورر چوخ غیرتمیز وار و اگر اشیقی گون در و خلق دینی جلاللی ایلرلر بز گنه دوست توتاروق که کوچهلرده اونن اینن دولاناخ.

پس مسیحی بر قدر یولون کنارینه اوز رفیقی امیدوارن طرفنه گدوب دیدی خیالمه گلور که بو آدم خوش حرف شهرلی اکری نیت در و اگر او اولا اوز یولداشلقمزده حیلرلر واردر که اوندن پیس راق بو اطرافن هامی سنده یوخ در. پس امیدوار دیدی اوندن سورش گمان که اوز آندن خجالت اولمیه. پس مسیحی گنه اونن طرفنه یتشوب دیدی ای اغا بیله دانشوق ایلدون که دیه سن سز هامی دنیادن آرتوق بیلرسز. اگر اشتباه ایلمرم بیله نظرمه یتشر که یارم گمان سزن باره‌نزه وارم در. آیا سزن آدز خوش حرف شهرلی اغا اکری نیت دکل در؟

اکری نیت دیدی بو منم آدم دکل. لیکن بو بر خفیف آدر و بعض اولردن که منه متحمل اولمازلر بو آدی منه قویوبدیلر. گرک راضی اولام اوننه متحمل اولام. بر طوری که یخشی آدملر مندن قباق بو طور آدرله متحمل اولدیلر.

مسیحی دیدی آیا هیچ بر سبب آدم‌لره ورم‌دز که سزی بو آداین چاقوردیلر؟

اگری نیت دیدی خیر خیر ویرمدم. چوخ پیس شی که گاهی مرتکب اولدم که اولره سبب و بهانه ویروب که بو آدی منه قویدیلر بو ایدی که همیشه قسمتم وار ایدی که خیالمی زمانه‌لرن ایندیکی قاعده‌سی اینن هر نه تقاضا ایلیه برابر ایلیم و بختیم بیله ایدی که بو طور منفعت آپاردم. اگر بو شیلر منم طرفیمه سالنمش اولا اولری اوزمه برکت سایام. اما عداوت ایلیانلر او جهتدن مذمت یوکی منه سالمیالر.

مسیحی دیدی بر آز فکر ایلدم که سز همان آدم که اونن باره‌سنده اشمشم و او که فکر ایلرم سزه بیان ایلرم و او بودر که قورخورم بو آد حقیقتاً سزه بر نسبتی اولمش اولا. باوجودی که راضی دکل سز بز بیله اینانروق.

اگری نیت دیدی یخشی اگر سز بیله خیال ایلیه‌سز چاره یوخمدر. اگر سز منی اوز رفاقتزه قبول ایلیه‌سز منی خوش مصاحب تاپاجاق‌سز.

مسیحی دیدی اگر بزم اینن گلورسز گرک باد و دریا خلافتنه گده‌سز و بیله تاپدم که بو سزن میلزن خلافتنه‌در و گنه گرک دینی نجه گموش نعلین‌ده بیله‌ده ژنده‌لرده قبول ایلیه‌سز. بر وقتده که دمیره باغلو اولوب نجه که او کوچه‌لرده جلال اینن گدر گرک اونن اینن برابر دوراسز.

اگری نیت دیدی گرک سز منه منت قویمیه‌سز.

و ایمانمه الله‌لق ایلمیون. منی اوز اختیارمه قویون که سزن یانزجه گلم.

مسیحی دیدی نه بر قدم آرتوق قویمارم مگر او که نیجه که بیان ایلدم بزم کمین رفتار ایلیه‌سن.

پس اکری نیت دیدی هرگز اوز قدیم اعتقادمی ترک ایلمیه جاقام. زیراکه اولر ضررسز و فایده لی درلر. اگر سزن یانزجه گلیم او طور که سزه یتشمدن ایلمشم گرک اونو ایلم. یعنی اوزم گدم بر وقته کمین که منه آیری شخص یتشه که منم یولداش لقمندن شاد اولا.

پس یوخومده گوردم که مسیحی و امیدوار اونو ترک ایلدیلر و بر یول که اوزلرینه قرار ویرمشدیلر گتدیلر. اما بریسی اولردن دالیه نظر ایلیوب گوردی اوچ آدم اغا اکری نیت دالسونجه گلور. وقتی که اونو یتشدیلر چوخ تعظیم اینن او اولره سلام ایلدی و اولر گنه اونو احترام ایلدیلر او آدملرن آدی بودر اغا دنیا دار اغا پول دوست اغا نگاه دارنده همه که اغا اکری نیت ایره لوجه اولرن هامی سنی تانوردی. زیراکه تکلیفدن قباق بربری اینن هم مدرسه ایدیله. اغا آخذ آخوندن تعلیم آلودیلر که او سود دوست شهرنده معلم مدرسه ایدی و او بلد بازارداری در که طامع ولایتنده شمال طرفنده در. بو معلم اولره صنعت آخذی یا بتوسط زور یا بکرل یا یالوارماق یا یالان یا دیندارلق صورتی اینن تعلیم ویرر ایدی. بو دورد نجیب آدم اوز علملرنده و صنعت لرنده او قدر ترقی ایلمشدیلر که اولر هر بری قادر ایدیله که بیله بر مدرسه برپا ایلیه لر.

چونکه بربرینه ایله که دیدم سلام ایلدیلر اغا پول دوست اغا اکری نیته دیدی او آدملر که یولده بزم قباقمزده اولورلر کیم لردرلر؟ زیراکه بو وقته مسیحی و امیدوار اولرن گوزلری نن قباقنده ایدیله.

اکری نیت دیدی ایکی آدمدرلر. اوزاق دولتدن که اوز قاعده لری اینن حجه گذرلر.

پول دوست دیدی وای نیه دورمدیلر که بزم یخشی رفیقمز اولالر زیراکه اولر و بز گنه سز ای اغا بیله امیدوارم که هامی مز حجه گدهروق.

اکری نیت دیدی البته حجه گدروق. اما او آدملر که بزم قباقمزده درلر بیله برک درلر و اوز خیال لرینی او قدر دوست توتارلر و گنه آیری فکرلری او قدر آلچاق سایارلر که آدم هر نه قدر اللهدن قورخان اولا اگر هامی زادلرده اولرن یاننجه گتمیه اونی تماماً اوز رفاقتلرندن خارج ایلرلر.

اغا نگاهدارنده همه دیدی او پیس در. اما بعض لرن باره سنده او خوروق که اولر چوخ عادل اولورلر و بیله آدملرن برک لقی اولرن اوز لرینه غالبدر و اوزلرندن غیره هامی آدملرن باره سنده قاضی لق ایلیوب پیس لقه حکم ایلیوبلر. اما استدعا او که بر تفاوت که سز و اولر وارزدر خبر ویر که نه ایدی و نچه زاده وارد. اکری نیت دیدی اوز باش چکن قاعده لری اینن تدارک توتارلر که تکلیفدر هامی هوالرده اوز سفر لرینه گده لر. منم قاعده م بودر باد و دریانن قایتماقندن اوتری صبر ایلیم و اولرن قاعده لری بودر که اللهدن اوتری هامی شیلری بر دفعه خطر ه سالارلر و منم قاعده م بودر قاعده لری ایشه آپارام که آراملقمی و حیاتی سلامت ایلیم و اولرن قاعده لری بودر که اوز خیال لرینی محکم ساخلیه لر. بوننن بیله که هامی آدملر اولرن ضدنده اولالر. اما منم قاعده م بودر اوز دینمی قبول ایلیم اونده بر شی بر قدری که زمانلر و اوز سلامتلقوم اون ه متحمل اولاجاق. اما اولر دینی قبول ایلرلر بر وقتده که دین کهنه لرده و حقارتده اولا. اما من اونی قبول ایلرم بر وقت که گمش نعلینده و گونن ایشیقنده جلال اینن گده.

اغا دنیا دار دیدی بلی ای اغا اکری نیت یخشی بو فکده ثابت قال. زیرا که منم اعتقاد بودر. بر آدم او شیی که تحصیل ایلیوبدر ساخلامقه اختیاری اولمش اولا و او قدر نادان اولا که اونی اتره. من او آدمی سفیه سایارم. گرک بر ایلان کمین عقللی اولاق. یخشی اودر که علفی بر وقتده قوروداق که گون اشیق اولا. گور نیجه بال آریسی قیشده ساکت در اوزینه حرکت ویرمز مگر بر وقتده که لذتلو نفعی اولمش اولا و الله بعض وقت یاغش و بعض وقت گونن اشیقونی گوندر. اگر اولر بیله سفیه لر اولالر که یاغش ده گده لر قوی

اولسونلر. اما بيز بيلروق كه خوش هوا بزم ايندر. زيراكه منم اعتقادم بودر او ديني يخشي بكنرم كه يخشي بركتلى سلامتلقنن بزه باغيشلانوبدر بزي خاطر جمع ايلر. زيرا بر آدم كه عقل اونه غالبدر بوندن غيريني خيال ايليه بيلمز كه وقتى كه الله بو دنيانن يخشي شيلرينى بزه بخشش ايليو بدر اونن ارادهسى بيله در كه اولرى اوندن اوترى ساخلياق. ابراهيم و سليمان ديندارلقده صاحب دولت اولديلر و ايوب دير كه يخشي آدم قيزيلى توپراق كمين جمع ايليه جاقدر. اما اگر او آدملر كه بزم قباقمزده درلر بيله اولالر كه سز اولرى بيان ايلدوز عاقل آدم اولرن مثلى اولا بيلمز.

اغا نگاهدارنده همه ديدى گمان وارمدر كه بو امرده بز هامى مز برابر اولاق. لهذا بوندن آرتق سوز اونن باره سنده لازم دكل.

پول دوست ديدى نه، حقيقتاً بو خصوصده بوندن آرتوق سوز اونن باره سنده لازم دكل. زيرا او آدم كه نه اللهن كلامينه و نه عقلن حكمينه اينانا (و سز گوررسز كه هر ايكيسى بزم طرفمزده در) نه اوز آزادلقى ني و نه اوز سلامتلقنى آختارر.

اكرى نيت ديدى اى قرداشلرم بز هامى مز حجه گدروق. بيله كه گوررسز اوندن اوترى كه اوزمى بعض زادلردن كه يخشي دكل ساخلياق. منه اذن ويرن كه بر سؤال سزه ايليم. خيال ايليون كه بر آدم و يا بر واعظ و يا بر كاسب يا غيرسى بو ديرلقن بركتلرينى جمع ايلماق فرصتى اولا. اما هيچ وجه اينن ايليه بيلمز اونى اله گتوره. بوندن سواى كه دينن بعض مطالبنده اوزينى ظاهراً ايندى غيرتلى گورسده. پس ايندى مقصودينى اله گتورماقدن اوترى بيله ايليه بوننن بيله آيا او بر دوز و امين آدم اولماز؟

پول دوست ديدى سزن سؤالزن آخرينى تايدم. هرگاه بو نجيب آدملر التفات بيوروب اذن ويهرلر سعى ايلرم كه سزدن اوترى بر جواب صورت ويرم. اول

سزن سؤالزن جوانبنده نسبت واعظه دیرم گمان ایلیون بر یخشی واعظ آدم وار. اما اونن موعظه سنن یری آز نفع ویرن در و اونن نظرنده بر چوخ بیوک یر که چوخ اوجالقی ایندی کی یره وار و گنه ایندی اونن تحصیله فرصتی وار اما چونکه اونن اله گتورماقدن اوتری گرک آرتق علملری تحصیله مشغول اولا و اوز موعظه سنی چوخ ایلیوب موعظه ده آرتوق غیرت اظهار ایلیه. وقتی که او یرن اهلنه یارانمقدن اوتری بیله لازمدر که او بعض اوز قاعده لرینه تغیر ویره من بر سبب گورمرم که او واعظ او ایشی ایلمیه. بر شرط اینن که او یره چاقرلمش اولا. بلی بوندن چوخ گنه ایلیه بیلر عمله گتوره. اوننن بیله امین اولا و او نچه سبب دن در:

(۱) او که واعظن استماقی بر یری که چوخ منفعت واری در حلال در و بونی داتماق ممکن دگلچونکه الله طرفندن اونه تدبیر ویریلوبدر. پس بر صورتده که قادردر ایلیه بیلر اونن تحصیل ایلیه اوز روحانی عقلمون حکمنه هیچ سورشماق ایلمیه.

(۲) او که اونن خواهشی او موعظه یرندن اوتری اونن چوخ علملری اله گتورماقه مشغول و یا موعظه ده غیرتلو ایلر وغیره. لهذا اونن یخشی آدم ایلر. بلی اونه باعث اولور که اوز اصلی قوه سنه ترقی ویره که او اللهن اراده سنه موافق در.

(۳) اودر که او یرن اهلنن قاعده سی اینن بر اولوب اولره خدمت ایلماقدن اوز طریقهرندن بعضنه تغیر ویرماق شهادت ویرر که اولا اودر که او اوز نفسنن هواسنی انکار ایلیوبدر. ایکنجی اودر که اونن رفتاری شیرین و خوش گلن در و اوچنجی اودر که بو جهتلردن اوتری او واعظله لایق راق در.

(۴) پس نتیجه توتارم بر واعظ که کوچکی بیوک عوض ایلیه بو جهتن اولره گرکمز که اونن طمعکار سایالر. یخشی اودر وقتی که اوزینی اصلی قوه ده

ترقیه مشغول ایلر گرک بيله سایللمش اولا که اودر بر آدم که اوز ایشلرینه مشغول در و هرگاه فرصتی اونن الینه دوشه احسان ایلماقه مشغول اولور.

ایندی ایکنجی مسئلهیه گوره یعنی کاسب باره سنده که اونی ذکر ایلدز جواب ویررم. گمان ایلیون بر کاسب که اونن فروشی دنیاچه آز اولا اما اگر دیندار اولا اونن بازاری رونق توتار دولتلی عورت اله گتورر و یخشی مشتریلر او گوندن آرتوق اونن دکانه گلیرلر من بر سبب اونده گورمرم که بو ایش شریعته مطابق اولمیه و او نچه سببندنر:

(۱) او که دیندار اولمق هر زادن واسطه سی اینن که اولا یخشی در

(۲) اودر که دولتلی عورت اله گتورماق و یا دکان رونق تاپماق حرام دکل در

(۳) اودر که علاوه بونه بر آدم که دیندار اولمق توسطی اینن بولری جمع ایلیه یخشی آدم لردن گنه یخشی اولماقی نن توسطی اینن او زادکه یخشی در تحصیل ایلر. پس بوراده در یخشی عورت و یخشی مشتریلر و یخشی قازانچ و بولرن هامی سی دیندار اولماق توسطی اینن که یخشی در جمع اولور. لهذا دیندار اولماق و بولرن هامی سنی تحصیل ایلماق یخشی و فایده لی در.

بو جواب که اغا پول دوست اغا اکری نیتن سؤالنه ویردی اولر هامی سنن یاننده تعریفه لایق اولدی. لهذا نتیجه توتدیلر که فی الجمله بو جواب چوخ صحیح و منفعتلودر. چونکه گمان ایلدیلر که هیچ کسن اونن دانماقه قدرتی یوخر. مسیحی و امیدوار گنه او قدر اوزاق دگلایدیلر که اولرن سسنی اشدمیله لر. او ساعت بر اولدیلر که مسیحی یه و امیدواره یتشوب بو مسئله اینن اولره یوز قویه لر. زیراکه قباچه اولر اغا اکری نیته دشمن ایدیلر پس اولرن دالسونجه فریاد ایلدیلر و اولر دوروب ساکت قالب تا اولر اولره یتشدیلر و بولر هر قدر که گدردیلر قرار قویدیلر که اغا اکری نیت بو مسئله نی اولره بیان ایلمیه. بلکه پیر اغا دنیا دار اولردن بو مسئله نی سؤال ایلیه زیراکه گمان ایلر

دیگر که اولرن جوابی اغا دنیا داره او ایسیلق اینن که اغا اگری نیتن و اولرن آراسنده بر قدر بوندن قباق قزارمشدی اولمیاجاق.

پس اولره یتشدیلر بر آز سلامدن صوره اغا دنیا دار مسیحیدن و امیدواردن بو مسئله نن دوزلقندن سؤال ایلدی و اولره امر ایلدی که هرگاه قدرتر واردر جواب ویرن.

پس مسیحی دیدی دینده بر اوشاق ممکن در اون مین بیله مسئله لره جواب ویره زیرا که هرگاه مسیحن دالسنجه گتماق چورکدن اوتری حرام اولا (یوحنا باب ۶ آیه ۲۶) نه قدر چوخ ناخوش در که مسیحی دینی دنیانن گذراننن جمع ایلماقنن وسیله سی ایلیه و تاپمیروق بت پرستلردن و ریاکارلردن و دیولردن و جادوگرلردن سوای که بیله اعتقادی اولش اولا.

۱) بت پرستلرن بیله اعتقادی وار زیرا که حمور و شکیم یعقوبن قزینه و مال لرینه مائل اولدیار گوردیلر که بر یول بوندن غیری یوخدر که اولره یتشه لر مگر او که ختنه اولالر. اوز دوستلرینه دیدیلر اگر بزدن هر کشی ختنه اولا بر طور اینن که اولر ختنه اولوبدیلر پس اولرن مال لری و حیوان لری تماماً بزم کی اولاجاق. اولرن خیال لری بو ایدی که اولرن قزینی و حیوان لرینی اله گتوره لر و بو اولره وسیله اولا که بو ایشی ایلیوب اولره یتشه لر. هامی حکایتی اوخی (تکوین باب ۳۴ آیه ۲۰-۲۴)

ریاکار فریسیلرن دینی بیله ایدی که اولرن طولانی نمازلری اولرن ایشلری نن یوزی نن پرده سی ایدی. اما اولرن خیالی دول عورتلرن ایولرینی اله گتورماق ایدی و حکم الله طرفندن اولره بیوک عذابه ایدی (لوقا باب ۲۰ آیه ۴۶ و ۴۷)

۳) یهودا دینی دیو کمین بیله ایدی. او کیسه دن اوتری دیندار اولدی تا او که کیسه یه سالوبدیلر صاحب اولا. ولی ایتدی و اوزاقه آتولمش اولدی. حقیقتاً هلاکت اوشاقی اولدی.

۴) شمعون جادوگرون دینی بیله ایدی. بو جهته او استدی که روح القدس اونن اولتا اونن توسطی اینن پول تحصیل ایلیه و اونه حکم پطرسن فرمایشی اینن اولدی (رسوللارن عمل لری باب ۸ آیه ۱۸-۲۳)

۵) بو خیالمدن اشیکه گتمز. یعنی بر آدم که دینی دنیادن اوتری قبول ایلیه گنه دنیادن اوتری ساتاجا قدر. بلی او قدر که یقین در یهودانن خیالی دیندار اولماقدن دنیا ایدی و گنه او قدر یقین در که دینی و گنه آقاسنی دنیایه ساتدی. لهنذا بو مسئله نی اثباتدن اوتری جواب ویرماق و بیله جوابی قبول ایلماق که او دوزدر نیجه که آتادوم سز ایله ایلیوب سز ریاکارلق در و شیطانلق در و سزن مزد عملزه گوره اولاجاق.

پس اولر بربرینه باخا باخا دوردیله و مسیحی یه جواب ویرماق بر شی یوخلری ایدی که دیه لر و امیدوار گنه مسیحی نن جوابی نن دوزلقنی تصدیق ایلدی و چوخ ساکتلق اولرن آراسنده دوشدی. اغا اگری نیت و اونن رفیقلری حیران اولوب دالویه دوشدیله تا او که مسیحی و امیدوار اولرن قباقنجه گده لر. پس مسیحی اوز رفیقنه دیدی هرگاه بو آدم لر قدرت یوخلری ایدی که انسان حکمنه متحمل اولالر الله حکمنه نه ایلیه جاقلر و هرگاه خاموش قالالر بر وقت که توپراق قاب لر اولره حکم ایلیه لر پس بر وقتده که محو ایلین اود اولری ملامت ایلیه نه ایلیه جاقلر.

## THE HILL LUCRE

پس مسیحی و امیدوار اولردن قباقه دوشدیلر و گدردیلهر تا بر یومشاق و دوز  
یره که اونن آدی آسودهلق ایدی یتشدیلر که او یردن چوخ شادلق اینن یول  
گدردیلهر اما او یر دار ایدی. لهدا تز اوندن گچدیلهر و او دوز یرن او طرفنده بر  
کوچک تپه که اونن آدی قازانچ و اونده گمش معدنی واریدی چونکه او قسم  
معدن آز تاپولر بعض اولردن که او یولدن گدردیلهر قایدیلر که اونده تماشا  
ایلیه لر. چونکه او چوقورن آغزینه چوخ یقین گدرایدیلر بسکه یرن اعتباری  
یوخ ایدی سینار ایدی و اولر تلف اولردیلر و بعض ناقص اولور ایدیلر تا اولن  
گونه کمین ساق اولماق اولره ممکن اولماز ایدی.

پس یوخوده گوردیم معدنن قباقنده بر قدر یولدن کنار بر آدم دیماس آدلو  
دوروب (بر نجیب آدم صورتنده) که بو یولدن گچنلری چاقوررایدی که گلن  
و گورن. بو آدم مسیحی یه و اونن رفیقنه دیدی ای قایدون و بو یره گلن. من بر  
شیی سزه نشان ویرم.

مسیحی دیدی نه شی او قدر لایق در که اونن گورماقدن اوتری بز یولدن کج  
اولاق؟

دیماس دیدی بو یرده گموش معدنی وار و بعض آدملر منفعتدن اوتری اونن  
قازارلر. هرگاه بورایه گله سز آز زحمت اینن چوخ تدارک اوزیزه تحصیل ایلیه  
جاق سز.

پس امیدوار دیدی گداق گوراق.

مسیحی دیدی خیر من گلرم. بو یرن باره سنده و بو که نهجه چوخ آدملر بو  
یرده تلف اولدیلهر بوندن قباق سوزلر اشمشم و علاوه بونه او خزینه بعض  
آدملردن اوتری که اونن آختارلر توردر زیرا که حجده اولره زحمت ویرر.

پس مسیحی دیماسی چاقوروب دیدی آیا او یر قورخلو دکل؟ آیا حجده چوخ  
آدملره زحمت ویرمیویدر؟

دیماس دیدی نه، چوخ قورخلو دکل. اولردن سوای که غافل درلر اما نه قدری  
که او بو سوزلری دیدی یوزی خجالندن قمرزی اولمش ایدی.

پس مسیحی امیدواره دیدی بر قدم او طرفه حرکت ایلمیاق. اوز دوز یولیمز  
اینن گداق.

امیدوار دیدی سزی خاطر جمع ایلرم هر وقت که اکری نیت بو یره یتشه اگر  
اونی چاقوره او طور اینن که بزی چاقوروب او کج اولوب ملاحظه دن اوتری  
او یره گده جاقدر.

مسیحی دیدی بونده بر شک یوخ در. چونکه اونن اعتقادلری اونی او طرفه  
آپاراجاقدر. یوز نفردن بریسی در که بو یرده تلف اولمیه.

پس گنه دیماس فریاد ایلوب دیدی آیا گلمرسز و ملاحظه ایلمرسز؟

پس مسیحی آشکار جواب ویروب دیدی ای دیماس سن اللهن دوز یوللری نن  
دشمنی وارسن و ایندی اعلیحضرتن قاضیلرندن بری سنی یولدن کج اولماقدن  
اوتری سنن پیس لقوه حکم ایلوبدر (نامه ایکنجی تیموتیوس باب ۴ آیه ۱۰) و  
گنه آختاررسن که بزی همان مواخذهیه داخل ایلیمسن. علاوه بونه هرگاه  
یولدن کج اولاخ بزم پادشاه اللهمز البته اونی اشد جاقدر و بر یرده که گرک  
جرئت اینن اونن یاننده دوراق بزی خجالته سالاجاقدر.

بر دفعه دیماس فریاد ایلوب و دیدی من گنه سزن رفیق لرزدن بریسی ام اگر بر  
آز صبر ایلیمسز سزن اینن گله جاقام.

پس مسیحی دیدی آدون نه در؟ آیا او دگلکه اونن اینن سنی چاقوردم؟

دیماس دیدی بلی آدم دیماس در من ابراهیمن اوغلی ام.

مسیحی دیدی سنی تانورم کیجزی سنن جدن و یهودا سنن آتان ایدی. اولرن قدملرنن دالسونجه قدم ووردن حيله شیطان لقر و پس اونى شغل ایلرسن آتان خائن کمین دارا آسلانمش اولوب و سن اوندن یخشی راق جزایه لایق دکلسن (کتاب دردنجی ملوک باب ۵ آیه ۲۰ و ۲۷ متی باب ۲۶ آیه ۱۴ و ۱۵) خاطر جمع اول بر وقت که پادشاهه یتشروق بو رفتارندن اونه خبر ویره جاقق. پس اوز یوللرینه گتدیله. بو وقتده اکری نیت و رفیق لری گنه نظره یتشوب اول کی اشاره این دیماس طرفنه گتدیله. ایندی بیلرم آیا نظر ایلماق سببی اینن گودالا دوشدیله یا قازماقدن اوتری اشاقه گتدیله و یا بر پارا بخارات سببینه که چوخ وقت اونده تاپولر خفه اولدیله. بولرن باره سنده یقینم یوخدر اما ملاحظه ایلدم که هیچ وقت اوندن صوره یولده گورسنمدیله. پس مسیحی اوخودی:

گموش دیماس اینن اکری نیت اتفاق ایله

بریسی چاقورور درحال او بری اشت THE HILL LUCRE یاق ایله

ایکیسی هم دوشوب سفلایه حق یولدن کج اولدیله

بو دنیا باخ که حاجی یه گموشدن نه دوزاق ایله

ایندی گوردم یرن او طرفی دوزدر. حاجیلر بر یره که اوراده بر ستون که یولا یاخین ایدی یتشدیله. اونى گورماقدن هر ایکیسی مضطرب اولدیله زیراکه او ستون صورتی غریبه ایدی. اولرن نظرینه بیله یتشردی که بر آروات ستون صورتیه عوض اولوب پس بو یرده نگران دوردیله. اما بر مدت که بیلمدیله اونن باره سنده نه فکر ایلیله آخرده امیدوار تاپدی اونن باشینن یوخاری طرفنده آیری خط اینن یازلمش ایدی. اما چونکه اونى اوخوماقه قادر دکلسن ایدی

مسیحی نی چاقوردی (زیرا که مسیحی بیلرایدی) تا گوره که آیا اونن معنی سنی  
تاپایلر یا خیر. پس او گلوب بر آز باخاندن صوره آئیوب که بودر (لوطن  
آرواتی یاده گتورن) پس اوننی اوز رفیقنه دیدی و اوندن صوره هر ایکسی  
بیلدیلر که بو ستون دوزدر که لوطن آرواتی دالیه باخماقدن اوتری طمع قلب  
اینن بر وقت که سدومدن خلاص اولماقدن اوتری قاچارایدی اونن مبدل  
اولدی (تکوین باب ۱۹ آیه ۲۶) بو غریبه‌یه تماشا اولری بو صحبتته سالدی.

مسیحی دیدی ای منم قرداشم وقته مناسب تماشادر و بزدن اوتری چوخ  
یرنده‌در. اوندن صوره بر چاقورلماق که دیماس بزه ایلدی که نفع تله اینن  
تماشاسنه گداق. هرگاه گده‌ایدوق ایله که او بزی استدی و سنن ای قرداش  
اونن میلن وارایدی بلکه بو آروات کمین تماشا یری اولر ایچون که دالوجه  
گله‌جاقلر اولوردق.

امیدوار دیدی او وقتده که او قدر سفیه ایدیم غصه‌لوام و او منی تعجبه سالر  
که ایندی لوطن آرواتی کمین دکلام زیرا که تفاوت منم و اونن گناهی‌نن  
آراسنده نهدر او دالویه باخدی و بس و من میل ایلدم که گدم و گورم اللهن  
توفیقی جلال لسنون و من خجالت اولام که بعض وقت بيله شی منم قلبمه  
وارد اولا.

مسیحی دیدی او شیئی که بویرده گوردق گلن وقتده اوز کممزدن اوتری  
نظرده توتاق. بو آروات اللهن بر حکمندن خلاص اولدی. زیرا که سدوم  
هلاکتده تلف اولمادی ولی اونن آیری حکمندن هلاک اولدی. ایلیکه گوردق  
او دوز ستونه مبدل اولوبدر.

امیدوار دیدی دوزدر او گنه بزدن اوتری احتیاطه باعث و نمونه‌در. یعنی  
نمونه‌در که اونن گناهندن کنار اولاخ و او حکمن نمونسی‌در که گله‌جاقدر او  
آدملره که بو احتیاط اولری قایترمیه بو طور اینن قورخ و داتان و ابیرام ایکی

یوزاللی نفر آدم اوز یاننده تلف اولدیلر و اوزگه لردن اوتری نشان یا نمونه اولدیلر که احتیاط ایلیه لر (سفر اعداد باب ۲۶ آیه ۹ و ۱۰) اما هامی زاددن چوخ بو بابده فکر ایلمر یعنی نجه دیماس و اونن رفیقلمی ایلیه بیلرلر او یرده او قدر خاطر جمع دورالر که او خزینه دن اوتری آختارماق ایلیه لر. زیرا که بو آروا اوندن اوتری دالویه باخدی (زیرا اوخومادوق که او بر قدم گنه یولدن کناره قویدی) و دوز ستونه مبدل اولدی و مخصوصاً چونکه بر حکم اونه یتشدی اونی بر نمونه ایلدی و بر یردن که اوراده درلر ممکن در اونی گورماق. زیرا که اگر اوز گوزلرینی اوجا ایلیه لر گرک اونی گوره لر.

مسیحی دیدی بو باعث تعجب در و بو بر دلیدلر که اولرن قلبلری بو ایشده برک اولوبدر و بیللمر نه شی اینن اونی مثل ویرم. اما اونن مثلی اونن کمین در که قاضی نن حضورنده خلقون جییندن اوغرلق ایلر و یا دار آیاقنده کیسه کسر. سدوم اهلی نن باره سنده دیلوبدر که چوخ گناه کار ایدیله لر. زیرا که الله گناه ایلیوب یعنی اونن نظرنده بعض احسانلر اینن بیله که الله مرحمت یولندن اولره بیوروب. زیرا که بر وقتده سدوم مثل بهشت باغی کمین ایدی (تکوین باب ۱۳ آیه ۱۰ - ۱۳) بناپونه خداوندی چوخ قالحوزدی و اونه باعث اولدی که اولرن زحمتلری او قدر ایسی اولا که خداوندن اودی گوکدن ایسی ایلیه. عقللی لر چوخ عبرت توتالر که اولر و بیله آدملر اولر کمین درلر که الله پیدرپی اولرن مقابلنده بیله نمونه لر قویوبدر که اولره باعث احتیاط اولا که گناه ایلمیه لر. اوندن بیله که گناه ایلدیلر البته گرک حکملرن آغراقونه دوچار اولالر.

امیدوار دیدی شک یوخدر که دوز دیرسز. اما نه قدر مرحمت و احساندرکه من و سز مخصوصاً من اوزم بوجور نمونه و اسباب عبرت اولمادوق. بو سببن گرک بز الله شکر ایلیاق و اوندن قورخاق و همیشه لوطن آروا تنی یاده گتوراق.



## BY-PATH MEADOW

و گوردم که اولر اوز یولینه و خوش نما چایون طرفنه گذردیلر که داود پادشاه اونه نهر خدا دیر ایدی. اما یوحنا اونه آب حیات چایی دیر ایدی (مزمور ۶۵ آیه ۱۰ و مکاشفات باب ۲۲ آیه ۱ - ۲)

بو وقتده اولرن یولی چاین کنارینه دوشدی. لهذا بو یرده مسیحی و اونن رفیقی چوخ شادلق اینن گذر دیلر و گنه چاین سویندن ایچدیلر که او شیرین سو اولرن یورلمش روحلرینه شادلق ایدی. علاوه بنه چاین اطرافنده سبز آغاجلر و هر قسم میوهلر وارایدی. اونن ییپراقلرنندن ییر ایدیلر تاکه بعض مرضلردن سفرده حرارت و قان اولره عارض اولمش ایدی سلامت قالالر و گنه بو چاین ایکی طرفنده بر چمن وارایدی که سوسن لردن غریبه طور اینن بزمنش اولمشدی و ایلن هامی مدتی سبز ایدی. بو چمنده اوزانوب یاتدیلر. زیراکه بو یرده سلامت ایدیلر. چونکه او یاندیلر گنه آغاجلرنن میوه سندن دردیلر و گنه چاین سویندن ایچدیلر و گنه یوخودن اوتری اوزاندیلر و بو طور نچه گیجه و گوندوز آپاردیلر. پس سرود اوخودیلر:

نیجه خوش خوش آخیور نهر بللوری بو گلدارن

آچلمش نوع نوع گللر ایدر وصف لطفنی یارن

هواسی مشکریز اولمش صبا پیغام گتورر هم

که ای حاجی تسلی تاپ خدا اولمش سنن یارن

بیان ایتسه م گوزل اشجارینن اوراق و انمارین

قلم یازماز بو لاله پوش زمرد فرش چمنزارن

هامی وارینی ویرمزمی بو ملکه مالک اولماق چونکه

اگر مینلرجه اولسه جوهری عارف خریدارن

پس وقتی که گتماقه مایل اولدیلر (زیرا بو وقته کمین سفرن آخینه  
یتشمه مشدیلر) یدیلر و ایچدیلر و صوره گتدیلر.

ایندی یوخوده گوردم که چوخ یول گتمه مشدیلر که چای و یول بربرندن آیری  
اولدیلر و بوندن اوتری چوخ غمگین اولدیلر. اما او جرئت یوخلری ایدی که  
یولدن اشیکه گله لر. بو وقتده که یول چایدن اوزاق اولدی پیس اولدی و اولرن  
آیاقلاری سفر سببه نازک اولوب لهذا حاجیلرن جانلری یول گتماقدن تنگه  
گلوب. بو جهتدن بر وقت که گذر ایدیلر یخشی یول استردیلر. بر قدر اولرن  
قباقدنه بو وقتده یولن سل طرفنده بر چمن وارایدی و پلله لر اونه یتشماقدن  
اوتری وارایدی و او چمنن آدی کج یول چمنی ایدی. اوندن صوره مسیحی  
رفیقنه دیدی اگر بو چمن بزم یولمزین کنارنده دوشه بو طرفدن گچوب اونه  
داخل اولاق. پس پلله لر طرفنه مسیحی گتدی تا گوره. چونکه ملاحظه ایلدی  
که بر جاده دیوارن او طرفنه اولرن یولنن یاننده دوشوبدر. مسیحی دیدی منم  
خواهشمه موافق در که بوراده یول گتماق آسان در. ای امیدوار گل گچوب  
داخل اولاق.

امیدوار دیدی اگر بو یول بزى یولدن کج ایلیه نه اولاجاقدر؟

اوبری دیدی گمان ایلرم که بیله اولا. باخ آیا جاده نن کنارنده واقع اولمیوبدر.

پس امیدوار رفیقنن واسطه سی اینن مایل اولوب اونن دالسونجه پلله لر  
اوستنه گتدی. وقتی که گچردیلر جادیه داخل اولدیلر. اونى اوز آیاقلارینی  
قویماقه چوخ آسان تاپدیلر و علاوه اونه اوز قباقرینه باخوب بر آدمی گوردیلر.  
اوزلری کمین گذردی و اونن آدی باطل اعتماد ایدی. پس اولر اونى چاقوروب

اوندن سورشدیلر که بو یول بزى هارایه یترر؟ او دیدی سماوی دروازه‌یه. مسیحی امیدواره دیدی گور آیا سزه بیله دیمدم بونن توسطی اینن گوره بیلرسز که دوز یولده واروق. پس اولر او آدمن دالسونجه گتدیله و او قباقجه گدرایدی. گجه یاخین اولوب گده گده قرانلق اولدی. بر طور که او آدم که قباقدن گدرایدی اولرن نظرندن که اونن دالسونجه گدردیله غایب اولدی. پس او (باطل اعتماد آدلو) آدم که قباقده گدرایدی یولی اوز قباقنده ملاحظه ایلمیوب درین چوقوره دوشدی که او یرن امیری اونى مخصوصاً کبرلو سفیه‌لری توتماقدن اوتری قایریش ایدی. او آدم دوشماقن واسطه‌سی اینن پارچه پارچه اولدی.

ایندی مسیحی و اوز رفیقی اونن دوشماق صداسنی اشدوب اونى چاقوردیلر که واقعه‌نی تحقیق ایلیه‌لر. اّما جواب اولره یتشمدی مگر او که بر آه اشدردیلر. پس امیدوار دیدی ایندی هاراده واروق؟ رفیقی خاموش قالوب قورخدی که اونى یولدن کج ایلیوبدر و بو ساعتده قورخولی الدرمد اورماق و یاغش یاغماق بر طور اینن باشلادی که برک سیلرر قالخدی.

پس امیدوار آه چکوب دیدی ایکاش که اوز یولی‌می توته ایدم.

مسیحی دیدی کیمن خیالینه گلورایدی که بو یول بزى یولدن کج ایله.

امیدوار دیدی اولدن بوندن قورخارایدم و او جهتدن او ملایم احتیاطی سزن خیالزه گتوردم. بوندن آشکار دیردیم اّما چونکه سز مندن قوجه ایدوز دیمدم.

مسیحی دیدی ای یخشی قرداش اینجیمه پشیمان‌ام که سزی یولدن اشیکه گتورمشم و سزی بو بیوک خطره سالمیشم. ای قرداش استرم که منی باغشلیه‌سز. بو ایشی شرارت خیالی اینن ایله‌مدم.

امیدوار دیدی ای قرداش اوزوه تسلی ویر زیراکه سزه باغشلم و گنه قبول  
ایلرم که بو واقعه بزم خیرمزدن اوتری اولاجاقدن.

مسیحی دیدی شادام که بر رحملو قرداش اوزمه یولدش ایلمشم. اما بو یرده  
قالمیاق گرک بز قایدماقه سعی ایلیاق.

امیدوار دیدی ای یخشی قرداش قوی که من قباقچه گدم.

مسیحی دیدی خیر التفات ایلیوب قویون من قباقچه گدم. هرگاه بر خطر اولا  
من اونه اول داخل اولام. زیراکه مندن اوتری هر ایکیمز یولدن اشیکه گتدوق.

امیدوار دیدی خیر قباقچه گتیمون. اولور که سزن قورخلو قلبز گنه سزی  
یولدن کج ایلیه. پس بو آدمه جرئت ویرماقدن اوتری بر آدمن سسی اولرن  
قولاقنه یتشدی که دیرایدی اوز قلبنی دوز یولا باغلا او یولدن که گلدن قاید  
(یرمیه باب ۳۱ آیه ۲۱) و بو وقتده چوخ سولر قالخوب که او سولردن اوتری  
یول چوخ قورخولی ایدی (پس فکر ایلم چونکه یولدهایق یولدن اشیکه  
گتماق آسان راقدر یولا داخل اولماقدن وقتی که اوندن خارج اولاق) اونن  
بیله قایدماقه جرئت ایلدیلر. اما او قدر قرانلق و طوفان اوجا اولمشدی که اولر  
قایدنده اون دفعه غرق اولماقه یاخین اولدی لر.

و گنه هامی هنر که وارلری ایدی ممکن ایلیه بیلمدیلر او گجه پله لره یتشه لر.  
پس آخرده بر کوچک پناه تاپوب او یرده صبح آچلاننه کمین اوتوردیلر. اما  
چونکه یورلمش ایدیلر یوخویه دوشدیلر.

## DOUBTING CASTLE

او یره یاخین که یاتمشدیلر بر قصر وارایدی که اونه قصر تشکیک دیر ایدیلر. اونن صاحبی یأس بلندقامت ایدی که اونن یرنده اولر یاتمشدیلر. پس او صبح تز قالخوب اوز یرلرنده دولانوب مسیحی و امیدواری اوز یرلرنده یاتمش توتدی. پس او برک سس اینن اولره امر ایلدی که او یاق اولون و اولردن سورشدی هارالی سز و منم یرلرمده نه ایلرسز؟ اولر اونه دیدیلر که بز حاجیلریک که اوز یولمزی اترمشوق. پس بلند قامت دیدی بو گیجه خطا ایلوب منم یرلریمه گلوب یاتدوز لهذا منم اینن گلن. پس گتماقه مجبور اولدیلر بو جهتته که او اولردن قوتلی ایدی و گنه آز جواب اونه ویردیلر. زیراکه اوزلری بیلر ایدیلر که غلط گدوبدیلر.

پس بلندقامت اولری اوز قباقدنه آپاروب اوز قصرنده چوخ قرانلق زندانه سالدی که او زندان بو ایکی آدمین روحلرندن اوتری چوخ ناپاک و پیس ایلی ایدی. بو یرده چهارشنبهنن صبحندن یکشنبهنن گیجه سینه کمین چورک سز و سوسز و نه اشیق و نه بر آدم که اولرن احوالینی سوروشه قالدیلر. لهذا پیس حالت اینن او یرده دوشوب دوستلردن و آشنالردن اوزاق ایدیلر (مزمور ۸۸ آیه ۱۸) بو یرده مسیحی ن ایکی غصه سی وار ایدی. زیراکه اونن مصلحت سز نصیحتی اینن بو دارلقه دوشدیلر.

یأس بلند قامتن بر آرواتی وار ایدی که اونن آدی نامعتمد بر خود ایدی. پس بر وقت که او رختخوابه گدوب او زادن باره سنده که او بو ایکی نفره ایلمشدی آرواته خبر و یروب یعنی دیدی بر جفت اسیر توتتمشم.

و اولری تجاوز ایلماقدن و منم یرلریمه گلماقدن اوتری زندانه سالم. پس او عورتندن سورشدی که نه یخشی در بوندن صوره اولره ایلیم؟ آروات سورشدی اولر کیم لردر و هارادن گلوبدرلر و هارایه گدرلر؟ او اونه خبر ویردی.

پس آروات اونه مصلحت و رأی ویردی که صبح یو خودن او یانوب اولری رحم سزلق اینن اورا. چونکه یو خودن قالخدی او بر کلفت آلما آغاجی نی گتوروب زندانه اولرن طرفه گتدی. اول اولری مزمت ایلدی که دیسن ایت لر ایدیلر. باوجودی که اولر اونه بر پیس لفظ دیمه مشدیلر پس حمله ایلوب اولری برک قسم اینن اورا ایدی. بر حده که اوزلرینی ساخلیه بیلمدیلر و گنه او طرف بو طرفه دولنماقه حرکت قدرت یوخلاری ایدی و بو عملی یرینه گتوروب قایتدی. اولری او یرده قویدی که اوز دردلرینه آغلیه لر. پس هامی مدت او گون آجی آه ناله لردن سوای بر شی یوخلاری ایدی. اوبری گیجه او آروات اری اینن چوخ دانشوب بونده که آنادی اولر دیری درلر آروات اونه مصلحت و رأی ویردی که اولره نصیحت ویره که اوزلرینی تلف ایلیه لر. چونکه صبح اولدی او آچیق طور اینن اولکی کمین اولرن طرفه گتدی و آنادی که اولکی اورماقدن ناخوش ایدیلر. اولره دیدی گمان گتمز که بو یردن اشیکه گله سز. اوزگه چاره ز یو خدر بوندن غیری که بو ساعت پیچاق اینن و یا طناب اینن و یا زهر اینن اوزیزی هلاک ایلیه سز و دیدی بوندن اوتری که سزن دیریلقر آجیلوقه باغلودر سز نیه دیریلقی قبول ایلرسز. اما اولر اوندن خواهش ایلدیلر که قوی تا گداق. بو خواهشدرن بر آجقلو نظر اولره ایلوب شک سز هرگاه بیهوش اولمیه ایدی اولرن ایشنی آخره یتور رایدی (زیرا که بعض وقت صاف هواده اتفاقاً بیهوش اولورایدی) بیله اتفاق دوشنده بر مدت اونه قادر دگلایدی که اوز اللرینی ایشه آپاره. لهذا اشیکه گتدی و اولری قویدی که مصلحت ایلیه لر که نه گرک ایلسونلر. پس اسیرلر اوزلرینه مصلحت ایلدیلر آیا یخشی اودر اونن نصیحتینی قبول ایلیه لر یا خیر. بو طور اینن مصلحت و مشورته باشلادیلر.

مسیحی دیدی ای قرداشم نه ایلیم بو دیریلق که اونده ایندی گذران ایلروق غملودر. من بیلرم آیا یخشی در بو طور اینن گذران ایلایق و یا تز اولاق. جانم

خفه اولماقی دیریلقه ترجیح ویرر و قبر بو زنداندن منه آسانراقدر که یأس بلند قامت بزه تسلط تاپا.

امیدوار دیدی حقیقتاً بزم حالتمز قورخولی در. و اولم بو طور دیری قالماقدن منه چوخ خوش در. اما بو فکری ایلرم او دولتن صاحبی که اونن طرفنه گذروق دیوبدر که هیچ قتل ایلمیه سن. یعنی اوزگه آدمی قتله یترمیاق. پس چوخ معلوم اولر که اوزمزی اولدرماقدن گنه منع اولمشوق. بوندن سوای معلومدر او که اوزگه آدمی اولدره اونن بدنی قتله یتروبدر و بس. اما او که اوزینی اولدره هم بدن و هم روحی بر یرده اولدروبدر. علاوه بونه ای قرداش قبرن آسانلقینن باره سنده صحبت ایلروق آیا جهنمی که یقیناً آدم اولدرنلر اونه گده جاقلر یاددن چنخارتدن؟ زیرا که هیچ بر قاتل ایچون همیشه دیریلق یوخدر و برده فکر ایلیرم که هامی حکم یأس بلند قامتن النده دکل. اوزگه لر ایله که من آنادم بزم کمین اونن النده گرفتار اولوبلر اما اونن الندن خلاص اولوبدرلر.

کیم بیلر بلکه او الله که دنیانی یارادوب بیله قرار ویره که یأس بلند قامت اوله. بو وقتده یا اوزگه وقتده یاددن چیخارده که بزى بو یرده دوستاق و قفله باغلی ایلیوبدر و یا اوزگه وقت گنه بیهوش دوشه و اعضاسنه حرکت ویرماقه قادر اولمیه و هرگاه گنه بو طور واقع اولا اوزمه قرار ویردیم مردانه طور اینن دیری اولوب ممکن قدر سعی ایلیم که اونن الندن اشیکه گلم. سفیه ایدم که بوندن قیاق اونه سعی ایلمدم. اما ای منم قرداشم هر صورتده صبر ایلیاق و بر مدت گنه صبر ایلیاق. ممکن در بر وقت یتشه که بزه قورتولماق شادلق ویره. اما اوزمز قاتل اولمیاق.

بو سوزلر اینن بو وقتده امیدوار قرداشی نن قلبنی یوموشاق ایلدی. پس او گون گنه قرانلقده غم و غصه حالنده قالدیلر.

آخسام وقتی بلند قامت گنه اشاقه زندانه گتدی تا گوره که اسیرلر اونن نصیحتنی قبول ایلدیلر یا خیر بر وقت که او یره یتشدی اولری دیری تاپدی. حقیقتاً اولر دیری ایدی و بس که بو وقتده سوسز چورک سزلقدن و بو یاره لرندن اوتری که بلند قامتن اورماقندن تاپمشدیلر نفس چکماقندن غیره هیچ زاده قادر دگلایدیلر که یرینه گتوره لر. اما ایلکه دیدم اولری دیری تاپدی و بو جهتدن بیوک آجیقه دوشدی و اولره دیدی منم نصیحتمه اطاعت ایلمدوز سزدن اوتری پیس اولاجا قدر بوندن که اگر هرگز وجوده گلیمشدوز یخشی راق اولاجاق ایدی.

بوندن اوتری چوخ تتره دیلر. گمان ایلدم که مسیحی بیهوش اولدی. اما بر وقتدن صوره هوشه گلوب گنه مصلحت ایلدیلر که ایندی هانسی یخشی در آیا بلند قامتن نصیحتنی قبول ایلیرلر یا خیر. بیله نظره یتشدی که بو وقتده گنه مسیحی اونن نصیحتنی قبول ایلماقه مایل ایدی ولی امیدوار اوز ایکنجی جوابنی یازلان قرار اینن بیان ایلدی.

امیدوار دیدی ای قرداش آیا یاده گتورمرسن نه قدر بوندن قباق یورکلو ایدن. اپلیون و هامی او شیی که اشدن و یا گوردن و یا آندان سایه مرگ دره سنده سنه غالب گلمدیلر و بوندن قباق نه زحمت و نه قورخو و نه شیرلره نجه متحمل اولدونه و آیا ایندی بو وقتده سنن قورخیدن غیره هیچ شی یوخندر. سن گوررسن که من سنن اینن بو زنداندا یام و سندن مزاجاً چوخ ضعیفام و بو بلند قامت منی گنه سنن کمین یارالو ایلوبدر. سو و چورکی مندن کسوبدر و قرانلقده سنن اینن ناله ایلرم. بر قدر آرتوق صبر ایلایق. یاده گتور نه قسم مردانه باطلیت بازارنده رفتار ایلدوز. نه زنجیردن نه قفسدن و نه اولمدن قورخدوز. لهذا بر قدری گنه صبر ایلایق (تا او که بر خجالتدن که مسیحیلره مناسب دگلکنار اولاخ) بو وقتده گنه گیجه اولوب بلند قامت و آرواتی رختخوابه گدوب آروات اسیرلر باره سنده اوندن سورشدی که آیا سزن نصیحتنی قبول ایلدیلر؟ او اوننه جواب ویردی برک حیله ایلاندرلر. هامی

زحمتلری اوز اولملرینه ترجیح ایلرلر. پس او آروات دیدی صباح اولری قصرن حیاطنه آپار. او آدملرن کله لرینی و سمکلرینی که ایره لوجه تلف اولوبدرلر اولره نشان ویر و بیله دانش که قبول ایلیه لر که بر هفته نن عرضنده اولری پاره پاره ایلیه جاقسز. بر طور که قباقجه اولرن رفیقلرینی ایلدوز.

پس چونکه صبح اولدی بلند قامت گنه اولرن طرفنه گدوب اولری قصرن حیاطنه آپاردی. او طور اینن که آرواتی اونه امر ایلمشدی اولره نشان ویروب دیدی بولر سزن کمین حاجیلر ایدلیر و منم یرلریمه بو طور اینن که سز ایلمشسز اولر گنه ایلدیلر. بر وقت که مناسب بیلدم اولری پاره پاره ایلمد هابیله اون گون مدته سزه بیله ایلیه جاقام. گنه آشاقه زندانه گدون و هامی یول که زندانه گدردیله اولری اورا زایدی. لهذا غصه وقتنده اولکی کمین تمام شنبه گونی یاتدیله. چونکه گیجه یتشدی نامعتمد خانم و بلند قامت اونن اری رختخواه گدوب اوز صحبتلرینی اسیرلر باره سنده تازه ایلدیلر و بلند قامت مخصوصاً بوندن تعجب ایلر ایدی که نه اورماق اینان و نه نصیحت اینن ایلیه بیلمدی اولرن ایشنی آخره یتوره. آروات اونه جواب ویروب دیدی قورخورم که اولر او امید اینن گذران ایلیه لر که بر آدم گلوب اولردن اوتری چاره ایلیه و یا قفلی آچماق آسابی وارلری در و خاطر جمع درلر که خلاص اولالر. بلند قامت دیدی ای منم عزیزم بیله دیرسن صبح وقتی اولری آختاراجاقام.

و اسیرلر یاری گیجه یاخین شنبه گونندن صوره دعایه شروع ایلدیلر و دعاده تا صبحه کمین قالدیلر. بر قدر صبحدن قباق یخشی مسیحی دلی کمین بو برک گفتگویه دوشوب فریاد ایلدی و دیدی بر وقتده که ممکن در که آزادلق اینن گدم نه قدر سفیهم که بو پیس زندانده یاتام. بر آچار قوینومده وار که اونن آدی وعده در و یقین وارمدر که آچار هر قفلی که قصری تشکیکده واردن. پس امیدوار دیدی ای یخشی قرداش بو بر خوش خبردر. اوننی قوینوندن اشیکه گتور امتحان ایله.

پس مسیحی اونی قوینوندن اشیکه چکوب زندانن قاپوسنی آچماقه باشلادی. بر وقت که آچارا پیچ ویروب قفل آچلدی قاپو آسانلق اینن آچلدی. مسیحی و امیدوار هر ایکیسی اشیکه گلدیلر. پس بیرونی قاپوسینه که قصرن حیاط طرفنه آچولر ایدی یتشدیلر. آچار اینن او قاپونی گنه آچدیلر و اوندن صوره دمیر دروازه‌نن طرفنه گتدی. زیرا او گنه گرک آچلمش اولا. اما او قفل چوخ برکلق اینن حرکت ایلر ایدی. اما اونن قفلینی گنه آچوب. پس دروازه آچولان وقتده او قدر سس ایلدی که یأس بلند قامتی اویاق ایلیوب او تز قالخوب تا او که اوز اسیرلرینی توتا. همان قدر آنادی که بدنی سست اولدی. زیرا که گنه بیهوش اولدی. پس هیچ وجه اینن ایلیه بیلمدی اولرن دالسونجه گده. اولر قباقه گیدوب جاده‌یه یتشدیلر. لهذا سلامت قالدیلر زیرا که یأس بلند قامتن حکمندن اشیکه گلمشدیلر.

وقتی که پلله‌لردن گچدیلر اوزلری اینن مصلحت ایلدیلر که او پلله‌لرده نه ایلیه‌لر که گلن‌لره یأس بلند قامت الینه دوشماقدن مانع اولالر. پس قرار ایلدیلر که او یرده بر ستون بنا ایلیه‌لر و اونن یاننده بو آیه‌نی یازمق یعنی بو پلله‌لرن اوستنده یول وار قصر تشکیک که او یأس بلند قامت النده‌در. او سماوی دولتن پادشاهینی حقیر سایار و سعی ایلر که اونن مقدس حاجیلرینی تلف ایلیه. لهذا چوخ آدم‌لردن که دالوجه گلدیلر یازونی اوخودیلر و خطرندن سلامت اولدیلر و بو عملی یرینه گتوروب سرود اوخودیلر:

چیخوب یولدن دیدوک راحت یوررخ بو چمنده

نه چکدوق آه گیروب ممنوع یره زندان غمده

صاقلسونلر بو یردن کیم که بزدن صوره گله

گرفتار اولماسون غفلت اینن تز یأس ایچنده

تجاوز ایلویوب اونن اسیری اولماسون که  
آدی یأس بلند قامت در تشکیک قلعه سنده

## THE DELECTABLE MOUNTAINS

پس گتدیلمر تا مفرح داغله یتشدیلر که او داغله که اللهن تپه‌لری درلر که اونن ذکرینی قباچه ایلدم. پس داغله‌رین اوستنه گتدیلمر تا او که باغلااره و میوه آغاجلارینه و مو یرلرینه و سو فواره‌لرینه تماشا ایلله‌لر. او یرده ایچدیلمر و یوزلرینی یودیلمر و گنه آسوده‌لق اینن میوه‌لردن بیر ایدیلمر. بو وقتده بو داغله‌رن باشنده چوبانلار وارایدیلمر که اوز سوریلرینی اوتاریرایدیلر یولون کنارنده دورمشدیلمر. پس حاجیلر اولرن طرفنه گدوب اوز عصاسینه تکیه ایلوب (ایلکه یوزلمش حاجیلرن عادتیدر که دورالر یول کناری‌نن آدم‌لری اینن دانشماق ایلله‌لر) اولردن سورشدیلر بو مفرح داغله‌ر کمین‌در و قویونلر که اوتلارلر کمین مالی‌در؟ چوبانلار دیدیلر بو داغله‌ر عمانوئیلن یری‌در. بو داغله‌ردن ممکن‌در که اونن شهری گورینه و قویونلر اونن مالی‌در که او اوز جاننی اولرن یولینه قوییدی (یوحنا باب ۱۰ آیه ۱۱ - ۱۵)

مسیحی دیدی آیا سماوی شهرینن یولی بودر؟

چوبانلار دیدیلر ایندی همان یولده وارسز.

مسیحی دیدی اورایه کمین نه قدر یول وار؟

چوبانلر دیدیلر دوغری آدم‌لردن سوای که او یره یتشه‌جاقلر یول چوخ وار.

مسیحی دیدی آیا یول سلامت‌در یا قورخولی‌در؟

چوبانلر دیدیلر بعض آدم‌لردن اوتری که گرک اولردن اوتری سلامت اولار سلامت‌در. اما کناهاکارلر او یرده سورشه‌جاقلر (هوشع باب ۱۴ آیه ۹)

مسیحی دیدی آیا بو یرده حاجیلردن اوتری که یولده ضعیف و خسته  
اولوبدرلر راحتلق اسبابی واقع اولماق ایچون بر شی وار یا خیر؟

چوبانلر دیدیلر بو داغلرن صاحبی بزه بیوروبدر که مهمان پرورلقی یاددن  
چیخارتمیاق. لهذا بو مکانن یخشی شیرلی سزدن اوتری در (عبرانیلره باب ۱۳  
آیه ۲)

و گنه یوخوده گوردم چونکه چوبانلر آنادیلر که اولر سفرچی ایدیلر اولردن گنه  
سؤال ایلدیلر. حاجیلر جواب ویردیلر ایله که اوزگه یرده ویروبدیلر مثلا  
هارادن گلورسز و یوله نجه داخل اولمشسز و نه توسط اینن ایندیبه کمین اوز  
یولیزی گوزله مشسز. زیراکه آدملر که بو یره گلماق خیالین ایلرلر اولردن چوخ  
آز اشخاص واردر که بو داغلرده گورسنمش اولالر. چوبانلر اولرن جوابلرینی  
اشدوب شاد اولدیلر و اولره محبتلو نظر ایلیوب دیدیلر مفرح داغله خوش  
گلدوز کتابی جمع ایلیان دیر چوبانلر که اولرن آدلری عرفان و تجربه کارلق و  
پاسبان و صمیم ایدی اولرن الن توتوب اوز چادرلرینه آپاردیلر. او شی که او  
ساعتده حاضر ایدی اولرن یانته گتوردیلر و چوبانلر دیدیلر بز استروق که بر  
مدت بو یرده قالاسز و بزم اینن آشنالق ایلیهسز و بو داغلرن یخشی لقندن قلبز  
خوش اولسون. اولر دیدیلو راضی واروق که بو یرده اولاق. پس او گیجه  
راحت ایلماقه گتدیلر. زیراکه چوخ وقت گچمشدی.

پس یوخوده گوردم که صبح وقتی چوبانلر مسیحی و امیدواری چاقوردیلر که  
داغله اوستنه اولر اینن گدهلر. لهذا اولر اینن اشیکه گدوب بر مدت گزردیلر و  
هر طرفده که بر خوش تماشا یری وارایدی نظر ایلر ایدیلر. پس چوبانلر  
بریرینه دیدیلر آیا بو حاجیلره بعض غریبهلردن نشان ویراق؟ چونکه مصلحت  
بیله گوردیلر اولر بر تپه اوستنه که آدی غلط ایدی آپاردیلر که اونن بر  
طرفی چوخ باش اشاقه ایدی و اولره امر ایلدیلر که اشاقه باخالر. پس مسیحی  
و امیدوار اشاقه باخوب اوراده نجه نفر آدملری که او تپه دن دوشماقندن پاره

پاره اولمش دیلر گوردیلر. پس مسیحی دیدی بوندن مقصود نه در؟ چوبانلر جواب ویردیلر و دیدیلر بعض آدملر باره سنده که قیامته اعتقاد یعنی بدنن قالخماقی باره سندن هیمنایوسن و فلتیسن سوزلرینی قبول ایلماق توسطی اینن کج دوشدیلر آیا اشمدوز (ایکنجی تیموتیوس باب ۲ آیه ۱۷ و ۱۸) اولر دیدیلر بلی. پس چوبانلر دیدیلر او پارچه پارچه اولان آدملر که بو داغن آیاقنده گوررسز اولردرلر و بو گونه کمین دفن اولمیوب قالبدیلر. ایلکه گوررسز اوزگه لردن اوتری نمونه درلر که هوشیار اولالر مبادا اوجایا چیقالر. مبادا بو داغن کنارینه یاخین گله لر.

پس گوردم اولری آیری داغن اوستنه که آدی احتیاط ایدی آپاردیلر و اولره امر ایلدیلر که باخون. اولر نظر ایلیوب بیله آنادیلر که نچه نفر آدملر گوردیلر که مقبره لرن آراسنده گردش ایلرلر و آنادیلر که او آدملر کور ایدیلر. زیرا که مقبره لرن آراسنده گاه گاه سوریشیر ایدیلر و گنه اولرن آراسندن اشیکه گده بیلمز ایدیلر. پس مسیحی دیدی بوندن مراد نه در؟

پس چوبانلر دیدیلر آیا بر قدر بوندن اشاقه داغلا و پهلر که بو یولون سل طرفنده بر چمنه یتشور گورمدوز؟ اولر دیدیلر بلی. پس چوبانلر دیدیلر او پلله لردن بر یول وار که دوز قصر تشکیک طرفنه یتشر و او قصر یأس بلند قامت النده در. او آدملر (او ساعت مقبره آراسنده اولان آدملری بارماق اینن نشان ویردیلر) بر وقت حجه گدن ایدیلر بر طور که ایندی سز گذرسز. چونکه او پلله لره یتشدیلر بسکه او مکانده دوز یول برک ایدی بیله اختیار ایلدیلر که اوندن اشیکه گدوب او چمنه داخل اولالر و او یرده یأس بلند قامت اولری توتوب قصر تشکیکه سالدی و بر مدت اولری زندانده ساخلادی. آخرده اولرن گوزلرینی کور ایلیوب او مقبره لرن آراسنده آپاروب قویوب تا بو گونه کمین آواره درلر تا حکیمن سوزی یرینه گله. یعنی بر آدم که عقلن یولندن آواره اولر اولولرن ایچنده قالاجاق (امثال سلیمان باب ۲۱ آیه ۱۶) پس مسیحی و

امیدوار بربرینه نظر ایلیوب گوزلرندن یاشلر آخدی. اما چوبانلره بر شی  
دیمدیلر.

پس یوخوده گوردم که چوبانلر اولری بر آیری یره درهنن آخینه آپاردیلر که او  
یرده داغن آراسنده بر قاپو وارایدی. چوبانلر او قاپونی آچوب اولره امر ایلدیلر  
که اونن آراسینه باخالر. پس باخدیلر و گوردیلر که اونن آراسی چوخ قرانلق و  
تسی لی در و گنه فکر ایلدیلر که بر مخصوص سس اوددن قالخار و عذابده  
اولان لرن فریادینی اشدر ایدیلر و گنه گوگرد ایی آلورایدیلر. پس مسیحی  
دیدى بوندن مقصود نه در؟ چوبانلر دیدیلر که بو یول جهنمن خاص یولی در  
که ریا کارلر اونه داخل اولورلر. یعنی اولر که اوز اول دوغلماق حقنی ساتدیلر  
عیسو کمین و اولر که اوز آقارلینی ساتدیلر یهودا کمین و اولر که نسبت انجیله  
کفر دیردیلر اسکندر کمین و اولر که حنانیاس و اونن عورتی صفیره کمین  
یالان دیردیلر و ریا کارلق ایلر ایدیلر (رسوللرن عمللری باب ۵ آیه ۱ - ۱۰)

پس امیدوار چوبانلره دیدی آثارم بولردن هر بری نن حجه گتماق صورتی وار  
ایدی ایله که ایندی بزم وارمزدر بیله دکل؟

چوبانلر دیدیلر بلی وارلری ایدی و بر چوخ مدت گنه اونن صورتنی ساخالر  
ایدیلر.

امیدوار دیدی نه قدر یول حج یولندن اوز ایاملرنده ممکن در طی ایلیه لر و که  
بونن بیله پیسلقدن هلاک اولالر؟

چوبانلر دیدیلر بعض بو داغلردن اوجایه گتدیلر و بعض بو یره یتشمدیلر.

پس حاجیلر بربرینه دیدیلر که نه قدر احتیاجمز وار که قوتدن اوتری فریاد  
ایلیاق اونه که قادردر.

چوبانلر دیدیلر بلی وقتی که او قوتی اله گتوردز گنه محتاج سز اوئی ایشه آپاراسز.

بو وقتده حاجیلرن قباقه گتماق آرزوسی وارایدی و چوبانلرن گنه میلی وار ایدی که بیله ایله لر. پس بربری اینن داغلارن آخرینه گتدیله ر. پس چوبانلر بربرینه دیدیلر که هرگاه حاجیلرن هنری اولا بزم دورینمزن آراسندن باخالر بو یردن سماوی شهرن دروازه سنی اولره نشان ویراق. حاجیلر او سوزی محبت اینن قبول ایلدیلر. پس چوبانلر اولری بر اوجا تلنن اوستته که اونن آدی صاف ایدی آپاردیلر و دوربینی اولره ویردیله ر که باخالر.

پس اولر باخماقه مشغول اولدیلر. اما آخرکه تماشانی که چوبانلر اولره نشان ویرمشدیلر یاده گتوماقدن اولرن اللری تیتیر ایدی او قورخودن که اولره مستولی اولمشدی ایلیه بیلر ایدیلر تیتیره ممش دوربین آراسندن باخالر. اما فکر ایلدیلر که بر شی دروازه کمین گوردیلر و گنه بعض او یرن جلالندن گورلر. پس اولر اوز یولنه گدوب بو سرودی اوخودیلر:

غیری آدملره مخفی اولان اسرار روحانی

ایدر کشف گورماق استرسن حقیقت داغی چوبانی

گل ایندی بو چوبانلره قویوب خودبینلقن تا که

درین شیلر سنه کشف ایلیه لر راز پنهانی

بر وقت که گتماقه حاضر اولدیلر بریسی چوبانلردن یولون اخبار کاغذیی اولره ویردی. اوبری اولره امر ایلدی که چاپلوسدن قاچون. اوچنجی اولره امر ایلدی که احتیاط ایلیون که مسحور یرده یاتمیاسز. دوردنجی اولره دیدی که الله سزه رفیق اولسون. پس یوخودن او یاندم.



## IGNORANCE

گنه یاتدم و همان ایکی حاجی نی یوخوده گوردم که یولده داغلرن اوستندن شهرن طرفنه گذرایدیلر و بر قدر اشاقه بو داغلردن سل طرفده بر یر واریدی که اونن آدی خودبین ایدی. او یردن تا یولا کمین که حاجیلر اوندن گذرایدیلر بر دار و کج یول واریدی. او وقت اوراده بر چابک جوان که مملکتدن اشیکه گلورایدی و اونن آدی جهالت ایدی ملاقات ایلدیلر. پس مسیحی اوندن سورشدی که هانسی طرفدن گلوب و هارایه گذرسز؟

جهالت دیدی ای اغا بر وطنده که بر قدر سل طرفده دوشوبدر دوغلمشم و سماوی شهرن طرفنه گذرم.

مسیحی دیدی اوز خیالز اینن نجه دروازهیه داخل اولورسز. اوزاق اولماز که او یرده بر قدر اشکاله دوچار اولاسز.

او دیدی بر طور اینن که آیری آدملر داخل اولدیلر منده اولورم.

مسیحی دیدی اونن اوتری که دروازه نی سزدن اوتری آچالر نه شی وارزدر که اوننی او یرده نشان ویرهسز؟

جهالت دیدی اوز اللهم اراده سنی بیلرم. خوش طور اینن گذران ایلمشم. هر کسن حقیقی ادا ایلرم. اوروچ توتارم. خمس و صدقه ویررم و اوز وطنمی او شهردن اوتری که اونه گذرم ترک ایله مشم.

مسیحی دیدی اما سز دار قاپودن که بو یولون اولنده در داخل اولمادوز. او دار کج یولدن گچدز. لهذا هر نه که اوز باره نده فکر ایلیه سز قورخارم بر وقت که حساب گونی یتشور اونن عوضنده که اذن ویره لر شهره داخل اولاسز سزن شکایتی ایلیه جاقلر که سز اوغری و یول اوران سز.

جهالت دیدی ای نجیب آقالر سز هامز منم یانمده یاد آدملرسز. من سزی  
تانمرم سز اوز وطنزن دینی دالسونجه گدون من گنه اوز وطنمن دینی  
دالسونجه گیده جاقام. امیدوارم که هامی سی یخشی اولا. هامی دنیا بیلر که او  
قاپو که اوندن اوتری دانشرسز بزم وطنمزدن چوخ اوزاق در. گمان ایلمرم که  
بر آدم بزم هامی اطرافمزده اونی بیله و تفاوت یوخدر که بیله لر یا بیلمیه لر.  
زیرا که بزم بر دار و خوش یولمز وارد. ایله که گوررسز که بزم وطنمزدن تز بو  
جادیه یتشور.

چونکه مسیحی گوردی که بو آدم اوز نظرنده حکیمدر امیدواره یواش دیدی  
یخشی در سفیه دن خاطر جمع اولماق بیله آدمه امیدوار اولماق دن. علاوه بونه  
دیدی بر وقت که احمق یولا گدر بسکه عقلی آذر هر کسه بیلدر که اوزی  
احمق در (امثال سلیمان باب ۲۹ آیه ۱۲ گنه واعظ سلیمان باب ۱۰ آیه ۳)  
نیجه گمان ایلرسن آیا اونن اینن چوخ دانشاق یا اینکه اونی ترک ایلیاق تا او  
که ایندی اشدوبدر فکر ایلیه و اوندن صوره گنه اوندن اوتری دوراق و گوراق  
که آیا ممکن در یواش یواش یخشی نی اونه گوسترماق ممکن در یا خیر پس  
امیدوار دیدی:

قوی جهالت ایندیلق صرف ایلسون افکارینی

تا که بیلسون اول کلامن قدر و اعتبارینی

چونکه بیوک نفع حسن تدبیردر اونی رد قیلماسون

آنامازسه گورمز هیچ وقت ناجیلر دیدارینی

حق بیوردی کیم که آناماز اگرچه یراتدم من اونی

ایلمم اونی خلاص چکسون جهنم نارینی

و علاوه بونه دیدی فکر و خیال ایلم که یخشی دگلهامی سی نی بر دفعه ده اونه دیاق. اوندن قباقه گداق اگر استرسز گنه بر قدر که اونن طاقتی اولا صحبت ایلیاق.

پس هر ایکسی قباقه گتدیلر و جهالت دالودن گلور ایدی. چونکه بر قدر اوندن اوزاق اولدیلر بر قرانلق داریره داخل اولدیلر. او یرده بر آدمه ملاقات ایلدیلر که یدی دیو اونی یدی طناب اینن محکم باغلیوب او قاپونن طرفنه که داغن آراسنده ایدی دالویه چکر ایدیلر. بو وقتده مسیحی تیتراقه باشلادی و اونن رفیقی امیدوارده تیترایدی. چونکه دیولر او آدمی آپارر ایدیلر مسیحی نظر ایلیوب تا گوره که آیا اونی تانور یا خیر و فکر ایلدی که بلکه روگردان آدلو که ارتداد شهرنده ساکن در اولا. اما اونن یوزینی آشکار گورمدی. زیرا که اوز باشینی اله دوشن اوغری کمین اشاقه سالمشدی. چونکه اولردن گچدی امیدوار اونن دالسونه نظر ایلیوب گوردی که اونن دالسونده بر کاغذ وار که اونده یازلوبدر ملعون مرتد و بیحیا عالم آدم.

پس مسیحی رفیقنه دیدی ایندی یاده گتوررم او شیئی که اشدتم بر یخشی آدمدن اوتری بو طرفده اتفاق دوشدی. بو آدمن آدی کم ایمان ایدی. اما بر یخشی آدم ایدی بر شهرده که آدی صمیمدر مکانی وار ایدی. اونن واقعه سی بو ایدی که بو یولون باشنده گشاد دروازه سندن بر دار یول واردر که اونه دار یول مرده مرد دیرلر و او یول بو دره نن ترکونه یتشور و مرده مرد دیلماقینه سبب اودر که چوخ وقت او یرده قتلر واقع اولور و بو کم ایمان بر وقت که حجه گدر ایدی بر طور که ایندی بز گدروق اتفاقاً او یرده اوتوروب یاتدی. بیله واقع اولدی که او ساعت گشاد دروازه سندن بو دار یولا اوچ قوتلو حیله کارلر که اولرن آدلری ضعیف دل و باطل اعتماد و جرمدر گلدیلر. بو اوچی قرداش ایدیلر و اولر کم ایمانی او یرده گوروب چاپاری تزلق اینن اونن یاننه گلدیلر. او یخشی آدم او ساعت یوخودن او یاق اولدی گتماقدن اوتری اوز یولینه دوردی. پس اولر اونه یتشوب قورخولی سوزلر اینن اونه امر ایدیلر که دور بو

دیماقدن. کم ایمانن رنگی یوزندن اوچدی و اونن قوتی یوخ ایدی نه دعوا ایلماقه و نه قاچماقه.

پس ضعیف دل دیدی کیسهن ویر اّما او همیانی ویرماقده اهمال ایلیوب (زیراکه خوش توتمدی که اوز پولونی آز ایلیه) باطل اعتماد اونن طرفنه یکوردی. اونن جیبینه ال آپاروب بر کیسه که اونده گمش وار ایدی اونن جیبندن چکدی. پس کم ایمان فریاد ایلدی اوغری اوغری. او ساعت جرم بر کلفت چوب دست اینن یعنی دکنک اینن کم ایمانن باشینه اوروب او ضربت اینن اوننی یره سالدی و او یرده یاتوب قان اوندن گذر ایدی. بر آدم کمین که قان چوخ گتماقدن اوله بو هامی مدت اوغری لر کنارده دورمشدیلر. آخرده چونکه اشتدیلر بعض آدملر یولده درلر بو یره یتشورلر قورخدیلر که مبادا توفیق عظیم آدلو بر آدم که صحیح اعتماد شهرنده ساکن در اولسون قاچماقه آیاق قویدیلر. بو یخشی آدمی ترک ایلدیلر که بر چاره اوزینه ایلیه. بر مدت صوره بر آزهوشه گلوب دوردی و سعی ایلدی که دورد آیاق اینن اوز یولینه گده. حکایت بودر.

امیدوار دیدی آیا او زادن هامی سینی که تحصیل ایلمشدی اوندن آلدیلر؟

مسیحی دیدی خیر بر یرده که اونده قیمتلو جواهرات وارایدی اوننی اختارمادیلر. لهذا اولری ساخلادی. اّما ایلکه منه خبر ویردیلر او یخشی آدم ضررندن چوخ غصه لو اولمشدی. زیراکه اوغری لر یول خرچینن چوخونی آلمشدیلر. اّما او شبی که آلمامشدیلر ایلکه دیدیم جواهراتی ایدی. اوندن اوتری گنه بر آز پول قالمشدی. اّما چتین ایدی تا سفری نن آخرینه اوننی یتوره بلی (اگر او خبر که منه ویردیلر غلط اولمیا) مجبور ایدی که سفرده سؤال و گدالاق ایلیه که اوزینی دیری ساخلیه. زیراکه مأذون دکل ایدی اوز جواهراتی ساتا. بو جهته سؤال ایلماق اینن دیریلق ایلر ایدی. بوننن بیله یولون چوخونده و چوخ وقت لرده آچ قارن اینن گذر ایدی (اول پطرس باب ۴ آیه ۱۸)

امیدوار دیدی آیا تعجب دگلکه اونن تذکره سنی که گرک اونن توسطی اینن دروازه دن داخل اولا المایوبلر؟

مسیحی دیدی تعجب در که اونن المایوبلر. اما المامق اونن زیرک لقندن دکل ایدی. اوندن اوتری که اولرن حمله سندن که اونن ایلدیلر مضطرب اولوب نه قوتی و نه هنری وارایدی که بر شیئی گزلیه. لهذا یخشی شیئی تاپمامق سببی اللهن استماقی ایدی نه اوز سعیی (اول بطرس باب ۱ آیه ۵ - ۹)

امیدوار دیدی بو جواهرن قالماقی اونن قلبنه گرک تسلی اولا.

مسیحی دیدی هرگاه اونن ایشه آپارا ایدی بر طوری که آپارماق ممکن ایدی که هامی قلبنه تسلی اولورایدی. اما اولر که بو حکایتدن خبر ویردیلر دیدیلر بر اضطراب سببندن که یولن آز اولماقندن اونن یتشمشدی اولری قالان یولده آز ایشه آپارایدی. حقیقتاً اوز قالان سفرنده چوخ وقت اونن یاددن چیخاردوب و علاوه بونه بر وقت که خاطرینه گلوب اونن اینن تسلی تاپار ایدی. گنه او وقتده ضررن باره سنده که اونن عارض اولوب ایدی فکر ایلر ایدی. بو فکرلر هامی شیلری اودار ایدی.

امیدوار دیدی حیف فقیر آدم بو بیوک درد اولوب اونن ایچون.

مسیحی دیدی درد بلی حقیقتاً درد. هرگاه او شیئی که او گوردی بز گوراق و بزدن بر شیئی اوغرو آپارا و یاره لی اولاق و یا گنه غربتده ایلکه اونن واقع اولدی آیا درد و غمه باعث اولماز؟ تعجب در که او فقیرن قلبی غمدن هلاک اولمادی. منه خبر ویردیلر که یولن هامی قالاننده غصه گتورن فکرلردن آه چکماقندن و آجلق دن سوای بر شیئی یوخ ایدی و هامی آدملره که یولده اونن یتیشیردیلر و یا او اولره یتشور ایدی خبر ویرایدی که هاراده و نیجه اوغری اونن یتشوب و نه آپاروبلر و کیملر ایدی و نیجه یارالی اولوب ایدی و نیجه مشکل ایدی که اولردن دیری خلاص اولا.

امیدوار دیدی تعجب در که بعضی جواهراتدن ساتماقه و یا گرو قویماقه  
مجبور اولمادی تا اوز سفرنن احتیاجی رفع اولا.

مسیحی دیدی سز دانشرسز بر جوجه کمین که یومورتا قابوقی اونن باشندن  
دوشمشش اولا. آیا نه زadden اوتری اوز جواهرینی گرو قویا و یا هانسی آدمه  
ساتا ایدی. او یرده که اونن گمشونی اوغرلادیلر جواهرینی هیچ حسابه  
گتورمزله و او گنه او طور یاردم که او یرده اونن ایلیهلر محتاج دگلو علاوه بونه  
هرگاه جواهر سماوی شهرنن دروازه سنده حاضر اولمیه اونن او یرده ارشدن  
کنار ایلیه جاق ایدیلر (اونن او یخشی بیلیری) و اونن منع و کنار ایلماق اونن  
اوتری اونن مین اوغری نن شرارت ایلماقندن پیس راق ایدی.

امیدوار دیدی ای قرداش نیه او قدر تندسز. عیسو بر خوراکدن اوتری اوز اوّل  
دوغلماق حقنی که اونن بیوک جواهری ایدی ساتدی (عبرانیلره باب ۱۲ آیه  
۱۶) او اگر بو عملی یرینه گتوره پس نیه ممکن دگلایدی که کم ایمان گنه  
بیله ایلمیه؟

مسیحی دیدی عیسو حقیقتاً اوّل زاده لوق حقنی ساتدی و چوخ آدملر بیله ایلرلر  
و بو عمله نسبت اوزلرنی بیوک برکتدن کنار ایلرلر. بر طوری که او آلچاق آدم  
اوزونی کنار ایلدی. اما گرک سز عیسو و کم ایمان آراسنده و اولرن ارثلرین  
آراسنده تفاوت قویاسز. عیسون اوّل دوغلماق حقنی بر مثل ایدی اما جواهر  
کم ایمان بیله دگلایدی. عیسون قارنی اونن اللهی ایدی. اما کم ایمانن قارنی  
بیله دگلایدی. عیسون احتیاجی اونن جسمانی میلندن ایدی اما کم ایمانن  
احتیاجی بیله دگلایدی. علاوه بونه عیسون فطری بر زاده که هوسدن غیری  
اولا یوخ ایدی (او دیدی) بودر من گده اولرم پس منه بو اوّل دوغلماق  
حقنی نن نه فایده سی وار (تکوین باب ۲۵ آیه ۳۲) اما کم ایمان بونن بیله که  
اونن قسمتی او ابدی که ایمانی آز اولا او آز ایمانن جهته بیله یالانلردن  
محفوظ ایدی. ایمانی اونن باعث اولدی که اوز جواهرینی حسابه گتوره و او

قدر عزیز سایا که اولری ساتمیا. بر طوری که عیسو اوز حقنی ساتدی هیچ  
یرده سز اوخومادوز که عیسون ایمانی وارایدی. بر آز گنه یوخ ایدی. بنا بونه  
هرگاه آدمه جسم سلطنت ایلیه (ایله که او آدمه که ایمانی و بدنه قارشی  
قویماقه قوتی یوخدر ایلیر) اگر او اول دوغلماق حقنی و جاننی و هر نه که  
واریدر جهنم دیولرینه ساتا تعجب دکل در. زیرا بونلرن حال خر وحشی  
کمین در که هیچ کس اونی شهوتندن قایتاراماز (یرمیه باب ۲ آیه ۲۴) بر  
وقت که اولرن خیاللری نفسانی شهوتلره باغلو اولور اولر هر نه قیمته اولسه  
آلاجاقلر. اما کم ایمان اوزگه زadden ایدی. اللهن شیرلی اونن قلبنده وار ایدی  
اونن گذرانی روحانی زادلردن ایدی. لهذا بر آدم که بیله فطرتدندر نیه اوز  
جواهرینی ساتا (اگر که مشتری هم تاپولا) تا او که اوز قلبنی باطل شیرلر اینن  
دولو ایلیه. آیا بر آدم بر شاهلی ویرر که قوری علفدن اوز قارننی دولو ایلیه و آیا  
ممکن در قمرینی مایل ایلیه سن که قارقا کمین مردار اینن دریلیق ایلیه. بونن  
بیله بعض ایمانسز آدم لر جسمانی هوسلرندن اوتری او که وارلریدر ساتارلر و  
علاوه اونن اوزلرینی تماماً گرو قویارلر. ولی او آدملر که ایمان وارلری در یعنی  
بر ایمان که نجات گتورندر اگرچه او ایمان گنه آز اولمش اولو بیله اولو  
بیلمز لر. پس ای منم قرداشم سزن اشتباهز بو یرده در.

امیدوار دیدی اونن اقرار وارمدر. اما سزن برک جوابز اونن یاخین ایدی که منی  
غضبلی ایلیه ایدی.

مسیحی دیدی سزی بعض چابک قوشلره تشبیه ایلدم و بس که بو یومورتا  
قابوقی اولرن باشنده قالب تازه بوللرده بو طرفه او طرفه گذرلر. اما اوندن گنج  
و گفتگو یرینی فکر ایله منم و سزن آرامزده هامی شیرلر یخشی اولاجا قدر.

امیدوار دیدی ای مسیحی یقین وارمدر که بو اوچ نفر یورک سز طایفدن درلر و  
بس. اکر یورک سز اولمیه ایدیلر آیا سزن خیالزه بر نفرن سسندن که یولدن گله

قاچر ایدیلر نیه کم ایمان چوخ جرئت ایشه آپارمادی و منم گمانمه ممکن ایدی بر آز دعوا اولر اینن ایلیه ایدی و چونکه چاره تاپمادی مغلوب اولا ایدی.

مسیحی دیدی چوخ آدملر دیوبدیلر که اولر یورک سز دلر. اما آیری آز آدملر واردلر که امتحاندن صوره اولره بیله دیه لر. اما غالب اولماق خصوصنده دیروق که کم ایمان هیچ غالب دگلایدی و سز ای قرداشم بیله آثارم که او آدمن یرنده اولا ایدوز سزن خیالز بیله در که دعوا ایلوب باسولوردوز. ایندی که او آدم بزدن اوزاق در بو شجاعت درجه سی در. اولر هرگاه سزه آشکار اولالر بر طور اینن که او آدمه ظاهر اولدیلر اولور که سزی یقیناً بولردن غیری خیاللره سالالر و گنه فکر ایله که اولر یول اوغریلری دلر و جهنمن پادشاهنه برک قوللق ایلرلر که او اوزی احتیاج وقتنده اولرن کمکینه یتشه جاقدر و اونن سسی شیر سسی کمین در (اؤل پطرس باب ۵ آیه ۸) من اوزم کم ایمان کمین دعواده ایدم و اونی بر هیبتلو شی بیلدم. بو اوچ شریر آدم منه حمله ایلدیلر. بر مسیحی کمین اولره ضد دوردم. اولر بر سس ایلدیلر و بس که اولرن بیوکی گلدی و ایلکه مثل در راضی اولدم که اوز حیاتی بر شاهی یه ساتام. اما اللهم استدوقی بیله ایدی که امتحان اولمش سلاح اینن گینمش ایدم. بلی بونن بیله که سلاحلنمش ایدم مردانه لق اینن رفتار ایلماقی برک ایش تاپدم. اوندن سوای بر آدم که دعواده اولمایوبدر دیه بیلمز که دعواده نه شی بزه یتشور.

امیدوار دیدی یخشی گوردوز بر وقت که گمان ایلدیلر که بر نفر آدم بیوک توفیق یولده در قاچدیلر.

مسیحی دیدی دوزدر اولر و اولرن بیوکی بر وقت که بیوک توفیق آشکار اولا قاجوبدرلر. بو تعجب دگلزیراکه او پادشاهن پهلوانی در قبول ایلرم که سز کم ایمان و پادشاه پهلوانی آراسنده تفاوت قویاجاق سز. هامی پادشاهن رعیتلری پهلوان دکل لر و ایلیه بیلمز لر امتحان وقتنده عمده عمل لرینی آشکار ایللر. آیا مناسب در خیال ایلماق که کوچک اوشاق گلیات اینن داود کمین ال اوره

(اؤل شمویل باب ۱۷) و یا او که اوگوز قوتی سرچده اولا. بعضی قوتلی درلر  
, بعضی ضعیف, بعضی چوخ ایمان وار بعضی آز. بو آدم ضعیفلردن بریسی  
ایدی. لهذا شکست اولدی.

امیدوار دیدی اوغریلر باره سنده استدم که بیوک توفیق کم ایمان یرنده اولا  
ایدی.

مسیحی دیدی هرگاه او کم ایمان یرینه اولسه ایدی ممکن ایدی که اللری  
چوخ ایشلر ایلیه. گرک سزه خبر ویرم که بیوک توفیق اوز دعوا اسبابنی  
یخشی طور این ایشلدر ایدی. نه قدر که اولری قلجن توسطی این اوزاق  
توتوب اولره غالب اولماقده بر یخشی ایش ایلوبدر اما اگر اولر یعنی ضعیف  
دل و باطل اعتماد و او بریسی اونن قلبه داخل اولالر مشکل در که اونن یره  
اورمیله و سز بیلرسز بر صورتده که شخص یره دکدی نه ایلیه بیلر.

هر کس بیوک توفیقن یوزینه دقت این باخا اونده گوره جاقدر یاره لر  
نشاندیرنی اونده که دیدیم بر آسان دلیل در و اونن ثابت ایلر. بلی بر دفعه استدم  
که او دیر ایدی (او گنه دعوا وقتنده ایدی) که دیریلقدن قطع امید ایلدوق. بو  
قوتلو حیله ایلینلر و اولرن رفیقلمی نیجه داودی آه چکماقه و ناله یه سالدی.  
بلی هیمن و حزقیال بونن بیله که اوز ایام لرنده پهلوان ایدیلر بر وقت که بو  
اوغریلر اولره حمله ایلدیلر لابد ایدیلر که سعی ایلیه لر و اولرن سعی این بیله  
اوغریلر اولرن لباس لرینی برکلتی اینن چکر ایدیلر. بر وقت پطرس استدی  
امتحان ایلیه که اولره نه گرک ایلماق. بلی بونن بیله اونن باره سنده دیرلر که  
او حواریلرن رئیسدر. وقتی که اولر اونن ال قویوبدیلر او بر کوچک قزدن  
قورخدی.

علاوه بونه اولرن پادشاهی اولرن سسینه اطاعت ایلر. هرگز اولرن سسنی  
اشتماق یرندن اوزاق دکل. اگر بر وقت اولر شکست اولماقه یاخین اولالر اگر

ممکن اولسه اولرن کمکینه گلور و اونن باره‌سنده دیلوبدر که قلعج و نیزه و مزارق و بر آدمن اوخی که اونه یاخین اولا ایش گورمیه‌جاقدرد. دمیری سامان یرینه و برنجی چورمش آقاج حساب ایلر. او تیر و کماندن قاچماز و سوپک داشلری اوندن اوتری سامانه عوض اولور و عمود سامان یرینه حساب اولور و دعواده مزارقه گولر. بو حالت اینن شخص نه ایلسون بر صورتده که اگر بر آدم همیشه اوقات ایوبن آتینه سوار اولماقه جرئی اولا ممکن در که او ذکر اولان لایق شیلری عمله گتوره. زیراکه او آتون بوینی ایلدرمه اوخشار. چکورکه کمین قورخمیان در. اونن مهیلنون شوکتی هیبتلی در. دره‌نی قازار قوتینه شاددر. سلاحلی آدملری توتماقه قباقه یوکورر و قورخویه گولر و هیچ زاددن قورخماز. قلعجن قباقدن قایتماز و اونن اوستنده ترکش خش خش ایلر. نیزه و مزارق اونن برابرنده در. غیظ غضب اینن یری یودار و باور ایلمز که کرنا‌ی سسی در. کرنا‌ی چکولن وقتده گولر. جنگی سردارلرن خروشی‌نن سسنی اوزاقدن آلور (ایوب باب ۴۱ آیه ۲۶ - ۲۹) اما سزن و منم کمین پیاده آدملر لازم دگلدشمه ملاقات ایلماقه راضی اولاق وقتی که اوزگه‌لرن باره‌سنده اشدروق که باسولوب‌لر.

ادعا ایلمیاق که گویا یخشی ایلیه بیلردوق اوز مردانه‌لق فکرلمزدن شاد اولمیاق. زیراکه بیله آدملر امتحان وقتنده چوخ وقتلر پیسلوقه گرفتار اولورلر. پطرس که اونن ایره‌لوجه ذکر ایلدم بو شهادتی ویرر. او ادعا اینان دولانور ایدی. اونن باطل خیالی بونه قالخوزدی که آقاسینه ادعا ایلیه که هامی آدملردن یخشی عمل ایلیه جاقدرد و محکم دوراجاقدرد. اما او آلچاق آدملردن هانسی اونن کمین باسولمش و پایمال اولوبدر؟

پس بر وقت که اشدروق یولده بیله اوغری اولور بزه مناسبدر ایکی شی عمله گتوراق.

اول او که سلاح گیوب اشیکه گلاخ و هوشیار اولاخ که قالخان یانمزجه گتوراخ. زیراکه قالخان اولماقادن او شخص که قوت اینن لویاتانه حمله ایلدی ایلیه بیلمدی اونی باسه. زیرا که حقیقتاً اگر او اولمیه بزدن هیچ قورخماز. لهذا او آدم که هنری واردیر که هامی نن اوستنه قالخان ایمان قالخانی که اونن وساطتی اینن قدرتلو اولاجاقسز که هامی او شیرلرن اودلو نیزه لیرینی خاموش ایلیه سز گیون (افسس لولره باب ۶ آیه ۱۹) ایکنجی یخشی در پادشاهدن یول گوسترنی استیاق که او بزم یانمزجه گله. بودر که داودی بر وقت که او سایه مرگ دره سنده ایدی شاد ایلدی. موسی اولماقی بر یرده که دورمش ایدی آرتق سایار ایدی بوندن که اوز خداوندی اونن بیله سنجه اولمامش بر قدم اوره (خروج باب ۳۳ آیه ۱۵) اگر او بزم یانمزجه گله ای قرداش نه احتیاجمز وار که اون مین آدمدن که بزم دشمن چیلقومزه صف باغلیالر قورخاق. اما اونسز ادعالو یاردم ویرنلر اولولرن آلتنده دوشرلر (اشعیا باب ۱۰ آیه ۴) اوزم ایره لوجه بو دعواده ایدم. بونن بیله آدملرن یخشی سینن احسانی توسطی اینن دیری قالدیم. ایلکه گوررسز اما اوز باره مده فخر ایلیه بیلیم. اگر اوزگه لرن دعوالرینی گورمیم شاد اولاجاقم اما قورخورم که ایندی بو ساعتده هامی خطرلردن گچمیام. شیر و آیی ایندیه کمین یتمیوب. امیدوارم که الله بزی ختنه سز فلسطیندن که گلور خلاص ایلیه. پس مسیحی اوخودی:

کم ایمان که حرامیلر اونی قیلدی گرفتار

سو یولدی او بیچاره ایندی اولسون پس خبردار

که هر کیم چوخ ایمانه نائل اولسه اون مینه هم

اولور غالب او اولدی اوچی نن مغلوبی ناچار

## THE FLATTERER

پس یوله روان اولدیلر و جهالت اولرن دالنجه گلورایدی و بیله گدر ایدیلر تا بریره یتشدیلر که او یرده یول ایکی اولدی و هر ایکیسی او قدر دوز نظره گلوردی که دیه سن بر یول در. ایندی اولر بیلمدیلر که هانسنی قبول ایله لر. زیرا که بیله نظره یتشوردی که ایکی سی اولرن قباقدنه دوزدر. لهذا بو یرده دوردیلر تا فکر ایله لر. چونکه یول باره سنده فکر ایلدیلر بر قره آدم اما آق لباسی وارایدی اولرن طرفنه گلوب سورشدی بو یرده نیه دوررسز؟ اولر جواب ویردیلر و دیدیلر سماوی شهرینه گدروق. اما بز بیلمروق بو یوللردن هانسنی نی قبول ایلایق. او آدم دیدی منم دالمجه گلون او یردر که من گدرم. پس اولر اونن دالسنجه گتدیلر و او یول اولری کج ایلوب او قدر اوزاق ایلدی که بر آز مدته اولرن یوزلری او یولدن کنار اولدی. گنه اوننه تابع اولوب ایدیلر. آخرده اونن قباق که اونن خبردار اولالر او آدم هر ایکی سنی تورا سالدی و اولر اونده بر قسم گرفتار ایدیلر که بیلمز ایدیلر نه ایله لر. او وقت آق لباس او قره آدمن دالسوندن دوشدی. پس گوردیلر که هاراده درلر. لهذا بر مدت فریاد ایلوب او یرده یاتدیلر زیرا که ممکن دگلایدی اشیکه گله لر.

او وقت مسیحی رفیقنه دیدی ایندی اوزمی غلطده گوریرم. آیا چوبانلر بزه بیورمادیلر که چاپلوسدن احتیاط ایلایق؟ ایلکه حکیم آدم دیوبدر گورمشق یعنی بر آدم که اوز همسایه سینه چاپلوس لق ایلر اونن آیاقلردن اوتری تور قورار (امثال سلیمان باب ۲۹ آیه ۵)

امیدوار دیدی گنه دستورالعمل یول باره سنده بزه ویردیلر تا خاطر جمع اونی تاپاق. اما فراموش ایلدوق که اونی اوخویاق و ظالم یوللردن احتیاط ایلمیوب اوزمی سلامت توتما دوق. بو یرده داود بزدن حکیم ایدی زیرا که او دیوبدر نسبت انسانن عمللرینه سنن دوداقلرن سوزلری اینن ظالم یوللردن احتیاط ایلوب اوزومی سلامت ساخلادم (مزمور باب ۱۷ آیه ۴) بو طور اینن ناله

ایلماق این توره یاتدیلر. آخرده بر نورانی آدمی گوردیلر که بر تازیانه که النده واریدی اولرن طرفنه گلورایدی. بر وقت که او اویره که اولر واریدیلر یتشدی اولره سورشدی که هانسی یردن گلورسز و بو یرده نه ایلسز؟ اونه خبر ویردیلر که بز فقیر حاجیلرایق صهیونه گدروق اما آق لباس قره آدم بز یولدن اشیکه گتوروب. چونکه او استدی که بز اونن دالسونجه گلاق که او گنه او یره گدرایدی. پس او که تازیانه النده واریدی دیدی او آق لباس آدم چاپلوس در. یالانچی پیغمبردر که اوزینی نورانی فرشتهیه تشبیه ایلیوبدر (ایکنجی قورنتس لولره باب ۱۱ آیه ۱۳ - ۱۵) پس او توری یرتوب و اولری قورتاروب او وقت اولره دیدی منم دالمجه گلون تا اینکه سزی گنه اوز یولینزه قویام. اوندن صوره اولری بر یولا که چاپلوسه تابع اولماقدن اوتری ترک ایلمشدیلر آپاروب سورشدی گچن گیجه هاراده یاتمشدوز؟ اولر دیدیلر چوبانلر اینن مفرح داغلارده و گنه سورشدی آیا چوبانلر یول باره سنده دستورالعمل سزه ویرمدیلر؟ اولر دیدیلر بلی ویردیلر. او دیدی آیا دوران وقتده اونه باخمادوز و اوخومادوز؟ اولر دیدیلر خیر. او اولردن سورشدی نیه اولر دیدیلر یاددن چیخارتدوق. علاوه بونه سورشدی که آیا چوبانلر سزه بیورمادیلر که چاپلوسدن احتیاط ایلیون؟ اولر دیدیلر بلی. گمان ایلمدوق که بو خوش دانشق آدم چاپلوس اولا (رومالولره باب ۱۶ آیه ۱۷ - ۱۹)

پس یوخوده گوردم که او اولره بیوردی که یاتون. چونکه یاتدیلر اولره برک تازیانه اوروب تا او که یخشی یولا که گرک گده لر نشان ویره. بو که اولری اورار ایدی دیر ایدی هر کسی که دوست توتارم اونه تنبیه ایلم. پس غیرتلو اول و توبه ایله (مکاشفات باب ۳ آیه ۱۹) بونی عمله گتوروب اولره بیوردی که اوز یولوزه گدون. چوبانلرن آیری بیوردقلرینه یخشی احتیاط یرینه گتورون. پس اولر اونه هامی احسانلر جهتته شکر ایلدیلر و دوز یولا گدن اولوب سرود اوخودیلر:

گل بورایه ای بو یولون حاجیسی ایله نظر

یولدن آزاد حاجیلرن حالی هر حالدن بتر  
اونده تورلر چوخ قویولمش دوتماقه هر حاجیی  
که اونودر درست پندی حق یولنی ترک ایدر  
گرچه قورتلدیلر بو حاجیلر اما نیجه  
قامچی یدیلر سنه اولسون نصیحت آل خبر

## ATHEIST

بر آز مدتدن صوره بر آدمی اوزاقدن گوردیلر که یولدن یواش اّما یالقوز اولرن یانینه گلور. پس مسیحی رفیقیه دیدی بو یرده بر آدم وار که صهیوندن یوز دولاندروب بزم یانمزه گلور.

امیدوار دیدی اونی گوریرم. ایندی احتیاط ایلایق مبادا او گنه چاپلوس اولا.

او یاخین گلوب اولره یتشدی و اونن آدی نامعتقد بخدا ایدی و او اولردن سورشدی که هارایه گذرسز؟

مسیحی دیدی صهیون داغینه گدروق.

پس نامعتقد بخدا چوخ بیوک گولماقه دوشدی.

مسیحی دیدی سزن گولماقیزدن مقصود نه در؟ نامعتقد بخدا دیدی بونی گورماقدن که سز نیجه آتاماز آدم سز که او قدر زحمتلو سفری اوزوزدن اوتری قبول ایلوب سز. اّما گمان گذر که زحمتدن غیر هیچ شی اوز سعیزدن اوتری ثمره تاپمیا سز.

مسیحی دیدی ای کشی آیا فکر ایلرسز که بزی او یرده قبول ایلیمه جاقلر؟

نامعتقد بخدا دیدی قبول ایلله لر! بیله یر که اوندن یوخو گوررسز بو هامی دنیا ده یوخدر.

مسیحی دیدی اّما گلن دنیا ده وار.

نامعتقد بخدا دیدی بر وقت که اوز وطنمده وار ایدم بر قسم که ایندی دیرسز  
اشتدم. لهذا حرکت ایلدم تا اونی گورم و ایگرمی ایل مدتی بو شهری آختارر  
ایدم. اما ایندی گنه اولکی گوندن آرتوق اثر تاپمارم (یرمیه باب ۲۲ آیه ۱۲)

مسیحی دیدی بز گنه اشتدوق و اعتقاد ایلروق که بیله یر تاپولر.

نامعتقد بخدا دیدی اگر اوز ایومده قبول ایلمزدم بو یره کمین اونی آختارماقه  
گلمزدم. اما چونکه هیچ تاپمارم (هرگاه بیله یر تاپولسه ایدی البته اونی  
تاپاردم زیراکه اونی آختارماقده سزدن اوزاق گتمشم) گنه قایدرم و گدرم او  
شیلرن طرفته که اوزمدن اوزاق ایلدم. او زادلردن اوتری که امید ایلر ایدم  
ایندی گوررم که حاضر دگلو سعی ایلرم که اوز قلبمی راحت ایلیم.

پس مسیحی امیدواره دیدی او که بو آدم دیوبدر آیا دوزدر؟

امیدوار دیدی احتیاط ایله او چاپلوس لردن در. بو قسم آدملره قولاق ویرماق  
بابتنده یاده گتور که نه زحمت ایندی به کمین بزه وارد اولوبدر نه آیا صهیون  
یوخدر؟ آیا مفرح داغندن شهرن دروازه سینی گورمدوق؟ و گنه ایندی لازم  
دگلایمان اینن رفتار ایلیاق؟ گداخ مبادا او کشی تازیانه اینن گنه بزه یشته و او  
شی که من سزن قولاق فوزه دیرم گرک سز منه تعلیم ویره ایدوز. یعنی بر تربیتی  
اشتماقدن که معرفت سوزلردن آوارهلق گتورن در. باحذر اول ای قرداش.  
دیرم بو سوزلره قولاق ویرماقدن الچک. بز گرک نجاتدن اوتری ایمان روحی  
اینن اولمش اولاق (ایکنجی قورنتس باب ۵ آیه ۷ گنه امثال سلیمان باب ۱۹  
آیه ۲۷ گنه عبرانیلره باب ۱۰ آیه ۳۹)

مسیحی دیدی ای قرداش بو سؤال حقیقتاً بزم اعتقادمز باره سنده شک  
ایلماقدن اوتری دگلبلکه سزن امتحانزدن اوتری در تا او که امین اولماق ثمرینی  
قلبه آشکار ایلیم. بو آدمن خصوصنده بیلرم که بو دنیانن الهی اونی کور

ایلیوب. سز و من گداخ و بیلاق که دوز اعتقاد واریمزد. هیچ یالان دوزلقدن  
یخشی دکل در (اول یوحنا باب ۲ آیه ۲۱)

امیدوار دیدی اللهم امیدنده و جلالنده شادام.

پس او آدمدن یوز دولاندردیلمر و او اولره گوله گوله اوز یولینه گتدی.

## THE ENCHANTED GROUND

پس یوخومده گوردم که گدوب بریره یتشدیلر که طبیعتاً هواسی بو ایدی که هرگاه بر غریب آدم اونه داخل اولا اونوی یوخویه مایل ایلر ایدی. بو یرده امیدوار یوخودن اوتری آغر اولدی. لهذا مسیحی یه دیدی ایندی ایله یوخویه مایل ام. بر حده که ممکن دگلاوز گوزلریمی آچوق ساخلیام. بو یرده اوزانوب بر آز یوخو ایلیم.

اوبری دیدی هیچ وجه اینن یاتمیاق مبادا یاتوب هرگز اویاق اولمیاق.

امیدوار دیدی ای قرداش نیه یوخو زحمت چکن آدمدن اوتری چوخ شیرین در. اگر بر آز یوخو ایلیم اولور که بزم یورلماقمز رفع اولا.

مسیحی دیدی یادیزده یوخدر که چوبانلردن بریسی بزه بیوردی که مسحور یردن احتیاط ایلون. اونن خیالی بو ایدی که یاتماقندن احتیاط ایلیم. پس گرک اوزگه لر کمین یوخویه گتمیاق بلکه اویاق و هوشیار اولاق (اول تسالونیکلیره باب ۵ آیه ۶)

امیدوار دیدی اوز اشتباهمه اقرار ایلرم. هرگاه یالقوز اولا ایدم یاتماقندن اوتری اولوم خطرینه دوشرایدم. گوررم او که عاقل آدم دیوبدر دوزدر که ایکی بردن یخشی در (واعظ سلیمان باب ۴ آیه ۹) ایندی یه کمین سزن رفاقتز منه مرحمت و اسباب رحمت اولوبدر و سزن زحمتزدن اوتری یخشی صاحب مزد اولاجاق سز.

مسیحی دیدی اونندن اوتری که بو یرده یوخونی اوزمزدن اوزاق ایلیم یخشی دانشماقه دوشاق.

اوبری ده دیدی جان و قلبم اینن راضی ام.

مسیحی دیدی هانسی یردن ابتدا ایلیاق؟

امیدوار دیدی بر یردن که الله بزم اینن ابتدا ایلدی. اما التفات بیوروب سز ابتدا ایلیون.

مسیحی دیدی اوّل سزدن اوتری بو سرودی اوخورم:

اگر میل ایلیه خوابه طریق حقه ذاهبلر

اشتسونلر نیجه دانشیورلر بر مصاحبلر

اویانیق دورماقدن تدبیرینی بو ایکی حاجیدن

قوی اورگنسون حقیقت راهنن سیرینه طالبلر

نه خوش صحبت اینن مسحور زمیندن گچدیلر بونلر

قاچیردی او یوخونی گوزدن معانی مناسبلر

جهنم دیولری گنه هجوم ایده نه قورخی وار

چو بیداردر بو سالکلر سماوی شهره راغبلر

پس مسیحی ابتدا ایلیوب دیدی سزدن سؤال ایلرم اوّله نه طور خیاله دوشدوز  
که بو شیلری که ایندی یرینه گتوررسز ایلیه سز؟

امیدوار دیدی آیا سزن مقصودز بودر که بیله سز که اوّله نیجه بو خیاله  
دوشدم که اوز روحمدن اوتری برکتلری استیم؟

مسیحی دیدی بلی منم خیالم اودر.

امیدوار دیدی چوخ مدت او شیلرن لذتنده که بزم بازارمزده گورونوب ساتولر ایدی قالدیم و ایندی قبول ایلرم که اگر ایندی یه کمین اونده قالسه ایدم منی هلاکتده و خرابلوقده غرق ایلر ایدی.

مسیحی دیدی او شیلر نه درلر؟

امیدوار دیدی هامی قیمتلو شیلر بو دنیانن مؤلفی و گنه بدمستلق و لوطیلق و شراب ایچماق و آند ایچماق و یالان و ناپاکلق و مقدس گونی ساخلامه ماق و غیره که روحن هلاک اولماقی اسبابیدر. چوخ لذت توتارایدیم اما آخرده فکر ایلماق و اشتماق واسطه سی اینن او اللهن شیلری باره سنده که حقیقتاً اولری سزدن و گنه وفادار محبوبدن که اونى باطلیت بازارنده ایمانندن و یخشی گذرانندن اوتری قتله یتوردیلر اشدیم و آنادم که بو شیلرن آخری اولومدر و بو ایشلردن اوتری اللهن غضبی گلور (رومالوره باب ۱ آیه ۲۱ - ۲۳ گنه افسس لولره باب ۵ آیه ۹)

مسیحی دیدی آیا او ساعتده اوزوی بو گناهن آغر یوکی نن آلتنده بیلدوز؟

امیدوار دیدی خیر. تز راضی اولمادم شریر عذابى که گناه ایلماقدن حاصل اولما بیلیم. اما بر وقت که خیالم اولده اللهن کلامندن قووزالیر ایدی سعی ایلر ایدم که اوز گوزلریمی اونن ایشلتماقونن عوضنده باغلیام.

مسیحی دیدی وقتی که اللهن مبارک روحى اول سزه تأثیر ایلدی سزن بو قسم رفتارینن سبی نه ایدی؟ امیدوار دیدی اونن سبیلری بودر اول او وقت جاهل ایدم که بو اللهن ایشی منه در. هرگز فکر ایلمدم که الله اولده آدمه اوز گناهیینه تنیه ایلیوب و اویاق ایلیوب اونى اوز گناهندن کج ایلر. ایکنجی اودر که گناه گنه او وقتده منم بدنیمه چوخ شیرین ایدی و میلسم ایدم که اونى ترک ایلیم. اوچنجی اودر که منم قدیم دوستلریمه و اولرن عمللرینه چوخ طالب ایدم و بیلیم ایدم نیجه اولردن ال چکم. دوردنجی اودر که وقتلر که گناه منه وارد

اولدی او قدر زحمتلو و قورخولی ایدی که اولرن یاده سالماقی منه مشکل اولور ایدی.

مسیحی دیدی بیله نظره یتشور که او احوالده بعض وقت اوز زحمتزدن خلاص اولدوز.

امیدوار دیدی بلی البته. اما گنه گناهلرن خیالی یادمه دوشردی و او وقتده منم حالم پیس بلکه پیس راق اولور ایدی.

مسیحی دیدی او که سزن گناه لرزی تازه خاطر یزه گتورر ایدی نه ایدی؟ امیدوار دیدی چوخ شیلر مثلاً:

(۱) یخشی آدمن ملاقاتی کوچهلرده و یا

(۲) تورات و انجیل کتابنی اشتماق بر آدمن که اوخور و یا

(۳) باش آغرسی و یا

(۴) خبردار اولماقدن که بعض همسایه لرمدن ناخوش درلر و یا

(۵) بر زنگ که کلیسالرده اولولردن اوتری وورالر و یا

(۶) اوز اولوممدن اوتری فکر ایلر ایدم و یا

(۷) سوز اشتماق اوزگهلرن غافل اولماق لرین باره سنده

(۸) مخصوصاً خیال ایلماق که گرک تز دیوانه یتشم

مسیحی دیدی بر وقت که بوزادلرن واسطه‌سی اینن گناهه باسولورایدوز آیا بعض وقت ممکن اولوردی که اوندن آسانلق اینن خلاص اولاسز؟

امیدوار دیدی خیر ایلیه بیلمز ایدم. گناه منم روحانی عقلمه چوخ تأثیرلو ایدی. اگر او وقتده گناهه قایتماقه فکر ایلر ایدم (باوجود که منم قلبم قایتماقه دشمن ایدی) منم عذابمی آرتوق ایلر ایدی.

مسیحی دیدی او وقتده نجه رفتار ایلرایدوز؟

امیدوار دیدی فکر ایلر ایدم که گرک اوز رفتارمن یخشی اولماقینه سعی ایلیم و آلا بیوک عذابه حکملنمش اولاجاقام.

مسیحی دیدی آیا اوز رفتارز اصلاحنده سعی ایله‌دوز؟

امیدوار دیدی بلی نه گناه‌لردن و بس. بلکه گناهدن و گناهکارلرن رفاقتندن گنه قاجدم. دینن تکلیفلرینی دعا ایلماق و اوخوماق و گناهدن اوتری آغلاماق کمین و همسایه‌لره دوز دیماق و توبه ایلماق بو شیلری و بعضی اوزگه زادلردن که اونن تفصیلی طولدر عمله گتوردم.

مسیحی دیدی آیا او وقتده فکر ایلدوز که یخشی اولدوز؟

امیدوار دیدی بلی بر مدت فکر ایلدم ولی آخرده هامی عمللرم اینن زحمتلرم منی اشاقه توتدی.

مسیحی دیدی او وقت که سز اوز رفتاریزی اصلاح ایلدوز او نیجه واقع اولدی؟

امیدوار دیدی نچه شی وارایدی که اونن احداث ایلیوبدی. مخصوصاً بو قسم گفتگولر که بزم هامی دوز عمللریمز حیض کمین در و شرعی عملدن هیچ

یارانمش دیرلق تاپمیه جاقدر. وقتی که او شی که قرار اولوبدر یرینه گتوردوز دیون که بز نفع سز قوللر واروق (اشعیا باب ۶۴ آیه ۶ گنه غلاطیه لولره باب ۲ آیه ۱۶ لوقا باب ۱۷ آیه ۱۰) بو قسم چوخ آیری سوزلردن اوز اوزمه بو طور اینن فکر ایلدم اگر دوز عمللمر حیض کهنه سی کمین در و اگر شرعی عمللرن توسطی اینن هیچ آدم عادل سایلمش اولمیه جاقدر و اگر هامی سنی عمله گتوراق گنه نفع سز واروق بو صورتده سفیه لوقدر که آدم شریعت واسطه سی اینن گو که یتشماق باره سنده فکر ایلیه و علاوه بونه فکر ایلدم که هرگاه بر آدم بر دکان صاحبنه یوز لیرا قدری بورجلو اولا و اوندن صوره او زادن عوضنده که آلوب نه قدر ویره اگر اونن اولکی بورجی ویرلمیوبدر دکان صاحبی ایلیه بیلر اونن اوندن اوتری دیوانخانه یه چکه و اونن دوستاق خانه یه ساللا تا بورجنی ادا ایلیه.

مسیحی دیدی یخشی بونی نسبت اوزوه نیجه بیلدوز؟

امیدوار دیدی بو طور اوز اوزمه فکر ایلدم که گناهلرمدن اوتری اللهن دفترنده چوخ بورجلو اولمشم و ایندی اوز رفتاریمی دوز ایلماق او بورجی ادا ایلمز. او جهتن گنه فکر ایلدم بو هامی رفتار دوز اولماقی اینن نیجه او عذابدن که اوزمی اونن خطرنده اولکی تجاوزلرن سبینه اوزم سالم خلاص اولام.

مسیحی دیدی چوخ یخشی نسبت اوزوزه ویرمشسز. اما خواهش اودر که منه چوخ خبر ویرون.

امیدوار دیدی بعض اصلاحلردن صوره که تازه عمله گتوردم اوزگه شی منه زحمت ویردی. یعنی اگر دقت اینن ایندیکی عمللرمن یخشی سینه نظر ایلردم گینه گناه بلی تازه گناه گورردم که عمللرمن یخشی سینه قارشمش اولور. پس طبیعی فکرلرم اینن بیله که اوزم و تکلیف لرم باره سنده ایره لو وارم ایدی

علاجسز ایدم که نتیجه ایله توتام که هرگاه دیر یلق ده که قباقجه ایلدم گناهسز  
اولا ایدم او که گونده ایله مشم منی جهنمه آتماقدن اوتری کفایت ایلر.

مسیحی دیدی او وقت نه ایلدوز؟

امیدوار دیدی نه ایلدم. بیلمدم نه ایلیم بر وقته کمین که خیالمی وفاداره آشکار  
ایلدم. زیرا که اونن اینن یخشی آشنالق وارم ایدی. او منه دیدی بر صورتده که  
هرگز گناه ایله ممش بر آدمن عدالتنی تحصیل ایله میه سن نه اوز عدالتن و نه  
هامی دنیا اهلنون عدالتی ایلیه بیلر سنه نجات ویره.

مسیحی دیدی آیا فکر ایلدوز او که او دیوبدر دوزدر؟

امیدوار دیدی بر وقت که اوز اصلاحمده خوش و غنی ایدم منه بو طور دینده  
اونی سفیه دیر ایدم. اما او وقتده که اوز ضعیفلقمن گناهی که عملرن  
یخشی سینه باغلو اولمش ایدی گوررایدم علاجسز ایدم که اونن فکرنی قبول  
ایلیم.

مسیحی دیدی اول وقتده او طور اینن که سزه دیدی آیا فکر ایلدوز که بيله آدم  
که اونن باره سنده دیماق اولور که هرگز گناه ایلمیوبدر تاپولر؟

امیدوار دیدی گرک اقرار ایلیم که اونن سوزلری اولده منه غریب گلور ایدی.  
اما اونن اینن صحبتدن صوره تماماً ملزم اولدم.

مسیحی دیدی آیا اوندن سورشدوز که او آدم کیم در و نیجه اونن توسطی اینن  
گرک عادل سایلمش اولاسن؟

امیدوار دیدی بلی. او منه دیدی خداوند عیسی در که الله تعالی نن ساق یاننده  
اوتوروبدر و گنه دیدی که او سنی گرک عادل سایا. یعنی اونه که او اوز جسم  
عالمنده ایلیوبدر و اونه که داره آسلوبدر صبر ایلیوبدر خاطر جمع اولون و

علاوه بونه اوندن سورشدم نیجه اونن عدالتی او قدر تأثیرلی در که اوزگه آدمی  
اللهن حضورنده عادل سایا؟ او منه دیدی که او قدر تلو الله در و او که عمله  
گتوروب و بر اولوم که او اولوب در اوزندن اوتری اولمیوب. بلکه مندن اوتری  
اولوب اگر اونه ایمان گتورم اونن عملری ولایقلقی منه حساب اولاجا قدر  
(عبرانیله باب ۱۰ آیه ۱۲ گنه رومالولره باب ۴ آیه ۵ اول پطرس باب ۱ آیه  
۱۹)

مسیحی دیدی او وقتده نه ایلدوز؟

امیدوار دیدی ایمان گتورما قومدن اوتری ایراد توتاردم. اوندن اوتری که خیال  
ایلرایدم که او راضی اولمیاجاق که منه نجات ویره.

مسیحی دیدی او وقتده وفادار سزه نه دیدی؟

امیدوار دیدی او منه بیوردی که اونن یاننه گدم و گورم. پس دیدم  
گستاخلیق در. او دیدی خیر زیرا که منی چاقوروبدر که گدم پس بر کتابی که  
عیسی جمع ایلمشدی منه ویردی که منی گتماقه جرئتلو ایلیه و دیدی بو کتابن  
بر نقطه و همزه سی یردن و گوکدن محکم راق در که اوز یرنده دوروبدر. پس  
اوندن سورشدم که گلماقده نه گرک ایلیم؟ او منه دیدی که دیزلرمن اوستنده  
هامی جان و قلب اینن التماس ایلیم آتایه که مسیحی منه آشکار ایلیه و گنه  
اوندن سورشدم که نیجه گرک اوندن التماس ایلیم و او دیدی گت اونن  
رحمت تختنده تا پاجاقسن که او یرده تمام ایل اوتوروبدر تا او که اولر که  
اونن طرفنه گلرلر باغیشلایه. و صوره اونه دیدم بر وقت که اونه یتشم بیلرم  
نه دیم. او منه بیوردی بوطور اینن دی یا الله منه رحم ایله که گناه کار ام. منی  
عیسی مسیحن حقنده عارف و ایمان صاحبی ایله. زیرا گورم که اگر اونن  
عدالتی اولماسه ایدی و او عدالته ایمان گتورمزایدم کلیتاً هلاک اولور ایدم.  
ای الله اشتدم که سن رحملو الله سن و قرار بیوروبسن که اوغلن عیسی مسیح

دنیا اهلنه نجات ویرن اولو و علاوه بونه اشمشم راضی سن اونى منم کمین  
فقیر گناهکاردن اوتری (بیله که حقیقتاً گناهکار ام) نجات ویرن قرار  
ویره سن. پس ای الله بو فرصتی قبول ایله. اوغلن عیسی مسیحن توسطی اینن  
جانیمه نجات ویر. اوز بیوک توفیقن اینن آمین (متی باب ۱۱ آیه ۲۸ گنه باب  
۲۴ آیه ۳۵ مزمور باب ۹۵ آیه ۶ یرمیاه باب ۲۹ آیه ۱۲ - ۱۴ خروج باب ۲۵  
آیه ۲۲ عبرانیله باب ۴ آیه ۱۶)

مسیحی دیدی بو طوری که سزه بیوروب عمله گتوردوز؟

امیدوار دیدی بلی مکرراً مکرراً مکرراً.

مسیحی دیدی آیا آتا اوغلونی سزه آشکار ایلدی؟

امیدوار دیدی خیر اولکی دفعه، بلکه ایکنجی اوچنجی دوردنجی بشنجی و  
آلتنجی گنه آشکار ایلمدی.

مسیحی دیدی او وقتده نه ایلدوز؟

امیدوار دیدی نه ایلدم بیلدم که نه ایلیم.

مسیحی دیدی دعانی ترک ایلماقه فکر ایلمدوز؟

امیدوار دیدی بلی ایکی یوز دفعه.

مسیحی دیدی ترک ایلمه ماقن سببی نه ایدی؟

امیدوار دیدی قبول ایلدم که او که منه دیویدیلر دوزدر. یعنی مسیحن عدالتی  
اولمامش هامی دنیا اهلی ممکن دکل منه نجات ویره لر. لهذا بو جهتة فکر  
ایلدم که اگر ترک ایلیم اوله جاquam و اونن توفیق تختینن یاننده اولماقدن چوخ

شی منه واقع اولماز و همان ساعت خیالمه بو یتشدی که اگر بر شی تأخیر ایلیه اونه منتظر اول. زیرا که آشکاره گلور و گزلین قالیمه جاقدر (کتاب حقوق باب ۲ آیه ۳) پس دعا ایلماقده قالدیم تا اینکه اوغلی نی منه آشکار ایلدی.

مسیحی دیدی نیجه سزه کشف اولدی؟

امیدوار دیدی اونی ظاهر گوزلر اینن گوردم. اما باطن گوزلر اینن اونی گوردم. بو طور ایلی که بر گون چوخ غملو ایلم گویا هامی وقتلردن غصه لو و بو غصه نی نظرده تازه و بیوک گوردم و گناهم پیس ایلی. او وقتده جهنمدن و اوز روحمن همیشه لوق هلاک اولماقندن اوزگه هیچ بر زاده منتظر دکل ایلم. ناگهان بیله فکر ایلم که عیسی خداوندی گوردم که گوکدن منه باخوب دیدی عیسی مسیح خداونده ایمان گتور و نجات تاپاجاقسن (افسس لولره باب ۱ آیه ۱۸ - ۱۹ رسوللرن عمللری باب ۱۷ آیه ۳ - ۳۱)

من جواب ویردم ای خداوند گناه کار ام. بلکه چوخ بیوک گناه وارم در. او جواب ویروب بیوردی توفیقم سندن اوتری بس در. من گنه دیدم ای خداوند ایمان گتورماق نه در؟ او وقتده منه دیدی او آدم که منه گلور هرگز آج اولمیا جاقدر و او آدم که منه ایمان گتورر هیچ سوسز اولمیا جاقدر. پس آنادم که ایمان گتورماق و گلماق بودر. یعنی او که قلب و محبت اینن گلدی که مسیحن توسطی اینن نجات تاپسون اشیکه آتلمز و اودر که مسیحه دوز ایمان گتوروبدر. پس گوزلرم اشک اینن دولو اولدی و گنه سورشدم ای خداوند آیا اولور که منم کمین بیوک گناه کار قبوله اولو و نجاتی سندن تاپا و او منه دیدی که او آدم که منم یانیمه گله هرگز اونی اشیکه سالمیا جاقام. پس دیدم ای خداوند سنن یانجه گلن وقتده نیجه گرک فکر ایلم تا اینکه منم ایمانم سنه دوز اولو. او دیدی مسیح عیسی دنیایه گلوب تا گناه کارلره نجات ویره چونکه شریعتن سرانجامی هر ایمان گتورنه عدالت ایچون مسیح در که بزم تجاوز ایلم کمزدن اوتری تسلیم اولوب بزم عدالت ایچونده اقامت اولندی. بزی اوز

قانی اینز یودی. او بزم و الله آراسنده واسطه‌در. همیشه دیری در که بزه شفاعت ایلیه. بولرن هامی سندن نتیجه توتدم که عدالت‌دن اوتری اونن اوزینه و گناهمن کفاره‌سندن اوتری اونن قاننه گرک امید ایلیم و او شی که او اوز آتاسنن شریعتنه اطاعتده ایلیوب و اشکنجه‌لره صبر ایلیوب ایدی اوزندن اوتری دگلایدی. بلکه او آدمدن اوتری ایدی که اونی اوز نجاتندن اوتری قبول ایلیه و شکر ایلیان اولا. او وقتده قلبم شادلقدن و گوزلرم یاشلردن دولو اولدی و منم قلبم عیسی مسیحن آدینه و قومنه و یوللرینه محبتدن دولو اولدی (یوحنا باب ۶ آیه ۳۵ گنه باب ۶ آیه ۳۷ اول تیموتیوس باب ۱ آیه ۱۵ رومالوره باب ۱۰ آیه ۴ گنه باب ۴ آیه ۲۵ مکاشفات باب ۱ آیه ۵ اول تیموتیوس باب ۲ آیه ۵ عبرانیله باب ۷ آیه ۲۵)

مسیحی دیدی حقیقتاً بو مسیحن انکشاف اولمقی سزن جانوزه ایدی. اما مخصوصاً منه خبر ویر که بو سزن روحیزه نه اثر ایلدی؟

امیدوار دیدی منه آشکار ایلدی که هامی دنیا اهلی هامی عدالت‌لری اینن عذابه حکم اولوبدرلر و منه آشکار ایلدی که آتا الله بوننن بیله که عادل‌در ممکن‌در عدالت اینن بر گناه‌کاری که اونن طرفنه گلور عادل سایا و منی اولکی رفتارمن پیسلقنده خجالت ایلدی و قرانلقومی آناماقدن غصه‌لو ایلدی. زیرا که بوندن قباق هرگز بر خیال قلبمه داخل اولمادی که عیسی مسیحی منه او قدر آشکار ایلیه و منی مقدس رفتارن دوستی ایلدی و منی عیسی خداوندن آدینن جلالندن اوتری بر ایش یرینه گتورماقه مایل ایلدی. بلی فکر ایلدم هرگاه بدننده مین باتمان قان اولا ایدی راضی ایدم که هامی سنی عیسی خداوندن خاطرینه توکوم.

## IGNORANCE REJOINS THE PILGRIMS

پس یو خوده گوردم که امیدوار دالویه باخوب جهالتی که دالویه قویمش ایدی  
گوردی که بو ساعتده دالوجه گلور. اوده مسیحی یه دیدی باخ و گور او  
جوان نه قدر دالوده قالوبدر.

مسیحی دیدی بلی اونی گوررم. بزم دوستلقمزه او مایل دکل.

امیدوار دیدی اعتقادم بودر که هرگاه ایندیه کمین بزم یانمزجه گله ایدی اونو  
بر ضرر یتشمزایدی.

مسیحی دیدی بو دوزدر. اما خاطر جمع اول که اونون اوزگه فکری وار.

امیدوار دیدی خیال ایلرم که بیلهدر. اما اونو یتشماقدن اوتری دوراق (و بیله  
ایلدیلر)

پس مسیحی جهالته دیدی ای کشی گل گداخ. نیه او قدر دالویه قالرسز؟

جهالت دیدی اوز شادلقومی یالقوز گتماقده گوررم. یعنی چوخ آرتوق اوندن  
که اوزگه لرن رفاقتنده تاپارم.

پس مسیحی امیدواره دیدی (اما آرام اینن) آیا سزه دیمدم که او بزم رفاقتمزه  
مایل دگلو گنه دیدی بونن بیله گل و بو خرابه یرده وقتی صحبت اینن باشا  
آپاراق. پس جهالته خطاب ایلوب دیدی سزن احوالوز نیجهدر؟ ایندی سزن  
روحیز اللهه باخماقده نیجهدر؟

جهالت دیدی امیدوارم که خوش اولا زیرا همیشه قلبم یخشی خیالردن که قدم اورماقدن تسلی دن اوتری قلبمه وارد اولور دولودر.

مسیحی دیدی بو یخشی خیالردنه در؟ خواهش ایلروق که بزه خبر ویره سز.

جهالت دیدی یعنی اللهن و گوکن باره سنده فکر ایلرم.

مسیحی دیدی ها بلی دیولر وهلاک اولان روح لرده بیله فکر ایلرلر.

جهالت دیدی اما اولرن باره سنده فکر ایلوب گنه اولری آرزو ایلرم.

مسیحی دیدی چوخ آدملر بیله آرزو ایلرلر اما احتمال در که هرگز اویره یتشمیه لر. تنبلن جانی آرزو ایلر و بر شی تاپماز (امثال سلیمان باب ۱۳ آیه ۴)

جهالت دیدی اما اولرن باره سنده فکر ایلرم و اولردن اوتری هامی شیلری ترک ایلشم.

مسیحی دیدی اونده شک وارمدر. زیرا هامی زادلری ترک ایلماق چوخ چتین در. بلی او قدر مشکل در که چوخ آدم اونی بیلمز. اما نیه و نه جهتندن اعتقادن بونه اولوب که هامی سنی اللهدن و گوکدن اوتری ترک ایلمشسن؟

جهالت دیدی قلبم منه بیله دیر.

مسیحی دیدی عاقل آدم بیورودر که قلبه خاطر جمع اولان سفیه در (امثال سلیمان باب ۲۸ آیه ۲۶)

جهالت دیدی او شیریر قلبن باره سنده دانشر اما منم قلبم یخشی در.

مسیحی دیدی نیجه اونی ثابت ایلرسز؟

جهالت دیدی منه گوکن امیدلری باره‌سنده تسلی ویرر.

مسیحی دیدی اولر که اونن توولاماقی اولا. زیرا اولر که آدمن قلبی اونه تسلی ویره بعض امیدلر اینن که بناسی یوخرر.

جهالت دیدی قلبم و رفتارم بربری اینن برابردرلر. لهذا امیدمن بناسی یخشی در.

مسیحی دیدی کیم سزه دیوب که قلبن و رفتارن بربرینه برابردرلر؟

جهالت دیدی قلبم منه بیله دیر.

مسیحی دیدی رفیقمدن سورش آیا من اوغری‌ام یا خیر؟ آیا قلبز سزه بیله دیر. تعجب! اوندن سوای که اگر اللهن کلامی بو ایشده شهادت ویرمیه اوزگه شهادت عبث در.

جهالت دیدی آیا یخشی قلب او دگلکه یخشی فکرلری وار؟ آیا یخشی رفتار او دگلکه اللهن حکم لرینه برابر اولا؟

مسیحی دیدی بلی یخشی قلب او در که یخشی فکرلری وار و یخشی رفتار او در که اللهن حکم لرینه مطابق اولا. اما بولری یرینه گتورماق بر زاددر و فکر ایلماق و بس اولماق بر آیری زاددر.

جهالت دیدی دیون سز نه شیی اللهن حکم لرینه برابر فکر و رفتار بیلرسز؟

مسیحی دیدی یخشی فکرن نیجه طورلری وار. بعضی اوز باره‌مزده بعضی الله باره‌سنده بعضی مسیح باره‌سنده. بعضی اوزگه شیلر باره‌سنده در.

جهالت دیدی یخشی فکرلر اوز باره‌مزده نه درلر؟

مسیحی دیدی او فکر لر که اللهن سوزی اینن دوزدر.

جهالت دیدی اوز باره مزده کی فکر لر نیجه در و نه وقت اللهن کلامی اینن برابر اولور؟

مسیحی دیدی بر وقت که اونی اوز مزه حکم ایلیاق. ایله که کلام حکم ایلر. اوز خیالیمی آشکار ایلیم. یعنی اللهن کلامی نسبت آدمه اوز طبیعی حالنده دیر که هیچ کس راست کار دگلو هیچ کس یوخدر که یخشی عملی اولو و برده بو که هر خیال اولرن تدبیرلرندن همیشه محض پیس در و برده او که انسانن قلبن فکری اوز جوانلقندن شرارته در (رومالوره باب ۳ آیه ۱۰ - ۱۳ تکوین باب ۶ آیه ۵ گنه باب ۸ آیه ۲۱) پس بر وقت که اوز باره مزده بیله فکر ایلیاق و اونی آتیاق او وقتده بزم فکرلر مز یخشی درلر. زیرا که اللهن کلامنه موافق درلر.

جهالت دیدی هرگز گمان ایلمرم که منم قلبم او قدر پیس اولو.

مسیحی دیدی پس هامی عمرنده یخشی فکر اوز باره نزهه ایلممشسز. اما بر اوزگه شی دیم. ایلکه کلام بزم قلبلریمزه حکم ایلر وقتی که بزم فکرلریمز بزم قلبلریمزن و یوللریمزن باره سنده بر حکم اینن که کلام نسبت اولره بیورر برابر اولالر. او وقت هر ایکسی یخشی درلر. زیرا که اونن اینن برابر اولور.

جهالت دیدی اوز خیالوی آشکار بیور.

مسیحی دیدی یعنی اللهن کلامی دیر که انسانن یوللری کج در بلکه خلافدر و بیورر که طبیعتاً یخشی یولدن کج درلر و اونی بیلمیویدیلر (مزمور باب ۱۲۰ آیه ۵ و امثال سلیمان باب ۲ آیه ۱۵ و رومالوره باب ۳ آیه ۱۷) چونکه آدم اوز یوللری ن باره سنده بو طور فکر ایلر یعنی دیرم چونکه شخص اونن آناماقونی

قلبن آلچاق اولماقی اینن فکر ایلر او وقتده اوز یوللری ن باره سنده یخشی فکرلری وار. زیرا که بیله حالده فکرلری اللهن کلامن حکملری اینن دوزدر.

جهالت دیدی یخشی فکر الله باره سنده نه در؟

مسیحی دیدی ایله که اوزمزه دمیشم هابیه بر وقت که بزم فکریمز الله باره سنده اوننه که کلام اونن باره سنده دیر برابردر یخشی در. یعنی بر وقت که اونن وجودی و صفتی باره سنده ایله که کلام بزه تعلیم ویرر فکر ایلیاق. بو وقتده ممکن دکل تماماً گفتگو ایلیم اما اونن باره سنده نسبت اوزیمزه دیرم که دوز فکر الله باره سنده وارمزدر وقتی که بز فکر ایلر و ق که او بزی یخشی تانور اوندن که بز اوزیمزی تانور و ق. بر وقت که بز اوزیمزه هیچ گناه گورمروق او ایلیه بیلر گناهی بزده گوره بر زاده که بز اونده گناهی گورمروق او ممکن در گناهی گوره. بر وقت که فکر ایلر و ق که او بزم گیزلین فکریمزی بیلر و بو که بزم قلبمزن هامی درین لقی همیشه اونن گوزلری ن قباقدنه آچوق در و گنه او وقت که بز فکر ایلر و ق که بزم هامی عدالتمز اونن دماغنده پیس ایلی در. لهذا او ممکن دگلاونه متحمل اولا که بزی بر قدر خاطر جمع لق یا بزم عمللریمزن یخشی سی اینن اونن حضورنده دوران گوره. بو صورتده بزم خیاللریمز الله باره سنده یخشی در.

جهالت دیدی آیا بیله فکر ایلرسز که من بیله سفیهام که اوننی فکر ایلم که الله مندن چوخ گوره بیلمز و یا او که عمللریمن یخشی سی اینن اللهن یانینه گلم؟

مسیحی دیدی بو امرده نه خیال ایلرسز؟

جهالت دیدی یعنی مختصراً فکر ایلم گرک عدالتدن اوتری مسیحه ایمان گتورم.

مسیحی دیدی نیجه فکر ایلرسز گرک مسیحه ایمان گتوره سز بر وقت که اوز احتیاجزی اونه گورمیه سز؟ سز اوز اصلی و حاضر عاجزلیقوزی اوز باره نزه گورمرسز و بیله خیال ایلرسز نیجه که ایشلرن آشکار ثابت ایلر که سز هرگز اوزوزی اللهن قباقدنه عادل سایلماقدن اوتری مسیحن شخص عدالتنه محتاج گورمرسز. پس نیجه دیرسز که مسیحه ایمان گتوردم؟

جهالت دیدی بونان بیله یخشی ایمان کفایت قدری وارمدر.

مسیحی دیدی نیجه ایمان وارزدر؟

جهالت دیدی ایمان اودر که مسیح گناهکارلردن اوتری اولدی. اودر که اونی قبول ایلماق توسطی اینن گرم یولی اینن منم اوز شریعتنه اطاعتی قبول ایلماقی اینن لعنتندن ساخلانمش و اللهن یاننده عادل سایلمش اولاجاقام و یا بو طور اینن که مسیح دینمن تکلیفنج اوز ثوابلری نن توسطی اینن آتایه قبول ایله در بو جهته عادل سایلمش اولاجاقام.

مسیحی دیدی بو اقرار که ایمانن باره سنده ایلدوز قوی جواب ویرم.

۱) او که سزن اعتقادز گمانی در. زیرا که بو ایمان اللهن کلامن هیچ یرنده بیان اولمیوبدر.

۲) اودر سزن اعتقادز یالان اعتقاددر. زیرا که عادل اولماقی مسیحن اوز شخصندن آلوب اوزون عدالتنه نسبت ویررسز.

۳) بو اعتقاددن بیله معلوم اولور که مسیح سزی عادل سایان دکل. بلکه عمللروی عادل سایان اولو و سزی عادل سایماق عمللردن اوتری اولو و بو باطل در.

٤) بو بر اعتقاددر توولایان- یعنی بیلهدر که سزی قادر مطلق اللهن گوننده (یعنی دیوان گونی) قوورلمش قویاجاقدرد. زیراکه بو اعتقاد که آدمی دوغروندن عادل سایا اودر که چونکه آدم نسبت شریعته اوز اترمش حالتنی تاپار بو اعتقاد اونی قالخوزر که اوز پناهندن اوتری مسیحن عدالتنه یوز گتوره و اونن طرفنه قاچا.

(مسیحن عدالتی او دگلکه سزی عادل سایماقدن اوتری سزن اطاعتوزی محبت یولندن اللهن قبولی ایلیه. بلکه او عدالت بودر که مسیحن اوزی شریعته اطاعت ایلوبدر و او که بزدن استمشدیلر اونی بزم عوضمزده یرینه گتوروب و قبول ایلوبدر) دیرم دوز اعتقاد بو عدالتی قبول ایلر و آدمن روحی بو مسیحن عدالتنی خلعت کمین اورتوب اللهن حضورنده اونن توسطی اینن عیبسز قبول اولور عذابه حکمدن خلاص اولماق و چاره تاپار.

جهالت دیدی یعنی چه؟ آیا سز استرسز اوننه که مسیحن اوز وجودی اینن بز سز عمله گتوروبدر خاطرجمع اولام بو خیال بزم شهوتلرمزن عناننی بوش ایلر و قویار بزنی که هوس طور اینن گذران ایلیاق. زیرا اگر مسیحن اوز عدالتی نن توسطی اینن هامی زادن عادل سایلمش اولام بر وقت که اونی قبول ایلیم هر قسم گذران ایلیم نه تفاوت وار؟

مسیحی دیدی جهالت سزن آدزدر و همان طور که آدزدر وارسز. سزن بو جوابز گنه او که دیرم ثابت ایلر بر عدالتن بارهسندنه که آدمی عادل حساب ایلیه. نادان سز و هایبیه اونن بارهسندنه نیجه اوز روحوزی خاطرجمع و سلامت ایلیه سز نادان سز. بلی نجات گتورن حقیقی ایمانن نتیجه لری بارهسندنه گنه نادان سز که او نتیجه بودر که آدمن قلبنی آلچاق ایلر اللهه و مسیحه مایل ایلر که اونن آدینی و کلامنی و یولی نی و قومنی دوست توتا. او طور که سز نادانلق اینن گمان ایلرسز دکل.

امیدوار دیدی اوندن سورش که آیا مسیح گوکدن اونه گاهی آشکار اولوبدر یا خیر.

جهالت دیدی یعنی سز بر آدم سز که مکاشفاتہ مایل سز. قبول ایلرم که او که سز هر ایکیز و هامی آدم لر سزدن غیر ی بو بابتده دیر لر سفاهت ثمره سی در.

امیدوار دیدی ای کشی نیه مسیح بدن طبیعی آناما قندن اللهده او قدر گیزلین اولوبدر که هیچ کس اون ی بر طوری که نجات ویرر تانمیه جاقدر اوندن غیر ی که اونن آتاسی الله اون ی آشکار ایلیه.

جهالت دیدی بو سزن اعتقاد زدر. منم اعتقادم بو دکل. اما بونن بیله که او قدر خیالات و گمان سزن باشزده وار منم باشمده یوخدر و شک یوخدر که اعتقادم سزن اعتقاد ز کمین یخشی در.

مسیحی دیدی منه اذن ویرن که بر سوز دیم. گر کمز که بو امرده او قدر یونگول سوز دیه سز. زیرا که بونی جرئت این دیرم بر طوری که منم رفیقم اظهار ایلوبدر که هیچ کسه اگر آتادن آشکار اولمسه ممکن دگلعیسی مسیحی تانیه. بلی گنه او ایمان که او اعتقادنن توسطی این روح اوز الونی مسیحیه قویار (اگر او ایمان دوز اولا) گرک اونن عظمت و قدر تندن عمله گلوب حاصل اولا (متی باب ۱۱ آیه ۲۷ افسوس لولره باب ۱ آیه ۱۷ - ۱۹) ای فقیر جهالت آنارم که او ایمان باره سنده گنه نادان سز. پس او یاق اول اوزوزی گور و عیسی خدا ونده قاچ. اونن عدالتی نن توسطنه که او اللهن عدالتی در و حکمدن آزاد اولوب خلاصلق تاپاجاق سز.

جهالت دیدی سز او قدر تر گذر سز که سزن یولد اشوز اولا بیلرم. سز قباقه دوشدوز گرک من بر مدت دالویه قلام.

پس اولر دیدیلر:

ای جهالت دورمه ضد چونکه اولور چوخ ضررون  
وی سفیه بو طور اینن انجامه یتمز سفرون  
حق سوزی که دفعه لرنن ایلدون رد ای عناد  
دوغری یولده گیتمه سن اولماز میسر گذرون  
آه حیف که چکه جاقسن زحمت و رنج و عذاب  
بیلمدون چونکه قدرینی بو سوزلرن قیمتی بو کهرون  
گر تواضع نن قبول قیلسون بوخوش تدبیرلری  
رفع اولوب خوف و خشیت دفع اولوردی کدرون  
پس مسیحی اوز رفیقنه بو طور سسلوب دیدی ای یخشی امیدوار گل. آنادم  
که گرک گنه سز و من بربرمزاینن قدم اوراق.

پس یوخوده گوردم که اولر تزلق اینن قباقه گتدیلر و جهالت دالوجه یواش  
یواش گذرایدی. پس مسیحی اوز رفیقنه دیدی قلبم بو فقیر آدمه یانار و یقیناً  
آخرده اونو برک اولاجاق.

امیدوار دیدی آه بزم شهرمزده چوخ آدملر واردلر که بو حالتده درلر و اگر بزم  
آرامزده بیله آدم چوخ اولو سزن گمانزه اونن دوغلان یرنده نه قدر بیله آدملر  
وار.

مسیحی دیدی حقیقتاً اللهن کلامی دیر که او اولرن گوزلرینی کور ایلوبدر که مبادا گوره لر و غیره. ایندی که بربرمزاینن واروق بیله آدملرن باره سنده نه فکر ایلرسز و سزن خیالز اینن آیا هیچ وقت گناهه ملزم اولمازلر و او جهتدن ابداً قورخملر که اولرن حالتی قورخولی در؟

امیدوار دیدی یخشی اودر که سز بو مسئله نن جوانی ویره سز. زیرا که سز مندن بیوک سز.

مسیحی دیدی پس دیرم (ایلکه فکر ایلرم) بعضی وقت اولر که گناهه ملزم اولور اما اولر طبیعتاً نادان اولوب آتامازلر که بو الزاملردن مقصود اولرن یخشی لقی در. لهذا ناامیدلق طوری اینن سعی ایلرلر که اولری خفه ایلیه لر و گستاخ لقی اینن همیشه بر یولده که اوز قلبلرنده اونی دوست توتارلر یورویوب اوز اوزلرینه چاپلوسلق ایلرلر.

امید وار دیدی بیله که دیرسز قبول ایلرم که قورخو انسانلرن یخشی لفته و حجه گتماقن اولنده اولرن یولینی دوز ایلماقه چوخ وقت سبب اولور.

مسیحی دیدی شک سز. بر صورتده که قورخو اگر دوز اولا بیله ایلر. زیرا که اللهن کلامی بیله دیر که اللهدن قورخماق حکمتن اولی در (مزمور ۱۱۱ آیه ۱۰)

امیدوار دیدی نیجه قورخونی دوز بیان ایلرسز؟

مسیحی دیدی صحیح دوز قورخو اوچ زadden آشکار اولور:

۱) اونن آشکار اولماقندن که نجاته باغلی الزام اولماق اونی وجوده گتورر

۲) روحی نجاتدن اوتری قالخوزور که محکم طور اینن مسیحده قالان اولا

۳) روحه بیوک قورخو اللهدن و کلامندن و اونن یوللرندن اوتری آشکار ایلر و اونن همیشه اویاق ساخلار و او روحن حسی نی نازک ایلر که ساقه یا سله کج اولماقدن احتیاط ایلیه که مبادا الهی حرمت سز ایلیه و یا روحن سلامت لقونی سندورا و یا روح القدسی مکدر ایلیه و یا دشمنه مذمت مجالی ویره.

امیدوار دیدی یخشی دیدوز. قبول ایلم که سز دوغرو دیدوز. آیا ایندی مسحور یردن گچماق تمام اولوبدر یا خیر؟

مسیحی دیدی نیه بو صحبتدن آیا یورولدوز؟

امیدوار دیدی خیر حقیقتاً یورولمامشم. اما استدم بيلم که هاراده واروق.

مسیحی دیدی بو یردن چیقماقمزه ایکی میل یولدن آرتوق قالمیر. اما محل صحبتته گداق جاهلر چونکه بيلمزلر که بیله الزاملر که اولری قورخودورلر اولرن یخشی اولماقدن اوتری در. لهذا سعی ایلرلر که اولری خفه و پایمال ایلیه لر.

امیدوار دیدی نه یول اینن استرلر خفه و پایمال ایلیه لر مسیحی دیدی.

۱) فکر ایلرلر که او قورخولر شیطاندن یتشمش اولا (بونن بیله که اللهدن یتشوب) و بو فکرلر اینن که یقیناً اولرن هلاکته باعث اولاجاق درلر اولره ضد دورلر.

۲) و گنه خیال ایلرلر که بو قورخولردن اولرن ایمانی خراب اولاجاق در (اما حیف که اولرن هیچ ایمانی یوخدر) لهذا او قورخولرن عوضنده یورکلرینی برک ایلرلر.

۳) گستاخ لقا ایلوب خیال ایلرلر که گرک قورخان اولمیلر. لهذا او قورخولرن ضدنه گستاخلق اینن خاطر جمع دوررلر.

۴) اولر گوررلر که او قورخونن قصدی اولرن قدیم آلقاق قدسیتی گتورماق در. لهذا کمال قوت اینن اولرن ضدنه واردلر.

امیدوار دیدی بو مطلبن باره سنده بر قدر اوزوم بیلرم. زیرا اوندن قباق که اوزمی تانیا ایدم منم حالم بیله ایدی.

مسیحی دیدی یخشی بو وقتده اوز همسایه مز جهالتی اوزونه قویاق و اوزگه فایده لو مسئله دوشاق.

امیدوار دیدی جان و قلب اینن راضی ام اما گنه سز باشلیون.

مسیحی دیدی یاخین اون ایل قباق آیا مدت آدلو بر آدمی که سزن اطرافزده یری وار ایدی تاندوز که او ایامده دینده غیرت آختاران آدم ایدی؟

امیدوار دیدی اوننی تانورم بلی. توفیق سز شهرنده که امنیت شهرندن یاخین ایکی میله اوزا قدر ساکن ایدی. اونن یری روگردان آدلویه کنار ایدی.

مسیحی دیدی صحیح او اونن دامنن آلتنده ساکن ایدی. یخشی! بر وقت که او آدم اوز گناهلرندن دوغری او یاق اولمش ایدی گمان ایلرم که او زماندا گناهلر و مزدی که او گناهلره لایق ایدی بر قدر اونه معلوم اولمش ایدی.

امیدوار دیدی سزن خیالز درست در. زیرا که ایویم اونن ایوندن اوچ میلدن آرتوق مسافت یوخ ایدی. چوخ وقت گوزیاشلری اینن گنه منم یانیمه گلورایدی. دوغری او آدمدن اوتری یوره کیم یانارایدی و تماماً اونن باره سنده ناامید دگلایدم. اما گورریخ که هر کس که الله الله دیه (گوکن ملکوتنه داخل اولاجاق دکل)

مسیحی دیدی بر وقت او منه دیدی اوزومه قرار قویمشم که حجه گدم بيله که بز گدروق. اما بردن ناجی خود آدلو بر آدمه آشنا اولوب اوندن صوره منم اینن یاد و غریب اولدی.

امیدوار دیدی ایندی که اونن باره‌سنده دانشروق پس اونن مثلی آدملرن دالی قایتماقندن اوتری بر قدری سوروشاق.

مسیحی دیدی ممکن در که چوخ فایده‌لو اولا اما سز باشلیون.

امیدوار دیدی یخشی منم عقلمه دورد سبب وار.

۱) اگرچه بيله آدمن روحانی عقلی اویاق اولوبدر اما اولرن قلبی تازه اولمیوبدر. لهذا بر وقت گده گده گناهدن اوتری رفع اولور او که اولری دین دارلوقه گتورر ایدی تمام اولور. بناپونه طبیعتاً اوزندن اوز اولکی رفتارلرینه قایددرلر. بر طوری که ایتی گوررق پیس خوراکدن نه قدر که معدسهی ناخوش در قوسار او عقلنون اختیاری اینن ایلمز (اگر دیماق اولا که ایتن عقلی وارد) بلکه بو جهتدن که معدسهی اونه زحمت ویرر بيله ایلر. چونکه وقتی که اونن ناخوشلقی رفع اولور و آسوده اولور چونکه میلی او زadden که قوسوبدر کسلمه‌مش در پس اوزنی دولاندروب هامی سنی یالار و بو طور او که یازلوبدر دوزدر. یعنی ایت اوز قینه قایدوبدر (پطرس ایکنجی باب ۲ آیه ۲۲) دیرم بونن بيله که اولر آناماق و جهنمن عذابلرندن قورخماق سببندن اسی اولورلر. چونکه اولرن ادراکی همیشه‌لق عذاب قورخولرندن سوؤق اولر. بو جهتدن وقتی که اولردن گناهن قورخوسی رفع اولور اولرن میلی گوکدن و سعادتدن اوتری تمام اولور و گنه اولکی رفتارلرینه قایدورلر.

۲) بر سبب گنه بودر که اولرن قورخوسی قول قورخوسی کمین در که اولره غالب اولوبدر. او قورخی که ایندی من دیرم انساندن قورخماقدر. زیراکه بو قورخو آدمه تور قوراندر (امثال سلیمان باب ۲۹ آیه ۲۵) پس نیجه که نظره

یتشور نه قدر که جهنمن آلوری اولرن قولاقلرینن دورنده اولا گوکدن اوتری محکم درلر. اما بر وقت که خوف گتدی ایکنجی فکره دوشارلر. یعنی یخشی در که حکیم اولالر(او

شیی اله گتورماقدن اوتری که بیلمز(ر) و هامی شییی خطرہ سالمیالر. صبر و زحمتلره که چاره سزدرلر و اوزلرینه لازم دکل در یخشی در که اوزلرینی سالمیالر. دیرلر پس گناہه و دنیوی رفتارہ دوشارلر.

۳) او خجالت که دینه باغلی در اولرن یولینده داش کمین در. کبرلو و مغرور اولورلر و دین اولرن گوزلرنده آچاق در. لهذا وقتی که اولرن آتاماقی جهنمدن و گلن غضبدن رفع اولدی اوز رفتارلرینه قایدورلر.

۴) گناہ و فکر و قورخو اولردن اوتری آغر خیال در. لهذا دوست توتمازلر اوندن قباق اونه داخل اولالر اوز خیال لرینی گوره لر باوجودی که ممکن در اولده اونی گورمه ماق هرگاه قباقجه اونی خیال ایلر ایدی لر بریره آپارایدی که اولر پناه تاپوب سلامت قالالر. اما بیله که قباقجه آشکار ایلدیم چونکه فکر دن و گناهدن و قورخودن کنار اولورلر بیله اولماقدن و اللهن غضبندن خلاص اولورلر. اوز قلبلرینی شادلق اینن برک ایلرلر و بیله یوللری قبول ایلرلر که اولری برک و گنه برک راق ایلرلر.

مسیحی دیدی خیلی مطلبه یاخین گلدوز زیرا که هامی بو شیلرن بناسی اولرن قلبن و میلنون تبدیل اولمامقی در. لهذا اولر پیسلق ایشلیان گناہکار کمین درلر که قاضی یانینده دوروب تتر و حرکت ایلر. نظره یتشر که قلبده توبه ایلر اما هامی قورخونن بناسی عذابدان در نه اینکه گناہی ناخوش توتار و اونه دشمن اولور. بو آشکاردر زیرا هرگاه بو آدم آزاد اولا گنه اوغری اولاجاق در. بو جهتن گنه حیلہ کاردر. اما اگر اونن قلبی عوض اولورایدی بوندن یخشی اولور ایدی.

امیدوار دیدی ایندی اولرن قایتماق سبینی سزه گوستردم. سز گنه نیجه اولر مرتد اولورلر اونن منه نشان ویرون.

مسیحی دیدی شادلق اینن نشان ویرم.

۱) اوز خیالدر و فکرلرینی قدرتلری قدرینجه الهی و اولومی و گلن حکمی یادا گتورماقدن اوزاق ایلرلر.

۲) خوردا خوردا اوز یخشی تکلیفلرینی خلوتی دعاکمین و شهوتلرن قباقونی باغلاماق و گناهلردن اوتری غمگین اولماق و بولرن مثلی شیلری اوزلرندن اوزاق ایلرلر.

۳) اوندن صوره دیری و قلبی اسی مسیحیلرن صحبت و رفاقتدن کنار اولورلر.

۴) نسبت مجلسون و جماعتن تکلیفنه اشدوب و اوخوماق کمین واللهدن قورخماق و اونن مثلی زادلردن سوؤق اولورلر.

۵) اوندن صوره داغ اورماق شروع ایلرلر. یعنی اللهدن قورخانلرن لباسنه داغ اورارلر. بیله که بونی شیطانلق طوری اینن ایلرلر تا او که آشکار بهانه تاپالر (یعنی ضعف لر سببنه که اللهدن قورخانلرده تاپوبدیلر) که دینی اوز باشلاری نن دالسونه سالالر.

۶) اوندن صوره بی حیا و شریعت سز و جسمانی آدملره رفیق اولماق شروع ایلرلر.

۷) گنه گیزلینده بی حیا جسمانی صحبتلره دوشارلر و شاددرلر. اگر بو شیلری او آدملرده که امین سایلوبدیلر گوره لر تا او که چوخ جرئت اینن اولرن نمونه سی کمین عمله گتوره لر.

۸) اوندن صوره آشکاراً کوچک گناه لر اینن اویناماقه شروع ایلر لر

۹) بعد یورکلی اولوب اوزلرینی بر طوری که وارد لر نشان ویر لر بو طور اینن گنه گناهن در یاسینه سوار اولور لر. مگر توفیقن معجزه سی اولره مانع اولا والا اوز توولانماق لر نده همیشه هلاک او لور لر.

## BEULAH LAND

ایندی یوخوده گوردم که بو وقتده حاجیلر مانع یردن اشیکه گلوب بعولاه دولتته که اونن هواسی چوخ خوش و شادلق گتورن ایدی داخل اولدیلر. چونکه اولرن یولی اونن آراسندن گچرایدی او یرده بر مدت اوزلرینه تسلی ویردیلر. بلی او یرده همیشه قوشلرن سسینی اشدردیلر و هر گون گلر که توپراقدن کوکرایدی گوردیلر و قمری سسی او یرده اولرن قولاقنه یتشر ایدی. بو دولتده گون گیجه و گوندز ایشق در. لهذا بو بر سایه مرگ دره سندن چوخ اوزاق در و گنه یأس بلند قامتون الی یتوشن یر دگلو بو یردن قصر تشکیکی گورماق ممکن دکل و بو یرده او شهر که اونه گذرایدیلر اولرن نظرینه یتشدی و گنه بو یرده بعضی او شهرن ساکنلرندن ملاقات ایلدیلر. زیراکه بو یرده ایشق لوق آدملر همیشه گزر ایلدیلر. چونکه بو یر گوکن اتکونده دوشمش ایدی بو یرده عروس و داماد آراسنده عهد تازه اولور. بلی بو یرده بر طور اینن داماد گلندن شاددر که همان طور اینن اولرن اللهی اولردن شاددر. بلی بو یرده غله دن و شرابدن اکسوک لوق یوخ ایدی. زیراکه بو یرده بولوق او شییی که تمام اوز حجرلنده آختارلرایدی تاپدیلر. بو یرده سسلر بلی اوجا سسلر شهردن اشدرلر که دیر ایلدیلر صهیون قزینه دیون که بودر سنن نجاتون گلور و بودر اونن مزدی اوز یاننده وار بو هامی دولتن ساکنلری اولری مقدس قوم و اللهون خلاص اولنمش و مطلوبی و غیره اوخودیلر.

نه قدر که بو یرده گذرایدیلر ملکوتن چوخ اوزاقه دوشن اطرافندن آرتوق شادلقلری وارایدی و هر قدری که قباق گذرایدیلر شهری آشکار گوررایدیلر. او شهرن بناسی مرواریددن و قیمتلی داشلردن اولمش ایدی و گنه اونن کوچهلری قزلدن فرش اولوب بوندن اوتری بو شهرن طبیعی جلالین و گونن دوشماقینن واسطه سی اینن مسیحی اونه اشتیاقی سببندن بی تاب اولدی. امیدوارده گنه او بی تابلقون بر ایکی اثری وارایدی. لهذا بر مدت بو یرده

یاتدیلر. اوز درد و اشتیاقلرینن جهتنه فریاد ایلدیلر «اگر منم دوستمی گوره سز اونه دیون که من محبتن مریضی ام» اما بر قدر قوت تاپوب اوز بی تابلقلرینه تحملدن اوتری آرتوق قدرت تاپوب یولا قدم قویدیلر و یاخین راق اولدیلر بریره که یمش آعاجلری و میوهلر و باغلر ایدی یتشدیلر و باغلرن قاپوسی او یولون کنارنده ایدی. بو وقتده که بو مکانه یتشدیلر باغبان یولون آراسنده دورمشدی و حاجیلر اونه دیدیلر بو خوش گورسنن باغلر کمین مالی در؟ او دیدی پادشاهن مالی در. اوز لذتی و حاجیلرن تسلی سندن اوتری اکوبدر. پس باغبان اولری میوهلق لره آپاروب بیوردی لذتلو میوهلردن اوز خستهلق لرینی رفع ایلسونلر و اولره بریر نشان ویردی که پادشاه او یرده گزوب و او داربستره بکنوب ایدی و اولر او یرده اوتوروب یاتدیلر.

پس یوخوده گوردم که بو وقتده اولر یوخوده اوز سفرلری نن هامی وقتلرندن آرتوق دانشدیلر. چونکه بو خصوصده خیال ایلرایدم باغبان منه دیدی نیه بو خصوصده فکر ایلرسن؟ بو میوهلرن خاصیتی یعنی اوزوم و میوهلرن خاصیتی بودر که او قدر شادلق انسانه یتشرکه یاتانلرن دوداقلرینی دانشماقه گتورر. پس گوردم چونکه او یاق اولدیلر او شهرن طرفنه یوخاری گتماقه حاضر اولدیلر. اما ایلکه دیدم گونن اشیقی نن شهره دوشماقی (زیرا که شهر خالص قزلدن ایدی) (مکاشفات باب ۲۱ آیه ۱۸) او قدر برک پارلایان و اشیق ایدی که بو وقتده ممکن دگلایدی آشکار اونه باخالر. اما بعض اسابنن توسطی اینن که اوندن اوتری قایریمش ایدیلر باخدیلر (ایکنجی قورنتس باب ۳ آیه ۱۸) پس گوردم او وقت که گتدیلر ایکی آدم که اولرن لباسلری قزل کمین و اولرن یوزلری نور کمین پارلر ایدی اولره ملاقات ایلدیلر.

بو ایکی کشی حاجیلردن سورشدیلر هارادن گلورسز؟ اولر خبر ویردیلر و گنه سورشدیلر که هاراده منزل ایلدیز و نه چتنلق و خطرلر و نه تسلی لر و شادلق لره یولون آراسنده ملاقات ایلوبسز؟ گنه اولره خیر ویردیلر. پس او

ایکی آدم که اولره ملاقات ایلمش ایدیلمر دیدیلر ایکی اشکالن ملاقاتی گنه سزه قالر. اوندن صوره شهرده حاضر اولاجاق سز.

پس مسیحی و اوز رفیقی او ایکی آدمدن خواهش ایلدیلر که اولرن یاننجه گله لر و اولر دیدیلر راضی واروق و گنه دیدیلر اوننی گرک اوز ایمانزن توسطی اینن تاپاسز. پس یوخوده گوردم که بربری اینن گتدیلمر بر وقته کمین که او شهرن دروازه سی آشکار اولدی.

## THE RIVER OF DEATH

ایندی گنه گوردم که اولرن و دروازه‌نن آراسنده بر چای و ارایدی و هیچ کورپی که اوندن گچه‌لر اونده یوخ ایدی و چای چوخ درین ایدی. لهدا بو چایی گورماقدن حاجیلر حیران اولدیلر. اما او ایکی آدم که اولرن یاننده ایدیلر دیدیلر که گرک سز بو چاین آراسندن گده‌سز و آلا دروازه‌یه یتشمیه‌جاق‌سز.

پس حاجیلر سورشماقه مشغول اولدیلر که آیا دروازه‌یه بر آیری یول یوخدر؟ اولر جواب ویروب دیدیلر بلی وار اما ایکی آدمدن غیری یعنی اخنوق و ایلپاه‌دن سوای عالمن بناسی‌نن اولندن هیچ کس اذن تاپمیوب که اونه قدم اوره تا آخرکی شیپور چکنه کمین.

گنه اذن ویرلمیه جاقدر. پس حاجیلر خصوصاً مسیحی اوز قلبنده نامید اولوب بو طرفه او طرفه باخدی. اما هیچ یول تاپمادیلر که اونن توسطی اینن چایدن خلاص اولالر و او وقت او ایکی آدمدن سورشدیلر که بو چاین هامی یری بردر؟ اولر دیدیلر خیر بو خصوصده ممکن دگلکسزه یاردم ویرماق. زیراکه اونن بر ایمان که نسبت بو یرن پادشاهنه وارزدر درین لفته آرتوق یا اکسک تاپاجاق‌سز.

پس گتدیلر سویه و او وقت که داخل اولدیلر مسیحی اشاقه گتماقه باشلادی و اوز یخشی دوستی امیدواره فریاد ایلوب دیدی درین سولرده اشاقه گدرم باشم اوستنه لپه‌لر و هامی لپه‌لر باشم‌دن گچرلر سلاه.

پس اوبری دیدی ای قرداش خاطر جمع اول چاین دبنی تاپدم یخشی‌در. پس مسیحی دیدی آه منم قرداشم اولمن غملری منی آرایا آلودر. او یر که اونده سود و بال آخار گورمیه‌جاقام و او ساعت قورخو و بیوک قرانلق مسیحی‌یه مستولی اولدی. بر حده که او اوز قباقونی گورمزایدی. بو یرده اونه یاخین

ایدی که هوشدن گده. بر حده که او شیرین تسلی لر که حج یولینده ملاقات ایلدی ممکن دگلایدی یاده گتوره و یا آیوقلق اینن صحبت ایلیه. اما خیال اونن هامی سوزلرنندن و قلبنن قورخولری بو ایدی که مبادا چایده اوله و هرگز دروازه داخل اولمیه آچوق ایلیه و بو یرده بعض آدملر گنه که اونن یاننده دورمش ایدیلر آنادیلر که او گناهلرن بارهسنده که حجده و اوندن قباق ایلهمش ایدی چوخ فکرلره و زحمتلو خیاللره دوشوب ایدی و گنه آشکار توتدیلر که یوخولر و جنلر و پیس روحلر اونن زحمت ویرردیلر. زیرا که بعض وقتلر سوزلرنندن معلوم ایدی. لهذا امیدوار بو یرده چوخ زحمت چکیر ایدی تا که مسیحی نن باشینی سودن اشیکه ساخلیه. بلی بعض وقت تماماً اشاقه گذرایدی و بر زماندن صوره نیم جان آدم کمین دورار ایدی. امیدوار گنه سعی ایلر ایدی که اونن تسلی ویره و دیر ایدی ای قرداش دروازه و آدملر که بزی قبول ایلماقدن اوتری او یرده دوروبدیلر گوررم. اما مسیحی جواب و یروب دیر ایدی سزدن اوتری در که انتظار چکرلر زیرا او وقتندن که سزی تاندوم سز امیدوار اولوبسز. او مسیحی به دیدی بیله که سزده امیدوار اولوبسز. او دیدی آه ای قرداش اگر دوز اولایم البته او بو ساعتده منم کمکمدن اوتری قالخار ایدی. اما منم گناهمن سببنه در که منی بو توره گتوروب و ترک ایلوبدر.

پس امیدوار دیدی ای قرداش سز تماماً او آیه نی یاددن چیخارتمشسز که شیریلر بارهسنده دیلوبدر تا اولمه کمین ساغلام درلر اولرن قوتی محکم قالور و زحمتده اوزگه لر کمین دکل لر انسان کمین زحمت چکمزلر (مزمور ۷۳ آیه ۴ و ۵) بوزحمت و امتحانلر که بو سولرده تاپورسز او نشان در که الله سزی ترک ایلمیوب. اما گلوبدر تا که سزی امتحان ایلیه. آیا احسانلر که قباچه اوندن تاپوبسز خاطرریزه گتوررسز یا خیر؟ اوز زحمتلرنده اونن قوتی اینن دیریلیق ایلرسز یا خیر؟

پس یوخوده گوردم که مسیحی بر مدت فکره دوشوب و امیدوار گنه بو سوزلرینه آرتروب دیر ایدی خاطر جمع اول عیسی مسیح سزه شفا باغشلار. او

ساعت مسیحی اوجا سس اینن فریاد ایلیوب دیدی اونی گنه گوررم. او منه  
دیر بر وقت که سولردن گچرسز من سزن اینن و آرام. چونکه نهزلردن گچرسز  
سزی بوغمیه جاقلر (اشعیا باب ۴۳ آیه ۲) و او وقتده هر ایکی سی جرئت لو  
اولدیلر و اوندن صوره نهردن گچنه کمین دشمن داش کمین خاموش قالدی.  
بو وقتده مسیحی آیاقلرنندن اوتری بر یری تاپدی و نهرون قالانی بو جهتہ آز  
سویی وارایدی بو طور اینن گچدیلر.

## THE CELESTIAL CITY

او وقت حاجیلر او ایکی نورانی آدمی بو طرفده که کنار نهرده دورمش و حاجیلرن نگرانی ایدیلر گوردیلر. بر وقت که سودن اشیکه گلدیله اولره سلام ویروب دیدیلر بز خادم ارواح واروق اولرن قوللقوندن اوتری که نجاتی ارث تاپاجاقلر گلمشوق. بو طور اینن دروازه طرفنه گتدیله.

ایندی گرک سز باخاسز که شهر بیوک تلن اوستنده واقع در. اما حاجیلر اونن اوستنده آسانلق اینن گتدیله. زیراکه او ایکی آدم اولرن قولونی توتوب اولری آپاردیلر و گنه اوز کهنه لباسلارینی نهرده قویدیلر. زیراکه اولر اینن چایه داخل اولدیله و اولرسز اونن اشیکه گلدیله. لهذا بو یرده زیرکلق اینن چوخ تز اوجایه گدرایدیلر بونن بیله که بو بنا که شهر بناسی اونن اولمش ایدی بلوطلردن اوجا ایدی. لهذا هوانن اوستنده شیرین و خوش صحبت اینن گدر ایدیلر اونن اوتری که نهردن سلامتلق اینن گچدیلر جلالی رفیقلردن اوتری که اوز یانلارنده وارلری ایدی تسلی تاپارایدیلر.

صحبتی که نورانی آدملر اینن وارلری ایدی او مکانون جلالندن اوتری ایدی. اولر دیدیلر اونن گوکچکلقى و جلالی کلامدن اوزاق در. دیدیلو صهیون داغی و گوکن اورشلیمی و فرشتهلرن فوجی سائسز و راستلرون روحی که کامل اولوب درلر (عبرانیله باب ۱۲ آیه ۲۲ - ۲۴) او یرده واردلر و گنه دیدیلر ایندی اللهن بهشته گدرسز که او یرده حیات آعاجنی گوره جاق سز و اونن میوه سندن که هرگز فانی اولمز ییه جاق سز. بر وقت که او یره یتشدوز آق لباسلر سزه ویره جاق لر و هرگون یعنی هامی گونلر پادشاه اینن بیله دولانوب صحبت ایلیه جاق سز (مکاشفات باب ۲ آیه ۷ گنه باب ۳ آیه ۴ گنه باب ۲۲ آیه ۵) و بو یرده بیله شیلر که دنیاچه گوروبسز غم و ناخوشلق و زحمت و اولوم گنه گورمیه جاق سز. زیراکه اولکی شیلر گچوبدر (اشعیا باب ۵۷ آیه ۱ و ۲ گنه باب ۶۵ آیه ۱۷) ایندی ابراهیم و اسحق و یعقوب و پیغمبرلرن طرفنه

گذرسز که اولر آدملردرلر که الله اولری گلن بلادن ساخلیوبدر و اولردن هر  
 بریسی دوزلق اینز رفتار ایلیوب. ایندی اوز مقاملرنده راحت درلر. پس حاجیلر  
 سورشدیلر او مقدس یرده نه گرک ایلیاق؟ جواب ویردیلر اوز زحمتلرزدن  
 اوتری گرک تسلی تاپاسز. غم و غصه عوضنه شادلق اله گتوره سز و او که  
 اکوبسز یعنی هامی دعالر و گوز یاشلری و بو یولون و پادشاهن خاطرینه  
 زحمتلره که متحمل اولدوز گرک اولرن ثمرینی بیچه سز و او یرده گرک قزل  
 تاجلر اوز باشویزه قویاسز و او یرده او مقدس شخصی گورماقدن همیشه شاد  
 اولاجاق سز. زیراکه اونی ایله که وارد او یرده گوره جاق سز (اول یوحنا باب  
 ۳ آیه ۲) او یرده او آدمه که سزن میلوز بو دنیاده اونه قوللق ایلماقده ایدی اما  
 او قوللق سزن بدنیزن ضعفندن اوتری چوخ چتین ایدی او یرده همیشه حمد  
 این و ذکر ایلماق سسی این قوللق ایلیه جاق سز و او یرده سزن گوزلرز  
 مقدس آدمی گورماقدن و سزن قولقلرز اون خوش سسنی اشیتماقدن شاد  
 اولاجاق و اوز دوستلرز این که ایره لوجه او یره داخل اولدیلر رفیق  
 اولاجاق سز و گنه آدملردن هر برینی که سزدن صوره او مقدس یره گله لر  
 خوشحاللق این قبول ایلیه جاق سز و او یرده شوکت و جلال لباسی این  
 لباسلانه جاق سز و بر کالسکیه که جلالی پادشاهه لایق در سوار اولاجاق سز و  
 بر وقت که او شیپوری چکماقه بلوطلرده یلن قنادلری کمین گلورسز اون  
 یانجه گله جاق سز. چونکه دیوان تختنده اوتوررسز اون این اوتوره جاق سز.  
 چونکه انساندن و یا فرشته دن هامی شرارت ایلیانلره او حکم بیوره جاق. سز او  
 حکم ده گنه شریک اولاجاق سز. زیراکه اون دشمن لری و سزن دشمن لریز  
 اولوبدیلر و گنه بر وقت که او شهره قایدورسز اون یانجه شیپورن چکماقی  
 این گله جاق سز و همیشه اون این اولاجاق سز (اول تسالونیکلوره باب ۴ آیه  
 ۱۳ - ۱۷ یهودا آیه ۱۳ - ۱۵ دانیال باب ۷ آیه ۹ - ۱۰ اول قورنطوسلوره  
 باب ۶ آیه ۲ - ۳)

او وقتده که شهرن دروازه‌سنة صهیون طرفنه گدر ایدیلر بر جمعیت گوکن لشکرلرندن اولرن پیشوازینه گلدیلر. او ایکی نورانی آدم اولره دیدیلر که بولر آدملردرلر که بزم اللهمزی دوست توتوبدیلر و هامی سنی اونن مقدس آدی‌ن خاطرینه ترک ایلیوبدیلر و الله بزی اولری گتورماقدن اوتری گوندروبدر و بز اولری اوز یخشی سفرلرندن بو یره گتورمشوق تا او که شهره داخل اولوب اوز قورتاریجی لری‌نن یوزینه شادلق اینن باخالر. پس او گوکن قوشونلری بیوک سس اینن دیدیلر خوشا اولرن حالینه که قوزی‌نن توینه چاقریلمش اولوبلر (مکاشفات باب ۱۹ آیه ۹) بو وقتده پادشاهدن بعضی شیپورچیلر پیشوازدن اوتری اشیکه گلدیلر و اولر ایشق ویرن آق لباسلر اینن لباسلانمش ایدیلر. اولرن خوش اوجا سسلرندن گوکلر سس ویررایدیلر. بو شیپورچیلر مسیحی و رفیقنه سلام ویردیلر که اون مین مرتبه دنیادن خوش گلدوز و بو سلامی یخشی سس اینن و شیپور چکماق اینن ادا ایلدیلر. بو سلامدن صوره اولری یرلرینه گتوروب هر طرفدن آرایه آلوب بعض قباقدن و بعض دالودن و بعض ساق و بعض سل طرفلرینه گلور ایدیلر (که دیه‌سن اولری اوجا هواده گوزلرلر) نه قدر که گدرایدیلر خوش سسلراینن و اوجا آوازلر اینن شیپور چکر ایدیلر و اولرن نظرینه بیله گلورایدی که گوک اوزی اولرن پیشوازینه اشاقه گلور. لهذا بو طور اینن برابر گتدیلر و گاه گاه بو شیپورچیلر شادلق و موزیک سسی اینن و اشاره اینن مسیحی‌یه و اونن قرداشنه آشکار اولور ایدیلر که نه قدر اولرن رفاقتنه شاد درلر و نه قدر خوشلق اینن اولرن پیشوازدن اوتری اشیکه گلدیلر و حاجیلره بیله معلوم ایدی که گویا ایندی گوکده‌درلر اوندن قباق که او یره یتشه‌لر. زیراکه فرشته‌لری گورماقدن و اولرن خوش سسلرینی اشتماقدن شادلقه غرق ایدیلر و بو یردن گنه شهرن اوزینی گوررایدیلر و نظره بیله یتشور ایدی که شهرن هامی زنگلری اولرن مرحباسندن اوتری سسه گلدی. اما هامی دن اوجا بو ایدی یعنی شادلق خیالی که وارلری ایدی اولرن اوتورماقی‌نن باره‌سندنه که بیله رفیقلر اینن همیشه اولاجاق‌درلر. ای هانسی دل و هانسی قلم ایلیه بیلر اولرن شادلق و جلالینی بیان ایلیه؟

بو طور این دروازه یه یثدییلر و ایندی گوردیلر که دروازه‌نن یوخاریسندنه قزیل  
خط اینن یازلمش ایدی:

خوشا او کیمسه‌لرنن حالنه که اونن احکامنی عمله گتورلر تا که حیات  
آغاجی اوستنه حقلری اولسون و دروازه‌لردن شهره گیرسونلر (مکاشفات باب  
۲۲ آیه ۱۴)

پس یوخوده گوردم که او ایکی نورانی آدم اولره دیدیلر که قاپویه یتشوب سس  
ایلون و اونن یرینه گتوردیلر. دروازه یوخاریسندن بعض آدملر یعنی اخنوخ و  
موسی و ایلیاه و غیره باخوب و اولره دیلمش اولدی که بو حاجیلر محبتدن  
اوتری که بو یرن پادشاهنی قبول ایلدیلر هلاکت شهرندن گلدیلر و اوندن  
صوره حاجیلر هر بریسی اوز تذکره‌سینی که سفرون اولنده آلمشدیلر ویردیلر.  
لهذا او تذکره‌لری پادشاه قباقره آپاردیلر و او اولری اوخویوب بیوردی که او  
ایکی آدم هاراده‌در؟ جواب ویردیلر که دروازه‌نن اشیکنده دوروبدیلر. پس  
پادشاه بیوردی که دروازه‌نی آچون و صدقی حفظ ایلان راست قوم داخل  
اولسون (اشعیاباب ۲۶ آیه ۲)

پس یوخومده گوردم که بو ایکی آدم دروازه‌دن داخل اولدیلر و داخل اولان  
وقتده اوزگه قسم اولدیلر. بیله لباسلر که قزل کمین پارولدار ایدی اولره  
گیندردیلر و او یرده بعض آدملر اولره تارلر و تاجلر اینن ملاقات ایلدیلر و  
اولره چالماقدن اوتری تارلر و عزت نشانندن اوتری تاجلر ویردیلر. پس  
یوخومده اشیتدم که شهرن هامی زنگلری شادلقدن اوتری سسه گلدی. پس  
اولره دیلمش اولدی:

اوز خداوندوزن شادلقینه داخل اولونز

و گنه اشتدم که او ایکی آدم اوجا سس اینن سرود اوخویوب دیر ایدیلر:

تختنده اوترانه و قوزییه ابدالاباد مجد عزت و جلال و قوت اولسون  
(مکاشفات باب ۵ آیه ۱۳)

او ساعت که دروازه‌نی حاجیلر داخل اولماقدن اوتری آچدیله اولرن دالسونجه  
باخدم و بودر شهر گون کمین پارولدار ایدی و کوچه‌لر قزلدن داش فرش  
ایدی و چوخ آدم‌لر تاج باشنده و نخله‌لر اللرینده گتوروب و قزل بربطلر که  
اولر اینن حمد اوخور ایدی‌لر کوچه‌لرده گزرایدیله.

و گنه بو یرده قناد صاحب‌لری واریدی که پیدری بربری‌نن جوانده دیرایدیله:  
مقدس مقدس مقدس در الله. اوندن صوره دروازه‌نی باغلا دیله چونکه اونی  
گوردم خواهش ایلدم که ایکاش من اولرن آراسنده اولایم. وقتی که بو  
شیلرن هامی سنی ملاحظه ایلدم جهالتی گوردم که نهرن کنارینه یتشدی. اما او  
قدر چکمدی که اوندن گیچوبدی و اونن اشکالی او ایکی حاجی‌نن یاری  
اشکالیجه یوخ ایدی. زیرا بيله اتفاق دوشدی که او وقتنده او یرده امید باطل  
آدلو عبور ویرن واریدی که بر گمیجه اینن اونه عبور ویردی. پس جهالت  
اوبری‌لر کمین که اولری گوردم تپه اوستنه گذر ایدی تا دروازه‌یه یتشه اما او  
یالقوز گذرایدی و هیچ کس اونه ملاقات ایلمدی که بر قدر خاطر جمع‌لق گنه  
اونه ویره. بر وقت که دروازه‌یه یتشدی اونن اوستنن یازوسینه باخوب اوندن  
صوره قاپونی دوکماقه مشغول اولدی و گمانی واریدی که تزلق اینن قاپونی  
آچاقلر که داخل اولایم. اما آدم‌لر که دروازه‌نن اوستندن باخار ایدیله اوندن  
سورشدیله که هارادن گلورسز و نه استرسز؟ او جواب ویردی که پادشاهن  
حضورنده یدیم و ایچدیم و او بزم کوچه‌لرمزده تعلیم ویروبدر. پس اوندن  
تذکره سنی استدیله که اونی پادشاه حضورینه آپاروب نشان ویره‌لر. پس او ال  
قوینونه آپاروب هیچ تاپمادی. پس دیدیله آیا هیچ یوخوزدر؟ او آدم اونه بر  
سوز جواب ویرمدی پس پادشاه خبر ویردیله. اما او او آدمی گورماقدن  
اوتری اشاقه گلمدی. او ایکی نفر نورانی آدمه که مسیحی و امیدواری شهره  
یترمشدیله بیوردی که اشیکه گدون و جهالتی توتوب اللرینی و آیاقلرنی

باغلیون و اوزاق ایلیون. پس اولر اونى گتوروب هوا آراسندن او قاپونن طرفنه  
که تپه‌نن آراسنده گوردم آپاردیلر و اونى اورایه سالدیلر. پس گوردم ایلکه  
هلاکت شهرندن بر یول جهنمه وار. هایبيله گوکن دروازه‌سندن گنه بر یول  
جهنمه وار.

پس اویاق اولدم و بو بر یوخو ایدی.